

## RE KA DUMELA MO MODIMONG

Jim o kile a botsa motho yo o sa dumeleng mo Modimong gore a o kile a sukasukana le mogopolo wa gore a Modimo O teng, lefa e ka nna ka metsotswana e se kae.

Yo o sa dumeleng a re, "Ka bottlalo!" mo go neng ga gakgamatsa Jim. "Dingwaga tse dintsi tse di fetileng fa go ne go tsholwa ngwana wa rona wa ntsha ke ne ka batla ke nna modumedi mo Modimong. Fa ke ne ke leba mothonyana yo monnyennyne yo o senang molato yoo mo bolawaneng jwa gagwe, fa ke ne ke lebeletse menwananyana e ntse e phuthologa le tebo ya temogo mo matlhonyaneng ao, ke ne ka ralala lobaka lwa dikgwedi tse di mmalwa fa ke neng ka batla ke dumela mo Modimong. Go leba losea loo go ne ga batla gonkgona gore ke dumele fa go na le Modimo."



### 1. SENGWE LE SENGWE SE SE TLHODILWENG SE NA LE MOTLHODI

Go dirwa ga mmele wa motho go lopa boleyong jwa modiri. Boramaranyane ba re bolelela gore boboko bo boloka bo ba bo gakologelwa diketekete tsa ditshwantsho tsa tlhaloganya, bo sekaseka bo ba bo rarabolola mathata, bo lemoga bontle, bo a itlhaloganya, bo eletsa go dira se se molemo fela mo mothong mongwe le mongwe. Metlakase e e simololang kwa bobokong e laola tiro yotlhe ya dinama tsa mebele ya rona.

Dibalamakgolo le tsone di dirisa motlakase. Mme go ne ga tsaya tlhaloganya ya motho go dira sebalamakgolo mmogo le motho go se aga le go se bolelela gore se dire eng.

Ga go gakgamatse fa mopesalema a ne a swetsa gore mmele wa motho o bolela go le go golo ka Motlhodi Yo O gakgamatsang:

**"Ke tla go ntshetsa malebogo; gonne ke dirilwe ka mo go boitshegang le ka mo go gakgamatsang: di a gakgamatsa ditiro tsa gago: mme golo mo, moyo wa me oa go itse sentle." - Pesalema 139:14.**



Ga re tlhoke go ya kgakala go bona "ditiro" tsa Modimo. Go dirwa mo go ntle segolo ga boboko jwa motho le dikarolo tse dingwe tsa mmele wa rona ke "ditiro" tsa Modimo, mme di supa modiri yo o boitseanape jo bo senang bolekanngo. Ga go pompo epe e e dirilweng ke motho e e ka tshwanang le pelo ya motho. Ga go tshwaragano epe ya dibalamakgolo e e ka lekanang le mogolaganyane wa ditshika tsa rona tse di tshwaraganyeng le monyetsane. Ga go tiro epe ya ditshwantsho tsa motshikinyego e e ka tshwanang le lenswe la motho, tsebe, le leitlho. Ga go sefetlha phefo kgotsa sethuthafatsi sa ntlo se se ka lekanang le tiro e e dirwang ke nko, makgwafo, le letlalo. Bontle jwa mmele wa motho bo supa gore mongwe o o dirile, mme Mongwe yoo ke Modimo.

Mmele wa motho ke dikarolo tse di feletseng - tsotlhe di tshwaraganye, tsotlhe di dirilwe ka bottlalo. Makgwafo le pelo, ditshika le disuma, tsotlhe di dira ditiro tse di thata. Fa o ne o ka tshwaya dipapetlana tsa madi tse some tse di farologanyeng, wa di kwala 1 go ema ka 10, o bo o di tsenya mo pateng ya gago, o di thakathakanya, o bo o di ntsha o tloga o di busetsa mo pateng ya gago ka bongwe ka bongwe, go ka kgonega go le kae gore o tla di busetsa ka go tlhomagana ga tsone? Ka molao wa

dipalo go ka dirafala gangwe fela mo didikadikeng tse di menaganyeng go di tsenya ka go tlhomagana ka tsone go tswa go 1 go ya go 10.

Jaanong akanya ka mogodu, boboko, pelo, sebete, ditshika tse di kgolo tsa madi a a phepa, ditshika tse di kgolo tsa madi a a leswe, diphilo, ditsebe, mathlo, le meno, e le dikarolo tse di golang mmogo di bo di simolola go dira ka motsotswana o le mongwe fela mo lobakeng.

Tthaloso e e lebanyeng segolo e ka nna eng kaga go dirwa ga mmele wa motho?

**"Mme Modimo wa re, 'A re direng motho mo tshwanong ya rona,' .... MME MODIMO WA TLHOLA MOTHO MO TSHWANONG YA RONA ONE TOTA, ... wa ba tlhola nona le tshadi." - Genesise 1:26, 27.**

Monna wa ntlha le mosadi wa ntlha ga ba ka ke ba tswa ba nnile teng felafela. Baebele e tlhomamisa gore Modimo O re dirile mo tshwanong ya One. O ne A akanya ka rona mme A dira gore re nne teng.

## 2. SENGWE LE SENGWE SE SE DIRILWENG SE NA LE MODIRI

Mme bosupi kaga Modimo ga bo a ikaega fela ka go dirwa ga mebele ya rona; bo aname le magodimo. Tswa mo diponeng tsa motse o mogolo, o bo o leba kwa godimo kwa loaping la bosigo. Leru le le bonalang ka kwa morago le re le bitsang Mola wa Godimo tota ke kokoano ya dinaledi tse di didikadike le matsatsi a a tshwanang letsatsi la rona. Tota fela, letsatsi la rona le mafatshe a a leng dikologang ke bontlhabongwe jwa Mola wa Godimo. Mme Mola wa Godimo wa rona ke nngwe ya dikokoano tse di didikadike tsa dinaledi, matsatsi, le mafatshe tse re di bonang ka di bonela-kgakala mo lefatshing le ka sebonela-kgakala sa Hubble se se mo lefaufaung.

Ga go gakgamatse fa mopesalema a sweditse gore dinaledi di bua ka Modiri Yo O gakgamatsang:

**"Magodimo a bolela kgalalelo ya Modimo; phuthologo le yone e supa tiro ya diatla tsa One." - Paselema 19:1-3.**


Ke eng se re ka se swetsang ka tlhaloganyo ka go lebelela thulaganyo e e gakgamatsang le selekanyo se segolo sa lobopo?

**"E rile mo tshimologong Modimo wa tlhola legodimo le lefatshe." - Genesise 1:1.**

**"Ebile ene o ntse pele ga dilo tsotlhe, dilo tsotlhe di bile di tshwaraganye mo go Ene." - Bakolosa 1:17.**

Tlholo yotlhe e supa kaga Modimo Morulaganyi yo Mogolo le Motlhodi Yo O senang bolekanngo. Mo mafokong a a motlhoho a a reng, "Erile mo tshimologong Modimo" re bona karabo ya bosaitsiweng jwa botshelo. Go na le Modimo O O tlhodileng sengwe le sengwe.

Ditlhahoganyo tse dintsi tsa maranyane gompieno di dumela mo Modimong. Dr. Arthur Crompton, ramaranyane yo o neng a gape seetsela se segolo sa Nobel, e kile ya re a akgela ka temana, e a re: "Mo go nna, tumelo e simologa ka go lemoga gore motlhale yo mogolo o ne a lere lobopo mo bolehyone a bo a tlhola motho. Ga go thata mo go nna gore ke nne le tumelo, ka gobo go itlhahositse gore fa go nang le leano go na le botlhale jo bo boitshepo. Lobopo lo lo phuthologang lo rulagantswe sentle



lo supa boammaaruri jwa mafoko a magolo segolo a a kileng a buiwa - "E rile mo tshimologong Modimo."

Baebele ga e leke go supa kaga Modimo - e bolela boleyong jwa Gagwe. Dr. Arthur Conklin, ramaranyane yo o itsegeng wa tsa mmele, o kile a kwala jaana: "Gore botshelo bo ka tswa bo tlie ka kotsi go ka tshwantshiwa le gore lokwalo lo lo tlhalosang mafoko lo ka tswa lo dirilwe ke go thunya mo tlung ya kgatiso."

Re itse gore batho ga ba ka ke ba dira sengwe ba sa dirise sepe. Re ka aga dilo, ra thama dilo, ra kopanya dilo, mme ga re ise re ke re lere sepe mo botshelong ka go se simolola, lefa e ka ne e le sengwagwane kgotsa sethunya. Dilo tse di re dikanyeditseng di bolela gore Modimo O rulagantse, Modimo O tlhodile, Modimo O A tshegetsa. Karabo e e nosi e e ka dumelwang kaga tshimologo ya lobopo, lefatshe le, le batho - Modimo.

### **3. MODIMO O TSENA MO BOTSLANONG JWA SEBELE LE BATHO**

Modimo O O dirileng magodimo a dinaledi, O O tlhodileng lobopo, O batla botsalano jwa sebele le rona. O ne A na le botsalano jwa sebele le Moshe: "Mme Jehofa o na a tle a bue le Moshe .... jaaka motho a tle a bue le tsala ya gagwe" (Ekesodo 33:11).

Mme Modimo O batla go tsena mo botsalanong jwa sebele le wena mme A nna Tsala ya gago. Jesu O ne A soloftsa ba ba neng ba Mo sala morago: "Lo ditsala tsa me" (Johane 15:14).

Rotlhe re kile ra sukasukana le mogopolo kaga Modimo, e seng jalo batho botlhe ba na le tshekamelo ya tumelo. Ga go na phologolo epe e e tleng e tlhome sebeso sa kobamelo. Mme gongwe le gonwe kwa o fitlhelang banna le basadi teng, o ba fitlhela ba obama. Mo teng ga pelo nngwe le nngwe ya motho go na le keletso ya tlholego ya go obama, temogo kaga Modimo, keletso ya go nna tsala ya Modimo, Fa re tsibogela tlhologelego ya rona ya go batla Modimo, ga go tlhole go na le pelaelo epe kaga boleyong jwa Gagwe le letlhoko la rona.

Mo dingwageng tsa bo 1990 didikadike tsa batho ba ba sa dumeleng mo Modimong kwa Russia di ne tsa lathha mogopolo wa gore ga go na Modimo mme tsa tla kwa Modimong. Motlhahlheledi mongwe wa university kwa St. Petersburg o ne a bua mafoko a a tshwanang le dikakgelo tse di neng tsa dirwa ke ba le bantsi ba ba sa dumeleng mo Modimong ba ba neng ba sokologile kwa Soviet Union wa pele: "Ke hukuditse tlhaloso ya botshelo mo tshekatshekong ya maranyane, mme ka se ka ka bona sepe se ke ka se tshephang. Boramaranyane ba ba ntikanyeditseng le bone ba na le maikutlo ao a gore sengwe se a tlhaela. E ne ya re fa ke leba boatlhamo jwa lobopo mo dithutong tsa me tsa dinaledi, le bosenangsepe jwa moyo wa me, ka lemoga fa go tshwanetse go bo go na le tlhaloso nngwe. Go tswa foo, fa ke ne ke amogela Baebele e o neng wa e mpha ka bo ke simolola go e bala, phatlha e e neng e sena sepe mo botshelong jwa me e ne ya tladiwa. Ke lemogile fa Baebele e le yone yosi motswedi wa tshepho mo moyeng wa me. Ke amogetse Jesu jaaka Mmoloki wa me mme ke bonye kagiso ya boammaaruri le kgotsofalo mo botshelong."

Mokeresete o dumela mo Modimong ka gobo ga a ise a ke a kopane le Modimo mme a lemoga fa A kgotsofatsa ditlhoko tse di bonteng tsa pelo. Modimo O Bakeresete ka boitumelo ba lemogileng fa O le teng, O re naya tebo e ntsha, tlhaloso e ntsha, maikaelelo a masha le ditirotsese tse disha.

Modimo ga A soloftse botshelo jo bo senang mathata le pitlagano, mme O re tlhomamisetsa gore O tla re kaela A bo A re tshegetsa fa re ka tsena mo botsalanong jwa sebele le Ene. Mme didikadike tsa Bakeresete di tla supa fa di ka tlogela sengwe le sengwe go na le go boela kwa botshelong jo bo senang Modimo.

E ke kgakgamatso e kgolo go feta tsotlhe - gore Modimo Mothatayotlhe Yo O neng A rulaganya, A tlhola, le go tshegetsa lobopo gape O batla botsalano jwa sebele le monna le mosadi mongwe le mongwe, mosimane le mosetsana mongwe le mongwe. Dafide o ne a gakgamaletse selo se, fa a tla kwala a re:



**"E a re fa ke akanya magodimo a gago, tiro ya menwana ya gago, kgwedi le dinaledi tse o di baakantseng; kana motho e be e le eng, fa e bo nene o mo lekola?" - Dipesalema 8:3, 4.**

Motlhodi wa rona o "lekola" mongwe le mongwe wa rona. O go kgatlhegela jaaka ekete ke wena fela motho yo A mo tlhodileng.

Ka jalo re ka dumela mo Modimong:

1) Ka ntlha ya go dirwa mo go gakgamatsang ga sengwe le sengwe se se re dikanyeditseng se se tlhodilweng. 2) Ka ntlha ya tlhologelelo ya Modimo e e mo teng ga rona e e re tlhogelang re sa iketla go fitlhela re bona boitapoloso jwa rona mo go Ene. Le 3) Ka gobo fa re Mmatha re bo re Mmona, Modimo O kgotsofatsa ditlhoko tsotlhe le ditlhologelelo tsa rona - ka bottlalo!

#### **4. KE MODIMO WA MOFUTA OFE?**

Go naya tlhaloganyo fela gore ke Modimo wa motho ka sebele fela O O neng O ka rata go mo thusa go itshenola mo dibopiweng tse A di tlhodileng fela jaaka rre a eletsa gore bana ba gagwe ba mo itse. Mme mo Baebeleng Modimo O re bolelela gore ke Ene mang ebile O ntse jang.

Modimo O ne A dirisa sekao sefe mo go tlholeng banna le basadi?

**"Mme Modimo wa tlhola motho mo tshwanong ya One tota, wa mo tlhola mo tshwanong ya Modimo." - Genesise 1:27.**

Ka re dirilwe mo tshwanong ya Modimo, bokgoni jwa rona jwa go tlhatlhanya le go ikutlwa, go gakologelwa le go solo fela, go akanya le go sekaseka - tsotlhe di tswa mo go Ene.

Ke efe pepego ya Modimo e e leng teng ka letlotlo?

**"Modimo O lorato." - 1 Johane 4:8.**

Modimo O tsalana le batho ka ntlha ya pelo ya Gagwe ya lorato. Ga go na sepe se A se dirileng kgotsa se A tla se dirang se se sa rotloediwang ke lorato lo lo intshang setlhabelo.

#### **5. KAFA JESU A SUPANG KA TENG GORE MODIMO O NTSE JANG**

Mo Baebeleng Modimo O ipolela gantsi fa A le Rara.

**"A rra wa rona rotlhe ga a mongwe fela? A Modimo O le mongwe fela ga oa re tlhola?" - Malaki 2:10.**

Dingwe tsa ditshwantsho tsa borre ga se sepe se se eletsegang. Go na le borre ba ba tlhokomologang, ba ba tshwaro e bosutlha. Modimo ga A nna jalo. Ke rre yo o tsibogang yo o amegang. Ke Rre wa mofuta o o ratang go tshameka le morwawe kgotsa morwadie, Rre yo o kgatlhang bana ba gagwe ka go ba balela dipolelo fa ba robala.

Rraetsho yo o lorato O ne A batla go dira go feta go itshupa ka lefoko la Dikwalo. O ne A itse gore motho yo re tshelang le ene o boammaaruri mo go rona go feta mongwe yo re mo ntlwalelang fela kgotsa re bala kaga gagwe mo lokwalong. Ke gone mo A neng A tla mo lefatshing la rona - motho yo E leng Jesu.

**"Ene Yo O leng setshwano sa Modimo o o sa bonweng." -  
Bakolosa 1:15.**

Go raya gore fa o bonye Jesu, O bonye Modimo. O ne A tla A lekana le rona - A nna jaaka rona - gore a kgone go re ruta kafa re ka tshelang ka teng ra itumela. Jesu ke Modimo sebele. Jesu ke Modimo A senotswe. Ene ka sebele O buile, jaana:"Yo o Mponeyeng O bonye Rara" (1 Johane 14:9).

Fa o bala polelo ya ga Jesu mo Dikwalong tsa ntlha tse nne tsa Kgolagano e Ntsha, o tla lemoga setshwano se se gakgamatsang sa ga Rara wa legodimo Batshwari ba ditlhapi ba ne ba tlogela matloa gore ba sale Keresete morago, le bana ba bannyne ba ne ba tabogela go ya go amogela masego. O ne A gomotsa moleofi yo o maswe e bile A tlosa bopelotshetlha mo moitimokanying. Mo ditirong tsa Gagwe tsotlhe, Jesu O ne A supa gore Modimo O lorato! O ne A kgotsofatsa dithhoko tsa setho ka tsela e e neng e ise e ko e nne teng pele ga Gagwe - lefa e le morago ga Gagwe!

Tshenolo ya bofelo ya kgalalelo ya gore Modimo O ntse jang e ne ya supiwa kwa mokgorong.

**"Gonne Modimo O ratile lefatshe mo go kalo kalo, wa ntsha Morwa One Yo o tsetsweng a le Esi,  
gore lefa e le mang yo o dumelang mo go Ene a se ka a nyelela, mme a bone botshelo jo bo sa  
khutleng." - Johane 3:16.**

Jesu O ne A sa swela go re fa botshelo jwa boitumelo fela gompieno, mme gape O ne A swela go re fa botshelo jo bo sa khutleng. Ka dingwaga tse dintsi batho ba ne ba gakgamala, ba solo fela, ba bo ba lora kaga Modimo. Ba ne ba bona tiro ya diatla tsa Gagwe mo loaping le mo bontleng jwa tlholego. Mme kwa mokgorong, Jesu O ne A fedisa tuulalo ya methha, mme batho botlhe ba iphitlhela ba lebile mo sefatlhogong sa Modimo, ba Mmona jaaka A ntse - lorato, lo lo sa khutleng, lo lo sa bonweng ebile lo lo sa boleng!

O ka itemogela Modimo fela jaanong jaaka Jesu A Mo senola. Itemogelo eo e tla go thusa go itirela tlhomamiso: "Rara, ke a go rata!"



## RE KA DUMELA MO BAEBELENG

Bathasedi ba ba itsegeng thata ba ba neng ba nwedisa sekepe sa Britain sa Bounty ba ne ba felela ba thibelela le basadi ba segabone mo setlhaketlhakeng se se bodutu sa Pitcairn kwa borwa jwa Pacific. Setlhophya se se ne se na le bafetlha sekepe ba Britain ba fera bongwe, banna ba Tahiti ba le barataro le mosetsana wa dingwaga tse di lesome le botlhano. Mongwe wa bafetlha sekepe o ne a lemoga tsela ya go tlhotlha tagi mo bojalweng, mme kgaolo ya setlhaketlhake ya tloga ya leswefadiwa ke botagwe. Go lwa ga banna le basadi ga golela godimo.



Morago ga lobaka ga sala monna a le mongwe fela mo go ba ba neng ba gorogile kwa setlhaketlhakeng. Mme monna yo, Alexander Smith, o ne a bona Baebele mo go nngwe ya dikesi tse di neng di dule mo sekepeng. O ne a simolola go e bala le go ruta ba bangwe se e neng e se bolela. E ne ya re a ntse a dira jalo botshelo jwa gagwe jwa fetoga, kgabagare ga fetoga matshelo a bottle mo setlhaketlhakeng.

Banni ba setlhaketlhake ba ne ba le kgakala thata le batho ba bangwe go fitlhela go tla sekepe sa United States sa Topaz ka 1808. Bapagami ba sone ba ne ba fitlhela setlhaketlhake se le motse o o atlegileng o o senang bojalwa, kgolegelo, le borukutlhi. Baebele e ne e fetotse setlhaketlhake go tswa mo go nneng bobipo mo lefatshing mo nna sekao sa se Modimo O batlang lefatshe le nna sone. Mme se santse se ntse jalo le gompieno.

A Modimo O santse A bua le batho ke mekwalo ya Baebele? E le ruri go ntse jalo. Jaaka fa ke kwala janna, ke lebeletse lephephe le re le romeletsweng ke mothuti mongwe wa dithuto tsa rona e le la dikarabo. Tshetlanyana ya ela tlhoko kwa tlase ya re, "Ke mo kgolegelong, ke emetse go bolawa, ke atholetswe borukutlhi. Pele ga ke tsaya dithuto tse, ke ne ke latlhegile, mme jaanong ke na le sengwe se ke se lebeletseng, ebole ke bonye moratwa yo mosha."

Baebele e na le nonofe e e ka fetolang matshelo a batho e le ruri. Fa batho ba tlhoafala ba simolola go ithuta Baebele, matshelo a fetoga go le golo.

### 1. MODIMO O BUA JANG LE RONA KA BAEBELE

Morago ga go tlhola Adamo le Efa, monna le mosadi wa ntlha mo lefatshing, Modimo O ne A bua le bone difatlhogo di lebanye. Mme e rile fa Modimo A tlile go ba etela ba sena go leofa, bobedi jo bo ne jwa dira eng?

**"Monna le mosadi wa gagwe ba ne ba utlwa mokgwasa wa ga  
JEHOFA Modimo fa A ne A tsamaya mo tshimong mo  
botsididing jwa letsatsi mme BA IPHITLHELA JEHOFA MODIMO  
mo ditlharing tsa tshimo." - Genesise 3:8.**

Boleo bo ne jwa kgoreletsa puisanyo le Modimo difatlhogo di lebanye.

Fa boleo bo sena go tla mo lefatshing la rona, Modimo O ne A buisanya jang le batho?



**"E le ruri Modimo O mogolo ga O dire sepe kwa ntle ga go senolela batlhanka ba One baperofeti sephiri sa One." - Amose 3:7.**


Modimo ga A re tlogela mo lefifing kaga botshelo le tlhaloso ya jone. Ka baperofeti ba Gagwe - batho ba Modimo O ba bileditseng go bua le go kwala mo boemong jwa Gagwe - O senotse dikarabo tsa dipotso tse dikgolo tsa botshelo.

## 2. KE MANG YO O KWADILENG BAEBELE?

Baperofeti ba ne ba naya molaetsa wa Modimo ka go o bolela le ka go o kwala fa ba ne ba tshedile, mme e ne ya re fa ba sena go swa, mekwalo ya bone e sale e tshela morago ga bone. Melaetsa e ya seperofeto e ne ya tsewa ya phuthwa, ka kaelo ya Modimo mo lokwalong lo re lo bitsang Baebele.

Mme tota mekwalo e e ikanyega go le kae?

**"Lo tshwanetse Iwa tlhaloganya gore ga go perofeso epe ya Dikwalo e e tlileng ka tlhaloso fela ya baperofeti. Kana perofeso ga e ise e ke e simologe mo thatong ya motho, mme batho ba ne ba bua go tswa kwa Modimong kaga ba neng ba sutisiwa ke Moya o o Boitshepo ka teng." - 1 Petere 1:20, 21.**



Bakwadi ba Baebele ba ne ba sa kwale kafa thatong ya bone kgotsa keletso ya bone, fa e se kafa Moya wa Modimo O neng O ba tlhotlheletsa ka teng. Baebele ke lokwalo Iwa Modimo tota!

Mo Baebeleng Modimo O re bolelala kaga Gagwe A bo A senola maikaelelo a Gagwe ka botshelo jwa setho. E supa kafa Modimo A lebang ka teng nako e e fetileng, e bo e bula isago, e re bolelala kafa mathata a boikepo a tla reng kgabagare a rarabololwe ka teng le kafa kagiso e tla tlang ka teng mo lefatshing la rona.

A mme Baebele yotlhe ke molaetsa wa Modimo?

**"Dikwalo tsotlhe di tlhotlheleditswe ke Modimo ebile di mosola mo thutong, go kgalema, go baakanya le go katisa mo tshiamong, gore motho wa Modimo a baakanyediwe tiro nngwe le nngwe e e molemo." - 2 Timotheo 3:16, 17.**

Baebele e e Boitshepo e ama batho segolo ka go bo Baebele "yotlhe" e "tlhotlheleditswe ke Modimo, lokwalo lo lo tlhotlheleditsweng, lokwalo Iwa Modimo ka sebele. Baperofeti ba ne ba bolela se ba neng ba se lona ba bo ba se ntlwa mo puong ya setho, mme molaetsa wa bone o ne o tswa kwa Modimong sebele. Go raya gore fa o batla go itse gore botshelo bo kaga eng, bala Dikwalo tse di Boitshepo. Go bala Baebele go tla fetola botshelo jwa gago. Fa o tswelela o e bala ka go rapela, o tla tswelela ka go nna le kagiso mo moyeng.

Moya O O tshwanang O O Boitshepo O O neng wa tlhotlheletsa baperofeti go kwala Baebele, o tla dira gore dithuto tsa Baebele, mafoko a yone a a molemo, di dire segolo mo go fetoleng botshelo jwa gago fa o laletsa Moya go nna teng fa o bala Baebele.

## 3. TSHWARAGANO YA BAEBELE

Baebele tota ke motlobo wa dikwalo tse 66. Dikwalo tsa 39 tse Kgolagano e Kgologolo di ne tsa thamiwa go tswa ka 1450 B.C. go ya go 400 B.C., tse 27 tsa Kgolagano e Ntsha fa gare ga A.D. 50 le A.D. 100.

Moperofeti Moshe o ne a simolola dikwalo tsa ntlha tse tlhano tsa Baebele golo gongwe pele ga 1400 B.C. Moaposetoloi Johane o ne a kwala lokwalo lwa bofelo lwa Baebele, Tshenolo, e ka nna ka A.D. 95. E rile mo dingwageng tse 1500 tse di fa gare ga go kwalwa ga lokwalo lwa ntlha le lwa bofelo, bakwadi ba bangwe ba ka nna 38 ba ba tlhotlheleditsweng ba nna le diabe tsa bone. Bangwe e ne e le bagwebi, bangwe e le badisa, batshwari ba ditlhapi, masole, dingaka, bareri, dikgosi - batho ba maemo otlhe mo botshelong. Ba ne ba tshela mo dingwaong le dithuto tse di farologanyeng.

Mme kgakgamatso ya mo gothe ke e: Fa dikwalo tse 66 tsa Baebele ka dikgaolo tsa tsone tse 1,189 tse di dirwang ke ditemana tse 31,173 di Ieriwe mmogo, re bona kutlwano le tshwaragano mo molaetseng o di o nayang.



A re re motho o ka kgwanyakwanya fa setswalong sa gago, mme e re fa a lalediwa go tsena, a bo a tsena a baya papetlana ya bodilo ya popo e e sa tlwaelesegang mo bodilong jwa ntlo ya gago a bo a tswa kwa ntle ga go bua sepe. Go bo go tsena baeng ba bangwe ba ba 40 ka go latelana, go fitlhela mongwe le mongwe a beile papetlana e e kwadilweng palo mo maemong a yone.

Fa wa bofelo a dule, o bona ka kgakgamatso gore go eme fa pele ga gago sehikantswe se sentle thata. O bo o utlwa gore "babopi" ba ga ba ise ba ke ba kopane gope, ba tswa kwa Amerika Borwa, China, Russia, le dikarolo tse dingwe tsa lefatshe. O ne o ka tsaya tshwetso efe? Gore mongwe o ne a baakanyetsa sehikantswe se, mme a romelela mongwe le mongwe molaetsa wa gore papetlana ya gagwe a e dire jang.

Baebele ka kakaretso e bolela molaetsa o mongwe fela o o tshwaraganyeng - fela jaaka sehikantswe se se itekanetseng sa lenseswe le lentle. Tlhaloganyo e le nngwe fela e logile maano, tlaloganyo ya Modimo. Tshwaragano e e gakgamatsang ya Dikwalo e naya bosupi jwa gore lefa etswa batho ba kwadile megopolio e, ba ne ba tlhotlhelediwa ke Modimo.

#### 4. O KA IKANYA BAEBELE

(1) Go babalesega ga Baebele go a gakgamatsa. Mekwalo yotlhe ya pele ya Baebele e ne e kopololwa ka seatla - e le pele ga go nna le mechine ya kgatiso. Bakwadi ba ne ba kopolola mo mekwalang ya pele mme ba e anamisa. Diketekete tsa mekwalo e, kgotsa dikarolo tsa tsone di santse di le teng.

Mekwalo ya Sehebera ya Kgolagano e Kgologolo e e tswang kwa dingwageng tse di bo 160 go ya kwa go 200 pele ga ga Keresete e ne ya bonwa kwa Dead Sea ka 1947. Go a gakgamatsa gore mekwalo e e dingwaga di fetang 2000 e e na le boammaaruri fela jaaka re bo bona mo Kgolaganong e Kgologolo ya Dibaebale tse di gatisiwang gompieno. Jo ke boammaaruri jo bo nonofileng jwa kafa Lefoko la Modimo le leng boikanyego ka teng.

Baapostoloi ba ne ba simolola ka go kwala bontsi jwa Kgolagano e Ntsha e le dikwalo tse ba neng ba di romela kwa diputhegong tsa Sekeresete tse di neng tsa tlhongwa morago ga loso le tsogo ya ga Keresete. Mekwalo e ka nna 4,500 ya Kgolagano e Ntsha kgotsa karolo ya yone e supilwe mo matlong a ditso a magolo le metlobo ya dibuka kwa Europa le Amerika. Mengwe ya yone e tswa kwa dingwageng tsa bolekgo le bobedi morago ga go tsalwa go Morena. Ka go tshwantsha mekwalo e ya bogologolo le Baebele ya gompieno, re ka bona sentle gore Kgolagano e Ntsha e ntse e sa fetolwa mo go kalo fa e sale ka e ne e kwadilwe la ntlha.



Gompieno Baebele kgotsa dikarolo tsa yone e ranoletswe mo dipuong tse 2060 le diteme. Ke lokwalo lo lo nosi lo lo rekisiwang go feta tse dingwe mo lefatshing: Dibaebele tse di fetang didikadike tse 150 le dikarolo tsa Baebele di rekisiwa ngwaga le ngwaga.



(2) Go nepafala ga Baebele go a gakgamatsa. Dingwe tse di bonyweng ka go epololwa di tlhomamisitse bonnete jwa Baebele. Baithuti ba ditso ba bonye dipapetlana tsa mantswe tse di nang le maina, mafelo, le ditirafalo tse pele di neng di itsewe fela mo Baebeleng.

Sekai, go ya ka Genesise 11:31, Aberahame le ba ntlo ya gagwe "ba ne ba tswa kwa Ura wa Bakaladea go ya kwa (lefatshing la) Kanana." Ka go bo Baebele e le yone fela e buang ka Ura, baithuti bangwe ba ne ba bolela gore ga go ise go ke go nne le motse wa mokgwa oo. Baepi ba ba tlhotlhomi sang ditso ba tloga ba epolola tora ya tempele kwa borwa jwa Iraq e na le mokwalo mongwe kwa tlase wa cuneiform o neng o na le leina le la Ura. Tse di bonyweng morago di ne tsa supa Ura e le motse o neng o le mogolo o tsweletse sentle mo tlhabologong. Motse oo o ne o lebetswe, Baebele e le yone fela e bolokileng leina la one - go fitlhela kepu ya baepi e tlhomamisa boammaaruri jwa boleyong jwa one. Mme Ura e ne e le sengwe sa dikai tse

dintsi tsa dikepo tse dineng di tlhomamisa boaammaaruri jwa Baebele.


(3) Go rurifadiwa mo go nepafetseng ga Baebele mo dipolelopeleng tsa yone go supa fa o ka ikanya Baebele. Dikwalo di na le dipolelopele tse dintsi tse di gakgamatsang tsa ditirafalo tsa isago tse jaanong di rurifadiwang fa pele ga rona. Re sekaseka dingwe tsa dipolelopele tse mo dithutong tse di tlang.

## 5. KAFA BAEBELE E KA TLHALOGANNGWANG KA TENG

Fa o hukutsa Lefoko la Moidmo, o boloke melwana e mo tlhaloganyong

(1) Ithute Baebele ka pelo ya thapelo. Fa o tla mo Dikwalong ka pelo le tlhaloganyo e butsweng ke thapelo, e nna kopano ya sebele le Jesu (Johane 16:13-14).

(2) Bala Baebele malatsi otlhe. Go ithuta Baebele malatsi otlhe ke sekopololo sa nonofo mo matshelong a rona, go kopana le tlhaloganyo ya Modimo (Baroma 1:16).



(3) Fa o bala Baebele, e letle gore e ipuelele. Botsa: mokwadi wa Baebele gore o ne a ikaeleta go reng? Ka go tshwara se temana e se rayang re ka e dirisa ka bothale mo matshelong a rona gompieno.

(4) Ithute Baebele go ya ka thuto e rileng. Tshwantsha temana le temana. Jesu O ne A dirisa mothale o go supa fa A le Mesia:

**"Mme go tswa kwa go Moshe le Baperofeti bothhe, o ne a ba tlhalosetsa se se builweng mo Dikwalong tsotlhe kaga Gagwe."** - Luke 24:27.

Ka go kopanya solthe se Baebele e se buang ka kgang nngwe re tlhaloganya botoka.

(5) Ithute Baebele go amogela nonofo ya go tshelela Keresete. Lefoko la Modimo le tlhalosiwa mo go Bahebera 4:12 e le tshaka e bogale, e ntlha pedi. Le feta mafofo fela a a kwadilweng mo lephepheng, ke sebetsa se se tshedileng mo diatleng tsa rona go tlhabantsha thaelesego ya go leofa.

(6) Reetsa Modimo fa A bua le wena ka Lefoko la Gagwe. Fa motho a tshwanelwa ke go itse boammaaruri jwa Baebele kaga thuto nngwe, o tshwanetse go itelta go tshela kafa e rutlang ka teng (Johane 7:17), e seng se motho mongwe o se akanyang, kgotsa se se gatelelwang ke thuto nngwe ya phuthego.

## 6. BAEBELE E KA FETOLA BOTSHELO JA GAGO

**"Go phuthologa ga mafoko (a Modimo) go naya lesedi: go naya tlhaloganyo mo go ba ba dieleele."**  
**- Paselema 119:130.**

Go ithuta Baebele go tla nonotsha go "tlhaloganya" ga gago, go go naya nonofo ya go fenza mekgwa e e senyang, go bo go go thusa go gola mmele. tlhaloganyo, boitshwaro, le semoya.

Baebele e bua le pelo. E dirana le maitemogelo a setho - matsalo, lorato, nyalo, botsadi, le loso. E fodisa ntho e e boteng segolo mo popegong ya setho, boleo le maswabi a a tswang mo go jone.



Lefoko la Modimo ga se lokwalo lwa tshaba nngwe, paka nngwe, morafe mongwe, kgotsa ngwao nngwe. Lefa le kwadilwe kwa Botlhabatsatsi, le ikuela mo banneng le basadi ba kwa Bophirima. Le tsena mo magaeng a bahumanegi le mo manobonobong a bahumi. Bana ba rata dipolelo tsa lone tse di kgatlhang. Bagaka ba lone ba tlhotlheletsa banana. Balwetse, ba ba mo bodutung, le bagodi ba le lemoga mo nametsong le tsholofelo ya botshelo jo bo botoka.

Ka gobo Modimo A dira ka Baebele, e na le nonofo e kgolo. E thuba le dipelo tse di thatafaditsweng go tswalela maikutlo otlhe a setho, e di nolofatsa e bo e di tlatsa ka lorato. Re bonye

Baebele e fetola serorobi le mogogi wa ditagi go nna moreri yo o kgothetseng. Re bonye Baebele e fetola moaki le motsietsi go nna morutintshi yo o thokgameng yo o boammaaruri. Gape re bonye lokwalo lo lo swapola batho mo kgoleng ba re ba a ipolaya e bo e ba naya tshimologo e ntsha ya tsholofelo. Baebele e tsosa lorato fa gare ga baba. E dira gore baikgogomosi ba nne bonolo le ba ba dipelotshetlha ba tswe lebogo le le abang. Baebele e re nonotsha mo bokoeng, e re kgothatsa re kgobegile marapo, e re gomotsa mo kutlobotlhokong, e re kaela mo ketsaetsegong, e re nametsa fa re lapile. E re supegetsa kafa re ka tshelang ka teng ka bopelo - kgale le go swa kwa ntle ga poifo.

Lokwalo lwa Modimo, Baebele, e ka fetola botshelo jwa gago! O tla lemoga se thata fa o ntse o ithuta dikaelo tsa TLHOTLHOMISA.

Ke eng fa re ne ra kwalelwang Baebele? Jesu O arabu jaana:

**"Mme one (maammaaruri a Baebele a kwaletswe gore lo dumele fa Jesu A le Keresete, Morwa Modimo; le gore ka go dumela lo nne le botshelo mo leineng la Gagwe."** - Johane 20:31.

Lebaka le legolo la gore re tlwaele Dikwalo tse di Boitshepo ke gore di tletse ditshwantsho tse di supang Jesu Keresete di bo di re tlhomamisetsa botshelo jo bo sa khutleng. Ka go leba Keresete mo Baebeleng yotlh, re fetolwa re bo re tshwana le Ene. Mme ke eng o se ka ke wa simolola gone jaanong go itemogela nonofo ya Lefoko la Modimo e e tla go dirang gore o tshwane le Jesu?

## A TOTA MODIMO O A TLHOKOMELA KA BOTSHELO JWA ME?



Mo malatsing mangwe go le moso, lefatshe le lebega jaaka Paradise. O tsoga maphakela, o bo o hema phefo e e monate o bo o leba marang a letsatsi a phatshima mo ditlhareng. Dinako tse dingwe di dira gore botshelo bo lebege bo le bontle: sefatlhogo sa tsala e e rategang fa le laelana, moopelo o o monate o o tsamaelanang le maikutlo a gago, lorato lo lo sa solo felwang la ngwana yo o monnye.

Mo matsing mengwe golemoso, lefatshe le lebega jaaka lefelo la mathoko. O tsogela go fitlhela dipampiri tsa dikgang di bua ka phatlakanyo e e dirilweng ke dibetsa tsa ditsuolodi e e bolaileng kgotsa ya dira ngwana sefolu kana semumu; di bua ka mmolai yo o bolayang ka tsela e e tshwanang a bolaile motho wa bolesome; di bua ka tlala, merwalela, ntwa kana tshikinyego ya lefatshe. Tse ke tsone dinako tse sepe se sa siamang ka tsone.

Tse tsotlhe di raya eng? A re bona botlhale bope mo lefatsheng la rona le le molemo e bile le le bosula? Ke eng re le fa? A tota Modimo o a tlhokomela ka botshelo jwa me kana ke tshipi fela e e senang mosola mo sedirisweng se se tona?

### 1. MODIMO O TLHODILE LEFATSHE LE LE THOKGAMENG



Modimo ke Motlhodi, moagi le modiri wa sengwe le sengwe, go tswa mo dilong tse di tona thata go ya kwa diphukeng tsa dirurubele.

**"Magodimo a dirilwe ka lefoko la ga Jehofa; le lesomosomo lotlhe le le mo go one ka Moya wa molomo wa Gagwe. Go nne o ne a bua, mme ga dirala; a iaola, mme ga ema ka tlhomamo."** - Dipesalema 33:6, 9.

Modimo o tshwanelwa ke go bua fela, mme sengwe le sengwe se bo se obamela thato ya Gagwe.

### 2. MALATSI A MARATARO GO DIRA LEFATSHE

**"Gonne Jehofa o dirile legodimo le lefatshe, le lewatle, le tsotlhe tse di mo go ona, ka malatsi a le marataro, mme a ikhutsa ka letsatsi la bosupa: ke gone ka moo Jehofa o ne a segofatsa letsatsi a bosupa a le itshephisa."** - Ekesodo 20:11.

Motlhodi yo o nonofileng wa ka bosakhutleng o ka bo a dirile lefatshe ka nakwana ka "Moya wa molomo wa Gagwe." Mme Modimo o ne a itlhophela go tsaya malatsi a le marataro go dira jalo; metsatso e merataro, le fa ele metsotsvana e merataro e ka bo e lekane. Kgaolo ya ntlha ya Baebele, Genesise 1, e tlhalosa se Modimo a se tlhodileng tsatsi le letsatsi la beke ya tlholo.

Ke eng se segolo se Modimo a se tlhodileng ka letsatsi la borataro?

**"MME MODIMO WA TLHOLA MOTH MO TSHWANONG YA ONA TOTA, WA MO TLHOLA MO TSHWANONG YA MODIMO, WA BA TLHOLA NONA LE TSHADI." - Genesise 1:27.**



Modimo o ne a tsaya tshwetso ya go dira batho ba ba ka akanyang, ba utlwa, ba bo ba rata jaaka ene. Mongwe le mongwe o dirilwe mo tshwanong ya Modimo.

Ka letsatsi la borataro, lefatshe le ne le tletse ka dimela le diphologolo, mme Modimo wa bo o tlisa sebopiwa se segolo mo go tsone tsotlhe. Go ya ka Genesise 2:7, Mogodimodimo o bopile mmele wa ga Adamo ka lorole lwa mmu. Ka jalo e rile fa Modimo "a budulela moya wa botshelo mo dinkong tsa gagwe mme motho a direga moya o o tshedileng" - se se raya gore o ne a tshela. Modimo o ne a bitsa monna wa ntlha go dirwa mo tshwanong ya gagwe, Adamo, lefoko le le rayang 'monna'; mme mosadi wa ntlha a mmitsa Efa, lefoko le le rayang 'botshelo,' (Genesise 2:20; 3:20). Mmopi yo o lorato o ne a bona letlhoko la botsalano le go nna le mopati ga setho.

Fa ba sena go bopiwa, Adamo le Efa ba ne ba supa tshwano ya Modimo. Modimo o ka bo a dirile batho ba ba rulagantsweng jaaka diroboto go itsamaela fela ka kgotsofalo mo tshimong ya Edene ba bo ba tthatlosa mantswe a bone mo go mo galaletseng. Mme Modimo o ne a batla mo go fetang foo: o ne a batla botsalano jwa boammaaruri. Diroboto di kcona go nyenya, go bua le go tlhatswa dilwana, mme ga di kgone go rata.

Modimo o re tlhodile mo tshwanong ya Gagwe, O re dirile re kcona go akanya le go itlhophela le go gakologelwa, go tlhaloganya le go rata. Adamo le Efa e ne e le bana ba Modimo, ba ne ba le botlhokwa thata mo go Ene.



### BEKE YA TLHOLO

**Letsatsi la ntlha:** lesedi; go latelana ga motshegare le bosigo.

**Letsatsi la bobedi:** phuthologo ya metsi.

**Letsatsi la boraro:** lefatshe le le omeletseng le dimela.

**Letsatsi la bone:** letsatsi le ngwedi di a bonala.

**Letsatsi la botlhano:** dinonyane le diphologolo tsa metsi.

**Letsatsi la borataro:** diphologolo tsa lefatshe le motho.

**Letsatsi la bosupa:** Sabata.

### 3. BOSULA BO TLA MO LEFATSHENG LE LE THOKGAMENG

Adamo le Efa ba ne ba na le sengwe le sengwe se se ka baitumedisang. Ba ne ba akola boitekanelo jwa mmele le tlhaloganyo, ba nna mo legaeng le lentele la tshimo mo lefatsheng le le senang selabe (Genesise 2:8; 1:28-31). Modimo o ne a ba sololetsa bana, thata ya go akanya sentle le go bona kgotsofato mo tirong ya diatla tsa bone (Genesise 1:28; 2:15). Ba ne ba nna le itemogelo ya go lebaganya difatlhogo le Mmopi wa bone mo kobamong. Go ne go sena poifo, bolwetse le go akanya thata mo malatsing a bone a boitumelo.

Lefatshe le fefogile jang go nna lefelo la pogiso le botlhoko? Dikgalo tsa bobedi le ya boraro tsa Genesise di re bolelela polelo yotlhe ya ka fa boleo bo tsenyeng mo lefatsheng la rona ka teng. Dibale ka nako ya gago. Se se latelang ke tshobokanyo e e khutshwane ka dikgaolo tsa teng.

Nako nngwe morago ga fa Modimo a dira lefatshe le le thokgameng, Diabolo o ne a tla mo tshimong ya Edene go raela Adamo le Efa go sa utlwe Mmopi wa bone. Modimo o ne a kganelela thotoetso ya ga Diabolo mo setlhareng se le sengwe fela mo tshimong; "setlhare sa kitso ya tshiamo le bosula." Mme o ne a tlhagisa bobedi jwa ntlha jwa batlho gore bo seka ja a ja selhare se, e seng jalo bo tla a swa.



Mme letsatsi lengwe Efa a tsamaela fa setlhareng se ba se kganetsweng. Diabolo a tsena mo tirong ya gagwe ka bofeso. O ne a bolelela Efa gore Modimo o ba boleletse maaka le gore fa a ka ja leungo la setlhare se a ga a ketla a aswa, mme o tla nna bothale jaaka Modimo, a itse molemo le bosula ka bomadimabe Efa le Adamo ba ba neng ba itse molemo fela, ba letlelela Diabolo go ba tsietsa, mme ba ntlwa leungo le ba le kganetsweng - ka jalo ba roba kgolagano ya bone le Modimo ya boikanyo le kutlo.

Modimo o ne a rula gantse gore Adamo le Efa ba buse lefatshe la rona e le balebalebedi ba tiro ya Modimo (Genesise 1:26). Mme ka gore ga ba tshegetsa tumelo ya bone mo Modimong mme ba tlhopha Diabolo e le mogogi wa bone ba ne ba latlhegelwa ke taolo ya bone. Gompieno Diabolo o bitsa lefatshe a re ke la gagwe e bile o leka ka bojotlhe go dira batho makgoba a gagwe.

Go na le dinako tse re a tleng re iphitlhele re nna bopelotshetlha kgotsa re sa nne pelonomi mo go ba bangwe mme e se ka gore re ne re batla go dira jalo. Ka go reng? Ke ka go bo mmaba yo o sa bonaleng e leng Diabolo o berekela go dira gore batho ba palelwae ke go dira tshiamo.

Fa o bala kgaolo ya boraro ya ga Genesise, o tla lemoga gore boleo bo dirile gore Adamo le Efa ba iphitlhele Modimo ka poifo. Boleo bo amile lobopo lotlhe. Metlwa o ne wa tlhoga le dithunya, mmu wa tlhagelwa ke leuba le tiro ya simolola go nna morwalo. Bolwetse jwa simolola go tlhasela nako nngwe le nngwe. Lefufa, kgalefo le boikgagapeledi tsa oketsa mathata a setho. Mo go maswe go di feta ke gore boleo bo lerile loso.

#### 4. DIABOLO YO O TLISITSENG BOLEO MO LEFATSHENG LA RONA KE MANG?

**"Lo ba rra eno diabolo, le dithato tsa ga rra eno ke tsone tse lo ratang go di dira. Ene o sale a nna MMOLAI LE MO TSHIMOLOGONG, mme a seka a ema mo boammaaruring, ka go ne go sena boammaaruri mo go ene. E re fa a bua maaka, o bua mo eleng ga gagwe, gonne ke moaki, le RRA ONA MAAKA."** - Johane 8:44.

Se se buiwang ke Jesu ke gore Diabolo ke mosimolodi wa boleo le maaka, ke rra boleo, ka jalo ke rra polao le maaka.

Motlhalefi wa kwa Enyelane Thomas Carlyle o ne a tsaya Ralph Waldo Emerson a mo tsamaisa mo ditseleng tse di maswe tsa Bothhaba jwa motse wa Lontone. Fa ba ntse ba tsamaya ka tuulalo ba lebeletse tshenyego le bosula jo bo ba dikaganyeditseng, Carlyle o ne a felela a botsa; "A jaanong o a dumela gore Diabolo o teng?"

#### 5. A MODIMO O TLHODILE DIABOLO?

Nnyaa! Modimo yo o molemo ga a kake a tlhola motho yo o maswe. Mme Baebele e bolela gore Diabolo ga mmogo le baengele ba a ba tsieditseng ba ne ba latlhegelwa ke lefelo la bone kwa legodimong mme ba tla mo lefatsheng la rona.

**"Mme ga nna NTWA MO LEGODIMONG; Mikaele le baengele ba gagwe ba bololela kgogela ba ya go tlhabana**



**nayo; mme KGOGELA ya tlhabana e na le BAENGELE BA YONE:** Mme ba seka ba fenza, LE GONE BA SEKA BA TLHOLA BA NNA LE BONNO MO LEGODIMONG. Mme kgogela e kgolo, nogu ya bogologolo ya piriganngwa, yone e e bidiwang Diabolo le Saatane, motsietsi wa lefatshe lotlhe; ya piriganyediwa kwano lefatshing, le baengele ba yone ba piriganyediwa kwa tlase nayo." - Tshenolo 12:7-9.

Tota Diabolo go tlile jang gore a bo a le kwa legodimong mo tshimologong?

"E ne e le wena CHERUBA e e tloditsweng E E KHURUMETSANG: mme ka go baya; wa ba wa tla wa nna mo thabeng e e itshephileng ya Modimo, o tsamaetse kwa le kwa mo gare ga maje a molelo. E sale ka letsatsi LE O TLHODILWENG KA LONE O NTSE O ITEKANETSE FELA, ga tsamaya TSHIAMOLOLO YA FITLHELWA MO O WENA." - Esekle 28:14, 15.

Modimo ga O a tlhola Diabolo, o tlhodile Lusifera moengele yo o thokgameng, mongwe wa baengele ba ba eteletseng pele kwa legodimong, a eme go bapa le setilo sa bogosi sa Modimo. Mme o ne a leofa - "ga Fitlhelwa tshiamololo mo go ene. O ne a kobiwa kwa legodimong, mme ka go itira tsala ya ga Adamo le Efa, o ne a nna mmaba yo o borai thata wa batho.

## 6. KE ENG FA LUSIFERA MOENGELE YO O THOKGAMENG A NE A LEOFA?

"**A bo o KILE WA WA KWA LEGODIMONG, wena naledi ya masa morwa phepfafalo ya bosa! A BO O KILE WA REMELWA FA FATSHE, wena yo o kileng wa namalatsi fa fatshe!** Mme o a bo o no o itheile mo pelong ya gago wa re o tla tlhathogela kwa legodimong, o tla goleletsa setulo sa gago sa bogosi godimo ga dinaledi tsa Modimo, wa re o TLA TSHWANA LE MOGODIMODIMO." - Isaia 14:12-14.

Motho yo o feletseng a nna Diabolo o simologile a bidiwa Lusifera - go raya "naledi ya motshegaro" kgotsa "yo o phatshimang". Mo pelong ya moengele yo boithamako le boikgodiso di ne tsa simolola go tsaya bonno jwa thapelo. Peo ya boikgodiso e ne ya golela go nna keletso ya go tsaya setilo sa Modimo.

Lusifera o tshwanetse a bo a berekile thata go rotloetsa baengele ba bangwe. Go motlhoho go akanya Saatane a bua gore Modimo o ba fitlhela sengwe, le gore molao wa selegodimo o a kgoreletsa, le gore Modimo ke mmusi yo o sa tlhokomeleng. O ne a gataka yo popego ya gagwe e tlhalosang gore Lorato ke eng.

Mathata a, a ne a rarabololwa jang?

"**Pelo ya gago e ne e itshoeditse, ka ntlha ya bontle jwa gago, o bodisitse botlhale jwa gago ka ntlha ya phatshimo ya gago; ke go digetse fa fatshe, ke go beile fa pele ga dikgosi gore di go bone.**" - Esekle 28:17.



Boikgodiso bo fetotse moengele yo mogolo go nna Diabolo kgotsa Saatane. Mme go sireletsa kagiso ya legodimo, e ne le bongwe mo borarong jwa baengele ba legodimo ba ba mo dumelang ba ne ba tshwanelwa ke go kobiwa kwa legodimong. (Tshenolo 12:4, 7-9)

## 7. KE MANG YO O NANG LE BOIKARABELO KA BOLEO?

Ke eng Modimo a ne a sa tlhole batho ba ba sa kgoneng go leofa? Fa a ne a dirile jalo go ka bo go sena mathata a bosula mo lefatsheng la rona. Mme Modimo o ne a batla batho ba ba kgonang go nna le tirisanayo mmogo e e mosola. Ka jalo "Modimo wa tlhola motho mo tshwanong ya one tota" (Genesise

1:27). Se se raya gore re gololesegile e bile re na le boikarabelo. Re ka tlhopha go rata Modmo kgotsa go mo itlhokomolosa.

Modimo o file baengele le batho ba kokomana nngwe le nngwe popego ya semoya le thata ya go dira ditshwetso tse di lolameng.

**"Tlhophang gompieno gore ke mang yo lo tla mo direlang." - Joshua 24:15.**

Modimo O gwetlha dibopiwa tse A di tlhodileng mo tshwanong ya Gagwe go dira tshiamo ka gobo nonofo ya bone ya go akantshanya e ba bolelela gore "tsela ya Modimo ke yone e e siameng segolo." Le go tlogela bosula ka gore nonofo ya bone ya go akanya e ba tlhagisa kgatlhanong le maduo a go tlhoka kutlo le boleo.



Ke dibopiwa tse di nang le nonofo ya go akanya le go itlhophela fela tse di ka itemogelang lorato lwa boammaaruri. Modimo O ne A tlhologeletswe go tlhola batho ba ba ka tlhaloganyang ba bo ba itumelela popego ya Gagwe, ba Mo araba ka kgololesego mo loratong, mme ba tlala lorato mo go ba bangwe. Modimo O ne A batla go abalana lorato lwa Gagwe mo A neng A iketleleditse go tsaya diphatsa tse dikgolo tsa go tlhola baengele le batho ba na le nonofo ya go itlhophela. O ne A itse fa go ne go kgonega gore lengwe letsatsi sengwe sa dibopiwa tse A di tlhodileng se tlhophe go tlhoka go Mo direla. Diabolo e ne e le ene sebopiwa sa ntla mo lobopong go dira itlhophelo e e masisi eo. Botlhoko jwa boleo bo ne jwa simologa ka ene (Joahne 8:44, 1 Johane 3:8).

## 8. MOKGORO O DIRA GORE GO SENNGWA GA BOLEO GO KGONEGE

Ke eng fa Modimo A ne A sa nyeletse Lucifera pele ga bolwetse jwa gagwe jwa boleo bo anama? Lucifera o ne a gwethlile tshiamo ya puso ya Modimo. O ne a bua maaka kaga Modimo. Fa Modimo A ne A nyeleditse Lucifera fela gone foo, baengele ba ka bo ba ne ba Mo direla ka ntla ya poifo e seng ka lorato. Se se ka bo se paledisitse maikaelelo a Modimo mo go direng dibopiwa tse di nang le nonofo ya go itlhophela.

Motho o ne a ka itse jang gore tsela ya Modimo ke yone e e molemo segolo? Modimo O ne A naya Satane sebaka sa go supa tsamaiso ya gagwe e e farologanyeng. Ke gone a ne a neilwe sebaka sa go raela Adamo le Efa.

Lefatshe le le dule felo ga teko fa popego ya ga Satane le mofuta wa bogosi jwa gagwe di farologanngwang le popego ya Modimo le mofuta wa bogosi jwa Gagwe. Ke mang yo o siameng? Ke mang yo re ka felang re mo ikanya? Lucifera o ne a le tsietso, mo go tsereng lobaka gore dibopiwa tsa bolopo lotlhe di dumele sentle gora go diphatsa thata jang go tsaya tsela ya ga Satane. Mme kwa bofelong mongwe le mongwe o tla bona gore "maduo o boleo ke loso" le gore "mpho ya Modimo ke botshelo jo bo sa khutleng mo go Keresete Jesu Morena wa rona" (Baroma 6:23).

Sebopiwa sengwe le sengwe mo lobopong se tla dumalana gore:

**"Ditiro tsa Gago di dikgolo ebile di a gakgamatsa, Jehofa Modimo Mothatayotlhe. Ditsela tsa gago di siame ebile di boammaaruri, Kgosi ya ka metlha .... Ditshaba tsotlhe di tla tla go obama fa pele ga gago, ka gobo ditiro tsa gago tsa tshiamo di senotswe." - Tshenolo 15:3, 4.**

Fa mongwe le mongwe a sena go lemoga popego e e bolayang ya boleo le popego e e senyang ya thuto ya ga Satane, ke gone Modimo A tla nyeletsang Satane le boleo. Gape O tla tshwanelwa ke go nyeletsa ba ba ganang tshegofatso ya Gagwe ka bogoma ba itshwarelela ka itlhophelo ya ga Satane.



Modimo le Ene O tlhologeletswe go rarabolola mathata a boleo le go boga fela jaaka le rona re tlhologeletswe gore A dire jalo. Mme O letile go fitlhela A ka dira jalo ka tsela e e nang le bofelo, le go fitlhela A ka babolela itlhophelo ya rona le o kganelo boleo go ka tlhola bo bonala gape.

Modimo O soloeditse go nyeletsa boleo ka bosakhutleng ka go phepafatsa legodimo le lefatshe le ka molelo. "Mo go bolokeng tsholofetso ya Gagwe" re ka "lebelela legodimo le lesa le lefatshe le lesa, legae la basiami" (2 Petere 3:10, 13 - NIV). Boleo ga bo ke tla bo tlhola bo tsena mo lobopong gape. Maduo a a mafefe a boleo a tla itshupa sentle mo go tlhoka kutlo mo Modimong go tla ferosang sebete ka bosakhutleng.

Ke mang yo o dirang gore tshenyo ya bofelo ya ga Diabolo le boleo e nne teng?

**"E re ka bana ba na le nama le madi, le ene (Keresete) o nnile le botho jwa bone gore ka loso Iwa gagwe a kgone go senya yo o tshwereng nonofo ya loso - ke gore, diabolo - mme a golola ba mo matshelong a bone otlhe ba neng ba le mo botshwarong jwa go boifa loso ga bone." - Bahebera 2:14, 15.**

Kwa mokgorong baengele le mafatshe a a sa wang ba ne ba bona Satane se a leng sone - motsietsi, moaki, mmolai. Foo o ne a senola popego ya gagwe ya boammaaruri ka go patelela batho go bolaya Morwa Modimo Yo O senang molato. Banni ba lobopo lotlhe ba ne ba bona kafa boleo bo senang tlhaloganyo ya tshiamo ebole bo le setlhogo ka teng. Mokgoro o ne wa bipolola ka bottlalo maikaelelo a ga Satane, mme fa Modimo A nyeletsa Diabolo le ba ba ganelelang mo boleong, bottlhe ba tla bolela fa Modimo A le tshiamo.



Loso Iwa ga Jesu mo mokgorong lo ne Iwa supa maikaelelo a boammaaruri a ga Satane fa pele ga dibopiwa tsotlhe tse di tlhodilweng (Johane 12:31, 32). Gape mokgoro o ne wa senola se Keresete A leng sone - Mmoloki wa lefatshe. Kwa Golgotha nonofo ya lorato e ne ya ema ya tsepama e farologanye thata le lorato Iwa nonofo (go rata nonofo bobo). Mokgoro o ne wa tlhoma kwa ntle ga potso epe gore ke lorato lo lo intshang sethabelo fela lo lo rotloetsang Modimo mo go direng gotlhe g Gagwe le Satane, boleo, le banna le basadi ba ba leofang.

Kwa mokgorong tshupo e e papametseng ya ga Keresete ya lorato Iwa Modimo lo lo sa ikaegang ka diemo lo ne Iwa fenza Diabolo segolo. Ntwa e ne e le ya gore ke mang yo o tshwanetseng go busa lefatshe fa gare ga ga Keresete le Satane. Mme mokgoro o ne wa fetsa kgang e ga dipaka tsotlhe! Keresete O tshwanetse go nna kwa godimo ga tsotlhe!

A o itemogetse botsalano le Mmokoki Yo O suleng go senola lorato Iwa Gagwe lo lo se kakeng Iwa tshwantshewa le sepe kgotsa Iwa fetoga? O ikutlwia jang ka ga Yo O tlileng mo lefatshing la rona jaaka motho mme a swa mo beomong jwa gago go go boloka mo maduong a boleo? A o ka oba tlhogo gone jaanong wa leboga Jesu, o bo o Mo kopa go tsena A tla go laola botshelo jwa gago?

## LEANO LA BOTSHELO JWA GAGO

Morago ga moreri a bua ka thuto e e reng "Ke eng ka go reng ke dumela mo go Jesu," lekawana lengwe le le apereng sentle le ne la mo etela mo ntlong e a ithutelang mo go yone mme la mo raya la re "Thuto ya gago gompieno e ne e kgatlhis, mme sengwe le sengwe se o se buileng ka Keresete se ne se tswa mo Baebeleng ya gago. A ko o mpolelele; fa e le gore Jesu o kile o tshela mo lefatshing le, ke eng fa ditso di sa bue ka ga ene?"


"Potso ya gago e a utlwala," ga araba moruti a folosa dibuka di le mmalwa. "Mme kana ditso fa re ka ela tlhoko, di re bolelela ka ga Keresete."

"Ke ka rata go iponela seo" ga araba lekawana le.

Moruti a mo raya a re; "Fa re bona lekwalo la bo masome a robabongwe le bosupa la lokwalo kana buka ya bolesome ya Letters of Pliny the younger, kgosana ya Moroma kwa Bithynia, kgaolo ya Asia Minor wa bogologolo. Pliny o ne a kwalela mmusi wa Roma, Trajan a mmolelala ka se se diragalang mo kgaolong ya gagwe. Bona, fa o kopa thuso ka tsela e a tshwanetseng go tshwara setlhophha se sesha sa Bakeresete. O bua ka go gola ka bonako ga bone le ka fa ba neng ba opela dipina tse di kwaletsweng moeteledi pele wa bone - Keresete.

Pliny o rometse lokwalo la gagwe la AD110. Lokwalo lo la ga Pliny le fa bosupi ja ditso ka monna yo Keresete, le ka go gasama ga tumelo ya gagwe ka malatsi a barutwa ba Gagwe."

"Mpolelala mo gonwe gape!" ga bua lekawana le ka kgakgamalo.



Moruti o ne a bula lokwalo le lengwe mme a tswelela ka gore; "Rra - ditso yo mongwe yo o tshwanang Pliny ke Tacitus. Mo go nngwe ya Mekwalo ya gagwe Annals (Book 15, Chapter 44) o bua ka ga Nero le ka fa a neng a ila a bo a bogisa Bakeresete ka nako ya go sha ga Roma. Tacitus o tlhalosa gore lefoko 'Mokeresete' le tswa moleineng 'Keresete.' O bua gape gore Jesu Keresete, mosimolodi wa tumelo ya Sekeresete O ne A bolawa ke Pilatwe, moatlhodi wa Judea ka nako ya puso ya ga Tiberius. Dilo tsotlhe tse Tacitus a buang ka tsone di tshwana le ditiragalo, maina le mafelo a a filweng mo Baebeleng."

"Moruti, ke ntse ke sa itse gore dilo tsa go nna jaana di teng mo ditsong tsa selefatshe," ga akgela moeng.

Moruti o ne a tswelela ka gore; "Ke batla gore o lemoge gore ka AD180, Celsus o ne a kwala lokwalo a tlhasela Bakeresete, a supa gore ka nako e o Sekeresete e ne e setse e le nonofo e go tshwanetseng ga itebaganngwa le yone. Fa o sa ntse o na le pelaelo, gakologelwa gore dikwalo tsa ntlha tse nne tsa kgolagano e ntsha ke dikwalo tsa ditso fela jaaka tsa selefatshe."

Fa lekawana le le lemoga gore ditso tsa Baebele le tsa selefatshe di dumelana gore e le ruri Jesu o tshidile mo lefatsheng e le motho, o ne a tsamaya a na le bosupi jwa gore Jesu Keresete ke motho wa botlhokwa mo ditsong.

### 1. KERESETE O NNILE TENG GO TSWA KWA BOSAKHITLENG

Jesu e ne e se motho yo o siameng fela, e ne e le Modimo. Jesu o ne a bua eng ka bomodimo jwa Gagwe?

**"Fa lo no lo nkitsile, lo ka bo lo itsile le Ena Rre, mme go tloga fano  
lo a Mo itse, mme lo Mmonye. Filipo a mo raya a re Morena, re  
bontshe Rara, mme go tla bo go re lekanye. Jesu a mo raya a re, A  
ke gore ke ntse le Iona lobaka lo lo kana kana, mme a ga o ise o  
Nkitse Filipo? Yo o mponyeng o bone Rara, o bua jang o re, Re  
bontshe Rara?" - Johane 14:7-9.**

Fa o eletsa go itse karabo ya dipotso tse; "Modimo ke mang? O ntse  
jang?" lebelela se Jesu a se buileng;


**"Nna le Rara re mongwe fela." - Johane 10:30.**



Modimo Rara le Jesu Morwa ba nnile teng botlhe go tswa kwa  
bosakhutleng (Bahebera 1:8). Ga gona nako epe e Keresete a kileng a  
nna a sena Rara. Rara o abelana lorato le tlhokomelo mo mongwe le  
mongweng tse Jesu a di supileng mo botshelong ja Gagwe mo lefatsheng.

## 2. KERESETE - PELO YA DITSO LE POROFESO

Jaaka fa polelo ya botshelo ja ga Keresete e tiragatso ya porofeso, e kwadilwe pele ga a tsholwa.  
Diperofeso tsa Kholagano e kgologolo di fa tshupo e e bonalang ka botshelo ja ga Keresete, loso lwa  
Gagwe le tsogo ya Gagwe. Kholagano e ntsha ke polelo ya botshelo ja  
Gagwe e diragadiwa. Le fa ba tshedile dingwaga di le makgolo a matlhano  
go ya kwa go tse di makgolo a lesome le botlhano pele ga botsalo jwa ga  
Keresete, baperofeti ba Kholagano e kgologolo ba dirile di perofeso di le  
dintsi tse di tlhamaletseng ka botshelo ja ga Mesia. Batho ba ne ba dira  
tshwetso efe ka Keresete fa a simolola tiro ya go rera mo lefatsheng?



**"Re bone Ene yo Moshe o kwadileng ka ga Gagwe mo molaong, le  
bone baperofeti, e bong Jesu wa Nasaretha, morwa Josefe." - Johane  
1:45.**

Mmoloki wa rona o ne a dirisa di perofeso tse di diragaditsweng go supa  
gore ke mang.

**"Mme a ba raya a re, A batho ba ba senang tlhaloganyo ke Iona, ba lo pelo di bonya go dumela  
tsotlhe tse baperofeti ba di buileng! A ga e ne e le tshwanelo gore Keresete a boge dilo tse, le go  
tsena mo kgalalelong ya Gagwe? Mme A simolola ka Moshe, le ka baperofeti botlhe, A ba  
phuthololela mo dikwalong tsotlhe, dilo tse di kwadilweng ka ga Gagwe." - Luke 24:25-27.**

Perofeso e e diragaditsweng e fa bosupi jo bo nonofileng gore Jesu ke Mesia Yo re mo sololeditsweng.

## 3. BOTSHELO JA GA KERESETE - TIRAGATSO YA PEROFESO

A re lebeleleng diperofeso dingwe mo kgolaganong e kgologolo le tiragatso ya tsone mo Kholaganong e  
Ntsha.

### LEFELO LA MATSALO A GAGWE

Perofeso ya Kholagano e Kgologolo: **"Mme wena BETHELEHEMA Eferatha, yo o leng mmotlana mo  
go Makgolokgolo a Juda, mo go wena go tla ntswela mongwe yo o tla nnang molaodi mo Israela;  
yo matso a gagwe a sa leng a nna bogologolo, ebong ka go senang tshimologo."** - Mika 5:2.

Tiragatso ya Kholagano e Ntsha: **"Mme jaana Jesu a tsalelwa mo BETHELEHEMA wa Judea."** -  
Mathaio 2:1.

### GO TSALWA KE KGAREBANE

Perefeso ya Kholagano e Kgologolo: "Bonang, kgarebane e tla ithwala, e tla belega ngwana wa mosimane, mme e tla mo raya leina e re Imanuele." - Isaia 7:14.

Tiragatso ya Kholagano e Ntsha: "Mme ya re a akanya dilo tseo, bonang moengele wa Morena a bonala kwa go ena ka toro a ya Josefa morwa Dafide, se boife go tsaya Marie mosadi wa gago: gonne GO ITHWALA GA GAGWE KE GA MOYA O O BOITSHEPO. Mme o tla bona ngwana wa mosimane, mme o tla mo raya leina o re Jesu: gonne ke ene a tla gololang batho ba Gagwe mo dibeng tsa bone." - Mathaio 1: 20, 21.



### DITSO TSA GAGWE GO TSWA MO MORAFENG WA GA JUDA

Perefeso ya Kholagano e Kgologolo: "Thobane ya bogosi ga e ketla e tloga mo Juda .... go bo go tle go tsamae Shilo a tle pele." - Genesise 49:10.

Tiragatso ya Kholagano e Ntsha: "Gonne go a bonala Morena wa rona o dule mo go Juda." - Bahebera 7:14.

### GO GANWA GA GAGWE

Perefeso ya Kholagano e Kgologolo: "O ne a nyadiwa a bo a GANWA ke batho." - Isaia 53:3.

Tiragatso ya Kholagano e Ntsha: "O ne a tla mo ga gabu, mme ba e neng e le BA GA GABO BA SEKA BA MO TSHOLA." - Johane 1:11.



### GO ITATOLWA GA GAGWE LE MADI A A FILWENG YO O MO REKISITSENG

Perefeso ya Kholagano e Kgologolo: "Ee, TSALA YA ME E KE TLWAELANYENG NA YO, e ke ne ke e ikantse, e e neng e ja dijotsame, e bile e ntsholeleditse seretlhe." - Dipesalema 41:9.

"Mme ka ba raya ka re, Fa go le molemo mo go lona lo nnee tuelo yame, mme fa go sa nna jalo, lo ka lesa. Mme ba lekanya DIPAPETLANA TSA SELEFERA DILE MASOME A MARARO e le yone tuelo yame." - Sekaria 11:12.

Tiragatso ya Kholagano e Ntsha: "HONG MONGWE WA BA BA SOME LE BOBEDI, yo o bidiwang Judase Isekariota, a ya

dithhogong tsa baperesiti, A re lo tla nnaya eng ke tle ke lo mo neele? Mme ba mo lekanyetsa DIPAPETLANA TSA SELEFERA DI LE MASOME MARARO." - Mathaio 26:14, 15.

### LOSO LWA GAGWE MO MOKGORONG

Perefeso ya Kholagano e Kgologolo: "Ba TLHABILE DIATLA TSA ME, le dinao tsame." - Dipesalema 22:16.

Tiragatso ya Kholagano e Ntsha: "Mme e rile ba sena go fitlha felong fa go bidiwang Logata, BA MMAPOLELA gona." - Luke 23:33 (bona le Johane 20:25).

### GO FALOLA GA GAGWE MO PHUPHUNG

Perefeso ya Kholagano Kgologolo: "Ka gonne GA O KETLA O TLOGELELA BOBIPO MOYA WAME; le gone ga o ketla o lesa Moitshephi wa gago a bona go bola." - Dipesalema 16:10.

Tiragatso ya Kholagano e Ntsha: "Ena o rile ka seo se a se bonela pele, a bua kaga go tsoga ga ga Keresete a re: GA A TLOGELELWA MO BOBIPONG, le nama ya gagwe ga e a bona go bola. Jesu yo, Modimo o mo tsositse, mme rotlhe re basupi ba gona." - Ditiro 2:31, 32.



Bosupi bo nonofile gore Jesu ga a nna teng go re a tsamaelane le perofeso nngwe. Botshelo ja gagwe go kwadilwe ka jone pele ga a nna teng ke dithata tsa selegodimo. Ka boammaaruri, Jesu ke Morwa Modimo.

Morago ga go bona bosupi jo, re tshwanetse ra dira tshwetso ka thapelo gore ke mang yo o tla nnang Morena wa matshelo a rona. Fa o ise o dire jalo, a o tla ba ya botshelo ja gago mo diatleng tsa ga Jesu?

#### **4. BOTSHELO JO BO RULAGANTSWENG KE MODIMO**

Jesu o ne a tshela botshelo jo bo rulagantsweng ke Modimo, botshelo jo bo sa leng bo thaiwa makgolo-kgolo a dingwaga pele ga botsalo jwa gagwe. Ka ntlha ya se, O ne A nna a le masisi ka kaelo ya Modimo. Keresete O rile:

**"Mme le gona lo tla itse fa ke sa dire sepe ka nosi, mme ke bua dilo tse fela jaaka Rara a nthutile .... donne ke dira ka metlha yotlhe dilo tse di mo kgatlhang." - Johane 8:28, 29.**

Modimo a rulagantse botshelo ja ga Jesu ja setho pele ga botsalo ja gagwe, mme gape Modimo o na le leano la botshelo ja mongwe le mongwe. O itse gore mongwe le mongwe wa rona o ka kgotsofatsa jang dikeletso tsa gagwe gore a nne le botshelo jo bo itumedisang.



Ray le ene o ne a sa tlhomamise gore o batla go ineela mo leanong la Modimo. Mme e rile a lebaganywe ke go tsaya tshwetso ya gore o ya go tsweledisetsa dithuto tsa gagwe kae, a ikanya go batla thuso le kaelo ya selegodimo. O ne a rapela malatsi a le mantsi a bo a leka go reetsa gore karabo ke eng. Morago ga sebaka a bona mabaka a le mantsi a go tlhopha sekolo sa bobedi se se neng se le se tona mme o kare ga se a siamela botshelo ja batho, e bile se sa lope made a mantsi. Morago ga go simolola dithuto a kopana le Bakeresete ba ba neng ba le maloko a Campus Crusade for Christ (sethophpha sa bana ba sekolo ba ba direlang Keresete). Itemogelo ya gagwe le bone mo dingwageng tse pedi tse di latelang e ne ya fetola botshelo ja gagwe.

Gompieno fa Ray a leba kwa morago, o bua jaana: "Nako le nako fa ke ne ke batla go tsaya tshwetso nngwe ya botlhokwa ke bo ke kopa kaelo kwa Modimong, Modimo o ne a bula karolo e ntsha ya botshelo ja me."

O ka itse jang leano la Modimo la botshelo jwa gago? Modimo o kaela ka ditsela di le dintsit:

##### **(1) BAEBELE**

Go ya ka Mopesalema, lokwalo la kaelo ya botshelo ke eng?

**"Lefoko la gago ke lobone lwa dinao tsa me, le lesedi la tsela yame." - Dipesalema 119:105.**

Lefoko la Modimo le shafatsa ditlhologanyo tsa rona le bo le re fa tebelopele (Baroma 12:2, Dipesalema 119:99). Go ithuta Baebele ka thapelo nako le nako le yone tsela ya go tlhamalatsa dilo tsa botlhokwa mo matshelong a rona.

##### **(2) DITLAMELO TSA DIPAKO**

Modimo o kaela gape ka ditlamelo tsa selegodimo Dipesalema 23 e mo kaya e le Modisa yo o Molemo. Modisa o etelela dinku tsa gagwe mo mafulong a matalana le mo dikgageng. O kgona go thusa ba ba kwa tlase ga gagwe go ithuta sengwe mo tiragalong nngwe le nngwe. Re na le Modisa yo o nnang fa go rona ka nako tsotlhe.

##### **(3) GO BUA LE PELO GA MODIMO**

Modimo o kaela gape ka go bua le segakolodi sa rona. Moya o kgona go bua matlho a dipelo tsa rona (Baefesia 1:18). Fa re nna re ithutuntsha go bua le Modimo go nna motlhoho gore a kgone go re kaela. O

bopa dikakanyo tsa rona le tlhaloganyo ya rona gore re kgone go bona ka botlalo tsela e re tshwanetseng go e tsaya.

## 5. DIKAELO DI TSHWANETSE GO NYALANA

Go a kgonega go akanya gore o tshela botshelo jo bo rulagantsweng ke Modimo mme o sala morago dikakanyo le dithato tsa gago, (Diane 16:25). Maikutlo a rona a tshwanetse go nyalana le dithuto tsa Baebele. Ga go a siama go ipolelela gore Modimo o a re goga fa e se fela dikaelo tsotlhe ka boraro di nyalana.

A re lebeleleng sekai sa ga Jake. O ne a na le mosadi yo o lorato le bana ba le babedi mme o ne a dirisana le mosadi yo mongwe gape ko thoko. O ne a raya ditsala tsa gagwe a re. "Ke rapetse ka selo se, mme ke bona gore ke thato ya Modimo."

'Maikutlo le dikakanyo tsa ga Jake di ne tsa mo isa mo tseleng e e seng yone. O ne a akanya gore go ne go tlhokega kana go le molemo go bo a kopanye le mosadi yo mongwe mme a seka a ema go lebelela ditaelo tsa Baebele ka ga boaka. Mme Baebele, e e leng 'molao le tshupelo' ke yone lokwalo lwa kaelo le legolo, ke yone moatlhodi wa go bonatsha tsela e e siameng (Isaia 8:20). Ga re a tshwanelo go lettelela maikutlo a pe kgotsa ditlamelo tsa dipako go re gogela kgakala le dithuto tsa Baebele.

## 6. GO INEELA MO LEANONG LA MODIMO

Fa Saatane a ne a ile go leka Jesu mo nageng o ne a mo raya o re; "Fa o ka seka wa dira dilo tsotlhe le go intsha setlhabelo mo Rara a go go rulaganyeditseng, ke tla baya lefatshe mo seatleng sa gago - le khumo, kgalaletsa le botshelo jo bo molemo." Saatane o ne a bua le se Baebele e se buang a leka go tsietsa Jesu. Mme nako le nako Jesu o ne a mo koba ka go mo raya a re "Go kwadilwe" (Mathaio 4:1-11).



Thuto e re kae ithutang ka botshelo ja ga Jesu ke go ineela mo thatong ya ga Rraagwe. Le a le mo botlhokong ja Gethesamane o ne a lela a re: "Rara we, fa go ka nna jalo, a senwelo se, se mphete: le fa go nntse jalo, e seng fa ga go rateng ga me, e leng ka fa go rateng ga Gago," (Mathaio 26:39). Dingwaga tse tharo morago ga tiro ya Gagwe, botshelo ja Gagwe bo nyalana le leano la Modimo, mafoko a ga Keresete a swa o ne a re: "Go weditswe," (Johane 19:30). Se Jesu a neng a se bua ke gore: "Jaanong botshelo jwa me jo bo rulagantsweng ke Modimo bodiragaditswe."

Jaaka o tla a bo a utlwa lenseswe la Modimo le bua ka Lefoko la Gagwe, ditlamelo tsa dipako le maikutlo a a senogileng, o ka ithuta go amogela kaelo ya gagwe ka pelo yotlhe. Le wena o ka bona boitumelo jwa botshelo jo bo rulagantsweng ke Modimo le botshelo jo bo kaelwang ke Modimo.

## MOTSHELAKGABO GO YA KWA BOTSHELONG JO BO KGOTSOFATSANG

Ba fitlhetsé marapo a gagwe fa thoko ga mogotswana mo setlhakatlhakeng se se nosi fa gare ga lewatle la Atlantic. Rre yo o yo o sa itseweng o ne a na le lokwalo lo lo botana lo lo kwadileng ka ga botshelo jwa gagwe mo dikwedding tse nne tsa bofelo. O ne a tlogetswe mo Ascension Island ke sekepe sa ma Dutch ka 1725 a otlhaelwa molato mongwe. O ne a felela a nwa madi a dikhudubane go itimola lenyora. Go boga ga ga rre yo go ne go tseneletse, mme botlhoko jo bogolo bo mo lokwalong lo la gagwe - go ipona molato ga gagwe.



O ne a kwala mafoko a a botlhoko jaaka "batho ba ba swang ba utlwa botlhoko go le kae ba ba tlogelang ditsela tsa tshiamo ba itumelela go oketsa dipalo tsa ba ba latlhiegileng." Tatlhiegelo ya ga rre yo mo setlhakethakeng seo e bakilwe ke go kgaogana le Modimo ga gagwe. Ke sone se se neng se mo ketefalela kwa bofelong.

Batho ba ntse ba lwa le maikutlo a bonosi ja pelo go tswa ka nako ya fa Adamo le Efa "ba iphitlha mo ditlhareng tsa tshimo ba iphitlhela go bonala ga Jehofa Modimo" morago ga go ja setlhare sa kitso ya molemo le bosula (Genesise 3:8). Maikutlo a a sa tlwaelesegang a ditlhong, go ipona molato le poifo a ne a dira gore ba sie fa Modimo a tla a bitsa. Ka go tlhoka lesego, gompieno maikutlo ao a tlwaelesegile mo go rona.

Ke eng se se dirang gore go nne le kgaogano fa gare ga rona le Modimo?



**"Mme maikepo a lona a lomologantse fa gare ga lona le Modimo wa lona, le maleo a lona a lo shubetse sefatlhogo sa Ona, gore A gane go utlwa." - Isaia 59:2.**

Phatlha e kgolo e e kgaoganyang baleofi le Modimo ga se tiro ya One. Modimo ga a tshaba Adamo le Efa, ke bone ba mo tshabileng.

### 1. GO KGOTSOFATSA TLALA YA RONA E E IPHITLHILENG

Pele ga boleo bo senya dilo, Adamo le Efa ba ne ba akola botsalano le Motlhodi wa bone mo legaeng la tshimo e ntle mo Edena. Ka bomadimabe ba ne ba reetsa maaka a ga Saatane ka go nna botlhale jaaka Modimo mme ba roba kgole ya tshepho le Motlhodi wa bone (Genesise 3).

Fa ba sena go kobiwa mo tshimong ya Edena, Adamo le Efa ba ne ba fitlhela botshelo kwa ntle bo le bokete thata. Go tshola bana le go lema mmu jaanong go ne go tla ka tshololo ya madi, sethitho le dikeledi. Ka ba ne ba kgaogane le Modimo, ba iphitlhela ba nna le dikeletso tse di sa kgotsofatsang le dikeletso kana ditlhoko tse di botlhoko - bodutu jwa boleo.

Go tloga ka tiro ya ntlha ya go tlhoka kutlo ga ga Adamo le Efa, "botlhé" ba wetse mo tseleng e e tshwanang ya boleo mme ba lebaganywe ke loso - kotlhao fela ya boleo.

**"Ke gona jaaka boleo bo tsene mo lefatsheng ka motho a le mongwe fela, le loso ka boleo; mme jalo loso lwa fetela mo bathong botlhé, ka botlhé ba leofile." - Baroma 5:12.**



Rotlhe re nna le itemogelo ya tlala e kgolo mo pelong ka se se re latlhhegetseng, keletso ya tshireletso e re ka e fiwang fela ke Modimo. Ga ntsi re leka go kgotsofatsa tlala eo ka go senya madi re reka dilo, kana re lwela go tsholediwa maemo kwa tirong kana re leka go itimetsa ka bojalwa, ditagi kana boaka le bogokahadi.

Mme dikeletso tsa rona ke dikai tsa go tlhologelela Modimo. Mme ga gona molemo ope fa e se go itemogela lorato lwa Gagwe mo matshelong a rona.

**"O tla ntshupetsa tsela ya botshelo, fa pele ga gago go na le letlotlo la boitumelo; mo seatleng sa gago se segolo go na le tse di jesang monate ka bosakhutleng."** - Dipesalema16:11.

Go kgotsofala ga boammaaruri go tla a tla fela fa phatlha e e fa gare ga rona le Modimo e tseregantswe e bile re kcona go kgabaganyetsa mo boleyong ja Gagwe.

## 2. GO TSEREGANYA MOLETE WA BOLEO LE LOSO

Ga se batho fela ba ba bolaisiwang bodutu ke boleo. Pelo ya Modimo le yone ene ya opa tsatsi le Adamo le Efa ba mo tlhanogetseng, e bile o santse a futsafadiwa ke dilelo le mathata a setho. Modimo o iketleleditse go kgotsofatsa ditlhoko tsa rona tse di fitlhigileng le go fodisa dintho tsa maikutlo a rona. O ne a sa kgotsofadiwe ke go nna fela a lebelela ka bopelotlhomogi kwa moseja ga molete o o re kgaoganyang le Ene. Modimo o ne a tsaya tshwetso ya go nna motshelakgabo wa molete wa boleo le loso.

**"Gonne Modimo o ratile lefatshe mo go kalo kalo, wa ntsha Morwa ona yo o tsetsweng a le esi, gore le fa e le mang yo o dumelang mo go Ene, a seka a nyelela, mme a bone botshelo jo bo sa khutleng. Gonne Modimo ga wa ka wa roma Morwa One mo lefatsheng go sekisa lefatshe, mme e le gore lefatshe le bolokwe ka Ene."** - Johane 3:16, 17.

Modimo o ntshitse Morwa One, mme Jesu a ntsha botshelo ja gagwe go nna setlhabelo sa boleo, a duela kotlhao ya loso ka bo Ene. Botshelo ja Gagwe, loso le tsogo di dirile gore go kgonege go itshwarela le go boloka baleofi kwa ntle ga go dira boleo selo se se tlwaelesegileng, mme ga neela lobopo tshupo ya popego ya nnete ya ga Keresete le ya ga Saatane. Motshelakgabo wa mmele o o utlwileng botlhoko o tshologa madi wa ga Keresete o ntsha batho mo moleteng wa boleo. Lorato lo khurumetsa molete o, le fa ba ba bayang tumelo ya bone mo go Keresete e le Morena le Mmoloki go tsena mo botshelong jo bo sa khutleng.



## 3. DINTLHA TSA BOTLHOKWA TSE SUPA TSE O TSHWANETSENG GO DI ITSE KA GA JESU

Dintlha tse supa tse ka ga Jesu, ga di kake tsa nna boammaaruri fa go buiwa ka motho ope o sele.

### (1) Jesu o tsile mo Lefatshing a tswa kwa Legodimong

Jesu o buile gore o nnile teng sebaka se se kae?

**"Jesu a ba raya a re; Ammaaruri, ammaaruri ke a lo raya, Pele Aberahame a ise a nne, nna ka bo ke nntse ke le yo."** - Johane 8:58.

Jesu O ne A itsese lefatshe: "Ke leyo! Ke sa le ke nna teng, mme ke nnetse ruri." Le fa Jesu a tsetswe ke motsadi wa motho wa selefatshe (Mathaio 1:22, 23), ke Modimo - Modimo mo nameng ya setho.

Dwight L. Moody o ne a bua jaana ka go nna motho ga ga Jesu; "E ne e tla a bo e le setlhabelo se segolo mo go Jesu gore e tle a robale mo bolaong ja selefera, a tlhokomelwa ke moengele, e bile a jesiwa ka leswana la gouda. Mme Montlodi wa legodimo le lefatshe O ne A tla a tsaya nama ya setho, mme a tsalelwaa mo bojelong ja dipitse ke batsadi ba ba humanegileng mo tikologong e e seng ntle."



Ka nako ya botsalo ja ga Jesu, moengele o ne a raya Josefa a re;  
**"Mme o tla bona ngwana wa mosimane, mme o tla mo raya leina o re Jesu gonne KE ENE YO O TLA GOOLANG BATHO BA GAGWE MO DIBENG TSA BONE." - Mathaio 1:21.**

Jesu, Motlhodi wa lobopo (Johane 1:1-3, 14) O ne A itletla go tla mo lefatsheng la rona go re golola mo boleong le loso.

#### **(2) Jesu o tshidile botshelo jo bo senang boleo**

**"Mme ke gona e re ka re na le moperesiti yo o mogolo bogolo, yo o raletseng magodimo e bong Jesu Morwa Modimo, a re tshegetseng boipolelo jwa rona ka thata .... mme ke yo o kileng a raelwa mo dilong tsotlhe jaaka rona, le fa go ntse jalo a sena boleo." - Bahebera 4:14, 15.**

Modimo o dirile go feta go leka go re ntsha mo botshelong ja boleo mme a re tsenya mo go jo bo kgotsofatsang. Ka go tshela mo lefatsheng e le motho, Jesu o ne a golola botshelo mo boleong go gaisa ka fa theru epe e neng e ka dira.

Saatane, mmaba wa ga Kereesete, o ne a dira maano a go gogela Jesu mo boleong fa a le mo lefatsheng. Fa Jesu a le mo nageng, Saatane o ne a mo tlhasela ka Maano a gagwe (Mathaio 4:1-11). Mo Gethesemanee pele ga papolo ya Gagwe, mogote wa diteko o ne wa oketsega mo Keresete A neng A rothisa mofufutso wa madi (Luke 22:44).

Mme Keresete o ne a itsetsepela kgatlhanong le sengwe le sengwe se Diabolo a neng a se mo neela - "jalo a sena boleo." Ka gore Jesu o na le itemogelo ya mathata le diteko le ditlhuelo tsotlhe tsa setho, o tlhaloganya mathata a rona. O kgonaa go "ntlwana le rona makoa a rona" (Bahebera 4:15).

Ke eng go ne go le botlhokwa gore Keresete a tshele botshelo jo bo senang boleo?

**Modimo o dirile Jesu, "Ene Yo o neng a sa itse boleo boope, O mo dirile go nna boleo mo boemong ja rona; gore rona re nne tshiamo ya Modimo mo go Ene." - 2 Bakorintha 5:21.**

Jesu o ne a fenza thaelo mme a tshela botshelo jo bo senang boleo gore a bo fetisetse kwa go rona gore re latlhe botshelo ja rona jwa boleo.



#### **(3) Jesu o swetse go ntsha sebe**

Ke batho la le kae ba ba leofile? **"Go nne botlhie ba leofile, ba tlhaetse kgalaletso ya Modimo." - Baroma 3:23.**

Tuelo ya boleo ke eng?

**"Go nne maduo a boleo ke loso, mme neo ya mpho fela ya Modimo ke botshelo jo bo sa khutleng mo go Keresete Jesu Morena wa rona." - Baroma 6:23.**

Ke eng fa Jesu a sule?

"Bonang, Kwana wa Modimo, yo o tlosang boleo ja lefatshe!" (Johane 1:29).

Rotlhe re leofile, re tshwanetswe ke loso lwa ka bosakhutleng, mme Jesu o sule mo boemong ja rona. O nnile boleo mo boemong ja rona. O re dueletse tuelo ya loso. Mpho ya gagwe ya fa a swa le "MPHO fela ya Modimo ke BOTSELO JO BO SA KHUTLENG mo go Keresete Jesu Morena wa rona" (Baroma 6:23).

Jesu o ne a fa botshelo ja Gagwe jo bo thokgameng e bile bo le tshiamo e le mpho ya lorato mo go rona. Lorato lo lo ntseng jalo lo batlile go feta tlhaloganyo ya setho. Mme ka loso la Gagwe re na "le kagiso mo Modimong" (Baroma 5:1).

#### **(4) Jesu o tsogile mo baswing**

Loso lwa ga Jesu mo mokgorong e ne e se bokhutlo ja polelo ya Gagwe. O ne a sa kake A nna A sule A bo A nna Mmoloki wa rona.

**"Mme fa Keresete a sa tsosiwa, tumelo ya lona ke lefela, lo sa ntse lo le mo dibeng tsa lona. Jalo le ba ba robaletseng mo go Keresete ba nyeletse." - 1 Bakorintha 15:17, 18.**

Mohammed le Buddha ba supile maammaaruri a magolo mo lefatsheng. Ba sosoeditse matshe Lo a didikadike tsa batho, mme ga bana dinonofo dipe tsa go fa botshelo ka gore ba mo mabitleng a bone.



Ka gore Jesu o ne a tsoga mo phuphung malatsi a mararo morago ga loso lwa Gagwe O re neela tsholofetso efe?

**"E re ka ke tshedile, le lona lo tla tshel." - Johane 14:19.**

Jesu O tshedile! Ka A na le nonofo ya go fenza loso, O ka re golola mo losong A bo A re naya botshelo jo bo molemo ka bosa khutleng. O tla tshela mo dipelong tsa rona fa re Mo laletsa. Keresete yo o tsogileneg o teng go tlhokomela dithoko tsa rona gompieno.

**"Mme bonang, ke bo ke ntse ke na le lona ka metlha yotlhe, le go ya bokhutlong ja metlha." - Johane 28:20.**

Banna le basadi mo lefatsheng ka bophara ba abelana dipolelo ka fa Keresete a ba thusitseng go tlogela dikeletso tsa go ikgagapelela sengwe le ka fa a fodisitseng dipelo tsa bone ka teng.

Mongwe wa baithuti ba rona ba pele o ne a kwala mafoko a a tebogo mo go nngwe ya dipampiri tsa dikarabo: "Ke ne ke le letagwa. Tsatsi lengwe fa ke tagilwe, ke ne ka bona pampitshana e kwailwe ka ga dithuto tsa lona tsa Baebele. Ke ne ka e sela ka bo ke e tlatsa, mme ka amogela kitso ya ntlha ya boammaaruri ka ga Keresete. Moragonyana ke sena go ithuta dithuto tse, ke ne ka neela pelo ya me mo Modimong mme ka latlhegelwa ke keletso ya bojalwa."

Fa Jesu a simolola go dirisa monna yo, nonofo e ntsha e ne ya mo naya bokgoni ja go kgaogana le dikeletso tsa gagwe. Ka gore Keresete ke Mmoloki yo o tsogileng, o kgona go boloka bottlhe ba ba tla batlang thuso mo go ene.

### (5) Jesu o tlhatlogetse kwa Legodimong

Pele ga Jesu A boele kwa go Rraagwe morago ga tsogo ya Gagwe (Ditiro 1:9), O ne a neela barutwa ba Gagwe tsholofetso e:

**"A dipelo tsa Iona di se fuduege, lo dumela mo Modimong, dumelang le mo go Nna. Mo tlung ya ga Rre go na le manno a le mantsi, fa go no go sa nna jalo, keka bo ke lo boleletse, gonne ke a go lo baakanyetsa bonne. Mme fa ke ya go lo baakanyetsa bonno, ke tla tla gape, mme ke tla go lo itsholela, gore kwa ke gona le Iona lo nne gona." - Johane 14:1-3.**



### (6) Jesu o tlhokomela jaaka moperesiti wa selegodimo

Jesu o tsweletse ka go leka gore baakanyetsa lefelo kana manno kwa legodimong.

**"Ke gona, go no go mo tshwanetse go dirwa jaaka bomannawe mo dilong tsotlhe, gore A nne MOPERESITI YO MOGOLO, yo o boutlwelo botlhoko le boikanyo mo dilong tse e leng tsa Modimo, go direla dibe tsa batho tetlanyo. Gonne e reka Ene ka Esi a bogisegile ka a raelwa, O nonofile go thusa ba ba raelwang." - Bahebera 2:17, 18.**

Jesu o tlide mo lefatsheng la rona "go direla dibe tsa batho tetlanyo" le go re golola mo bokgobeng ja boleo. O ne a swela go re boloka gore a tle a kgone go ntsha boleo, go boga, le loso ka go senya Saatane.

Jesu jaaka Moperesiti wa rona yo Mogolo o ne a dirwa jaaka bomannawe mo dilong tsotlhe. Mme jaanong a nna a le fa tlase ga ga Rara mo boemong ja rona a re rapeleta. Ene Jesu yo o segofaditseng bana, a fetola mosadi yo o neng a tshwarwa a dira boaka, a bo a itshwarela legodu le le swang mo mokgorong, O bereka kwa legodimong go tlhokomela ditlhoko tsa rona, "go thusa ba ba raelwang."

### (7) Jesu o tla boa

Pele ga a boela kwa legodimong, Jesu O dirile tsholofetso efe?

**"Mme fa ke ya go lo baakanyetsa bonno, ke tla tla gape, mme ke tla lo itsholela, gore kwa ke gona le Iona lo nne gona." - Johane 14:3.**

Fa Jesu a boa o tla re golola mo boleong, bolwetse, dikotsi, le loso le le iteileng lefatshel ie. Mme o tla re amogela mo lefatsheng le lesa la boitumelo jo bo sakhtleng le botshelo ja bosasweng.

## 4. LORATO LO LO SA FELENG

Go bolelwa polelo ka lenyalo le le rulagantsweng kwa Taiwan fa gare ga ga U Long le kgarejwana e e bidiwang 'Golden Flower' (Sethunya sa Gouda). Fa U Long a tsholetsa lesire la monyadwi wa gagwe morago ga tirelo, o ne a tshoga a bo a tenega. Sefatlhogo sa gagwe se ne se tletse dipadi tsa mmokwana.

Morago ga moo, U Long o ne a itlhokomolosa mosadi wa gagwe. Mosadi o ne a leka bojotlhe jwa gagwe go mo itumedisu, o ne a bereka thata mo lapeng, a ipolelela gore monna wa gagwe o tla felela a mo amogela, Mme monna o ne a nna a sa fetole maikutlo a gagwe ka ga mosadi wa gagwe.

Dingwaga di le lesome le bobedi morago ga nyalo e e sa itumediseng e, U Long a simolola go lathegelwa ke pono mo matlhong otlhe. Ngaka e ne ya mmolelela gore fa a sa dirwe loaro lwa go ntsha

thaka ya leitho go tsenngwa e sele, o tla fufala. Loaro lo le ne le tura mme gape go na le batho ba le bantsi ba ba le emetseng.

Golden Flower o ne a simolola go bereka nako e e telele maitseboa a dira dihutshe tsa lothaka gore ba bone madi a mangwe. Letsatsi lengwe U Long a bolelelwa gore go na le thaka ya leitho la mongwe e ba kgonneng go e ntsha morago ga kotsi ya koloi. O ne a ragogela kwa kokelong gore a dirwe loaro leo.

Fa a sena go fola, a tsaya tshwetso ya go bona mosadi wa gagwe gore a tle a kgone go mo lebogela go phutha madi. Fa a tsosa tlhogo ya mosadi wa gagwe gore ba lebagane, U Long a gakgamala ka letshogo. Mosadi wa gagwe o ne a mo leba ka matlho aa sa boneng, a sena dithaka tsa matlho. U Long o ne fegelwa, e wela fa dinaong tsa mosadi wa gagwe a lela. Mme e le lantilha, a seba leina la masadi wa gagwe: Golden Flower.



Jesu o batla botsalano le batho ba ba ntseng ba mo itlhokomolositse. O batla gore re sebe leina la gagwe jaaka Mmoloki wa rona. O ne a eletsa go ntsha setlhabelo mmele otlhe wa gagwe gore a kgone go supa lorato lwa Gagwe lo lo sa feleng - Lorato la gagwe le nonofile mo Keresete "o ne a tla mo lefatsheng go boloka baleofi" (1 Timotheo 1:15).

Setlhabelo se segolo sa ga Keresete se dirile motshelakgabo o o apesang go itlhokomolosa Morena ga rona o bo o khurumetsa bonosi jwa rona. A ka bo wena o lemogile gore o batla gore o kgabaganye mme o tsene mo diatleng tsa Gagwe? A o tla araba o bo o rapela o re: "Jesu, ke a go rata. Ke a leboga ka setlhabelo sa Gago. Tsena mo pelong ya me mme O mpoloke jaanong - mpoloka gotlhe ka mo go feletseng, ka bosakhutleng?"

### **JESU**

**TSILE** a le Modimo mo nameng ya setho

**TSHIDILE** botshelo jo bo senang boleo mo boemong jwa rona

**SWETSE** maleo a rona

**TSOGETSE** go re golola mo losong.

**TLHATLOGETSE** go re baakanyetsa legae kwa legodimong

**TLHOKOMELA** ditlhoko tsa rona malatsi otlhe jaaka Moperesiti wa rona yo mogolo.

**TLA KA BONAKO** go re tsaya go nna le Ene ka bosaeng kae.

## SEBAKA SA BOBEDI SA BOTSHELO

Rre mongwe kwa Singapore yo o tshedileng dingwaga tse dintsi e le wa tumelo ya ga Buddha, o ne a botswa potso e morago a nna Mokeresete; "Rre Lim, o bona pharologanyo e fe fa gare ga go nna mo Bhudda le go nna Mokeresete?"

O ne a araba ka gore; "Go mothoho, go tswa mo nakong e ke bonyeng Jesu e le Mmoloki wa me, ke na le kagiso mo pelong ya me."

Ke gone mo go dirafalang fa re baya matshelo a rona mo go Keresete.

**"Ene yo pelo ya gagwe e ikaegileng mo go wena o tla mo naya kagiso e e tlhomameng, ka a ikantse mo go wena." - Isaia 26:3.**


Go tshela botshelo ja Sekeresete go naya kagiso - maikutlo a a tlhomameng a pabalesego le go nna sentle.

### 1. BOKAO JWA GO BOLOKWA MO BALATLHEGING

Go a kgonega gore motho yo o tshelang mo nameng a bo a tshela monate mme a sule - se se raya gore a sule semoya.

**"Le lona o lo rudisitse, jale ka LO NO LO SULE KA DITLOLO TSA LONA LE DIBE, tse e rileng gale lwa sepela mo go tsona ka fa mokgweng wa lefatshe leno, ka fa taalong ya kgosana ya thata ya loapi, YA MOYA O GOMPIENO O DIRANG mo baneng ba ba kgopo." - Baefesia 2:1, 2.**

Satane o tsamaisa motho yo o suleng semoya mo tseleng e e fologelang kwa tlase ya boleo le go tlhoka kutlo. Mme boammaaruri jo bo ntle ja mafoko a a molemo ke gore Modimo o rata batho ba ba latlhiegileng jalo. O ba rata fa ba sule mo dibeng tsa bone a bo a ba laleletsa kgololo e e feletseng e sena tlhwatlhwya go tswa mo serung se ba leng mo go sone.



**"Mme Modimo ka o humile boutlwelo botlhoko le ka ntlha ya lorato lo logolo lwa ona, lo o re ratileng ka lona, LE RE SANTSE RE SULE KA DITLOLO TSA RONA, WA RE RUDISA MMOGO LE KERESETE - lo bolokilwe ka tshegofatso .... gore e tle e re mo metlheng e e tlhang o bo o supe dikhumo tse dikgolo tse di feteletseng tsa tshegofatso ya ona ka bopelonomi ntlheng ya rona mo go Keresete Jesu." - Baefesia 2:4-7.**

Modimo o re ratile go sena sepe se se ka rategang ka ga rona. Tshegofatso ya gagwe e dirile botshelo jo bo sha mo go Keresete. Ga re kake ra kgona go iphetola, mme Modimo o a kgona. Fa re tla kwa go ene ka tumelo le boineelo, o re naya sebaka sa bobedi sa botshelo e le mpho e e senang tlhwatlhwya.

### 2. RE TLHOKA GO BOLOKWA MO GO ENG?

**(1) Re tlhoka go bolokiwa mo boleong.**

**"Gonne bottlhe ba leofile, ba tlhaetse kgalaletso ya Modimo." - Baroma 3:23.**

Go tlhamalatsa mafoko a re ka re: ga re tshelele se re itseng se siame. Motsadi yo o tshwenyegileng mo moweng o ka tenega a bo a ntlwisa maikutlo a ngwana botlhoko. Motho o ka tenegela mokgwetsi yo mongwe a bo a rata go baka kotsi. Moithuti ga aka ke a rata mongwe a bo a ka seba ka dilo tse di seng

dintle ka moithuti mo mongwe. Rrakgwebo o ka dira leano la go lebala ka madi mangwe a gagwe ka nako ya lekgetho. "Botlhe ba leofile"; ke sone seemo sa batho.

Baebele e tlhalosa boleo jang?

**"Tshiamololo yotlhe ke boleo." - 1 Johane 5:17.**

Re tlhoka go falodisiwa mo mefuteng yotlhe ya mekgwa e e sa siamang le dilo tse di re gwetlhlang go tsweledisa mekgwa eo: go bua maaka, bogale jo bo feleletseng, dikeletso tsa tlhakanelo dikobo tshakgalo le emengwe.



**"Mongwe le mongwe yo o dirang boleo o dira boiphehero mo molaong, mme boleo ke boiphehero mo molaong." - 1 Johane 3:4.**

Jalo he, re tlhoka go bolokwa mo boleong jo e leng go roba ditaelo tse Modimo.

**(2) Re tlhoka go bolokwa mo botsalanong jwa rona le Modimo jo bo senyegileng.**

**"Mme maikepo a lona a lomologantse fa gare ga lona le Modimo wa lona; le maleo a lona a lo shubetse sefatlhogo sa ona, gore a gane go ntla." - Isaia 59:2.**

Maleo a a sa itshwarelwang a re kgaoganya le Modimo. Keresete o ne a tla go buseletsa tshepho ya rona mo Modimong e Satane a neng a e ntshitse.

**(3) Re tlhoka go bolokwa mo losong Iwa bosakhutleng le e leng tuelo ya boleo.**

**"Ke gone jaaka boleo bo tsenye mo lefatsheng ka motho a le mongwe fela, le loso ka boleo; mme jalo loso Iwa fetela mo bathong botlhe, ka botlhe ba leofile." - Baroma 5:12.**

**(4) Re tlhoka go bolokwa mo botshelong jo bo lolea, bo tletse boleo e bile bo sa itumedise.**

Mo moleofing, boleo ke tsela e e felelang mo phefong.

**(5) Re tlhoka go bokolwa mo lefatsheng le le leofileng.**

Re tlhoka go falodisiwa mo lefatsheng le le tletseng boleo le maduo a jone - maswabi, dipelo tse di botlhoko, bodutu, ntwa, bolwetse le loso.

### 3. KE MANG YO O KA RE BOLOKANG?

Ke Jesu fela yo o ka re bolokang.

**(1) Jesu o kgona go re golola mo boleong.**

**"Mme o tla bona ngwana wa mosimane, mme o tla mo raya leina o re Jesu, go nne ke ene Yo o tla gololang batho ba gagwe mo dibeng tsa bone." - Mathaio 1:21.**

Mohindu o ne a raya tsala ya Mokeresete a re; "Ke bona dilo di le dintsí mo tumeleng ya Sehindu tse di seyong mo go ya Sekeresete, mme go na le selo se le sengwe fela se Bakererese tsa nang le sone mme Mahindu a sena naso, ke Mmoloki," Tumelo ya Sekeresete ke yone fela tumelo mo lefatsheng e e nayang batho Mmoloki.

**(2) Jesu O ka re boloka mo botsalanong ja rona le Modimo jo bo senyegileng.**

**"Ka re lo tle lo gakologelwe fa e rile ka baka loo, Iwa bo lo le kwantle ga Keresete, lo ikgogonne mo lekgotleng la Israela, lo le baeng ka ga dikgoagano tsa polelo tsa tsholofetso, lo sena**

**tsholofelo, lo sena Modimo mo lefatsheng. Mme jaanong, mo go Keresete Jesu, Iona ba e rileng gale lwa bo lo le kgakala, lo atameditswe ka madi a ga Keresete." - Baefesia 2:12, 13.**



Jesu ke tsala ya nnete e o ka itumelelang botsalano ja yone. O rata go supa se se ntle ka rona. "Ka madi a ga Keresete" botshelo ja rona ja pele ja boleo bo itshwaretswe, mme o re naya kamogelo, nonofo mo boleong le botshelo jo bo thokgameng ka malatsi otlhe. Re itse gore nako le nako fa re wa o tla bo a le teng go re tsholetsa. Lorato lwa rona mo go ene lo tlisa keletso ya go tshela ka tsela e e mo itumedisang.

**(3) Jesu o ka re boloka mo losong Iwa bosakhutleng le e leng tuelo ya boleo.**

**"Gonne maduo a boleo ke loso; mme mpho fela ya Modimo ke botshelo jo bosa khutleng mo go Keresete Jesu Morena wa rona." - Baroma 6:23.**

Re ba roba molao ba ba atlholetsweng loso. Tuelo ya boleo ke loso. Jesu o re boloka mo losong la bosakhutleng a bo a re naya botshelo ja bosakhutleng.

**"Mme Modimo ona, o re tlhomamiseditse lorato Iwa ona, ka e rile re sa ntse re le baleofi, Keresete a re swela." - Baroma 5:8.**

Ka ntlha ya lorato lwa gagwe lo lo sa sweng Jesu o ne a re swela. Mme ka gore o re swetse a bo a boga maduo otlhe a boleo, Modimo jaanong o kcona go itshwarela a bo a amogela baleofi kwa ntle ga go dira boleo selo se se tlwaelesegileng.

**(4) Jesu o ka re bolo ka mo botshelong jo bo tletseng boleo e bile bo sa itumedise.**

**"Mme ke gona fa motho a le mo go Keresete o a bo a le sebopiwa se sesha, dilo tsa bogologolo di fetile, bonang, dintse dintsha." - 2 Bakorintha 5:17.**

Ga re kake ra ipoloka mo boleong kana ra fetola mekgwa ya rona ka borona fela jaaka tau e sakake ya tsaya tshwetso ya go nna kwanyana (Baroma 7:18). Boleo bo nonofile go feta thato ya dikeletso tsa rona. Mme Keresete O kcona gore a re "nee go thatafadiwa ka nonofo mo mothong yo o kwa teng ka Moya wa gagwe" (Baefesia 3:16). O berekela go tlosa mekgwa ya rona e e isang tshenyegong a bo a baya mekgwa ya gagwe e e itekanetseng; "lorato, kagiso, boitumelo, bopelonomi, boikgapho" (Bagalatia 5:22, 23). Keresete o tshela botshelo jwa gagwe ka rona, mme re amogela phodiso ya semoya, puseletso le botshelo jo boshha.

Harold Hughes o ne a itlhobogile ka go tlhola a fetoga. O ne a lekile go tlogela go nwa bojalwa gantsi thata. O ne a itse fela sentle gore ntwa ya gagwe le bojalwa ga e a tshedisa mosadi wa gagwe le barweetsana ba gagwe ba babedi sentle mo dingwageng tse di lesome. Mo mosong mongwe o o tsididi o ne a tsena mo ntlong ya botlhapelo a bo a lebisa molomo wa thobolo mo molomong wa gagwe. Pele ga a ipolaya, o ne a bona go le botoka go tlhaloseta Modimo seemo sa dilo ka fa di ntseng ka teng. Thapelo e o e feletse e le kopo e e telelele ya selelo go kopa thuso.

Mme Modimo o ne a tshereganya. Harold Hughes o ne a ineela mo go Keresete mme a bona nonofo ya semoya ya go itshoka. O ne a tlogelela ruri go nwa bojalwa, a nna mopati le rre yo o lorato e bile a le boikanngo. O ne a tswelala a ya go bona setilo mo lekgotleng la United States. Harold Hughes o ne a nna le itemogelo ya nonofo e e kgolo ya phetolo mo lefatsheng la rona e bong Jesu.



**(5) Jesu o ka ne boloka mo lefatsheng le le tletseng boleo.**

Dithuto tse nne tse di latelang di tla go tlhalosetsa gore o ka re boloka jang.

#### **4. RE BOLOKWA KA GO TSAYA DIKGATO TSE THARO TSE DI MOTLHOFO**

**Kgato ya ntsha: Kopa Keresete go dirana le boleo jo bo mo botshelong ja gago.**

Karolo ya rona mo go latlheng botshelo ja rona ja boleo ke eng?

**"Mme ke gona ikwathlaeng lo sokologe, gore dibe tsa lona di phimolwe." - Diriti 3:19.**

Ke eng se se dirang gore motho a ikwathlae?

**"MOLEMO WA MODIMO O GO GOGELA KWA BOIKOTLHANG." - Baroma 2:4.**

**"Jaanong ke a itumela, e seng ka go bo lo kile lwa futsafadiwa, mme e le ka go bo LO FUTSAFADITSWE LWA BA LWA IKATLHAYA." - 2 Bakorintho 7:9.**

Boikotlhao ke go nna maswabi ka botshelo ja rona ja pele ja boleo, re bo re tlogela maleo a rona, re ikhutsa mo mekgweng ya pele. Ga se khutsafalo ka gore re tshaba kotlhao mme ke phetolo mo bo molemong ja Modimo jo bo dirileng gore Jesu a swe mo boemong ja rona a swela maleo a rona. Re gana boleo ka gore bo futsafatsa Modimo.

Fa re nna le itemogelo ya botshelo jo bo sha mo go Keresete, re tshwanetse go leka ka thata go siamisa ditlolo tsa pele (Esikiele 33: 14-16).

Karolo ya Modimo mo go latlheng botshelo ja rona ja boleo ke eng?

Boikotlhao le go itshwarelwya ke mpho ya rona e e tswang kwa Modimong.

**"Ene yoo, Modimo o mo goleditse ka seatla sa ona se segolo, gore a nne kgosana, le Mmoloki, gore a nee Israela BOIKWATLHAO le BOITSHWARELO JWA DIBE." - Ditiro 5:31.**

Fa re ikwathlaya, Mmoloki yo o lorato o itshwarela maleo a rona, a bo a re ntlafatsa a bo a tsaya maleo a rona a a latlhela mo botennyje jwa lewatle.

**"FA RE IPOLELA dibe tsa rona, ONE O BOIKANYO le tshiamo YA GO RE ITSHWARELA dibe tsa rona le go RE TLHAPISA mo tshiamololong yotlhe." - 1 Johane 1:9. (Bona gape le Mika 7:18, 19).**

Ga gona boleo jo bo maswe thata jo e leng gore Mmoloki yo o swetseng maleo a rona mo mokgorong wa Khalefari o ka seke a bo itshwarela. Motho yo o tshephang Jesu o tlhoka fela go ikopa boitshwarelo a a thusetseng mo go ene. Go re swela ga ga Keresete ga go ka ke ga re itshwarela fa e se fela re kopa boitshwarelo. Ke boammaaruri jo bo letsang, gore maleo a rona a thetseng go kokotela dipekere mo diatleng le mo dinaong tsa ga Keresete. Mme Jesu o iketleeditse gore re amogele mpho ya gagwe ya boitshwarelo le puseletso ya botsalano go feta ka fa re ka akanyang ka teng.



Mongwe mokawana yo o neng a siile mo lwapeng o ne a tlelwa ke lefoko la gore mmaagwe o tloga a swa. Dikgang tse di ne tsa mo utlwisa botlhoko ka ntsha ya botsalano ja bone jo bo senyegileng. O ne a itlhaganelela kwa gae, a fitlha a tsena mo ntlaneng e mmaagwe a leng

mo go yone, mme a itatlhela mo balaong. O ne a lela mme a kopa mmaagwe go mo itshwarela.

Mmaagwe o ne a mo tlamparela mme a mo raya a re; "Morwaaka, ke ka bo ke sa bolo go go itshwarela fa o ne o nkopile."

Fa o tsamaetse kgakala le Modimo kgotsa o ise o mo itse, akanya ka fa Rara yo o lorato yo o kwa legodimong a iketleel editseng go go amogela ka teng. O batla thata go gaisa sengwe le sengwe gore o amogeletso ya gagwe ya boitshwarelo. Jesu o a go rata. O go swetse. O nna a eletsa go go itshwarela. Jalo he, araba taletso ya gagwe ya go ikwatlhaya. Ipolele maleo a gago. Go motlhoho; dumela fela gore Modimo o a go itshwarela, o tla go itshwarela. Mo Ikanye! ikanye ditsholofetso tsa gagwe!

### **Kgato ya bobedi: Amogela botshelo jo bo sha go tswa kwa go Jesu.**

Karolo ya gago mo go amogeleng botshelo jo bo sha go tswa kwa go Jesu ke go dumela gore tota o go bolokile. Amogela o sa botse gore o go itshwaretse a bo a go ntla fatsa, gore o ntshitse botshelo ja gago ja boleo mme a go naya botshelo jo bo sha jo bo fetogileng.

**"Mme botle ba ba mo tshotseng, a ba naya tshiamelo ya go nna bana ba Modimo, e bong bone ba ba dumetseng mo ineng ja gagwe." - Johane 1:12.**

Jaaka ngwana wa Modimo, o na le tshiamelo ya go amogela botshelo jo bo sha go tswa kwa go Jesu. Jaaka re boletse, ga o kake wa kcona ka bo wena - ke mpho e e tswang kwa go Rraago yo o kwa legodimong. Jesu o re naya tsholofelo e e feletseng gore a ntshe dipelaelo tsotlhe tsa rona.

Karolo ya Modimo mo go re neeng botshelo jo bosha ke eng?

**"Jesu a mo fetola a re; Ammaaruri, ammaaruri ke a go raya, Fa motho a sa tsalwe sesha, ga a kake a bona bogosi jwa Modimo." - Johane 3:3.**

Go ya ka Jesu, moleofi yo o dumelang a bo a ikwatlhaya o tsalelwa mo botshelong jo bo sha. Ke kgakgamatso e e ka dirwang ke Modimo fela. O solo fetsa gore:

**"Le gona ke tla lo maya PELE E NTSHA, ke tla tseye MOYA O MOSHA mo teng go lona, ke tla tlosa pelo ya sekalentswe mo nameng ya lona, mme ke la lo naya pelo ya senama." - Esekiele 36:26.**

Jesu o fetola dipelo tsa rona - maikutlo le boitshwaro ja rona - a bo a nna mo go rona (Bakolosa 1:27). Botshelo jo bo sha ga se mogopolo fela o o molemo wa semoya, ke boammaruri jo bo sa tshikhinyegeng, tsogo go tswa mo losong lwa semoya go tsena mo tlhwaafalong le botshelo jo bosha mo go feletseng.

### **Kgato ya boraro: Tshelela Jesu ka malatsi otlhe.**

Botshelo jwa Sekeresete bo akaretsa go nna re tsamaela kgakala le boikgagapeledi mme re kopana Jesu yo e leng tsala ya rona. Re gola mo botshelong jo bo sha ka go nonotsha botsalano ja rona le Jesu. Se se raya go nna le nako le ene re aga puisano e e bulegileng. Modimo o re file dikaelo tsa selegodimo di le tlhano tsa go gola semoya: Go ithuta Baebele, thapelo, go tlhatlhanya, go kopana le Bakeresete ba bangwe le go abelana maitemogelo a rona le ba bangwe.

Go tshela mo go Keresete ga go reye gore ga re dire diphoso. Mme fa re kgopiwa re bo re leofa, re kopa boitshwarelo ja ga Keresete, re bo re tswelela. Re lebile mo ntlheng e e rileng, e bile re itse gore Keresete o nna a le boleng jo bo tshedileng mo dipelong tsa rona.

## **5. BOITUMELO JWA SEBAKA SA BOBEDI**

Harold Hughes o ne a neelwa ditlotla di le dintsi a santse a le molaodi mo lekgotleng la United States, mme tlotla e e neng e le botlhokwa thata mo go ene e ne ya tla Morago ga fa a sena go ineela mo go Keresete.

Harold o ne a ithuta Baebele a le nosi mo ntlong ya gagwe ya boikhutso go le maitseboa fa a ntlwa sengwe se mo tshikinya mo letsogong. O ne a tsosa tlhogo go bona gore ke eng. E ne e le barweetsana ba gagwe ba babedi ba apere diaparo tsa borobalo. O ne a ba lebelela ka sebakanyana, ba ne ba fetogile thata, e bile o ne a ba tlhoka thata ka nako ya fa a santse a lwantshana le bojalwa.

Carol, yo o monnye mo go bone a mo raya a re; "Ntate, re tsile go go atla pele ga re ya go robala."



Rre o ne a sekaseka dikeledi. E ne e le nako e telele bana ba satle kwago ene go atliwa. Mme jaanong matlho a bone a mantle a a tlhatswegileng a ne a sena poifo. Rraabone o ne a tsile gae morago ga lobaka.

E le ruri Jesu o neela batho sebaka sa bobedi mo botshelong. O tsaya motho mo seemong se se kwa tlase a bo a mo naya tshimologo e ntsha.

Mmoloki o eletsa gore mongwe le mongwe a tle gae kwa bokhutlong. A o amogetse taletso ya ga Keresete? Go amogela boitshwarelo le ntlafatso ya ga Keresete go motlhoho jaaka go bula diatla tsa gago o atla ngwana wa gago.

Fa o ise o ikanye mo go Keresete jaaka Mmoloki wa gago o ka dira jalo gompieno ka go rapela thapelo ya mofuta o:

"Rara, ke kopa boitshwarelo ka botshelo ja me ja boleo. Ke a go leboga go bo o ne wa romela Morwao mo lefatsheng le go swa mo boemong ja me. Jesu, ke kopa gore o intshwarele maleo a me mme o tsene mo botshelong ja me o mpoloke. Ke batla sebaka sa bobedi sa botshelo - ke batla go tsalwa sesha. Mme thata, ke batla go nna le botsalano ja nako tsotlhe le wena. Ke a go leboga go bo o dirile kgakgamatso e mo go nna. Mo leineng la ga Jesu, Amen:

Tlholtlhomisa selo se se molemo se: Fa re ineela Jesu o a boloka.

### **KA FA RE AMOGELEANG BOTSHELO JO BO SHA GO TSWA KWA GO KERESETE KA TENG**

1. Re dumela mo go ene re bo re mo amogela jaaka Mmoloki le Morena.
2. Re nna le botsalano le ene. (Go rapela le go bala Baebele thata go botlhokwa).
3. Keresete o dirisa Moya wa Gagwe go ntsha mekgwa ya rona e e sa siamang a bo a re fa mekgwa e e mentle.

## KA GA ISAGO YA GAGO

Dingaka Patricia le David Mrazek ba ne ba kopana le go phatloga dipelo mo go ntsi mo tirong ya bone. Jaaka dingaka tse di alafang malwetse a a amanang le tlhaloganyo, ba ne ba dirisana le bana ba le bantsi thata ba ba bogisegang. Mme ba ne ba gakgamadiwa ke gore bana ba bangwe ba ne ba amiwa thata ke mathata a bone fa ba bangwe ba ne ba falola ba sa amega thata. Ke ka go reng? Ke eng fa ngwana yo mongwe a ka ya go dirisa ditagi fa yo mongwe a ka ya go tsweledisa sekolo? Ke eng fa bana ba ba bangwe ba ba dirisiwang botlhaswa e re ba gola ba bo ba dirisa bana botlhaswa fa ba bangwe ba nna batsadi ba ba molemo?

Boora Mrazek ba ne ba dira patlisiso e e telele go bona dikarabo tsa dipotso tse. Mo patlisisong ya bone, go ne ga nna go lemotshega mokgwa o le mongwe fela mo baneng ba ba neng ba falola mathata ba bo ba tshela ka boitumelo. Sephiri sa bone e ne e le go akanyetsa bomolemo le go nna le tsholofelo ka botshelo.

Tsholofelo e dirile pharologanyo. Tsholofelo go feta dilo tsothe, e re thusa go fenza mathata fa a re dikaganyeditse.

Batho ba tlhoka tsholofelo thata. Mme re e bona jang? Go thata go nna le tsholofelo mo lefatsheng la rona GO FITLHELA re e lebelela ka fa ntheng ya polelo-pele kana (perofeso) ya Baebele. Thuto, e e sekaseka polelo-pele kana (perofeso) e e fileng batho ba le bantsi tsholofelo.

### 1. POLELO-PELE KANA (PEROFESO) YA BAEBELE E E GAKGAMATSANG

Dingwaga di ka nna makgolo a le matlhano pele ga botsalo ja ga Keresete, Modimo o ne a fa lefatshe tshupo e e gakgamatsang mo isagong ka moperofeti Daniele. Modimo o ne a supelapele ditso tsa lefatshe tsa dingwaga di le dikete tse pedi le makgolo a mathlano, go tswa kwa nakong ya ga Daniele go fitlha mo nakong ya rona.

Perofeso e, e dule mo torong e Modimo a e fileng Nebukadenesara, kgosi ya Babelona dingwaga di le dikete le makgolo a matlhano tse di fetileng. Toro e e ne ya tshwenya kgosi thata - mme fa a tsoga, o ne a sa tlhole a gakologelwa toro e. Morago ga banna botlhe ba ba botlhale ba Babelona ba palelwa ke go thusa kgosi go gakologelwa toro le go e tlhalosa, go ne ga tla lekawana la Mohebera Daniele, la goroga foo, le bua gore Modimo wa legodimo o ka supa masaitseweng otlhe a bo a a tlhalosa.



Daniele o ne a ema fa pele ga kgosi mme a bua ka bopelokgale a re:

**"Wena kgosi, o ne wa leba, mme bonang ga bo go le SETSHWANTSHO SE SEGOLO.** Setshwantsho seo, sa ema fa pele ga gago, se nonofile thata, se bile se le phatshimo e e feteletseng, mme ponalo ya sona e ne e boitshega. Ka ga setshwantsho seo, tlhogo ya sone e ne e le gouda e e itshekileng, sehuba sa sone se le matsogo a sone e ne e le selefera, mpa ya sone le dirope tsa sone e ne e le kgotlho, memo ya sone e ne e le tshipi, dinao tsa sone, ntlha e nngwe e ne e le tshipi ntlha e nngwe e le letsopa. Wa leba, ga tsamaya tshilo ya kabolwa e seng ka diatla, ya itaya setshwantsho mo dinaong tse e leng tshipi le letsopa, mme la di thubaganya. Hong ga thubaganngwa tshipi, le letsopa, le kgotlho, le selefera, le gouda go le mmogo, mme tsa nna jaaka mmoko wa dibopi tsa pholelo tsa selemo, mme phefo ya di kgophola mme di se ka tsa bonelwa bonno; mme TSHILO EO E E ITEILENG

**SETSHWANTSHO ya tla ya nna lefika le legolo, mme ya tlala ka lefatshe lotlhe." - Daniele 2:31-35.**

Setshwantsho se kwa tshimologong go lebega se sa amane gope le go bona tsholofelo mo dinakong tse; mme tshwarelela!

## 2. PEROFESO E TLHALOSIWA

Morago ga go bolelela Nebukadenesare yo o itumeletseng sengwe le sengwe se a se boneng mo torong, moperofeti Daniele a tlhalosa:

**"Ke yona toro; mme re tla bolela phuthololo ya rona fa pele ga kgosi." - Daniele 2:36.**

TLHOGO YA GOUDA: Daniele o ne a raya kgosi a re tlhogo ya gouda e emetse eng?



**"Wena kgosi, o kgosi yo Modimo wa legodimo o go neileng bogosi le thata, le nonofo, le kgalalelo: KE WENA TLHOGO YA GOUDA." - Daniele 2:37, 38.**

Tota se Daniele a neng a se raya mmusi wa bogosi jo bogolo mo lefatsheng ke gore: "Nebukadenesare, Modimo o go bolelela gore bogosi ja gago, Babelona, bo emetswe ke tlhogo ya gouda ya setshwantsho".

SEHUBA LE MATSOGO A SELEFERA: Mo tebong ya setho, Babelona o ne a lebega e le bogosi jo bo tla nnelang ruri. Mme perofeso ya re go tla diragala eng?



**"Mme morago ga gago, go tla tsoga bogosi jo bongwe jo bo botlana mo go wena." - Daniele 2:39.**

Mo go diragatseng ponelopele ya Modimo, bogosi ja ga Nebukadenesare bo ne jwa senyega fa Cyrus, lessole la Moperesia le fenza bogosi ja Babelona ka 539 B.C. Ka jalo sehuba le matsogo a selefera di emetse Bameta le Baperesia, bogosi jo bongwe jo bo nonofileng.



MPA LE DIROPE TSA KGOTLHO: Karolo e ya setshwantsho se e emetse eng?

**"Le bogosi jo bongwe jwa boraro, e le ja kgotlho, jo bo tla nnang le taolo mo lefatsheng lotlhe." - Daniele 2:39.**

Mpa le dirope tsa kgotlho tsa setshwantsho di supa bogosi ja Bagerika. Alexandra yo mogolo o ne a fenza Bameta le Baperesia a dira lefatshe la Gerika bogosi ja boraro jo bogolo. O ne a busa go tswa ka 331 B.C. go ema ka 168 B.C.



MAOTO A TSHIPPI:

**"Mme bogosi ja bone bo tla nna thata jaaka tshipi; ka tshipi e bo thubaganya e fenza dilo tsotlhe: le jaaka tshipi e e thugang dilo tse tsotlhe, bo tla thubaganya bo thuga jalo." - Daniele 2:40.**

Morago ga loso la ga Alexander, bogosi ja gagwe bo ne ja koafala, mme jwa kgaogana go nna ditlhophha tse di ganetsanang go fitlhela e re kwa bokhutlong ka 168 B.C. kwa tlhabanong ya Pydna, "Bogosi ja Tshipi" ja Roma bo thuga ja Gerika.

Molado Augustus o ne a busa bogosi ja Roma fa Jeso a twalwa dingwaga di ka nna dikete tse pedi tse di fetileng (Luke 2:1). Keresete le barutwa ba gagwe ba ne ba tshela mo nakong e e supiwang ke maoto a tshipi. Raditso wa dingwaga tsa bo makgolo a lesome le boroba bobedi Gibbon, o ne a na le perofeso ya ga Daniele mo tlhaloganyong fa a ne a kwala jaana: "Ditshwantsho tsa gouda, kgotsa selefera, kgotsa kgotlho tse di ka tswang di emetse ditshaba le dikgosi tsa tsone, di ne tsa thubaganngwa ka go latelana ke bogosi ja tshipi ja Roma." - Edward Gibbon, The History of the Decline and Fall of the Roman Empire, (John D. Morris and Company), volume 4, tsebe 89.

Akanya sebakanyana ka ga kakanyetso e go tswa mo ponong ya setho. Daniele yo o neng a tshela ka nako ya Babelona o ne a ka nna jang le mogopolo wa gore ke magosi a le kae a a tla latelelang mo makgolong a dingwaga tsa isago? Re tshwaragana le bothata gore re itse gore tsa mebaraka di tla bo di ntse jang mo bekeng e e tlang! Mme Babelona, Bameta le Baperesia, Gerika le Roma di ne tsa latelana jaaka go perofesitswe - jaaka bana ba sekolo ba ba kutlo.

A Modimo o laola isago? A re ka nna le tsholofelo re beile mo leanong la Gagwe le legolo? Karabo ke Ee! Yo o nonofileng.

DINAO LE MENWANA YA TSHIPI LE LETSOPA: A nonofo ya botlhano ya lefatshe e tla latela Roma?

**"Mme e re ka o bonye dinao le menwana ya tsone, ntlha e nngwe e le letsopa la mmopi, le ntlha enngwe e le tshipi, e tla nna bogosi jo bo kgaoganeng, mme go tla nna mo go jone thata ya tshipi, ka o bonye tshipi e tlhakathlhakane le letsopa le le loraga. Mme e re ka menwana ya dinao e ne e le tshipi ntlha e nngwe, le letsopa ntlha e nngwe, jalo fela bogosi bo tla nna thata ntlha e nngwe, le ntlha e nngwe e nne sepha."** - Daniele 2:41, 42.



Moperofeti ga a perofesa ka bogosi jwa botlhano mo lefatsheng, mme o perofesitse kgaogano ya bogosi ja Roma. Roma o tla kgaogana go nna magosi a le lesome, jaaka go supiwa ke dinao le menwana ya setshwantsho.

A se se ne sa diragala? Ee, e le ruri se diragetse. Ka nako ya dingwaga tsa bo makgolo a mane le a matlhano tsa nako ya Sekeresete, bathasedi go tswa bokone ba ne ba fologeleta mo pusong ya Roma e e bokoa ba e thubaganya. Kwa bofelong, merafe e le lesome e ne ya bona bonno kwa Bophirima ja Roma, le ditshaba tse di lesome tse di ikemetseng ka nosi tsa ipaya mo melewaneng ya Yuropa. Ka jalo, menwana e supa ditshaba tsa segompieno tsa Yuropa.

### 3. LETSATSI LA RONA MO PEROFESONG YA BAEBELE

A perofeso ya ga Daniele e akanyetsa gore go tla lekwa go tshwaraganya ditshaba tsa Yuropa ka fa tlase ga mmuso o le mongwe fela?

**"Mme e re ka o bonye tshipi e tlhakane le letsopa le le loraga, BA TLA ITLHAKANYA LE LOSIKA LWA BATHO, MME GA BA KETLA BA NGAPARELANA, fela jaaka tshipi e se ke e kgomaragana le letsopa."** - Daniele 2:43.

Banna ba ba nang le dithata ba lekile go le gantsi go tshwaraganya Yuropa, mme ba nna ba tlhaela go goroga kwa mokgeleng wa bone nako le nako. Napoleon o ne a le gaufi thata go ba gaisa botha mo maitekong a go tshwaraganya Yuropa, mme gongwe o ne a akantse ka ga perofeso e; fa a ne a sia a



sena go fenngwa kwa tlhabanong ya Waterloo o ne a goa a re; "Modimo Mogodimodimo o nonofile thata ga nkake ka mo kgona!"

Kaiser Wilhelm II le Adolf Hitler ba ne ba dira dibetsa tsa ntwa tse di nonofileng thata ka nako ya bone. Mme botlhe ba paletswe ke go tshwaraganya Yuropa mo pusong ya bone. Ke ka go reng? Ke ka go bo lefoko la Modimo le ne le eme: "Ba tla itlhakanya le losika lwa batho, mme ga ba kitla ba ngaparelana." Go tsoga ga dintwa tsa lefatshe tse pedi go rurifatsa gore Modimo o tshwere isago mo diat leng tsa Gagwe, O mo taalong. Se se lekanye go re fa tsholofelo, kagiso mo moeng le tshepho mo leanong la Gagwe ka matshelo a rona.

#### 4. GO LEBELELA MO ISAGONG

Ke karolo e le nngwe fela ya perofeso ya ga Daniele e e iseng e diragadiwe. Bokao ja tshilo e e iteileng setshwantsho mo dinaong, ya di se thubaganya ya bo e nna lefika le legolo le tlala ka lefatshe lotlhe ke eng?

**"MME E TLA RE MO METLHENG YA DIKGOSI TSEO, MODIMO WA LEGODIMO O TLA TLHOMA BOGOSI jo bo se kitlang bo senngwe gope, mme le mmuso wa jone ga o ketla o tlogelelw tshaba e sele, mme bo tla thubaganya bo nyeletsa magosi ao otlhe, MME BO TLA EMA KA BOSAKHUTLENG." - Daniele 2:44.**

"Dikgosi tseo" go ka bo go tewa dikgosi tse di emetsweng ke dinao le menwana ya setshwantsho - balaodi ba Yuropa wa segompieno. Tshilo e e kabolwang e seng ka diatla e tshwanetse go itaya setshwantsho e bo e se thubaganya ke gone e bo e tlala ka lefatshe lotlhe (ditemana 34, 35 le 45). Jeso o tla a fologa kwa legodimong go tla go "tlhoma bogosi", Bogosi ja Gagwe ja kagiso le boitumelo. Keresete, Lefika la Bosakhutleng le Kgosi ya dikgosi, O tla busa ka bosakhutleng.

Sengwe le sengwe mo perofesong ya Daniele 2 se diragetse go setse fela tiragalo ya bofelo - go itewa a setshwantsho ka tshilo. Go ya ka lenaneo la ditiragalo la Modimo, re setse re le gaufi le setlhoa sa ditiragalo, go tla gape ga ga Keresete mo lefatsheng la rona. Jeso Keresete Morwa Modimo O tloga a khutlisa ntwa ya ditso tsa setho A bo a tlhoma bogosi ja Gagwe ja lorato le tshegofatso.

#### 5. TORO YA KGOSI LE WENA

Perofeso e, e supa letsogo la Modimo la kaelo mo go tsogeng le go wa ga ditshaba. Modimo o itse se se fetileng, le perofeso e ya Baebele e supa ka botlalo gore O itse le ka ga isago.

Fa Modimo a laola metsamao ya ditshaba go sena phosego epe, e le ruri O ka kaela botshelo ja motho mongwe le mongwe. Jeso O re tlhomamiseditse: "Mme e e leng meriri tota ya dithhogo tsa lona e badilwe yotlhe fela. Ke gona se boifeng" (Mathaio 10:30-31). Mpho ya Modimo ya tumelo e ka nna sekganedi sa matshwenyego le dipoi fo tsa rona. Tsholofelo e e tlhotlheleditsweng ke Ene e ka nna sitsetsepelo sa mewa ya rona (Bahebera 6:19).



Moithuti wa dingwaga tsa bo makgolo a masome a marataro, Erasmus o ne a bua ka tiragalo e e diragetseng mo loetong la sekepe e e neng ya nna mo pelong ya gagwe botshelo ja gagwe jotlhe. Sekepe se a neng a se dirisa se ne sa senyega mo dipuleng. Fa makhubu a bogale a itaagana le sekepe se bo se simolola go phatlalala, le boradikepe ba ne ba simolola go tshoga. Bapalmi ba ne ba setse ba tlhakana dithhogo. Bangwe ba ne ba kopa thuso mo moitsheping yo o dumelang mo go Ene, ba opela difela, kgotsa ba kopa thuso ka thapelo.



Erasmus o ne a bona mopalamai a le mongwe fela yo o neng a itshola ka tsela e e farologanyeng. O ne a kwala jaana: "Mo go rona rotlhe, motho yo o neng a lebega a sa tshoga ke kgarebana e e neng e tshwere ngwana e mo amusa. E ne e le ene fela yo o sa kueng, a sa lele e bile a sa omanye legodimo. O ne a sa dire sepe kwa ntle ga go rapela mo pelong a bo a tshegetsa lesea la gagwe thata."

Erasmus o ne a lemoga gore thapelo e, e ne e le tswelediso ya botshelo jwa gagwe jwa thapelo. O ne a lebega a beile botshelo ja gagwe mo Modimong.

Fa sekepe se simolola go nwela o ne a fiwa lepolanka le legong gore a kgweetse ka lone, mme a tswela mo makhubung. O ne a tshwanelwa ke go tshwara ngwana wa gagwe ka seatla se sengwe a bo a leka go kgweetsa ka se sengwe. Bontsi bo ne bo akanya gore ga a kitla a kgona go fenza makhubu a a nonofileng ao.

Mme tumelo ya gagwe le go itshwara ga gagwe di ne di le mo letlhakoreng la gagwe. Mme yo le ngwana wa gagwe e ne e le bone ba ntla go goroga kwa letshitshing.

Tsholofelo mo Modimong Yo O boikanyo e ka dira pharologanyo e e kgolo - le fa lefatshe la rona le lebega le phatlalala fa go rona. Ga re leke go kgweetsa mekoro ya rona re le nosi. Seatla se segolo se a re kaela e bile se a re tshegetsa.

Fa o ka tla mo go Keresete ka boineelo, o tla Go neela tumelo e e tla go fetisang mo mathateng otlhe. Itemogelo kagiso e e nonofileng e Jeso A E sololetsang:

**"Kagiso ke e tlogela le lona, kagiso ya Me ke a lo e naya; ... A dipelo tsa lona di se Fiduege, le gone a di se boife." - Johane 14:27.**

A o na le kagiso eo? Fa o sena nayo, leboga Jeso Mmoloki wa gago. Fa o sena nayo, ke eng o sa mo laleletse go tsena mo botshelong ja gago gompieno?



## FA JESO A TLA GO GO TSAYA

Morago ga dingwaga a sa tsewe sentle, Armando Valladares e ne e sa tlhole e le ene wa pele, a le segole le setshwantsho sa Armando wa pele. O ne a dira katlholo ya dingwaga tse masome mararo mo go nngwe ya dikgolegelo tsa ga Castro morago ga a sena go tshwarwa a rapela mo kerekeng ka letsatsi la Keresemose. Badiri ba kgolegelo ba ne ba mo bogisa, ba mo tima dijo ba bo ba mo tlhabisa ditlhong, mme o ne a gana go tlogela tumelo ya gagwe.

Sengwe se ne se dira gore a seka a itlhoboga: tsholofetso e a neng a e diretse kgarebe e e bidiwang Martha. Ba ne ba kopana ba bo ba simolola go ratana fa a ntse a le mo kgolegelong.

Martha o ne a gapilwe maikutlo thata ke tumelo ya gagwe.

Morago ga baratani ba ba nyalana mo modirong wa kwa kgolegelong, Martha o ne a patikega go fudugela kwa Miami.



Go kgaogana ga bone go ne go le botlhoko. Mme Armando o ne a kgona go fa moratiwa wa gagwe tsholofetso. O ne a sela pampitshana mme a kwala maitlanmo a gagwe: "Ke tla tla kwa go wena. Sepe se se kwa morago ga me se tla bo se sa tlhole se na le mosola."

Legolegwa le, le ne la nna le kitso ya gore ka tsela nngwe, e ne le Martha ba tla dira maikano a bone mo kerekeng. Letsatsi lengwe bokopano ja bone bo tla a bo bo feletse. "O nna o na le nna", Armando o ne a bolelela Martha.

Tsholofetso ya ga Armando e ne ya dira gore a kgone go emelana le dingwaga tsa go sa tsewe sentle mo go ka bong go kgobile bontsi marapo. E ne ya dira gore le Martha a kgone go itshoka. O ne a dira ka thata go lemotsa setshaba bothata jo monna wa gagwe a leng mo go jone. Ga a ise a ke a latlhegelwe ke tsholofelo.

### 1. TSHOLOFETSO

Nako tse dingwe re ka nna ra raelesega go ipotsa gore; a tota e tla a re letsatsi lengwe Keresete a fologe mo loaping lo lo tala go tla go kopana le rona ka boitumelo? Re ntse re kgaogantswe ka lobaka lo lo leelee. Bokhutlo jo bo itumedisang jaana mo ditsong tsa lefatshe tse di botlhoko bo utlwala bo le molemo mo go sa dumelesegeng. Mme gona le selo se le sengwe se se ka tshedisang tsholofelo mo dipelong tsa rona. Mme se ke tsholofetso ya ga Jeso ya go tla gape. Pele ga a kgaogana le barutwa ba Gagwe a ya legodimong, Jeso O ne A dira ikano e:

**"A dipelo tsa lona di se fuduege, lo dumela mo Modimong, dumelang le mo go Nna. Mo tlung ya ga Rre go na le manno a le mantsi, fa go ne go sa nna jalo, Nka bo ke lo boleletse. Mme fa Ke ya go lo baakanyetsa bonno, KE TLA TLA GAPE, mme Ke tla lo itsholela; gore kwa Ke gone le lona lo nne gone." - Johane 14:1-3.**

Pele ga Jeso A tlhatlogela kwa legodimong, O ne A tlhomamisetsa barutwa ba Gagwe; "KE TLA TLA GAPE! O soloeditse gore o tla boa, a bo a tseela bottle ba ba mo ikantseng kwa lefelong le le faphegileng le a re le baakanyeditseng. Baebele e bua ka go tla ga Gagwe ga bobedi go ka nna ga dikete tse pedi le makgolo a mathlano. Mafoko a gore Jeso O tla mo lefatsheng e le la bobedi a tlhomame jaaka boammaaruri ja gore o tshedile mo lefatsheng le, dingwaga di ka nna dikete tse pedi tse di fetileng.



Bogologolo Modimo o ne a sololetsa gore Messia O tla tla, Morekolodi Yo O tla ithwesang maikepo a rona A bo A itshwarela maleo a batho. Tsholofetso e e ne utlwala e sa kake ya dumelwa ke bontsi jo bo tshedileng ka nako eo. Mme Jeso O ne A tla a bo a swa mo mokgorong. Tsholofetso e, e ne ya rurifala ka kgalaletso e bontsi bo neng bo sa e sololetsa. Tsholofetso ya Gagwe ya go tla gape le yone e tla rurifala. Re ka ikaega mo go yo o re ratang, go tla a bo a phutha ba a ba dueletseng tlhwatlhwa e e kwa godimo.

Mo bogolegweng ja gagwe, Armando o ne a tswelela go romelela Martha maboko, melaetsa le ditshwantsho ka sephiri. Martha o ne a kgona go gatisa maboko le melaetsa ya ga Armando. Tse di mo go yone di ne tsa gapa maikuto a lefatshe. Dipuso di ne tsa simolola go kgotleletsa Castro go golola magolegwaa tumelo. Tautona wa For o ne a tshereganya mme ka Phalane wa 1982, Armando a tsenngwa mo sefofaneng se se yang Paris. O ne a tshaba le go dumela gore o gololesegile - le fa sefofaneng se sena go goroga. Mme ya re morago ga dingwaga di le masome mabedi tsa go boga, go leta le go nna le tlholojelelo, Armando o ne a tabogela mo matsogong a ga Martha.

Dikgwedinyana morago ga foo, bobedi jo bo itumetseng ja ema mo kerekeng ya St. Kieran kwa Miami mme ba ikana sesha. Bokopano ja bone bo ne bo feletse jaanong. Tsholofetso ya gore "ke tla tla kwa go wena" e ne e diragaditswe.

A o kgona go akanya gore e tla bo e le go kopanngwa mo go ntseng jang fa jaanong re tla bo re bona Keresete difatlhogo di lebanye? Go tla ga Gagwe ka kgalaletso go tla kometsa kutlobotlhoko le matshwenyego a rona, go tla phimola dithhabi tse re ntseng re di fitlhile mo dipelong tsa rona. Go tla ga ga Jeso go tla diragatsa dikeleto tsa rona tsa ka kwa teng le ditsholofelo tsa rona. Re tla bo re simolola botsalano ja kwa teng le motho Yo O molemo thata mo lefatsheng ka bosakhutleng.

Jeso O e tla ka bonako! A o iketleeditse go kopana le Nae?

## 2. JESO O TLA TLA JANG?



(1) A Jeso O tla tla ka sephiri?

**"Bonang, ke lo boleletse go sa le gale, mme ke gona fa ba lo raya bare; Bonang, o kwa nageng, lo se ka la dumela; fa ba re Bonang, o mo matwaneng a a kwa teng; lo seka la dumela. GONNE JAAKA LEGADIMA le tle le gadime kwa botlhobatsatsi, GO TLA GA MORWA MOTHO GO TLA NNA FELA JALO." - Mathaio 24:25-27.**

Fa legadima le gadima, le bonala le kwa kgakala, ka jalo, go tla ga ga Jeso e tla bo e se tiragalo ya sephiri.

(2) A Jeso O tla tla gape e le motho wa boammaaruri?

**"Mme ya re ba santse ba lebile thata kwa loaping, jaaka a tsamaya, bonang, banna ba le babedi ba ema fa go bone, ba apere diaparo tse di tshweu; ba ba bileng ba bua bare, Lona banna ba Galalea lo emetseng lo lebile kwa loaping? JESU YO, YO O**

**TSHOLELEDITSWENG KWA LEGODIMONG a tswa mo go lona, o TLA TLA JALO FELA, jaaka lo mmonye a ya kwa legodimong."** - Ditiro 1:10-11.

Ka letsatsi la fa a emeleta mo lefatsheng la rona, baengele ba ne ba tlhomamisetsa barutwa gone Ene Jesu Yo O thatloseditsweng kwa legodimong - e seng ope gape - O tla tla ka sebele e le Kgosi ya Dikgosi. Ene Jeso Yo O fodisitseng balwetse A bo A bula matlho a a fufetseng. Ene Jeso Yo O neng a bua ka bonolo le mosadi yo o neng a fitlhelwa a dira boaka. Ene Jeso Yo O neng a phimola dikeledi tsa ba ba lelang a bo a amogela bana fa tlase ga Gagwe. Ene Jeso Yo O neng A swa mo mokgorong wa Khalefare, Aikhutsa mo phuphung A bo A tsoga mo baswing ka letsatsi la boraro.

(3) A Jeso O tla tla ka tsela e re ka mmonang ka yone?

**"Bonang, O etla A le mo marung, mme MATLHO OTLHE A TLA MMONA." - Tshenolo 1:7.**

Botlhe ba ba tla bong ba tshela fa Jeso A tla gape, ba ba molemo le baikepi, ba tla bona go tla ga Gagwe.

Jeso Ene O rile ke bale kae ba ba tla lebelelang go tla ga Gagwe?

**"Ka nako e o, sesupo sa Morwa Motho se tla bonala mo loaping, mme DITSHABA TSOTLHE TSA LEFATSHE di tla futsafala, MME DI TLA BONA Morwa Motho A tla ka maru a legodimo, ka nonofo le ka kgalalelo e kgolo." - Mathaio 24:30.**

Motho mongwe le mongwe yo o tshelang mo lefatsheng la rona o tla bona Jeso fa atla.

(4) Jeso O tla bo A na le mang fa A tla?

**"Mme e tla re Morwa Motho a tla ka kgalalelo ya Gagwe A na le BAENGELE BOTLHE, hong o tla dula mo setilong sa Gagwe sa bogosi sa kgalalelo." - Mathaio 25:31.**

Akanya gore go tla a bo go ntse jang fa Jeso A tla ka kgalalelo ya Gagwe, A dikaganyeditswe ke Baengele botlhe.

(5) A re ka perofesa nako ya boammaaruri ya go tla ga ga Jeso?

**"Mme ka ga letsatsi leo, le nako e o, ga go itse ope, le fa e le baengele ba legodimo, le fa e le Morwa, fa e se Rara a le esi fela; Mme ke gona, le Iona nnang fela lo iketeeditse, gonnes Morwa Motho o tla ka nako e lo sa mo solofeleng ka yone." - Mathaio 24:36, 44.**



### 3. JESO O TLA DIRA ENG FA A TLA GAPE?

(1) Jeso O tla phutha botlhe ba ba bolokilweng (baitshenkewi).

**"Mme O tla roma baengele ba Gagwe ka tumo e kgolo ya lonaka, mme ba tla phutha baitshenkewi ba Gagwe kwa diphefong tsoo nne, go tswa sekhutlong se sengwe sa legodimo go ya kwa go se sengwe." - Mathaio 24:31.**

Fa o letlile Jeso go go baakanya mo pelong le mo botshelong, o tla Mo itumedis ka boitumelo e le Mmoloki wa gago.

(2) Jeso O tla tsosa baitshephi ba ba suleng.

**"Gonne Morena ka esi o tla fologa kwa legodimong ka loshalaba, le ka lentswe la moengele yo o mogolo, le ka go gelebetega ga lonaka la Modimo, MME BASWI BA BA SWETSENG MO GO KERESETE BA TLA TSOGA PELE." - 1 Bakorintha 4:16.**

Jeso O fologa kwa legodimong ka loshalaba. Lentswe la Gagwe le legolo le utlwala mo lefatsheng lotlhe. Le bula diphuphu gongwe le gongwe le bo le tsosa didikadike tsa batho ba ba amogetseng Jeso mo dingwageng. E tla bo e le letsatsi le le itumedisang e le ruri.

(3) Jeso O tla fetola baitshephi botlhe fa a tla - e seng baitshephi ba ba suleng fela, mme le baitshephi ba ba tshelang.

**"Hong rona ba re tla bong re tshedile re tlogetswe, re tla tsholediwa mmogo le bone mo marung re**

**ya go kgatlhantsha Morena mo loaping; mme jalo re tla nnela ruri le Morena." - 1 Bathesalonia 4:17.**

Keresete o fetola mebele ya rona e e swang go e dira mebele e mentle e e sa sweng a re baakanyetsa bosakhutleng.



**"Bonang, ke lo bolelela masaitseweng; Ga re ketla re robala rotlhe, mme RE TLA FETOLWA ROTLHE FELA, ka gangwe fela, ka ponyo ya leitlho, KA LOBAKA LWA LONAKA LA BOFELO: gonne ionaka lo tla gelebetega, mme BASWI BA TLA TSOSIWA KA MO GO SA BOLENG, MME RONA RE TLA FETOLWA. Gonne mo go bolang mo, go na le go apara bosaboleng, le mo go swang mo, go na le go apara bosasweng."**  
**- 1 Bakorintha 15:51-53.**

Fa Jeso A tla, rotlhe re tla fetolwa. Akanya fela: go tla abo go sena bolwetse ja marapo, go swa mhama kgotsa kankere. Tswalela dikokelo le mafelo a dintsho, Keresete o tsile!

(4) Jeso O tla isa baitshephi botlhe kwa legodimong.

Jeso ka sebele O ne A dira tsholofetso e, "Ke tla tla gape ke tla go le itsholela, gore kwa ke gone le lona lo nne gone" kwa ntlong ya ga Rre (bona Johane 14:1-3). Petere o bua jaana ka boswa ja barekolodwi; "boswa...jo lo bo beetsweng kwa legodimong" (1 Petere 1:4). Re ka iketlaeletsa go tla re bona bontle jwa motse wa Modimo, Jerusalema yo Mosha re bo re ithuta Rraa-rona Yo O kwa legodimong.

(5) Jeso O tla ntshetsa ruri bosula le kutlobotlhoko.

Baikepi - ba ba ganneng ditaletso tsotlhe tsa ga Jeso tsa boutlwelo botlhoko - ba ikatlholka bo bone. Fa ba lebelela sefatlhogo sa ga Jeso se ba atumela A le mo marung, go lemoga maleo a bone ga tshoganetso go nna morwalo o o bokete go rwala; ba le lela dithaba le maje: "Re weleng godimo lo re bipele sefatlhogo sa Yo O dutseng mo setilong sa bogosi, le bogale ja Kwana" (Tshenolo 6:16). Ba ikanya loso go na le go ema fa pele ga tebo ya ga Jeso e e bonang dilo tsotlhe.

Ba itse gore lentswe le jaanong le kuang kwa loaping le kile la ba lopa ka bonolo go amogela tshegofatso ya legodimo. Ba ba neng ba ineetse mo go tabogeng ba batla madi, monate le maemo, ke gone ba lemogang gore ba itlhokomolositse selo se le nosi se se nang le mosola mo botshelong.

Ke tshenolo e e phatlolang pelo. Kana ga go na ope wa bone yo o neng a tshwanetse go latlhega. Modimo ka sebele Ga ana "kgatlhego mo losong la moikepi" (Esekiele 33:11). Ga A "rate gore ope a swe, fa e se gore botlhe ba tle mo boikwatlhaong" (2 Petere 3:9). Jeso O A re kopa A re "Tlang kwano go nna lo tlhe balo lapileng, ba lo imelwang, mme ke tla lo lapolosa" (Mathaio 11:28). Mme se se gakgamatsang ke gore ba bangwe ba kgaphela kgakala taletso e ya Gagwe.

#### **4. A O IKETLEELEDITSE GORE JESO A TLE?**

Go lopilwe Jeso go le gontsi gore a re direle isago ya kgalalelo ya Gagwe "kwa ntlong ya ga Rara". Go mo lopile botshelo ja Gagwe.

**"JALO LE ENA KERESETE, KA A ISITSWE SETLHABELO GANGWE FELA, gore a tle a belege maleo a batho ba le bantsi, O TLA BONALA LA BOBEDI, kwa ntle ga boleo, a bonalela ba ba mo lebeletseng go ba boloka."** - Bahebera 9:28.

Mmoloki Yo O suleng mo mokgorong go ntsha maleo a gago, o tla bonala "Iwa bobedi" mme O tla "bonalela ba ba mo lebeletseng go ba boloka." Keresete O intshitse sethabelo go re fa poloko. Mme fa go sena go tla ga bobedi, mokgoro e tla a bo e le lefela. Keresete O batla go re fa legae le le sireletsegileng ka bosakhutleng le Ena. Mme gore se se diragale, re tshwanetse go Mo letla go busa mo dipeleng tsa rona A le Mmoloki le Morena gompieno.

Mo mosong wa Phatwe a le 16 ka 1945, mosimane o ne a siana mo kampeng ya Shantung kwa China Bokane a kua gore o bonye sefofane mo loaping. Bothe ba ba itekanetseng ba ne ba tabogela kwa ntle ba leba kwa godimo. Banna ba le basadi ba, ba ne ba bogile thata mo dignwageng tsa go kgaoganngwa le ba bangwe, go kganelwa go dira thato ya bone le letsapa; ba golegilwe ke ma Japane e le banni ba ditshaba tsa dira. Ba le bantsi, semoya sa bone se ne se tshidisiwa ke selo se le sengwe fela: tsholofelo ya gore lengwe letsatsi, ntwa e tla fela.



Go ne ga nna boitumelo mo batshwarweng ba ba sekete le makgolo a matlhano fa ba lemoga gore sefofane se se tshwanetse sa bo se tlela bone. Fa modumo wa sefofane o oketsega, mongwe o ne a goa a re: "Bonang, folaga ya America ke ele e takilwe mo lethakoreng!" Mantswe a a itumetseng a goa a re "Bonang, ba re tsholeletsa matsogo. Ba itse gore re bo mang. Ba tla go re tsaya."

Boitumelo jo bo ne bo le bogolo thata mo batho ba ba neng ba palelwa ke go itshwara. Go ne ga nna le tlhakatlhakano. Batho ba ne ba dikologa, ba goela kwa godimo, bangwe ba lela.



Ka tshoganetso batho ba ema ka kgakgamalo ba lebeletse ka tidimalo. Bo ka fa tlase ja sefofane bo ne ja bulega mme banna ba fologa ka dipharashutu. Bagolodi ba bone ba ne ba tsile ba le fa gare ga bone.

Batho ba ne ba ikgatlholosa dithobolo tsa batshwari ba bone mme ba itlhaganelela kwa kgorong ya kampa. Morago ga dingwaga tsa go tshwenyega le tlhologerello, ba ne ba tswa ka kgoro mme ba itlhaganelela kwa bapagami ba difofane ba leng teng.

Ka bofeso, batho ba ba ne ba boela kwa kampeng ba na le masole. Molaodi wa kampa o ne a ba golola go sena ntwa. E le ruri ntwa e ne e fedile. Kgolesego e ne e tsile. Lefatshe le ne le le leshe gape.

Ka bofeso, Modimo le Mmoloki wa rona O tla fologa mo marung go tla go re golola. Go bogisana ga batho go tla fela. Go tla nna le boitumelo ka letsatsi leo, boitumelo jo bo tla dirang gore re tlhaloganye mafoko a; "O gaufi ke kcona go bona baengele ba letsatsi di terompeta". Modumo o tla bo o oketsega, leru la kgalalelo le phatshimela pele, go fitlhela re palelwa ke go itshoka. Re tla bo re palelwa ke go leba go sele jaaka re tla bo re re "O a mpona. O itse gore ke mang." Ka boitumelo jo bogolo re tla itse go bua mafoko a; "Yo ke Modimo wa me. O tla go ntsaya, e seng tsatsi lengwe, gompieno."

A o iketleeditse go amogela Kgosi mo kgalalelong ya Gagwe? Fa o sa iketleetsa, tswee-tswee laletsa Jeso go tsena mo botshelong ja gago jaanong. Fela jaaka gotla ga ga Jeso go tla rarabolola mathata a lefatshe le, le go tsena mo pelong ya gago ga ga Jeso go tla go thusa go ralala mathata a o nang nao gompieno. Morarabolodi yo o mogolo wa mathata o ka go golola mo morwalong wa boleo a bo a go naya botshelo jo bo sa khutleng.

Go tsena ga ga Jeso mo botshelong jwa motho go ka bo fetola fela jaaka go tla ga Gagwe mo lefatsheng la rona go tla le fetola. O ka ikaega mo go Jeso. O tla go baakanyetsa go tla ga Gagwe A bo A go fa tlhomamiso ya botshelo ja boitumelo ka bosakhutleng.

## LEGAE LA GAGO KWA LEGODIMONG

Fa Marco Polo a boela kwa motseng wa ga gabu wa Venice morago ga dingwaga-ngwaga a le motsamai, ditsala tsa gagwe di ne di akanya gore maeto a gagwe a a ma leele a mo pekisitse. O ne a bolela dipolelo tse di gakgamatsang.

Marco o ne a etetse motse o o tletseng gouda le selefera. O ne a bonye maje a mantsho a a tukang, mme ga gona ope yo o neng a kile a utlwalela magala. O ne a bonye letsela le le sa kapeng molelo le fa le ka latlhelwa mo dikgabong tsa molelo, mme go ne go sena ope yo o kileng a utlwalela asbestase. O ne a bua ka digagabi tse di bolele ja dikgato tse di lesome di nale meno a a ka kometsang motho, manoko a a kana ka tlhogo ya motho a le bosweu ja mashi mo teng, le sengwe se se tswelang mo lefatsheng se bile se kcona go tshuba mabone. Mme go ne go sena o pe yo o itseng ka ga dikwena, wele e e sa tlhakanngwang le sepe le coconut. Ditsala tsa gagwe di ne di tshega dipolelo tse. Dingwaga morago ga mo, fa Marco a swa, monna yo o boikanyo fa bolaong ja gagwe o ne a mo kopa go boeleta dipolelo tse a neng a di boletse. Mme Marco o ne a gana, a re; "Go boammaaruri gotlhe. Tota e bile ga ke a bua sephatlo sa mo ke go bonyeng.



Bakwadi ba Baebele ba ba re fang dipono tsa legodimo ba boeleta mafoko a ga Marco Polo a dilo tse di sa dumel esegeng. Mo diponong tsa bone ba ne ba lebelela lefelo le le kgathisang mo ba neng ba kcona go tlhalosa bo ntlha bongwe ja lone fela. Mme re lebaganwe ke kgwetlh e e tshwanang ya ditsala tsa ga Marco Polo. Re tshwanelwa ke go akanya re bona dikwena le magala' a re iseng re a bone, ka gore se re se utlwang mo Baebeleng ka legodimo se re bontsha legodimo ga se go nna mo marung o letsaharepa fela.

### 1. A LEGODIMO KE LEFELO LA BOAMMAARURI

Jeso O re baakanyetsa bonno ja boammaaruri kwa legodimong la boammaaruri.

**"A dipelo tsa lona di se fuduege, lo dumela mo Modimong, dumelang le mo go Nna. Mo tlung ya ga Rre go na le manno a le mantsi, fa go ne go sa nna jalo, nka bo ke lo boleletse, GONNE KE YA GO LO BAAKANYETSA BONNO. Mme fa ke ya go lo baakanyetsa bonno, KE TLA TLA GAPE, mme ke tla lo itsholela, gore kwa ke gona, le lona lo nne gona."** - Johane 14:1-3.

Jeso O tla mo lefatsheng la rona e le la bobedi go tla a re isa kwa magasigasing a motse wa selegodimo o o galalelang go feta ditoro tsa rona: Jerusalema yo Mosha.

Fa re setse re tshedile teng dingwaga di le sekete, Keresete O ikaeleta go tlisa legae le la selegodimo mo lefatsheng. Fa Jerusalema yo Mosha a fologa, molelo o tla ntlatfsa lefatshe lotlhe. Lefatshe la rona le le shafaditsweng le tla bo le nna legae la ba ba bolokilweng. (Tshenolo 20:7-15) kaelo 22 e tla oketsa kitso ya gago ka ga se.



Johane, yo o kwadileng Tshenolo o bolela go tla diragala le eng gape?

**"Mme ka bona legodimo le lesa le lefatshe le lesa, gonne legodimo la ntlha le fetile, le lefatshe la pele; le lewatle ga le tlhole le leyo. Mme ka bona motse o o boitshepo, Jerusalema yo o mosha, o fologa mo legodimong o tswa kwa Modimong, o etleeditwe jaaka monyadwi yo o kgabetseng monna wa gagwe. Mme ka utlwa lentswe le legolo le tswa mo setilong sa bogosi le re; Bonang boago ja Modimo bo mo bathong, mme o tla aga nabo, mme ba tla nna batho ba ona, le Modimo ka Osi O tla nna nabo, mme O tla nna Modimo wa bone." - Tshenolo 21:1-3.**

Morago ga go fetolwa ke molelo, Jeso O sololetsa bo mang gore ba tla nna mo lefatsheng le lesa?

**"Go sego ba ba pelonomi, go nne ba tla rua lefatshe."** - Mathaio 5:5. (*Bona le Tshenolo 21:7.*)

Keresete O sololetsa go buseletsa lefatshe la Gagwe le le kileng la bo le tlhokgame kwa bontleng ja lone ja Edene, mme ba ba pelonomi "ba tla rua lefatshe".

## **2. A RE TLA NNA LE MEBELE YA BOAMMAARURI KWA LEGODIMONG?**

Jeso O ne A tlhalosa jang go bonala ga Gagwe kwa barutweng ba Gagwe A le mo mmeleng o o tsositsweng mo baswing o galalela?



**"Lebang diatla tsa me, le dinao tsa Me, fa e le Nna ka nosi; Nkapaapang, le bone; go nne moyga o na nama le marapo jaaka lo mpona ke na le ona."** - Luke 24:39.

Jeso O ne A na le mmele wa boammaaruri, O ne A raya Thomase A re a tle go mo tshwara (Johane 20:27). Mo tiragalang e, Jeso O ne A tsena mo ntlong ya boammaaruri, (kana tota) a bua le batho ba boammaaruri (kana tota) a bo a ja dijo tsa boammaaruri. (kana tota) (Luke 24:23).

Kwa legodimong ga go nne mewa, go nna batho ba boammaaruri ba ba akolang botshelo ja semoya e bile ba na le mebele e galalelang.

**"Gonne motse wa rona o kwa legodimong, kwa le gona re lebeletseng Mmoloki go tswa gone, e bong Morena Jeso Keresete, Yo O tla bopang sesha mmele wa boikokobetso jwa rona, gore e bopege jaaka mmele wa kgalalelo ya Gagwe ka fa go direng mo O nonofileng go ipeela dilo tsotlhemo taolong ya Gagwe ka gona."** - Bafilipi 3:20-21.

Re ka nna le tlhomamiso ya gore mebele ya rona ya selegodimo e tla bo e le ya boammaaruri jaaka mmele wa ga Jeso morago ga tsogo.

A re tla lemoga ba malapa le ditsala kwa legodimong?

**"Gonne gompieno re bona mo seiponeng go le lefitshwana, mme e tla re mo lobakeng loo re tla bona go lebanye difatlhogo. Gompieno ke itse ka bontlha nngwe, mme e tla re mo lobakeng loo, ke tla itse fela jaaka le nna ke itsilwe."** - 1 Bakorintha 13:12.

Kwa legodimong re tla itse ka mo go tletseng. Re tla tlhaloganyana re bo re amogelana thata go fetisa jaaka re kile ra dira mo lefatsheng le.

Barutwa ba ga Jeso ba ne ba mo lemoga A le mo mmeleng wa selegodimo ka ntlha ya ka fa ba neng ba itse a bopegile ka teng (Luke 24:36-43). Maria o ne a mo itse kwa lebitleng ka ntlha ya lentswe le A le tlwaetseng fa Jeso a mmitsa ka leina (Johane 20:14-16). Barutwa ba babedi kwa Emao ba ne ba mo itse ka ntlha ya ditiro tsa Gagwe. Fa ba lemoga tsela e moeng wa bone a neng a segofatsa dijo ka yone, ba ne ba mo itse jaaka Morena ka ntlha ya boitsholo ja Gagwe (Luke 24:13-35).

Barekolodwi ba tlhomamisega ka kopano e e itumedisang ya go lebanya difatlhogo. Akanya ka boitumelo ja go lemoga monyenyo o o faphegileng wa mopati wa gago kgotsa lenseswe la ngwana yo o saleng o mo robatsa bogologolo, kgotsa ditiro tsa tsala e rategang. Re tla bo re na le bosakhutleng jwa go simolodisa botsalano le batho ba ba molemo mo lobopong.

### **3. RE TLA DIRA ENG KWA LEGODIMONG?**

Re tla bo re na le ditiro di le dints tse di tla re gwetlheng kwa legodimong.  
Go ikagela ntlo e o sa leng o e lora go ntse jang?

**"Gonne bonang, ke tlhola magodimo a masha le lefatshe le lesa...mme ke tla ipela ka Jerusalema, ke ja monate mo bathong ba Me... Mme ba tla aga matlo ba nna mo go one, ba tla tlhoma masimo a mafine, ba ja maungo a one... mme baitshenkedwi ba Me ba tla ja tiro ya diatla tsa bone ka monate, ka lobaka lo lolele." - Isaia 65:17-22.**

Jeso O setse a re baakanyetsa bonno mo motseng o Boitshepho, Jerusalema o mosha (Johane 14:1-3, Tshenolo 21). Ditemana tse di bolela gore re tla ikagela matlo - matlo a a eletsegang thata re bo re a kgabisa ka dimela tsa legodimo. Ke mang yo o itseng ka tlhabololo e e re emetseng kwa tlhabologong e e kwa godimo ya Modimo? Maranyane a rona a tla simolola go lebega jaaka dinyana fa re setse re nna le boitemogelo ja mantle a ntlo ya ga Rara.

A o rata bontle ja metsi a a thunyang, mafulo a a tletseng modumo wa letsomane, dinaga tsa dipula le dithunya tse di ntlo?

**"Gonne Jehofa o gomoditse Siona... o dirile naga ya gagwe go nna jaaka Edena, le sekaka sa gagwe jaaka tshimo ya ga Jehofa, boipelo bo tla bonwa gona le boitumelo, tebogo le lenseswe la kotiketso." - Isaia 51:3.**

Modimo o tla fetola lefatshe a le dira tshimo ya Edena. Go tla bo go sena mouwane kgotsa leuba, matsha a tla nna a le phepa, dithare di le dintle, le matlhakore a dithaba a sa senngwa.

Ga se bontle ja lefatshe fela, le bokgoni ja rona ja go bo amogela bo tla okediwa. Go tla lebega jaaka letsatsi la ntlha o tswela kwa ntle morago ga bolwetse jo bo lee. Metsotso ya ntlha e masome mabedi e tla oketsega go nna bosakhutleng.

A o rata go nna le itemogelo ka dilo tse di sha? Go ithuta le go dira?

"Kwa, ditlhaloganyo tse di sa sweng di tla bona ka boitumelo jo bo sa feleng, dikgakgamatso tsa nonofo ya go dira le masaitseweng a lorato lo lo rekololang. Karolo nngwe le nngwe e tla tlhabololwa, bokgoni jothe bo tla okediwa. Go bona kitso ga go ketla go lapisa tlhaloganyo kgotsa go fetsa maatla. Kwa, go tla diragadiwa dikeletso tsotlhe tse di molemo, mme go tla nna go na le dikgakgamatso le bontle jo bo sha, boammaurjo bosha gore bo tlhalogangwa le dilo tse di tla lopang dinonofo tsa tlhaloganyo, mowa le mmele. Dikhumo tsotlhe tsa lobopo di tla supiwa gore barekolodwi ba Modimo ba di ithute" - Ellen G. White. The Great Controversy (Nampa, Idaho; Pacific Press Publishing Association, 1950), tsebe 677.

### **4. A BOSULA BO TLA TSENA GAPE KWA LEGODIMONG?**

**"Mme ga go ketla go tsena mo go one sepe se se itshekologileng gope, le fa e le ene yo o dirang makgapha le maaka, fa ese ba ba kwadilweng mo lokwalong Iwa botshelo la ga Kwana fela." - Tshenolo 21:27.**



Modimo O tsile go ntsha boleo le ditlamorago tsa jone gotlhelele, ga di ketla di nna teng gape. Fa Jeso A bonala, "re tla tshwana Nae" (1 Johane 3:2). Mo boemong jwa go leka go lwa le keletso ya go bolaya, go utswa, go bua maaka kgotsa go beteleta, re tla bo re dira ditiro tsa selegodimo.

**"Mme (Modimo) o tla phimola dikeledi tsotlhe mo matlhong a bone, mme ga go ketla go tlhola go nna le loso, le gone ga go ketla go tlhola go le bofutsana, le fa e le selelo, le fa e le botlhoko; dilo tsa pele di fetetse ruri."** - Tshenolo 21:4.

Le mmaba yo mogolo loso, o tla nyelela. Mo lefatsheng la legodimo la bonana, barekolodwi ga ba swe (1 Bakorintha 15:53); ga gona ope yo o tla tlholang a tlhorontshiwa ke botsofe.

Legodimo ga le senye maduo a boleo fela, le a a fetola. Akanya gore go tla bo go ntse jang mo go ba ba bogileng ka bogole mo botshelong ja bone jotlhe.

**"Ke gona matlho a difofu a tla foufololwang, le ditsebe tsa babosusu di tla thibololwang. Ke gona setlhotsa se tla tlolang jaaka kwalata, le loleme la semumu lo tla opela; gonne metsi a tla phunyega mo nageng, le dinokana mo sekakeng."** - Isaia 35:5, 6.

## 5. BOITUMELO JO BOGOLO JWA LEGODIMO KE ENG?

Akanya o bona Morena wa lobopo difatlhogo di lebanye.

**"Bonang, boago jwa Modimo bo mo bathung, mme O tla aga nabo, mme ba tla nna batho ba Ona, le Modimo ka Osi O tla nna nabo, mme O tla nna Modimo wa bone."** - Tshenolo 21:3.



Modimo Mothatayotlhe O sololetsa go nna mopati le moruti wa rona. A boitumelo ja go nna fa dinaong tsa Gagwe! Akanya gore moopedi a ka dira go le kae go senya nako le Beethoven kana Mozart. Akanya gore rramaranyane o ka tshegetsa go le kae lesego la go nnafafatshe le Albert Einstein kgotsa bokao jwa gore motshwantshi a bue le Michelangelo kgotsa Rembrandt.

Akanya fela; barekolodwi ba tla nna le lesego le le kgolo go difeta tsotlhe. Ba tla buisanya le Mosimolodi wa Moopelo, maranyane le tiro ya diatla. Ba tla bo ba na le botsalano le tlhaloganyo e kgolo le pelo e e boteng mo lobopong. Mme botsalano jo bo tla fetelela go nna kobamo.

**"Mme go tla dirala gore go tloga mo kgwedding e ntsha go ya kwa go e nngwe, le mo sabateng mongwe go ya kwa go yo mongwe, nama yotlhe e tlatla go obama fa pele ga Me, go bua JEHOFA."** - Isaia 66:23.

Fa gare ga motse wa selegodimo go ntse setilo se segolo se se sweu sa bogosi sa Modimo. Sefathhogo sa Gagwe se se dikologilweng ke motshe-wa-godimo se phatshima jaaka letsatsi le le mogote thata. Ka fa tlase ga dinao tsa Gagwe ke lewatle la segalase. Baitshephi ba phuthega fa godimo ga lewatle le go galaletsa Modimo.

**"Mme ba Jehoha A ba lehetseng ba tla bowa, ba tla tla ka kopelo mo Siona; boitumelo ja bosakhutleng bo tla nna mo ditlhogong tsa bone; ba tla bona boitumelo le boipelo; mme bofutsana bo tla fofela koo le diphegelo."** - Isaia 35:10.

Yo ke mongwe yo bomolemo ja Gagwe bo sa feleng. Boikanyego, boppelotelele le bopelonomi ja Gagwe bo nna bo le teng. A go galalediwe leina la Gagwe le le boitshepho!

## 6. RE TSHWANETSE GO NNA TENG!

Jeso O eletsa bokopano ja difatlhogo di lebanye. Ke gone A ne A itetla go go golola mo boleong ka tlhwatlhwa e e kana-kana. O tshwanetse go dirisetsa mpho e mo letlhakoreng la gago. O tshwanetse go ineele mo go Keresete e le Morena le Mmoloki. O tlhoka boitshwarelo jo bo tswang kwa mokgorong ka gonne:

**"Mme ga go ketla go tsena mo go ona (Jerusalema o mosha)  
sepe se se itshekologileng gope, le fa e le ene yo o dirang se  
se makgapha le maaka; fa ese ba ba kwadilweng mo  
lokwalong la botshelo la ga Kwana fela." - Tshenolo 21:27.**

Jeso O re golola mo boleong; e seng ka boleo. Re tshwanetse go ya kwa go Ene ka nonofo ya Gagwe e mo go rona re bo re kgaoganngwa mo go ba ba itshekologileng le ba ba seng boitshepho. Jeso ke Ene kgoro ya rona go tsena mo bogosing ja Gagwe jo bo tlang.



Bogosi jo bo ka nna le tshimologo ya jone gompieno mo pelong ya gago. Fa Keresete A re golola mo boleong, o bopa legodimo le lenye mo dipelong tsa rona. O ka re thusa go fenza tenego, dikeletso, poifo, matshwenyego le go ipona phoso mo re tshelang le gone. Tsholofelo ya legodimo ga se kgoro ya go tlogela mathata a botshelo; e thusa go bopa legodimo le lenye mo lefatsheng. Tshekatsheko e e dirlweng mo bosheng, e supa gore "ba ba dumelang gore go na le botshelo morago ga loso ba tshela ka boitumelo, e bile ba ikanya batho go na le ba ba sa dumeleng."

Ga gona sepe se se ka dirang pharologanyo mo botshelong ja gago fa ese botsalano ja boikanyo le Jeso Keresete. Reetsa gore Petere o tlhalosa jang pharologanyo e e dirwang ke tumelo e e tshedileng:

**"Yo le fa lo ise lo mmone, lo A mo rata; Yo, le fa lo sa mmone gompieno, le fa gontse jalo, ka lo dumela mo go Ena, LO BO LO ITUMELA THATA MO GO ENA KA BOITUMELO JO BO SA KAKENG JA BOLELWA, JO BO TLETSENG KGALALELO: Ka lo amogela bofelelo ja tumelo ya lona e bong poloko ya mewa ya lona." - 1 Petere 1:8, 9.**

Pharologanyo ke dilo tse tsotlhe, le legodimo tota. A o setse o na le itemogelo ya botshelo jwa khumo jo Keresete A batlang o nna le najo? Tswee-tswee o seka wa tlhokomolosa taletso ya Gagwe ya lorato.

**"Mme Moya (O O Boitshepho) le Monyadwi ba re, Tla! Le yo o utlwang, a ake a re Tla! Le yo o nyorilweng a atle; yo o ratang a a tsee metsi a botshelo, a a tsee fela a sena theko." - Tshenolo 22:17.**

Jeso O na le wena gompieno, O bua le pelo ya gago jaaka o bala fa. O go laletsa go Tla! Ga a kake a tlhwaafala go feta fa. Fa o ise o ye kwa go Ene, nako e go di feta tsotlhe mo botshelong ja gago ke lone lesego la gago la go seka-seka taletso ya Gagwe.

Ke eng o sa mmolelele gore o amogela mpho ya Gagwe e bile o batla go tshela ka bosakhutleng Nae? Mmolelele gore o a Mo rata. Mo lebogeletse A go di diretseng le tse a sa ntseng a batla go go di direla. Fa gona le sekgoroletsi fa gare ga gago le Modimo, mo kope go go dira gore o batle go se ntsha. Gompieno fa o utlwa lentswe la Gagwe, pelo ya gago e santse e ka araba sentle, ineele mo go Ene ka mo go feletseng. Oba tlhogo ya gago mo nakong e o bo o re "Jeso, Morena wa me, ke etla. Ke neela gotlhe ga me mo go Wena. Ke tla nna wa Gago ka bosakhutleng.

## JESO O TLAAN TLA KA BOFEFO JO BO KAE?

Bontsi ja rona bo nna bo ikutlwa go ka okomela go bona gore isago e re tsholetse eng. Re batla go itse gore ke eng se se tlaa diragalang. Mme go thata go bona dikakanyetso tsa boammaaruri ka seemo sa loapi.

Mme go nale mongwe yo diporofeso tsa gagwe e leng tsa boammaaruri. Jeso Keresete O ka re goga mo isagong ka lefoko la Gagwe, ke mokaedi Yo O ikanyegang. Mo thutong e, re ya go lebelela se A neng A se bua ka go tla ga Gagwe ga bobedi. Ke mang yo o neng a ka itse thata ka bokhutlo ja lefatshe go feta Ene Yo O le tlhodileng kwa tshimologong?

### 1. DITSHUPO TSA GORE KERESETE O TLAAN TLA MO NAKONG YA RONA

Morago ga fa Jeso a tlhomamisetsa barutwa ba Gagwe gore O tlaa tla mo lefatsheng la rona ele Iwabobedi (Mathaio 23: 39), ba ne ba mmotsa potso efe?

**"Re bolelele gore dilo tse di tlaa dirala leng? Le sesupo e tlaa nna eng sa go tla ga Gago, le sa bokhutlo ja lefatshe?" - Mathaio 24:3.**

Jeso O ne a ba araba ka bottlalo mo go kgotsofatsang. Mo go Mathaio 24 le Luke 21, O ne a fa ditshupo ka bo Ene, tse di ka re bontshang fa go tla ga Gagwe go le gaufi. Di polelo-pele tse dingwe tsa Baebele di thusa go supa ditshupo tse, di tlhalosa seemo sa lefatshe fela pele ga go tla ga ga Keresete mo lefatsheng mo go gaufi.



A re lebeleleng ditshupo tse di lesome tsa porofeso ya Baebele mo tseleng e e yang legodimong, re bo re seka-sekeng dipotso tse moeti wa gomieno a ka di botsang fa a bala dipolelo-pele kana diprofeso tse.

### Tshupo ya Ntlha - Pitlagano! Poifo! Tebelelo!

Mo dingwageng tse di fetang makgolo a le lesome le borobabongwe tse di fetileng, Jeso O ne A fa polelo-pele kana perofeso ka ga botshelo, e e utlwlang o ka re go ka twe e tswa mo dikganyeng tsa maitseboa:

**"Mme go tlaa nna DITSHUPO mo lefatsheng, le mo kgwedding, le mo dinaleding, le mo lefatsheng pitlagano ya merafe, e raranngwa ke lewatle le dintelo, go suma ka kgwaso e kgolo; LE BATHO BA IDIBADIWA KE POIFO LE TEBELELO YA DILO TSE DI TLANG MO LEFATSHENG; gonno dinonofo tsa legodimo di tlaa reketlisiwa. MME KE GONA BA TLAA BONANG MORWA MOTHOKA TLA ka nonofo, le ka kgalalelo e kgolo. Mme e tlaa re dilo tse di simologa go dirala, hong lo lelale, lo tsholetse ditlhogo tsa lona, ka gonno thekololo ya lona e tla bo e atamela." - Luke 21:25-28.**



Ga gona tlhaloso e e boammaaruri go feta e e reng, "Batho ba idibadiwa ke poifo le tebelelo ya lefatshe a gatelela boammaaruri ja gore e le ruri go tla ga ga Keresete go atametse. Gompieno batho ba nna ba bua ka go tshwenyega ba re, "Bona gore lefatshe le diragalelwaa"

Jeso O re fa motheo wa tsholofelo mo lefatsheng le le kotsi. Mathata a gompieno a poifo le pitlagano ya lefatshe a gatelela boammaaruri ja gore e le ruri go tla ga ga Keresete go atametse. Gompieno batho ba nna ba bua ka go tshwenyega ba re, "Bona gore lefatshe le diragalelwaa"

ke eng!" Mme moithuti wa polelo-pele kana porofeso ya Baebele o ka bua ka lentswe le le tletseng tsholofelo a re "Bona gore KE MANG yo o tlwg mo lefatsheng la rona!"

### Tshupo ya Bobedi - Dikotsi tsa mo Lefatsheng.

Dikotsi tsa tlholego di tsena fa kae mo ditiragalang tsa malatsi a bokhutlo?

**"Mme go tlaa nna DITHOROMO TSA LEFATSHE tse di kgolo, le mo mafelong a mangwe go nne MMOPAMO le DIKGOGODI TSA BOLWETSE; mme go tlaa nna dilo tse reregisang fa di bonwa, le ditshupo tse di tswang kwa legodimong. Fela jalo le lona fa lo bona dilo tse di dirala, itseng fa BOGOSI JA MODIMO BO ATAMETSE."** - Luke 21:11, 31.

Akanya ka tlala sebaka se sekhetshwane. Bana ba ba bolawang ke tlala ka dimpa tse di duleng ba nna ba le mo dikganny. A ga go gakgamatse gore lefatshe le le kgonang go romela batho ba lone kwa ngwedding le PALELWA ke go jesa batho ba lone? Jeso O ne a itse gore tlala e tlaa nna teng, gore bopelotshetlha ja batho bo tlaketsegfa bokhutlo bo atamela.

Ka dithoromo tsa lefatshe gone? Go ya ka World Almanac ya 1999, go bolelwa gore mo makgolong a dingwaga ka go tlhomagana a nako ya Sekeresete, dithoromo tsa lefatshe tse dikgolo di a oketsegfa: ka dingwaga tsa bo makgolo a le lesome le borobabobedi (18th Century), go ne ga nna le dithoromo tsa lefatshe di le thataro; ka dingwaga tsa bo makgolo a le lesome le borobabongwe (19th century) di ne tsa nna supa; ka dingwaga tsa bo makgolo a masome mabedi (20th century), di ne tsa feta lekgolo. Bosupi bo tswelela ka go oketsegfa jaaka fa re atamela nako ya rona.



Dipalo tse di rurifatsa polelo-pele kana porofeso ya ga Jeso. Tlala le dithoromo tsa lefatshe tse di kgolo di atamela sethoa - "bogosi ja Modimo bo atametse!" A dingwaga tsa rona tsa bo makgolo a masome mabedi le motso di tlaa tlisa palo e ntsi ya dithoromo tsa lefatshe tse dikgolo kgotsa go tla ga Kgosi ya dikgosi.

### Tshupo ya Boraro - Go Ntsifatla ga Khumo.

Sekao sa gore bontsi ja batho bo bo bo humanega fa palo e e tlalang seatla e humela kwa pele ke eng?

**"Lo ipoloketse khumo ya lona mo metlheng ya bofelo."** - Jakobe 5:3.

Lefa re itse thata ka tsa itsholelo, bahumi ba humela pele le bahumanegi ba humanegela pele. Dikhumo tsa dikete-kete ke ditshupo tsa dingwe tsa gore "go tla ga Morena go gaufi" (Jakobe 5:8).



### Tshupo ya Bone - Go tlhoka Kagiso ga Batho.

Ke eng fa go tlhoka kagiso ga badiri mmogo go oketsegfa thata?

**"Bonang, tuelo ya badiri ba ba segileng mabele a lona, e lo padileng ka yona ka tsietso e a kua, LE GO GALA GA BA BA ROBILENG, go tsenye mo ditsebeng tsa Morena wa masomosomo. Le lona lo nne pelotelele; lo itiise dipelo; GONNE GO TLA GA MORENA GO GAUFI."** - Jakobe 5:4, 8.

Morago ga go perofesa go kgobokana ga khumo mo go sa kakeng ga lekanngwa le sepe, Jakobe o ne a bonela-pele go tlhoka kagiso go tsoga mo badiring ba ba sa kgotsofalang. Kilo fa gare ga ba "ba nang" le ba "ba senang" e tswelela go ntsifala: ke tshupo e nngwe ya gore "go tla ga Morena go gaufi."

### **Tshupo ya Botlhano - Go bola ga Setho.**

Ke eng fa go lebega o kare setho se a kgagoga?

**"Mme itse seo se, gore MO METLHENG YA BOFELO GO TLA TLA DIPAKA TSE DI TLHOKOFATSANG. Gonne batho ba tlaa nna baithati, le barati ba madi, le babelahadi, le baipegi, le bakgadi, le ba ba sa utlweng batsadi ba babone, le ba ba sa lebogeng, le ba ba sa itshephang, ba sena lorato lwa tlholego, e le ba ba sa itshwareleng, e le bapateletsi, ba sena boithibo, ba le bogale, e se barati ba molemo gope, e le baoki, e le ba ba tlhogo-ethata, e le ba ba ikgogomosang, e le barati ba dikgatlhego, bogolo go go nna barati ba Modimo; e le ba ba tshotseng setshwantsho fela sa poifo Modimo, mme thata ya yone ba e latotse. Mme BATHO BA BA BOSULA LE BATSIETSI BA TLA NNA BA SULAFALELA PELE, ba tsietsa e bile ba tsiediwa." - 2 Timotheo 3: 1-5, 13.**



A mongwe o ne a ka akanya tlhaloso e e boammaaruri go feta ka lefatshe la rona? Gongwe le gongwe kwa o lebang teng malatsi a, o bona botho jo e seng jone. O bona basha ba ba sa laolesegeng le bana ba bolaya batho. Dilo tse tsotlhe di bolela gore go tla ga ga Jeso go gaufi thata.

### **Tshupo ya Borataro - Go oketsega ga Masalamose.**

Ke eng fa re bona kgathego e e ntsi jaana mo masalamoseng?

**"Gonne go tla tsoga Bakeresete ba e seng bone, le baperofeti ba e seng bone, mme ba tla bonatsa ditshupo tse dikgolo , le dikgakgamatso; gore fa go ka nna jalo ba timetse ba e leng baitshenkedwi ka bosi." - Mathaio 24:24.**


Ditemana tse di bolela pele kana perofesa gore nako ya bokhutlo e tla a bo e na le mefuta yotlhe ya dishupo le dikgakgamatso; kgalaletso ya dinonofo tsa tlholego tsa kwa godimo e e mo dikgannye tsa botlhokwa. Ba ba dumelang mo dingwageng tsa boshra (New Age Movement) ba tletse gongwe le gongwe ba rekisa ditlamelo tsa masalamose ba bo ba gokaganya batho le mewa e e ba tlogetseng. Ditshupo le dikgakgamatso tse e seng tsone di tumile. Tse tsotlhe di supa ka botlalo gore fela jaaka Jeso a boletse go le pele, re tshela mo nakong ya "go tla ga Morwa Motho" ( Mathaio 24:27).

### **Tshupo ya Bosupa - Lefatshe le le Tsositsweng.**

Sekao sa go tsoswa mo go lemogeng lefatshe la Africa, Bothhaba-bogare le Uropa - botlhaba le ditshaba tsa Botlhaba - kgakala?

**"A MERAFE E ITSOSE, tsenyang thipa ya mabele, go nne boikepo ja bone bo bogolo. A bontsintsi jwa batho mo molapong wa katlholelo." - Joele 3:12-14.**

Gompieno, mo mafatsheng a Africa, Asia, Yuropa botlhaba, Soviet Union wa pele le Botlhaba-bogare, re bona go tsosiwa ga ditshaba mo go iseng go kwalwe gope mo ditsong tsotlhe, "gonne letsatsi la Morena le atemetse."



## Tshupo ya Borobabobedi - Dithulaganyo tsa kagiso le Dipaakanyetso tsa Ntwa.

Re tshela mo lefatsheng le le gakgamatsang. Mongwe le mongwe o dumelana le gore re fe kagiso sebaka. Re bua ka kagiso, mme re simolola dintwa; tse dingwe di le dikgologolo, tse dingwe di nna dintwa tse di tlhwaaafetseng. Baperofeti Mika le Joele ba ne ba perofesa gore ka nako e merafe e tla bong e bua ka keletso ya kagiso (Mika 4:1-3), go tlhoka go tshepa baagisanyi ba bone go dira gore ba baakanyetse ntwa (Joele 3:9-13).

Bogologolo Baebele e ne ya bona mathata a rona a kagiso le ntwa, mme ya bolela fa kagiso ya sennela-ruri e tla busa mo lefatsheng fela fa Jeso a tla.

## Tshupo ya Borobabongwe - Tswelelopele ya Segompieno.

Ke eng e re morago ga dingwaga tse di makgolo-kgolo tsa ditso tsa setho, tsa mesepel le dithaeletsanyo di bo di kopantse lefatshe ka tsela e?

**"GO YA GO FITLHA FELA KWA MOTLHENG WA BOKHUTLO, batho ba le bantsi ba tla tabogela tabogela kwa le kwa, mme kitso e tla totafala." - Daniele 12:4.**

Daniele o supa gore kitso ya dipolelo-pele kana diperofeso tsa Gagwe e tla oketseggo go fitlhela kwa bokhutlong. Polelo-pele e lebega e ne e lebagantswe le motlha wa rona o go dirisiwang ditlhabololo tsa maranyane. Mo dingwageng tse di masome matlhano tse di fetileng, kitso e ntsifetse go feta mo dingwageng tse di dikete tse pedi tse di fetileng.

"BONTSI BO TLA TABOGELA KWA LE KWA GO OKETSA KITSO." Pele ga 1850, batho ba ne ba dirisa dipitse le dikotsekara jaaka kwa tshimologong mo go tsa mesepel. Gompieno re kgabaganya lefatshe ka difofane tsa concorde le dipalamo tse dingwe tse di bofeso. Go ntsifala ga mesepel le ditlhabololo go fa bosupi jo bongwe ja gore re tshela mo "nakong ya bokhutlo."

## Tshupo ya Bolesone - Mafoko a a Molemo kwa Lefatsheng lotlhe.



Jeso O ne A bolela gole pele kana perofesa gore fela pele ga go tla ga Gagwe, mafoko a a molemo a tla goroga mo lefatsheng lotlhe.

**"Mme mafoko a a molemo a, a bogosi, a tla rerwa mo lefatsheng lotlhe, go nna tshupo mo merafeng yotlhe, hong ke gone bokhutlo bo tla tlhang." - Mathaio 24:14.**

Bontlha bongwe ja lefatshe bo ne bo bosiwa ka puso ya tshipi dingwaga tse dintsi, mafoko a a molemo a sa goroge kwa go lone. Morago ga sebaka Yuropa-botlhaba a kgona go falola puso ya sekomanise. Lebota la Berlin le ne la wa, mme bogosi ja Soviet ja phatlalala. Ka bofeso lefatshe la simolola go bulela mafoko a a molemo diatla.

E le ruri mafoko a a molemo a ya kwa lefatsheng lotlhe go gaisa jaaka pele. Molaetsa wa Sekeresete o gasetswa tshaba nngwe le nngwe ka Satellite. Re tshela mo nakong e Jeso a neng a bua ka yone fa A ne A re: "Mafoko a a Molemo a tla rerwa mo lefatsheng lotlhe, hong bokhutlo ke gone bo tla tlhang."

## 2. JESO O TLA A TLA KA BOFEFO JO BO KAE?

Morago ga go tlhalosa ditiragalo tse di tla etelelang go tla ga Gagwe ga bobedi pele, Jeso O feleletsa ka gore:

**"Ammaaruri Ke a lo raya, losika lo ga lo ketla lo feta go tlo go tsamae dilo tsotlhe tse di dirale pele." - Mathaio 24:34.**

Bokhutlo bo tlhamaletse - losika lo lo supiwang ke ditshupo tsa perofeso lo tla bona Jeso a boela mo lefatsheng e le la bobedi. Ga go kgakala gore a feelele boleo le pogiso kgakala a bo a tlhoma bogosi ja Gagwe jo bo sa khutleng. Jeso O tlhagisa A re: "Mme ka ga letsatsi leo, le nako eo, ga go itse ope" Mathaio 24:36.

Jeso O tswelela ka gore:

**"Mme ke gone le lona nnang fela lo iketleeditse; gonne Morwa Motho O tla ka nako e lo sa Mo solofeleng ka yone." - Mathaio 24:44.**



### 3. JESO; TSHOLOFELO FELA YA LEFATSHE

Keresete ke Ene tsholofelo ya bofelo e e siameng ya lefatshe, ka gone O ka kgona go dira le sengwe le sengwe se se le senyang - (boleo). Jeso o sule mo Khalefari gore boleo bo fenngwe le gore botlhe ba ba amogelang taletso ya Gagwe ya poloko ba rekololwe.

**"Yo o dirang boleo ke oo-rra Diabolo; gone Diabolo o sale a leofa le mo tshimologong. Morwa Modimo O bonatshedswe moo gore A senye ditiro tsa Diabolo." - 1 Johane 3:8.**



Mmoloki wa rona O diretse lefatshe la rona le le phatlalalang kgoro ya botso ka go ntsha nama le madi a Gagwe setlhabelo. Mme Ene Jeso Yo e tla reng ka letsatsi lengwe a fodise malwetse otlhe a lefatshe ka go senya boleo, o itetla go ntsha maswabi a boleo mo botshelong ja gago. Ga o tlhoke go emela go tla ga bobedi gore o bone kgololesego mo maswabing, letsap le boitsholo jo bo isang tatlhengong. Jeso O batla go go fa kagiso ya Gagwe gone jaanong.

E ne ya re fa a tseneletse phuthego ya sedumedi, lekgarebe le ne la amiwa thata ke ther. Fa a utliwa polelo ya Mmoloki yo o tlang ka bonako e tsweletse, dilo tsa simolola go tlhamalala. Se se ne se na le tlhaloganyo. O ne a lemoga gore o ntse a batla lorato, boitumelo le kagiso mo mafelong a e seng one. Jeso O ne a tshwanetse go nna karabo.

Letsatsi le le latelang fa baruti ba ile go Mmona, O ne A ba bolelela polelo ya botshelo jo bo bothhoko. O ne A le kwa tlase ka ntla ya bojalwa le ditagi, mme jaanong a itshtesa ka go rekisa mmele wa gagwe. Fa a sena go bua mathata otlhe a gagwe, o ne a re: "E le ruri lo ne lo bua le nna maabane."

Mme lentswe le le neng le tsenye kwa pelong ya gagwe ke lentswe la Modimo. Mme o ne a bua ka bonolo. O ne a tsaya tshwetso ya go kgaogana le botshelo ja gagwe. O ne a laletsa Keresete go tsena mo pelong ya gagwe A le Morena le Mmoloki, a bo a itshwarelala ka tsholofelo ya go tla ga Gagwe. Mo dibekeng tse di latelang, o ne a lemoga gore dipoi fo tsotlhe tsa gagwe tse a neng a nna a leka go di khurumetsa ka bojalwa di ne di sa tlhola di mo tshwenya, jaaka a ne a nna a buisana le Jeso. Jeso O ne a mo golola mo dikeletsong tse di neng di senya botshelo ja gagwe.

O ne a dirile dilo tse dintsi tse a sa di rateng. Mme tshegofatso le boitshwarelo ja Modimo di ne tsa nna le nonofo e e fetang ditlhong tsa gagwe. Itemogelo ya legodu kwa mokgorong e ne e le bothhokwa thata mo go ene. Mo metsotsong ya gagwe ya bofelo, rre yo wa legodu o ne a leba Yo o bogisiwang a sena molato mme a mo kopa a re, "Jeso, a ko O nkgopole mogang O tllang mo bogosing jwa Gago" (Luke 23:42).

Gone foo, Jeso a mo sololetsa gore o tla nna le Ene kwa Paradaise (temana 43). Ene Jeso yo O fileng legodu le le swang boitshwarelo, O go laleletsa poloko, boitshwarelo jo bo feletseng le kagiso mo moeng. Itlhopheli gompieno.

Le wena o ka rapela thapelo ya legodu le le swang; "Jeso, A ko O nkgopole mogang O tlang mo bogosing ja Gago." Jeso O tla go araba A re; "Ke tla tla gape, mme o tla nna le nna kwa Paradaise."

## NONOFO E E SA ITSIWENG MO BOTSHELONG JA ME

Ka 1929, Frank Morris o ne a pagama sekepe se se yang Switzerland. O ne a sa le a eletsa go tsaya loeto le. Mme loeto lo lo ne la felela e le itemogelo e e tlhabisang dithong. Mothokomedi wa ga Frank o ne a mo lottelela mo ntlwaneng ya gagwe bosigo bongwe le bongwe. Morago ga sefitlholo, Frank o ne a itshidila ka bokhutshwane, mme o ne a ikutlw a le seelele fa a ntse a setswe morago jaaka phologolo e le mo segoleng. Mothokomedi wa gagwe o tla bo a mmaya mo setilong se se lapolosang. Nako le nako fa ba kopana le moeti yo o neng a batla go tsamaya le Frank, motlhokomedi o ne a gana a re o tshwanestse go nna a mmeile leitlho.



Frank e ne e le mogolo yoo nang le dikeletso tsotlhe tsa bagolo mme gape o ne a le sefolu. Motlhokomedi o ne a bona e kare Frank ga a kake a itlhokomela. Frank o ne a tshwarwa jaaka sephuthelwa se se tshwanetseng go nna se eteletswe pele.

Kwa Switzerland, botshelo ja ga Frank bo ne ja fetoga thata. Fa a le teng, o ne a ithuta ka dints a tse di katisedseng go kaela difofu. Frank o ne a boela kwa Amerika ka ntsa e e bidiwang Buddy mme a simolola mokgatlho wa Seeing Eye o o setseng o le mo lefatsheng lotlhe.

Frank ka a ne a na le Buddy o ne a kgona go ya gongwe le gongwe le mongwe le mongwe nako nngwe le nngwe. Jaanong o ne a ikutlw a gololesegile. E ne ya re fa a supa bomosola ja dints a tse kwa New York, Buddy o ne a mo etelela fa gare ga dikoloi tse dints i. Ka go bo Frank a ne a tshepha Buddy, o ne a kgabaganya tsela a sena letshogo. Babega dikgang ba ne ba wela dingalo go kgabagaya tsela, yo mongwe o feletse a pagama koloi gore e mo ise ntlheng e nngwe.

Mo thutong e, re ya go ithuta ka Moya O O Boitshepo, Mokaedi yo o batlang go baya matshelo a rona mo diatleng tsa Gagwe. Rotlhe re digole, ga re bone se se botlhokwa. Botshelo bo bofeso mo re setseng re gobea fela re sa ye gope. Mme re ntse re a etsaetsiga ka go baya matshelo a rona mo diatleng tsa Mokaedi yo. Tshenolelo e re e emetseng ke gore; re tla bona kgololesego ya boammaaruri le nonofo ka go ikaega ka Moya O O Boitshepo gore O re kaele mo botshelong.

### 1. BAEMEDI BA GA KERESETE MO LEFATSHENG

Fa Keresete a tloga a tlhatlogela kwa legodimong, O ne a soloftsa barutwa ba Gagwe mpho e e senang tlhwatlhwa:

**"Le fa go ntse jalo ke lo bolelela boammaaruri; Go ka nna molemo ka ga lona fa ke tsamaya; gonno fa ke sa tsamaye, MOGOMOTSI Ga A ketla A tla mo go lona, mme fa ke tsamaya, Ke tla Mo roma mo go lona. Le fa go ntse jalo, mogang Ona MOYA WA BOAMMAARURI O tsileng, O TLA LO GOGELA mo boammaaruring jotlhe. O TLA NKGALALETSA, gonno O tla tsaya ga mo e leng ga Me, mme O go lo bolelele." - Johane 16:7, 13, 14.**

Mo leanong la legodimo, Jeso O ne a tshwanelwa ke go boela kwa legodimong e le Moemedi wa rona fa pele ga sefatlhogo sa Modimo" (Bahebera 9:24). Fa Morena wa rona yo o re bapoletseng a re emetse kwa legodimong, re na le Moya OO Boitshepo A le MOGOMOTSI le MOKAEDI wa rona mo lefatsheng. Ke Moemedi wa ga Jeso.

Fa Jeso A le mo lefatsheng O ne A rera A le motho, a sa kake a nne teng gongwe le



gongwe. Moya o Boitshepo ga O na sekganedi sepe, O kgona go nna Mokaedi le Mogomotsi mo bathong ba le bantsi kwa mafelong a a farologanyeng nako e le nngwe. Keresete O tlhokomela ditlhoko tsa rona ka Moya O O Boitshepo.

## 2. MOYA O BOITSHEPO KE MANG?

Bontsi ja rona bo ka tlhaloganya Modimo Rara fa re akanya ka motsadi yo o lorato e bile a tlhokomela. Yo re kileng ra mo itse. Re ka bona Jeso Morwa ka O kile a tshela le rona A le motho. Mme go thata go tlhaloganya Moya O O Boitshepo. Ga gona ditshwantshano dipe fa gare ga rona le Ona. Mme Baebele e re fa ditlhaloso tse di tlhamaletseng ka ga Moya O O Boitshepo:

*Setho. Jeso O ne a bua ka Moya O O Boitshepo jaaka motho, Mongwe wa boraro ja legodimo, ga mmogo le Modimo Rara le Modimo Morwa:*

**"Ke gona tsamayang, lo dire mefare yotlhe barutwa, lo ba kolobetse mo ineng ja RARA, le ja MORWA le ja MOYA O O BOITSHEPO." - Mathaio 28:19.**

Moya O na le dipopego tsa setho: tlhaloganyo (Baroma 8:27); bottlhale (1 Bakorintha 2:10); maikutlo a lorato mo go rona (Baroma 15:30); maikutlo a kutlobottlhoko fa re leofa (Baefesia 4:30); bokgoni ja go re ruta (Nehemia 9:20); le nonofo ya go re kaela.

*Tiro mo Tlholong. Moya O O Boitshepo O ne wa nna le seabe mo go bopeng lefatshe la rona le Rara le Morwa.*

**"E rile mo tshimologong Modimo A tlhola legodimo le lefatshe... mme Moya Wa Modimo Wa elama fa godimo ga metsi." - Genesis 1:1, 2.**

## 3. DITIRO TSA MOYA O O BOITSHEPO



**(1) Go fetola pelo ya setho.** Mo bokopanong ja Gagwe le Nikodemo, Jeso O ne A gatelela tiro ya Moya O O Boitshepo mo go fetoleng dipelo tsa batho:

**"Ammaaruri, ammaaruri ke a go raya, fa motho a sa TSALWE ke metsi le MOYA, ga a kake a tsena mo bogosing ja Modimo." - Johane 3:5.**

Go 'tsalwa ke Moya' go raya gore Moya O re fa tshimologo e ntsha. Go feta go i tokafatsa maitsholo a rona. Moya O re fetola go tswa kwa ko teng, O diragatsa tsholofetso e e reng, "Le gona ke tla lo naya pelo e ntsha" (Esekleie 36:26).

**(2) Go re lemotsa bosula le go re neela keletso ya boitshepo.**

**"Mme Ene, O tla re A tsile, O TLA SENOLELA lefatshe molato ka ga BOLEO le TSHIAMO le ka ga katlholo." - Johane 16:8.**

Fa o utlwa polelo ka ga mongwe yo o fetogileng go tswa mo botshelong jo bo itshekologileng a ya kwa Modimong, a bo a nna mopati yo o boikanyego le motsadi yo o lorato, gakologelwa gore kgato nngwe le nngwe e a e tsereng go tshela botshelo jo bo molemo e tsile ka ntlha ya kgotlhatshe ya Moya O O Boitshepo.

**(3) Go re kaela mo botshelong jwa rona jwa Sekeresete.** Keresete o bua le rona ka lentswe le le bonolo la Moya O O Boitshepo.

**"Le ditsebe tsa gago di tla utlwa lefoko sehularong sa gogo le re, Tsela ke e, tsamaya mo go yone." - Isaia 30:21.**

Ka ntlha ya kanamiso ya Satellite, disupa-ditshwantsho tsa rona di nna di re tlisetsa ditshwantsho le

difatlhogo tsa mafatshe a sele mo matlong a rona. Moya O O Boitshepo O dira jaaka Satellite ya Modimo, O tlisa boleng ja ga Keresete mo lefatsheng, A re mo atumetsa fa re mo tlhoka thata (Johane 14: 15-20).

#### (4) Go thusa botshelo ja rona ja thapelo.

**"Gonne ga re itse go rapela jaaka re tshwanetse, MME MOYA KA OSI O RE RAPELELA ka diphegelo tse di sa kakeng tsa buiwa... ka fa go rateng ga Modimo." - Baroma 8:26, 27.**

Fa re sa ntse re leka go senka mafoko a e leng one, Moya O rapela mo boemong ja rona. Fa re kgobegile marapo, re palelwa ke go bua le Modimo, Moya O fetolela selelo sa rona sa thuso go nna thapelo e e nonofileng fa pele ga setilo sa bogosi sa Modimo kwa Jeso A leng teng.

#### (5) Go simolola dipopego tsa Sekeresete.

Moya O dira batho ba ba senang Semoya go ungwa jaaka setlhare se se nang le maungo otlhe.

**"Mme loungo Iwa Moya ke lorato, le boitumelo, le kagiso, le bopelotelele, le bopelonomi, le molemo, le boikanyo, le boingotlo, le boikgapho" - Bagalatia 5:22-23.**

Go nna le loungo Iwa Moya go supa gore re kopantswe le setlhare sa boammaaruri, Jeso (Johane 15:5). Jeso O ka tshela botshelo ja Gagwe mo go rona ka nononfo ya Moya.

#### (6) Go re etleetsa jaaka basupi. Jeso O sololetsa gore.

**"Mme e tla re MOYA O O BOITSHEPO O sena go tla mo go lona, LO TLA BONA NONOFO, mme lo tla nna BASUPI BAME... go ya fela kwa sekhutlong sa lefatshe." - Ditiro 1:8.**

Bothe ba ba eletsang ba ka dirwa basupi ke Moya. Re ka tswa re sena dikarabo tsotlhhe, mme Moya O ka re naya polelo e re ka e bolelang e e amang dipelo le ditlhologanyo. Baaposedoloi ba ne ba na le mathata a puisano pele ga Pentekosete, mme fa Moya O sena go tla, ba ne ba pitikolola lefatshe, (Ditiro 17:6).

### 4. DINEO TSA MOYA

Baebele e dira pharologanyo fa gare ga neo ya Modimo ya Moya o Boitshepo mo modumeding mongwe le mongwe gore a tshelle botshelo jwa phenyo ja Sekeresete le dine tse di farologanyeng tsa Moya tse di fiwang badumedi gore ba gase lefoko ka bottlalo ka ditsela tse di farologanyeng.

**"Ke gone O reng, E rile A tlhatlhogela godimo a gogela bogolegwaa kgolegelong, mme a NAYA batho DINEO. Mme a neela ba BANGWE gore ba nne BAAPOSETOLOI; le ba bangwe gore ba nne BAPEROFETI; le ba bangwe BARERI BA MAFOKO A MOLEMO; le ba bangwe BADISA BA PHUTHEGO, le BARUTI; gore baitshepi ba itekanediwe, le gore ba dire tiro ya tirelo ya phuthego."**  
**- Baefesia 4:8, 11-12.**



Mokeresete mongwe le mongwe ga a amogele dineo tse tsotlhhe, ba bangwe ba ka amogela dineo tse di fetang tsa ba bangwe; Moya O "abela mongwe le mongwe ka fa O ratang ka gona fela" (1 Bakorintha 12:11). Moya O baakanyetsa mongwe le mongwe tiro ya gagwe mo leanong la Modimo. Modimo o itse gore O ka isa dineo kae leng kwa di tla segofatsang batho ba bangwe le phuthego ya Gagwe.

Dineo tse dingwe tse di mo go 1 Bakorintha 12:8-10 di akaretsa bottlhale, kitso, tumelo, phodiso, go dira dikgakgamatsso, thuto, go lemoga moyo, go bua ka dipuo dingwe le dingwe, go phutholola dipuo.

Paulo o re kgothatsa go eletsa "thata dineo tse dikgolo" a bo a tlatsa ka gore: "Mme ke tla nna ke nna ke lo kaela mokgwa mongwe o o gaisang segolo bogolo" (1 Bakorintha 12:31). Kgaolo ya lorato (1 Bakorintha 13) e e latelang temana e, e gatelela gore "mokgwa mongwe o o gaisang segolo bogolo" ke mokgwa wa lorato. Mme lorato ke loungo la Moya (Bagalatia 5:22).

Letshwenyo la rona le tshwanetse go nna go batla loungo la Moya re bo re letla Moya go aba dineo tsa One ka fa O "ratang ka gona" (1 Bakorintha 5:11).

## 5. BOTLAO JA MOYA KWA PENTEKOSTE



Ka letsatsi la Pentekoste, Moya O ne wa tshelwa go sena selekanyo go dirafatsa tsholofetsa ya Modimo.

**"Mme e tla re Moya O O Boitshepho o sena go tla mo go Iona, lo tla bona nonofo mme lo tla nna basupi ba Me...go ya fela kwa sekhutlong sa lefatshe." - Ditiro 1:8.**

Ka nako ya Pentekoste, Moya O ne wa dira gore baapostoloi ba kgone go bua mafoko a a molemo sentle ka dipuo tsa batho ba tshaba nngwe le nngwe ka fa tlase ga legodimo (Ditiro 2:3-6).

Baithuti bangwe ba Baebele ba tshwantshanya go tla ga Moya le pula ya sephai le pula ya kgogola-moko kwa Palestina (Jolee 2:23). Moya fa O ne O thelwa kwa Pentekoste, O ne o tshwana le pula ya sephai e e neng e medisa dijalo e bo e naya phuthego ya Sekeresete dikotla kwa bonaneng ja yone.

## 6. PULA YA MORAGO YA MOYA

Polelo-pele kana perofeso ya Baebele e bua ka letsatsi le le tlangu le ka lone Moya wa Modimo O tla thelwang jaaka pula mo phuthegong, O nonotsha maloko a phuthego go nna basupi (Jolee 2:28,29). Makgolo a dingwaga a setse a fetlile, le polelo ya ploloko e setse e aname le karolo e tona ya lefatshe. Jaanong ke nako ya gore pula ya morago e buduse mabele, e a baakanyetsa thobo.

Jaaka fa ditso di atamela setlhowa fela pele ga go tla ga bobedi ga ga Keresete, Modimo O tla baakanya modumedi mongwe le mongwe yo o tlhwaa fetseng, a mmaakanyetsa legodimo ka go mo tshelela Moya wa Gagwe. A o itemogela pula ya pele e e baakanyetsang phuthego pula ya morago ya Moya? A o tshela botshelo jo bo tletseng Moya? Jaaka fa Moya O go nonotsha, a o tla letla Modimo go go dirisa mo go gaseng molaetsa wa lorato la Gagwe le wa go tla ga Gagwe mo go gaufi?

## 7. TSE DI TLHOKEGANG GO AMOGELA MOYA O BOITSHEPHO

Kwa Pentekoste, Moya o Boitshepho O ne wa ama ba ba neng ba utlwa mafoko a a molemo gore ba kue ba re: "Bakaulengwe, re tla dirang?" (Ditiro 2:37).

**"Mme Petere a ba raya a re, IKWATLHAENG, MME MONGWE LE MONGWE WA LONA A KOLOBELEDIWE botshwarelo ja dibe tsa Iona mo ineng ja ga Jeso Keresete. Mme LO TLA AMOGELA NEO YA MOYA O BOITSHEPHO." - Ditiro 2:38.**

Boikwatlhao - go tlogela botshelo ja boleo o ya kwa go Keresete - bo a tlhogega go amogela neo ya Moya. Gore Moya o tshelwe mo go rona, re tshwanetse ra ikwathhaa re bo re neela Keresete matshelo a rona. Jeso O ne a gatelela gore keletso ya go mo latela le go mo obamela le yone e a tlhogega go amogela neo ya Moya O O Boitshepho, (Johane 14: 15-17).



## 8. BOTSHETO JO BO TLETSENG MOYA

Pele ga A tswa mo lefatsheng, Jeso O ne A laela barutwa ba Gagwe A re:

**"Ba seka ba tloga mo Jerusalema, mme ba lebelele POLELO ya tsholofetso ya Rara...gonne le gale Johane o NE A KOLOBETSA KA METSI, mme e tlare malatsi a ise a nne mantsi, LONA LO TLA KOLOBEDIWA KA MOYA OO BOITSHEPHO." - Ditiro 1:4, 5.**

Baebele e boeleta gore Mokeresete o tshwanetse go "tladiwa ke Moya O O Boitshepo" (Ditiro2:4; 4:8;4:31; 6:3; 6:5; 7:55; 9:17; 13:9, 52; 19:6). Moya O O Boitshepo O dira botshelo ja Mokeresete bontle ka gore botshelo jo bo tletseng Moya bo re atametsa le Keresete.

Fa Paulo a ne a tlhalosa botshelo ja Sekeresete jo bo tletseng Moya, o ne a fa modumedi mongwe le mongwe thapelo e:

**"GORE A LO NEE GO THATAFADIWA KA NONOFO MO MOTHONG YO O KWA TENG KA MOYA WA GAGWE, ka fa mahumong a kgalalelo ya Gagwe, gore Keresete a age mo dipelong tsa Iona ka tumelo... Mme jaana, Ona o o nonofileng go dira segolo thata bogolo go tsotlhe tse re di lopang le tse re di gopolang, KA FA NONOFONG E E DIRANG MO GO RONA." - Baefesia 3:16, 17, 20.**

Jaaka Frank Morris le ntsa ya gagwe Buddy, re ka kcona go dira go feta mo re neng re ntse re go dira ka fa Moya O O Boitshepo O re kaelang ka teng. Fa re na le dikeletso le bokgoni jo bosha re kcona go tswelela pele mo boemong ja go leka go dirisanya le mathata a botshelo.



Itemogelo e ya go tladiwa ka Moya e ntshafadiwa malatsi otlhe ka thapelo le go ithuta Baebele. Thapelo e re atametsa gaufi le Keresete, fa go ithuta Lefoko la Modimo gone go dira gore re lebelele mo dilong tsa Gagwe. Thapelo le go ithuta Baebele di ntsha dikganedi tsotlhe fa gare ga roma le Keresete tse di ka mo emisang go tshela neo ya Gagwe ya Moya e e e se nang tlhwatlha. Ke gone ka fa re golang ka teng re bo re latlha mekgwa e e maswe re nna le matshelo a a itekanetseng.

mo lobopong lotlhe.

Baroma 8 e re fa tlhaloso e e kgathhang ka ga botshelo jo bo tladitsweng ke Moya. E bale fa o kcona o bo o e la tlhoko gore Paulo o bua go le kae ka gore 'Moya' ke nonofo e e tshegeditseng botshelo ja Sekeresete.

A o setse o bonye botshelo jo bo tladitsweng ke Moya? A o kcona go utlwa boleng ja Moya mo botshelong ja gago? A o na le itemogelo ya nonofo ya Gagwe e e fang botshelo? Bula botshelo ja gago go amogela nonofo e kgolo

## MMOLOKI YO O LENG TENG KA DINAKO TSOTLHE



Fa lekawana la Moscottish le le bidiwang Petere le ne le timetse bosigo kwa go latlhelwang matlakala, Modimo O ne A mmitsa ka leina la gagwe, 'Petere!' Fa lentswe la selegodimo le mmitsa gape, Petere o ne a ema, a leba fa fatshe mme a lemoga gore o ne a batlile go wela mo mosimeng o go neng go epiwa maje mo go one.

A go ne go tla bo go se molemo fa rotlhe re ne re ka utlwa Modimo a re bitsa ka maina a rona? A go ne go tla bo go se molemo gore a bo a le tsala e e gaufi jalo - fa re ne re ka nna fa fatshe mmogo ra bua ka boleele ka ga matshwenyego le ditiro tsa rona?

### 1. KOPANO YA NAKO TSOTLHE LE JESO

Fa Jeso a ne a tshela le rona, re kgona go mmona, re ne re ka nna gaufi thata le Ene go feta gompieno. Ee, go molemo go ka nna le Keresete mo tropong ya rona, mme akanya ka bontsi jo bo tla bong bo mo dikaganyeditse. Akanya ka tiro e e neng e tla bo e lopa nako ya Gagwe. Re ka tshela sentsle fa re ne re ka nna le sebaka sa go bua le Ene re lebaganye.

Keresete O eletsa go nna le botsalano le mongwe le mongwe wa rona. Se ke lengwe la mabaka a gore A bo a dule mo lefatsheng le go ya go dira tiro e e faphegileng kwa legodimong e e tla Mo letlang go atamela mongwe le mongwe wa rona tsatsi le letsatsi. Ka gore jaanong Keresete ga a kganelwe ke sepe jaaka fa a ne a le mo lefatsheng, O gaufi go kaela botshelo ja mongwe le mongwe yo o itetlang ka Moya O O Boitshepho.

Ke tsholofetso efe e e kgothatsang e Jeso A e fileng fela pele ga a tlhatlogela legodimong?

**"Mme bonang, KE BO KE NTSE KE NALE LONA KA METLHA YOTLHE, le go ya bokhutlong ja metlha."** - Mathaio 28:20.

Keresete o dira eng kwa legodimong se se dirang gore go kgonege gore a nne le rona ka metlha yotlhe?

**"Mme ke gona e re ka RE NA LE MOPERISITI YO MOGOLO BOGOLO yo o raletseng magodimo, ebong JESO MORWA MODIMO, a re tshegetseng boipolelo ja rona ka thata. Gonne Moperisiti yo mogolo yo re nang Nae ga se Yo O sa kakeng a angwa ke go utlwana le rona makoa a rona; mme ke yo o kileng a raelwa mo dilong tsotlhe jaaka rona, le fa go ntse jalo a sena boleo. Ke gona rona, a re atameleng setulong sa bogosi sa tshegofatso ka botlhokapoifo, gore re tle re amogele boutlwelo-botlhoko, re bone tshegofatso e e tla re thusang mo motlheng o go tlhokwang ka ona."** - Bahebera 4:14-16.



Elatlhoko ditlhommamiso tsa go nna le Jeso e le Moemedi wa rona kwa legodimong: "Ke Yo O kileng a raelwa mo dilong tsotlhe jaaka rona." "Go utlwana le rona makoa a rona." "Re thusang mo motlheng o go tlhokwang ka ona." Fa Jeso a le Moperisiti wa rona Yo mogolo bogolo ga re sa thole re kgaogantswe le legodimo; Keresete O kgona go re isa kwa Modimo A leng gona. Ke gone re kgotlhadiwa go "atamela setilo sa bogosi sa tshegofatso ka botlhokapoifo."

Jeso O ntse fa kae kwa legodimong?

**"Mme Ene (Jeso) e rile A sena go isetsa ruri setlhabelo sa dibe se le sengwe fela, A dula KAFA LETSOGONG LE LEGOLO LA MODIMO." - Bahebera 10:12.**

Keresete Yo O tshedileng - mongwe yo o tlhaloganyang - ke Moemedi wa rona ka sebele mo setilong sa bogosi " kafa letsogong le legolo la Modimo."

Botshelo ja ga Jeso bo mmaakantse jang go nna Moperesiti wa rona?

**"Ke gona, go no go mo tshwanetse go dirwa jaaka BOMONNAWE mo dilong tsotlhe, gore A nne Moeresiti Yo O mogolo, Yo O boutlwelo-botlhoko le boikanyo mo dilong tse e leng tsa Modimo, go direla dibe tsa batho tetlanyo. Gonne e re ka Ene ka Esi A bogisegile ka A raelwa, O NONOFIE GO THUSA ba ba raelwang." - Bahebera 2:17, 18.**

Mogolo-a-rona Yo O itseng setho sa rona O ne A raelwa jaaka rona, jaanong ke Moperesiti wa rona yo mogolo kafa letsogong le legolo la Modimo. O itse mathata a rona ka A dirilwe jaaka rona. O ne A tshwarwa ke tlala, a nyorwa le go lapa. O utlwile letlhoko la boutlwelo-botlhoko le go tlhaloganya.

Mme go feta mo gotlhe, Keresete O tshwanelwa ke go nna Moperesiti wa rona Yo mogolo ka gore O sule go direla dibe tsa rona tetlanyo. O ne A duela tuelo ya maleo a rona ka go swa mo boemong ja rona. A ke one mafoko a a molemo mo bathong bothhe gongwe le gongwe ka nako tsotlhe.

Mongwe wa baeteledi-pele ba sekolo sa rona sa Baebele o abelana le rona tiragalo e: "Ra morweetsana wa rona yo monnye a le dingwaga tse tharo, o ne patisiwa monwana wa seatla ke setilo se bo se mo thuba lerapo. Fa re mo tabogisetsa kwa ngakeng, selelo sa gagwe sa go utlwa botlhoko se ne se re phatlola dipelo, mme se ne sa ama ngwana wa rona yo o dingwaga tse thano ka tsela e e gakgamatsang. Ga nketla ke lebala mafoko a gagwe fa ngaka e setse e tlhokometse kgobalo ya ga monhawe. O ne a lela a re, "Ao, Ntate, ke eletsa e ka bo e le monwana wa me!"

Fa setho se ne se gatakilwe ke boleo, se sekiseditswe go swa ka bosakhutleng, Jeso O ne A re: "Ao, Rara, Ke eletsa e ka bo e ne e le Nna." Mme Rara O ne A fa Jeso keletso ya Gagwe kwa mokgorong. Mmoloki wa rona O na le itemogelo ya botlhoko jo re bo bogileng, le go feta.

## 2. MAFOKO A A MOLEMO MO KGOLAGANONG E KGOLOGOLO



Fa Baiseraela ba phuthegile fa tlase ga thaba ya Sinai, Modimo O ne A laela Moshe go aga ntlo e e itshephileng ya kobamo, "go ya ka fa sekaong se a se bontshitsweng mo thabeng" (Ekesodo 25:40). Dingwaga di ka nna makgolo a matlhano morago ga foo, tempele e kgolo ya ga kgosi Solomone e ne ya nna mo boemong ja motlaagana. Tempele e, e ne e agilwe e tshwana le motlaagana wa kobamo.

Fa Modimo OO fa Moshe ditaelo tsa go aga motlaagana, O ne A na le maikaelelo a fe?

**"Mme a ba ntiele ntlo e e itshephileng, GORE KE TLE KE AGE MO GO BONE." - Ekesodo 25:8.**

Boleo bo dirile gore go nne le kgaogano fa gare ga batho le Motlhodi wa bone. Motlaagana e ne e le tsela ya Modimo ya go supa gore O ka tshela jang fa gare ga rona. Motlaagana le tempele morago ga one, di ne tsa nna bogare ja botshelo ja sedumedi le kobamo ka dinako tsa kgolagano e kgologolo. Moso le maitseboa mangwe le mangwe batho ba ne ba kgona go phuthega fa motlaaganeng ba bo ba kopana ke

Modimo ka thapelo (Luke 1:9, 10); ba ipha tsholofetso ya Modimo ya gore O tla kopana le rona (Ekesodo 30:6).

Kgolagano e kgologolo e ruta molaetsa o le mongwe fela wa poloko le kgolagano e ntsha. Tshotlhe di bua ka Jeso A re swela a bo A dira A le Moperesiti wa rona Yo mogolo bogolo kwa motlaaganeng wa selegodimo.

### 3. GO RE DIRELA GA GA JESO GO SUPIWA MO MOTLAAGANENG

Motlaagana le ditirelo tsa ona di supa se Jeso A se dirang gompieno kwa tempeleng e e kwa legodimong, le se A se dirang gompieno mo lefatsheng go re nonotsha le go kaela mongwe le mongwe wa rona mo matshelong a rona a malatsi otlhe.

Motlaagana wa selefatshe o tshwana le wa selegodimo o Keresete A leng kwa go one ka gore o dirilwe O tshwana le tempele ya selegodimo. Ekesodo 25-40 e tlhalosa ditirelo le meletlo ya motlaagana wa kwa nageng ka botlalo. Tshobokanyo e khutshwane ka se se diragalang mo motlaaganeng e bonwa mo kgolaganong e ntsha:



**"Mme jaana le e leng kgolagano ya pele e ne e nale ditaolelo tsa tirelo ya Modimo, le felo ga yona ga boitspho, e le felo ga boitspho ga lefatsho leno. Gonno go ne go baakantswe motlaagana, ga bo go le o o fa pele o setlhomo sa lobone se neng se le mo go ona, le lomati lwa bojelo, le sengwe sa tshupo e le o o bidiwang, Felo ga Boitspho. Mme ka fa teng ga sesiro sa bobedi ga bo go le motlaagana o o bidiwang Boitspho ja Maitshepho o na le leishwana la gouda le letlole la kgolagano...le le tsentseng... matlapa a kgolagano [a Modimo A kwadileng ditaelo tse some mo go one (Deteronome 10:1-5)]. Mme mo godimo ga yone ga bo go le dicheruba tsa kgalalelo, di okame setilo sa boutlwelo-botlhoko." - Bahebera 9:1-5.**

Motlaagaa o ne o kgaogantswe ga bedi, e le Felo ga Boitspho le Felo ga Boitspho ja Maitshepho. Gonno go na le lelapa fa pele ga motlaagana. Mo go lone ga bo go le sebeso sa kgotlhoo se Baperesiti ba neng ba isa ditlhabelol kwa go sone, le megotswana e ba neng ba tlhapela mo go yone.

Dithabelo tse di neng di isiwa kwa sebesong sa kgotlhoo di ne di emetse Jeso, Yo ka loso la Gagwe mo mokgorong a nnileng "Kwana wa Modimo Yo O tlosang boleo ja lefatsho" (Johane 1:29). Fa moleofi yo o ikwatlhaileng a tla kwa sebesong ka setlhabelo sa gagwe, o ne a bona boitshwarelo le ntlafatso ka madi a ga Jeso (1 Johane 1:9).

Mo motaaganeng wa ntlha kgotsa Felo ga Boitspho, setlhomo sa dipone se se dikala tse supa, se ne se boneseditse ruri se emetse Jeso A le lesedi ja lefatsho le le sa feleng (Johane 8:12). Lomati la bojelo la sentkgwe sa tshupo, lo ne lo emetse go kgotsotsa tlala ya rona ya senama le ya Semoya ga ga Jeso a le "Senkgwe sa botshelo" (Johane 6:35). Sebeso sa gouda sa go fisetsa mashwalo, se ne se emetse tiro ya ga Jeso ya go re rapelela fa pele ga Modimo (Tshenolo 8:3, 4).



Motlaagana wa bobedi, ebong Felo ga Boitspho ja Maitshepho, o ne o na le letlole la kgolagano. Le ne le supa setilo sa bogosi sa Modimo. Sekhurumelo sa lone sa tetlanyo kgotsa setilo sa boutlwelo-botlhoko se ne se emetse go tshereganya ga ga Keresete, Moperesiti wa rona Yo mogolo-bogolo, A rapelela batho ba ba tletseng boleo ba ba sa obameleng molao wa Modimo. Ka fa tlase ga sone ga bo go le matlapa a kgolagano a Modimo a kwadileng melao e some mo go ona. Ditsheruba tsa gouda tsa

kgalalelo, di ne di le fa setilong sa boutlwelo-botlhoko kwa letlhakoreng lengwe le lengwe la letlole. Lesedi le le galalelang le ne le phatshima fa gare ga ditsheruba tse pedi tse, sesupo sa boleng ja ga Jeso ka sebele.

Matsela a ne a fitlhile Felo ga Boitshepho gore batho ba sekba go bona fa Baperesiti ba ba rerela. Letsela la bobedi fa pele ga Felo ga Boitshepho ja Maitshepho, le ne Ele thibela Baperesiti ba ba tsenang mo motlaaganeng wa ntlha go fetela kwa teng.

Fa Jeso A A swa mo mokgorong, letsela le, le ne la diragalelwya ke eng?



**"Mme bonang, sesiro sa tempele sa bo se gagogile sa nna sebedi; go simolola kwa godimo go ya kwa tlase." - Mathaio 27:51.**

Felo ga Boitshepho ja Maitshepho go ne ga supiwa fa Jeso A A swa. Morago ga loso la ga Jeso, ga go tlhokafale sesiro fa gare ga Modimo le modumedi wa boammaaruri; Jeso, Moperesiti wa rona Yo mogolo O re tsenya mo beleong ja Modimo (Bahebera 10: 19-22). Re ka tsena kwa ntlwaneng ya setilo sa bogosi ya legodimo ka gore Jeso ke Moperesiti wa rona Yo mogolo, ka fa letsogong le legolo la Modimo. Jeso O re fa bokgoni ja go tsena fa Modimo A leng teng - mo teng ga pelo ya lorato ya ga Rara. Jalo-he, "a re atameleng."

#### 4. TSHENOLO YA GA KERESETE A SWELA GO RE BOLOKA

Fela jaaka motlaagana wa lefatshe e ne e le setswhwantsho sa templele ya legodimo kwa Jeso A re rapelelang teng, ditirelo tse di neng di dirwa mo motlaaganeng wa lefatshe e ne e "le moriti wa dilo tsa selegodimo" (Bahebera 8:15). Mme go na le pharologanyo e tona: Baperesiti ba ba neng ba dira mo motlaaganeng wa lefatshe ba ne ba sa kake ba itshwarela maleo, mme Jeso kwa mokgorong "O senoletswe go tla a tlosa dibe ka go intsha setlhabelo ka Esi" (Bahebera 9:26).

Lokwalo la ga Lefitiko mo kgolaganong e kgologolo e tlhalosa ka bottlalo ditirelo tse di neng di dirwa mo motlaaganeng. Ditirelo tsa meletlo di ne di kgaogantswe gabedi: ditirelo tsa malatsi otlhe le ditirelo tsa ngwaga le ngwaga.

Mo ditirelong tsa tsatsi le letsatsi, baperesiti ba ne ba isetsa motho le phuthego yotlhe ditlhabelo. Fa motho a leofile, o ne a tlisa podi e e namagadi, e sena bogole bope, a e isetsa boleo ja gagwe, "mme a bee seatla sa gagwe mo tlhogong ya tshupelo ya boleo, a tlhabele tshupelo ya boleo mo felong ga tshupelo e e fisiwang" (Lefitiko 4:29). Molato wa moleofi o fetisediwe kwa phologolong e e senang molato ka go ipolela le go e baya diatla. Se se supa Keresete a tsaya melato ya rona kwa Khalefari; Yo O senang boleo O ne A nna boleo mo boemong ja rona (2 Bakorintha 5:21). Phologolo ya tshupelo e ne e bolawa gore madi a youne a tshologe ka gore go ne go supela pele tuelo e Keresete A e bogileng mo mokgorong.

#### 5. KA GO RENG MADI?

"Kwa ntle ga go tsholola madi ga gona botshwarelo" (Bahebera 9:22). Se se neng se diragala mo motlaaganeng wa kgolaganon e kgologolo se ne se supela pele tiro e kgolo yosi ya ga Keresete ya poloko. Fa A sena go swela maleo a rona O ne a tsena mo mafelong a boitshepho ruri "A sena go dira thekololo e e emeng ka bosakhutleng" (Bahebera 9:12). Fa madi a ga Jeso a tshololelwya maleo a rona mo mokgorong, "sesiro sa tempele sa bo se gagogile sa nna ga bedi, go simolola kwa godimo



go ya kwa tlase" (Mathaio 27:51). Ka ntlha ya setlhabelo sa ga Jeso mo mokgorong, ditlhabelo tsa diphologolo di ne di sa tlhole di tlhogega.

Fa Jeso a ne a tsholola madi a Gagwe kwa mokgorong, O ne A re fa botshelo ja Gagwe jo bo tlhogameng a tsaya makoa a rona. Fa Rara le Morwa ba ne ba kgaogane kwa Khalefare, Rara o ne a leba go sele ka kutlo botlhoko mme Morwa a swa ka pelo e phatlogileng. Modimo Morwa O ne A gata mo ditsong go ipha maduo otlhe a boleo le go supa gore go dira molato go botlhoko go le kae. Ke gone a neng a ka kgona go itssharela boleo kwa ntle ga go bo dira selo sa tlwaelo. Keresete O ne A dira "kagiso ka madi a mokgoro wa Gagwe" (Bakolosa 1:20).

## 6. TSHENOLO YA GA KERESETE A TSHELELA GO RE BOLOKA

Tiro ya ga Jeso ya malatsi otlhe mo tempeleng ya selegodimo ke eng?

**"Ke gona ka moo le gone o nonofileng go bolokela ruri ba ba atamelang Modimo ka Ena, KA ANTSE A TSHEDILE KA METLHA YOTLHE GO BA RAPELELA." - Bahebera 7:25.**

Jaanong Jeso O tshelela go isa madi a Gagwe, le setlhabelo sa Gagwe mo boemong ja rona. O dira ka thata go boloka motho mongwe le mongwe mo botlhokong ja boleo. Bangwe, ka phoso ba akanya gore Jeso jaaka Mmuedeli wa rona O rapela Modimo O senang sepe le rona go re itssharela. Mme ke Modimo A amogelang setlhabelo sa ga Morwae ka boitumelo mo boemong ja rona.

Jaaka Moperesiti Yo Mogolo kwa legodimong, Keresete O rapelela batho. O thusa ba ba dipelo dithata go lebelela tshegofatso gape, O thusa baleofi ba ba itlhobogileng go nna le tsholofelo mo mafokong a molemo le go thusa badumedi go bona dikhumo tse dingwe mo Lefokong la Modimo le nonofo e nngwe mo thapelang. Jeso O bopa matshelo a rona go ya ka fa ditaelong tsa Modimo A bo A re thusa go nna le dipopego tse di tla kgonang go emelana le dinako.



Modimo O ne A baya botshelo ja Gagwe fa fatshe A bo beela mongwe le mongwe yo o kileng a tshela mo lefatsheng le. Jaanong, jaaka Moperesiti Yo Mogolo le Motshereganyi, O tshelela go etelela batho gore ba amoge le loso la Gagwe A swela maleo a bone. Le fa a ikopantse le lefatshe lotlhe le le oleng kwa mokgorong, O ntse ga A kgone go re boloka fa e se fela re amogela tshegofatso ya Gagwe. Batho ga ba kake ba latlhaga ka ntlha ya gore ke baleofi, ba tla latlhaga ka go bo ba gana go amogela boitshwarelo jo Jeso A bo tlisang.

Boleo bo sentse botsalano ja kwa teng jo Adamo le Efa ba neng ba na najo le Modimo. Mme Jeso jaaka Kwana ya Modimo, O ne A swa go gololola setho sotlhe mo boleong le go buseletsa botsalano jo bo latlhigileng jo. A o setse o mo iponetse jaaka Moperesiti wa gago Yo mogolo Ene Yo o tshelelang gore A tshegetse botsalano jo?

Loso la ga Keresete la setlhabelo le faphegile. Tiro ya ga Keresete ya selegodimo ga e kake ya tshwantshiwa le sepe. Ke Keresete fela Yo O dirang gore go kgonege gore Moya wa selegodimo o nne mo dipeleng tsa rona. O itlhotlhore gore a re tlatse. O tlhoka boineelo jo bo tshwanang go tswa mo go rona. A re Mo amogeleng ka mo go feletseng A le Mmoloki le Morena wa matshelo a rona.

## GO TSWA MOLEOFING YOO MOLATO GO YA MOITSHEPING YO O ITSHWARETSWENG

Go ne go sena matshwao ape a menwana. Go ne go sa bonwa sebetsa sepe. Ga go ope yo o bonyeng mmolai a tsena mo ofising ya ga ngaka. Ga go ope yo oneng a utlwa fa go thuntshiwa. Mme ngaka one a fitlhelwa a kgophaletse kafa morago ga tafole ya gagwe. Marumo a matlhano a ne a phuntse hempe ya gagwe.

Go ne go bonala e le borukhutli jo bo itekanetseng. Pele mapodisi a ne a sa bone sepe se se amanang le borukhutli jo. Mme ba tloga ba lemoga waitshana e e neng e tshwararanye le setshegetsa peteloto fa tafoleng ya ga ngaka. Wairi e e ne e ya kwa sekepa-mafoko mo laing. Setshegetsa peteloto se, ba ne ba lemoga fa se ne se fitlhile sekapa-mafoko se ngaka a neng a se dirisa go tsaya mafoko a dipuisanyo tsa gagwe le balwetse ba a neng a ba gakolola.

Batlholtlhomisi ba ne ba tshameka mafoko a a kapilweng a, mme ba gakgamalela se ba neng ba simolola go se reetsa ele polelo ya borukhutli jo bo neng bo diragetse. Monna yo o bodiwang Anthony o ne a tsena mo ofising ya ga ngaka mme a simolola go ganetsanya le ngaka, ba omana. Ga utlwala go thunya ga dithobolo. Mafoko a a kapilweng a ne a felela ka go koma ga ga ngaka fa a ne a swa.



Mola mongwe le mongwe o o masisi o ne o kapilwe. Mmolai o ne a itheile a re borukhutli jwa gagwe bo tla nnele ruri sephiri. O ne a tlhokometse gore ga a tlogele sepe sa go mo amanya le borukhutli jo. Mmme mafoko a a kapilweng a ne a bolela polelo yotlhe fela.

Mo kaelong e re tsile go ithuta ka katlholo ya bofelo ya Modimo fa batho ba tla "atlholwa go ya ka se ba se dirileng se se kwadilweng mo dikwalong (Tshenolo 20:12). Mo go ba ba sa amogelang Keresete jaaka Mmmoloki wa bone, e tla nna dikgang tse di botlhoko. Mme katlholo ke mafoko a a molemo segolo mo go ba ba bonyeng pabalesego mo go Keresete.

### 1. O KA LEBAGANA LE KATLHOLO JANG O SA BOIFE?

Ke mang yo o tla atlholang lefatshe?

**"Rara ga A atlhole ope, mme katlholo yotlhe e neilwe Morwa." - Johane 5:22.**

Mokgoro o ne wa baakanyetsa jang Keresete go nna Moatlhodi wa rona?

**"Modimo o ne wa mo ntsha (Jesu) go nna setlhabelo sa tetlanyo, ka tumelo mo mading a gagwe ... gore a nne TSHIAMO le MOSIAMISI mo go ba ba nang le tumelo mo go Jesu." - Baroma 3:25, 26.**



Loso Iwa ga Keresete jaaka moemedi wa rona lo dira gore A kgone go nna Moatlhodi mmogo le Mosiamisi yo o ka itshwarelang moleofi yo o ikwathlayang. Lobopo lo lo lebeletseng lo bo lo botsa potso, "Moatlhodi yo o sekamelang ntlha nngwe o ka bolela jang gore motho yo o molato ga a na molato?" Keresete o ka araba ka go supa dipadi tse di mo diatleng tsa gagwe. O amogetse kwatlhao e e siameng ya maleo a rona mo mmeleng wa Gagwe ka sebele.

Dikwalo tsa legodimo di boloka pego ya botshelo bongwe le bongwe, mme dipego tse didirisiwa mo katlhholong (Tshenolo 20:12). Ke one mafoko a a busula mo go ba ba akanyang gore maleo a bone le maikepo a bone a sephiri ga a ketla a tla go ba bogisa. Mme go na le mafoko a a molemo mo go ba ba amogetseng Keresete ka tlhoagalo jaaka mmueledi wa bone kwa legodimong: "Madi a ga Jesu.... A re tlhapisa mo boleong jotlhe" (1 Johane 1:7).

Jesu o re naya eng mo boemong jwa botshelo jwa rona jwa boleo?

**"Modimo o ne wa mo dira go nna boleo mo boemong jwa rona, ene yo o na a sa itse boleo; gore rona re nne tshiamo ya Modimo mo go ene." - Bakorintha 5:21.**

Botshelo jwa rona jwa boleo bo ananngwa le botshelo jwa ga Keresete jo bo itekanetseng jwa tshiamo. Ka ntlha ya bothelo jo bo senang boleo jwa ga Keresete le loso lwa Gagwe, Modimo o ka re itshwarela . A bo A re tsaya jaaka ekete ga re ise re ke re leofe.

Ke eng se se dirang gore Jesu a kgone go nna Mmmueledi le Moatlhodi wa rona?

## 2. KERESETE O NE A TLA KA NAKO

Kwa kolobetsong ya Gagwe, Jesu o ne a tlodiwa ke Moya o o Boitshepo:

**"E rile fela a sena go kolobediwa, a tlhatloga go tswa mo metsing. Ka nako eo legodimo le ne la bulega, mme a bona Moya wa Modimo o fologa jaaka lephoi mme o nna mo go ene. Mme lentswe la tswa kwa legodimong la re, "Yo ke Morwaake, yo ke mo ratang; yo ke itumelang thata mo go ene." - Mathaio 3:16, 17.**

E rile morago ga go tlodiwa ga ga Keresete ke Moya o o Boitshepo kwa kolobetsong ya Gagwe, Barutwa ba Gagwe ba bua jaana:

**"Re bonye Mesia (Keresete)." - Johane 1:41.**

Barutwa ba ne ba itse gore lefoko la Sehebera la "Mesia" le la Segerika la "Keresete" otlhe a raya "Yo o Tloditsweng."

Luke, morutwa wa ga Jesu, o ne a bega letsatsi la go tlodiwa ga ga Jesu jaaka Mesia jaaka ngwaga wa bolesome le botlhano wa ga Tiberio Kesara (Luke 3:1). Mo go rona e ka nna ngwaga wa A.D.27.

Digwaga tse di fetang 500 pele ga Jesu a tla Moperofeti Daniele o ne a bolela pele gore Jesu o ne a tla tlodiwa jaaka Mesia ka A.D. 27:

"Go tloga ka go ntshiwa ga taolo ya go shafatsa le go aga Jerusalema go fitlha mo go yo o Tloditsweng .... E tla nna dibeke di supa, le dibeke di le masome a marataro le bobedi"- (Daniele 9:25).



Dibeke tse supa le dibeke tse di masome marataro le bobedi e nna dibeke tse di masome a marataro le boroba bongwe fa di tlhakana kgotsa malatsi aa 483 ( $7 \times 69 = 483$ ). Ka puo ya ditshwantsho ya perofeso ya Baebele letsatsi lengwe le lengwe ke ngwaga o le mongwe (Esekiele 4:6; Dipalo 14: 34), go bo go raya gore malatsi a a 483 tota ke dingwaga tse 483. Daniele o ne a bolela pele gore tsalo e tla tswa ya go aga Jerusalema sesha, mme e re dingwaga tse 483 morago ga taolo e, Mesia a bonale.

A Jesu o ne a bonala jaaka Mesia ka nako e e boletsweng? Artaxerxes o ne a ntsha taolo ya gore go agiwe Jerusalema sesha ka 457 B.C. (Esere 7:7-26). Dingwaga tse 483, di feletse ka A.D. 27. (457 B.C.

+ A.D.27 = 484). Taolo e dule ka 457 mme Keresete a tlodiwa ka A.D.27, e nna 457 le bontlhabongwe jwa 27), go bo go raya gore nako ya boammaaruri ke dingwaga tse 483.

Ka nako tota e e boletsweng, A.D. 27, Jesu o ne a bonala ka molaetsa o: "Lobaka lo tsile" (Mareko 1:15). Go rurifadiwa ga boammaaruri ga perofeso e ya Baebele ke Tlhomamiso ruri ya gore Jesu wa Nasaretha tota ke Ene Mesia, Modimo mo nameng ya setho.

Jesu o ne a tla tlhomamisa tsholofetso ka lobaka lolo kae?

**"O tla tlhomamisa kgolagano (tsholofetso) le ba le bantsi ka "bosupa"(beke ka Sehebera) bo le bongwe." - Danile 9:27.**

Fa re dirisa molawana wa gore letsatsi ke ngwaga, "beke" e e ne e tla nna dingwaga tse supa. Go raya gore dingwaga tse supa -go tswa A.D. 27 go ya go A.D. 34 - Jesu o ne a tla "tlhomamisa kgolagano", kgotsa tsholofetso, e a neng a e dirile le Adamo le Efa fela fa ba sena go leofa. Modimo o ne a dira kgolagano, tsholofetso, ya gore O tla boloka lotso Iwa setho mo boleong ka loso Iwa Mongwe yo o neng a tla mo romela go swela dibe tsa rona (Genesise 3:15).

Go ne go tla dirafala eng mo bogareng jwa beke e ya masome a supa?

**"Mo bogareng jwa beke o tla fedisa go boga le setlhabelo." - Daniele 9:27.**



Jesu o ne a bapolwa ka A.D. 31, mo "bogareng jwa beke". Ka nako ya loso Iwa ga Keresete, Modimo o ne a gagola "sesiro sa tempele ... ka bogare go tswa kwa godimo go ya kwa tlase" (Mathaio 27:51). Tshupelo ya setlhabelo e e neng ya tloga ya bolawa(sesupo sa ga Jesu "Kwana ya Modimo)" e ne ya tshaba mo diatleng tsa moperisiti. Se e ne e le sesupo sa gore Modimo O ne a sa tlhole a batla gore batho ba ntshe ditlhabelo tsa diphologolo. Go rurifatsa perofeso go ya mo thakeng ya bofelo, Jesu O ne a "fedisa" letlhoko la setlhabelo sepe se se neng se ka ntshiwa. Go tswa ka loso Iwa ga Keresete, batho ba bona tsela e e yang Modimong e seng ka ditlhabelo tsa diphologolo le baperisiti ba setho, mme e leng ka Mesia, Kwana ya Modimo le Moperisiti wa rona yo Mogolo.

### 3. TLHOMAMISO YA MALEO A A ITSHWARETSWENG

Go ya ka perofeso ya ga Daniele, ke eng fa Jesu a ne a swa?

**"Yo O Tloditsweng o tla kgaolwa, mme o tla bo a sena sepe." - Daniele 9:26.**

Ka nako ya loso Iwa Gagwe mo mokgorong Jesu o ne a "kgaolwa." O ne a swa, mme a sa itshwele ("se sena sepe"), A sa duele kwatlhao ya boleo jo e leng jwa Gagwe, mme a duela kwatlhao ya maleo a lefatshe lotlhe.

Re ka itse jang gore Modimo o itshwaretse maleo a rona otlhe?

**"Tshiamo ya Modimo e tswa mo go dumeleng mo go Jesu Keresete. Mo go botlhabe ba ba dumelang... BOTLHE BA LEOFIL... mme ba SIAMISIWA fela ka TSHEGOFATSO ya one ka ntlha ya thekololo e e ttileng ka Keresete Jesu .... KA TUMELO, MO MADING A GAGWE." - Baroma 3:22-25.**

Dintlha tsa botlhokwa mo ditemaneng tse ke: Rona "rotlhre re leofile", mme ka ntlha ya "tshegofatso" ya Modimo, botlhabe ba a



"siamisiwa" ba ba nang le "tumelo" mo nonofong e e ntlaatsang ya "madi" a ga Keresete. Fa re siamisitswe, Modimo o re bolela re sena molato, a tlosa molato wa maleo a a fetileng. Mme Modimo o re bolela re sena molato; "tshiamo e e tswang Modimong e tla ka tumelo mo go Jesu Keresete".

Rotlhe ba re lapisitsweng ke go lwela go nna molemo, lefa go ntse jalo, gore re lekanele re le nosi, re ka bona boikhutso jwa boammaaruri mo kamogeleng ya malebogo ya ga Keresete. O soloftsa gore, "Tlang kwa go nna, lona ba lo lapileng, ba lo imelwang, mme ke tla lo naya boikhutso" (Mathaio 11:28). Rotlhe ba re imetsweng ke dipadi tsa lobaka lo lo fetileng le maikutlo a a bothhoko a go thaela le maswabi, re ka bona kagiso ka bottlalo mo go Keresete.

#### 4. NAKO YA KATLHOLO E A SIMOLOGA

Mo kgaolong ya borobabobedi ya ga Daniele, moengele o ne a supegetsa moperofeti pono e kgolo ya isago. Daniele o ne a bona (1) phelefufu, (2) phoko le (3) go tswa mo lonakeng longwe lwa dinaka tsa phoko, "lonaka lo longwe lo lo neng lwa simologa lo le lonnye mme lwa gola mo nonofong" (Daniele 9:8, 9); ditshupo tse di neng di emetse (1) Meda-Peresia, (2) Gerika, Le (3) Roma (Daniele 8:1-12; 20-26).

Karolo ya bone ya perofeso ke eng?

**"Go tla tsaya lobaka lo lo kae gore pono e e rurifadiwe -ponatshegelo ya setlhabelo sa malatsi otlhe ...? A nthaya are, "Go tla tsaya maitseboa le meso (malatsi ka Sehebera); ke gone motlaagana Otla ntlaadiwang." - Daniele 8:13, 14.**

Daniele o ne a idibala pele ga moengele a ka tlhalosa perofeso ya malatsi a a 2300, le kgaolo ya borobabobedi ga e neye tlhaloso epe pele ge e fela. Mmme morago moengele o ne a bonala gape mme are:

**"Tlhalogany ponatshegelo: go laotswe dibeke di le masome a supa, tsa go wetsa tlolo, le go khutlisa maleo, le go direla boikepo tetlanyo." - Daniele 9:22-24.**

Ka jalo, tota malatsi a a 2300 ke dingwaga tse 2300, letsatsi lengwe le lengwe le emetse ngwaga (Esekleie 4:6). Dibeke tse di masome a supa kgotsa dingwaga tse 490, di ne di emetse sekaba sa ntlha sa lobaka lo lo leelee lwa dingwaga tse 2300. Dipaka tse tsa nako ka bobedi di simologile ka 457 B.C. fa Peresa a ntsha molao wa go "Shafatsa le go aga Jerusalema. "Fa go ntshiwa dingwaga tse 490 mo go tse 2300, go sala 1810. Fa go tsenngwa 1810 mo go A.D. 34, fa go fela dingwaga tse di 490, re tla mo go 1844.

#### 5. MOTLAGANA WA SELEGODIMO OTLA NTLAADIWA-KATLHOLO

Moengele o ne a bolelela Daniele gore e tla re ka 1844, kwa bokhutlong jwa dingwaga tse 2300, "motlaagana o tla ntlaadiwa. "(Daniele 8:14). Mmme tota se se raya eng? Go tswa ka A.D.70 fa Baroma ba ne ba senya tempele kwa Jerusalema, batho ba Modimo ba ne ba Tlhoka tempele mo lefatshing. Go raya gore, gore motlaagana o ntlaadiwe, go tswa ka 1844, e tla bo ene e le wa selegodimo, ka wa selefatshe e le sekao sa oo fela.



Jaanong, go ntlaadiwa ga motlaagana wa selegodimo go raya eng? Israele wa bogologolo o ne a bitsa letsatsi la go ntlaadiwa ga motlaagana wa selefatshe Yom Kippur, Letsatsi la Tetlanyo. E ne e le letsatsi la katlholo e le ruri.

Jaaka re lemogile mo kaelong ya 12, toro ya ga Keresete mo boemong jwa rona kwa motlaaganeng e gabedi: (1) Ditlhabelo tsa letsatsi le letsatsi di remeletse mo bodireding jwa moperisiti mo

phaposing ya ntlha ya motlaagana, Felo ga Boitshepo. (2) Setlhabelo sa ngwaga le ngwaga se remeletse mo bodireding jwa Moperisiti yo Mogolo mo phaposing ya bobedi, Felo ga Boitshepo jwa Maitshepo (Lefitiko 16).

Mo motlaaganeng wa selefatshe, fa batho ba ne ba ipolela maleo letsatsi le letsatsi, madi a diphologolo tse di bolailweng a ne a kgatshwiwa kwa thofing ya sebeso, a tloge a fudusediwe kwa Felong ga Boitshepo (Lefitiko 4 le 6). Ka jalo ka tshupo e, letsatsi le letsatsi maleo a a ipoletsweng a ne a lerwa mo motlaaganeng a bewe koo.

Mme e ne e a re ngwaga le ngwaga, ka Letsatsi la Tetlanyo, motlaagana o ntlaufadiwe maleo otlhe a a ipoletsweng mo ngwageng o o fetileng (lefitiko 16). Go dirafatsa ntlaufatso e, Moperisiti yo Mogolo o ne a dira setlhabelo se se faphegileng sa podi e e ntshitsweng. O ne a tseela madi a yone kwa Felong ga Boitshepo jwa Maitshepo mme a kgatsha madi a a ntlaufatsang a fa pele ga sesiro sa tetlanyo go supa gore madi a ga Jesu, Morekolodi yo otla tleng, a ne a tla duela kwatlhao ya boleo. Moperisiti yo Mogolo o ne a tlosa maleo a a ipoletsweng mo motlaaganeng mme a a baya mo tlhogong ya podi e nngwe, e e neng e gogelwa kwa sekgweng go ya go swela koo (Lefitiko 16:20-22).

Tirelo (moletlo) e ya Letsatsi la Tetlanyo ngwaga le ngwaga e ne e ntlaufatsa motlaagana mo boleong . Batho ba ne ba le tsaya jaaka letsatsi la katlholo ka gore ba ba neng ba gana go ipolela maleo a bone ba ne ba tsewa ba sa siama mme ba tlosiwe mo bathong(ba Modimo)" (23:29).



Se Moperisiti yo Mogolo o neng a se dira e le tshupo gangwe fela ka ngwaga, Jesu o se dira gangwe fela mo lobakeng lotlhe jaaka Moperisiti wa rona yo Mogolo (Bahebera 9:6-12). Mo letsatsing le legolo la katlholo, otlosa mo motlaaganeng maleo a a ipoletsweng a bottle ba ba mo amogetseng jaaka mmoloki wa bone. Fa re ipolela maleo a rona, o tla phimola ka bosakhutleng pego ya maleo a rona ka nako eo (Ditiro 3:19). Bodiredi jo ke tiro ya katlholo e Jesu o e simolotseng ka 1844.

Ka 1844 fa nako ya katlholo ya Modimo e ne e simologa kwa legodimong, molaetsa wa motlha wa katlholo o ne wa simolola go rerwa mo lefatshing lotlhe (Tshenolo 14:6-7). Kaelo e nngwe ya TLHOTLHOMISO e tla bua ka ga molaetsa o.

## 6. GO LEBAGANA LE PEGO YA BOTSHETO JWA GAGO MO KATLHOLONG

Go tswa ka 1844, Keresete jaaka Moatlhodi o ntse a sekaseka pego ya motho mongwe le mongwe yo o kileng a tshela go tlhomamisa ba ba tla nnang teng mo go ba ba bolokilweng fa Jesu a tla. Jaaka Moatlhodi wa rona, Jesu o "phimola" maleo otlhe a basiami go tswa mo pegong ya matshelo a bone e e kwa legodimong (Ditiro 3:19).



Fa leina la gago le tlhaga mo katlholong, go tla bo go le motlhogo go lebagana le pego ya botsheto jwa gago - Fa o amogetse Keresete jaaka Moemedi wa gago. Mmme fa katlholo ya basiami e weditswe, Jesu o bolela mo lefatshing go tla go ba duela (Tshenolo 22:12,14).

A o iketleleeditse Jesu go tla? Kgotsa, a go na le sengwe se o ntseng o se Mo fitlhela? A o na le botsalano jwa boikanyego le yo o sololetsang jaana:

**"Fa re ipolela maleo a rona, o boikanyego le tshiamo go re itshwarela le le go re ntlaufatsa mo tshiamololong yotlhe." -**

**Johane 1:9.**

Go ipolela go raya go dumela go lebagana le maleo a rona, go amogela boitshwarelo jwa Modimo, le go bolela letlhoko la rona la nonofo le tshegofatso ya Gagwe.

E kile yare kgosi Frederick William I a etetse kgolegelo kwa Potsdam, a reetsa maikuelo mangwe a boitshwarelo. Magolegwaa otlhe a ikana gore baathodi ba ba tshokamo, basupi ba ba seng boammaaruri, kgotswa babueledi ba ba gatelelang ke bone ba dirileng gore ba golegwe. Gotswa mo ntlwaneng go ya mo go e nngwe ga tswelela polelo ya go tlhatlhelwa kwa ntle ga molato.

Mme mo ntlwaneng nngwe legolegwa la tlhoka mafoko. Ka go gakgamala, Frederick a bua ka dinyao, a re, "Ke tsaya gore le wena ga o na molato."

Monna yoo a araba, "Nnyaya, mong wa me, ke molato ebile ke tshwanelwa ke se ke se amogelang."

Kgosi ya leba motlhokomedi mme ya buela kwa godimo ya re, "Tla o golole serukhutli se ka bonako, pele ga a senya batho ba ba senang molato ba."

Re ipaakanyetsa jang katlholo? Re ipaakanyetsa jang go tla ga ga Keresete? Ka go ipolela ka boikanyego le ka boammaaruri: Ke tshwanetswe ke kwatlhao ya loso ka ntlha ya maleo a me, mme Mongwe O tsere maemo a me, a nnaya boithswarelo jo bo gakgamatsang. Dira boineelo gone jaanong, gore lefa go ka dirafala eng, Otlala tshegetsa botsalano jwa gago le Modimo ka boikanyego le ka pelo e e tlhoafetseng.

## SEPHIRI SA THAPELO E E ARABILWENG



Anatoli Levitin, mokwadi le moitse wa ditso wa Morashia, o ne a senya dingwaga kwa Siberian Gulag kwa mekokotlelo e e yang Modimong eketeng e ne e gatseletse fa fatshe. Mme o ne a boa a nonofile mo semoyeng. O ne a kwala gore "Kgakgamatsso e kgolo mo go tsotlhe ke thapelo. Sa me fela ke go leba kwa Modimong ka thapelo mme gone foo fela ke utlwae nonofo e e tshelegelang mo go nna e tswa golo gongwe, e tsena mo moyeng wa me le mo boleyong ja me jotlhe. Ke eng? Ke ne ke ka tsaya kae nonofo e e ntshafatsang e bo e mpoloka, e ntsholeletsa kwa godimo ga lefatshe, nna ke le monnamogolwana yo o senang mosola yo o lapisitsweng ke botshelo? E tswa ka kwa ntle ga me - mme ga go nonofo epe mo lefatshing e e ka e itshokelang."

Mo kaelong e re tla bona kafa thapelo e ka re thusang ka teng go nna le botsalano jo bo nonofileng le Modimo, ra bo ra nna le botshelo jo bo godileng thata jwa Sekeresete.

### 1. POISANYO LE MODIMO

Re ka tlhomamisa jang gore Modimo O A re utlwa fa re rapela?

**"Mme o tla mpitsa o bo o tla go NTHAPELA, mme KE TLA GO REETSA. O tla mpatla mme o tla mpona fa o mpatla ka pelo yotlhe ya gago."** - Jeremia 29:12, 13.

Jesu O ne A naya tlhomamiso efe ya gore O tla utlwa A bo A araba dithapelo tsa rona?

**"Ke gone ke lo rayang, ke re: Lopang mme lo tla newa; batlang mme lo tla bona; kgwanya-kgwanyang mme lo tla bulelwa."** - Luke 11:9.

Thapelo ke puisanyo e e nayang ntlheng tsotlhe. Ke sone se Jesu A se sololetsang:

**"Ke eme fa mojako ke kgwanyakgwanya. Fa motho (lefa e le mang) a utlwa lentswe ja me mme a bula kgoro, ke tla tsena kwa go ene ke ja le ene, le ene le Nna."** - Tshenolo 3:20.

Go ka kgonega jang go nna fa lomating re bo re nna le nako e ntle ya maitseboa ya go ja mo puisanyong le Keresete? Sa ntlha, ke fa re mmolelela tsotlhe tse di mo dipelong tsa rona ka thapelo. Sa bobedi, ke fa re Mo reetsa ka kelothoko. Fa re tlthatlhanya mo thapelang, Modimo O ka bua le rona sebele. Fa re bala Lefoko la Modimo ka boineelo, O tla bua le rona ka ditsebe tsa lone.

Thapelo e ka nna tsela ya go tshela mo Mokereseteng.

**"LO RAPELE KA DINAKO TSOTLHE; Io neye malebogo mo dipakeng tsotlhe, ka gonne mo ke go rata ga Modimo ka ga lona mo go Keresete Jesu."** - 1 Bathesalonians 5:16-18.

Re ka "rapela" jang "ka dinako tsotlhe" (ka go bisa go khutla)? A re tshwanetse go nnela ruri ka mangole kgotsa re ntse re boaboela mela mengwe ya pako le mokokotelof? Ga go a nna jalo. Mme re tshwanetse go tshela re le gaufi thata le Jesu mo re ka ikutlwang re gololesegile go bua Nae nako nngwe le nngwe le gongwe le gongwe.



"Mo boidiiding ja mebila, fa gare ga puisanyo ya kgwebo, re ka romela mokokotelo kwa Modimong re kopa kaelo e e boitshepo... Re tshwanetse go nna le kgoro e e bulegileng ya pelo ka dinako tsotlhе mme taletso ya rona ya ya kwa godimo gore Jesu A tle A nne jaaka moeng wa selegodimo mo moyeng." - Steps to Christ, tsebe 99.

Nngwe ya ditsela tse di molemo segolo tsa go nna le botsalano jo bo boteng jo, ke go ithuta go tlhatlhanya fa re rapela.

**"A go tlhatlhanya ga me go a lebosega mo go Ene, ka ke ipela mo go JEHOFA." - Peselema 104:34.**

O se ka wa ralala fela thulaganyo ya dikopo fa o rapela. Leta. Reetsa. Tebelelo lefa e le nnye ya thapelo e ka nonotsha botsalano ja gago le Modimo go le go golo.

**"Tlang gaufi le Modimo mme le Ene O tla nna gaufi le Iona." - Jakobe 4:8.**

Fa re atamela Jesu thata, re tla itemogela go le go golo mo boleyong ja Gagwe. Ka jalo, nnang gaufi le Jesu fa lo ka buisanyang teng, lo bo lo sa tshwenyege ka gore lo no lo bua mafoko a a tshwanetseng. Buang fela ka boammaaruri lo sa boife sepe. Buang kaga sengwe le sengwe. O raletse botlhoko ja loso sebele gore A nne tsala ya gago ya botlhokwa.

## 2. KAFA RE KA RAPELANG KA TENG

Fa re tsena mo thapelong, re ka eletsa go sala morago Thapelo ya Morena, thapelo ya sekao e Jesu O e rutileng barutwa ba Gagwe A tsibogela kopo ya bone: "Re rute go rapela."



**"Rraetsho yo o kwa legodimong, leina ja Gago a le itshepisiwe, bogosi ja gago a bo tle, go rata ga Gago a go dirwe mo lefatshing jaaka kwa legodimong. Re neele gompieno sejo sa rona sa letsatsi. O re itshwarele melato ya rona, jaaka re itshwaretse ba ba molato le rona. Mme o se re gogele mo thaelong, o re golole mo go yo o bosula, gonne puso ke ya gago le thata le kgalalelo ka bosenabokhutlo. Amen." - Mathaio 6:9-13.**

Go ya ka sekao se Jesu O se neileng mo thapelong ya Gagwe, re tshwanetse go tla kwa Modimong jaaka Rraetsho yo O kwa legodimong. Re kope gore A laole mo dipeleng tsa rona fela jaaka go rata ga Gagwe go totile mo legodimong lothe. Re mmatla mo ditlhokong tsa rona tsa senama, boitshwarelo, le maikutlo a go itshwarela. Gakologelwa gore go kgona go itshokela boleo ga rona go tswa mo Modimong. Thapelo ya ga Keresete e felela ka ditshupo tsa pako.

Mo kgannye e nngwe, Jesu O ne A laela barutwa ba Gagwe go rapela Rara "mo leineng la Me" (Johane 16:23) - ke gore go rapela mo go tsamaelanang le melawana ya ga Jesu. Ke gone Bakeresete ba tle ba tswale thapelo ya bone ka mafoko a a reng: "Mo leineng la ga Jesu, Amen." Amen ke lefoko la Sehebera le le rayang gore "A go nne jalo."

Lefa Thapelo ya Morena e naya dikaelo tsa se se rapelelwang le kafa thapelo e ka bewang ka teng, puisanyo ya rona le Modimo e dira botoka fa e le e e tswang mo pelong fela ka nako e e rileng.

Re ka rapelela sengwe le sengwe. Modimo O re laleletsa go rapelela boitshwarelo ja dibe tsa rona (1 Johane 1:9), tumelo e e oketsegileng (Mareko 9:24), tse re di tlhokang mo botshelong (Mathaio 6:11), go

fodisiwa mo go bogeng le bolwetse (Jakobe 5:15), le go tshololelw Moya (O O Boitshepo) (Sekaria 10:1). Jesu O re tlhomamisetsa gore re ka isa tsotlhe tse re di tlhokang le ditlhobaelo kwa go Ene; ga go sepe se sennye thata mo re se kakeng ra rapela kaga sone.

**"Latlhelang ditlhobaelo tsotlhe tsa lona mo go Ene, gonne O A lo tlhokomela." - 1 Petere 5:7.**

Mmoloki wa rona O kgatlhegela tshetla nngwe le nngwe ya matshelo a rona. Pelo ya Gagwe e a thuthafala fa dipelo tsa rona di otlologela kwa go Ene ka lorato le tumelo.

### 3. THAPELO YA SEPHIRI



Bontsi ja rona re na le dilo tse re etsaetsegang go di abelana tota e leng le ditsala tsa rona tse dikgolo. Ka jalo Modimo O re laletsa go rola merwalo ya rona ka thapelo ya sephiri re lebagana le Ene ka sebele ka bongwe mo bojosing. Ga se gore Ene O tlhoka polelelo epe. Mogodimodimo O itse dipoiro tsa rona tsa sephiri, maikaelelo a a fitlhilweng le dikilo tse di kwa teng teng go feta jaaka rona re di itse. Mme re tlhoka go bulela dipelo tsa rona Ene Yo o re itseng ka boteng ebile A re rata mo go senang bolekanngo. Phodiso e ka simologa fa Jesu A ka ama dintho tsa rona.

Fa re rapela, Jesu, Moperisiti wa rona yo Mogolo, O gaufi go re thusa.

**"Re na le mongwe yo o kileng A RAEWA KA DITSELA TSOTLHE, FELA JAAKA RONA - mme a bo a sena boleo. A jaanong re atamele setulo sa bogosi sa tshegofatso ka ikanyo, gore re amogele boutlwelobothhoko re bo re bone tshegofatso ya go re thusa mo nakong ya letlhoko." - Bahebera 4:15, 16.**

A lo ikutlw lo tlhobaetse, lo lapile, lo rwele molato? Bayang tsotlhe fa pele ga Morena. O tla re naya tsotlhe tse re di tlhokang.

A re na le lefelo le le faphegileng la thapelo ya sephiri?

**"Fa o rapela, tsena kwa ntlwaneng ya gago, tswala setswalo o rapele Rrago - yo O tla go duelang." - Mathaio 6:6.**

Mmogo le go rapela fa o tsamaya mo mokgwatheng, o dira mo tirong, kgotsa o le mo moletlong wa boitumelo, Mokeresete mongwe le mongwe o tshwanetse go nna le nako e e beetsweng kwa thoko letsatsi lengwe le lengwe ya thapelo ya sebele le go ithuta Baebele. Dira nako ya go bua le Modimo letsatsi le letsatsi ka nako e o ikutlwang o le pudimatseba ebile o ka tsena mo go yone sentle.

### 4. THAPELO YA MO PONTSHENG



Go tlhakanelo le ba bangwe thapelo go dira tshwaragano e e faphegileng ebile go laletsa boleyong ja Modimo ka tsela e e faphegileng.

**"Gonne fa ba babedi kgotsa bararo ba tlhang mmogo mo leineng la Me, Ke tla nna nabo." - Mathaio 18:20.**

Sengwe sa dilo tse dikgolo thata tse re ka di dirang jaaka lelapa ke go nna le botshelo jwa thapelo mmogo. Re sugegetse bana ba rona go re re ka isa ditlhoko tsa rona kwa go Ene sebele. Ba tla kgatlhegela Modimo fa ba Mmona A araba thapelo ka dilo tsa

malatsi otihe mo botshelong. Dirang kobamo ya lelapa go nna nako e e iketlileng ya go abelana.

## 5. DIPHIRI TSE SUPA TSA THAPELO E E ARABILWENG

E ne ya re Moshe a rapela, Lewatle le le Hubidu la kgaogana. E ne ya re Elija a rapela, molelo wa fologa kwa legodimong. E ne ya re Daniele a rapela, moengele a tswala melomo ya ditau tse di tshwerwenng ke tlala. Baebele e re naya dipego tse di ntsi tse di ntseng jalo tsa thapelo e e arabilweng. Gape e rotloetsa thapelo e le tsela ya go ipiletsa nonofo e kgolo ya Modimo. Jesu O A sololetsa:

**"Lo ka kopa sengwe le sengwe mo leineng la Me, mme ke tla se dira." - Johane 14:14.**

Mme dithapelo tse dingwe ekete ga di arabiwe. Ka go reng? Go na le melawana e supa e e ka go thusang go rapela sentle:

### (1) Nna gaufi le Keresete.

**"FA LO NNA MO GO NNA, mme mafoko a Me a nna mo go lona, loopang lefa e le eng se lo se eletsang, mme lo tla se newa." - Johane 15:7.**

Fa re dira botsalano ja rona le Modimo go nna selo sa ntlha mo matshelong a rona re bo re nna re tshwaraganye le Ene, re tla bo re reeditse ebile re lebeletse dikarabo tsa dithapelo tsa rona tse gongwe di neng di tla tlhoka go arabiwa.

### (2) Tswelela ka go ikanya Modimo.

**"Fa o DUMELA, o tla bona tsotlhe tse o di lopang ka thapelo." - Mathaio 21:22.**

Go dumela, kgotsa go nna le tumelo, go raya gore re lebeletse Rraetsho wa legodimo go re naya tse re di tlhokang. Fa o tshwenngwa ke go tlhoka tumelo gakologelwa gore Mmoloki wa rona O ne A direla monna yo o neng a kopa ka boithobogo- kgakgamatso:

**"Ke a dumela, thusa go tlhoka go dumela ga me." - Mareko 9:24.**

Tlhokomela fela go dirisa tumelo e o NANG nayo; o se ka wa tshwenyega ka tumelo e o SENANG nayo.

### (3) Ineele ka bonolo mo go rateng ga Modimo.

**"E ke yone tshepo e re nayang nayo mo go tleng kwa Modimong, gore fa re lopa sengwe KAFA GO RATENG ga Gagwe, O A re utlwa." - Johane 5:14.**

Gakologelwa gore Modimo O batla go re ruta, mmogo le go re naya dilo, ka thapelo. Ka jalo fa gongwe O A re, "Nnyaa"; fa gongwe A re lebise ntlheng e nngwe. Thapelo ke tsela ya go amana thata le go rata ga Modimo. Re tlhoka go tsibogela dikarabo tsa Modimo ra bo ra ithuta mo go tsone. Go latela se se dirafalang le maduo a sone go na le thuso e kgolo.

Moya O O Boitshepo O tla go thusa go tshwara se se lebanyeng: "Moya O tsereganya baitshepi go ya kafa go rateng ga Modimo." (Bona Baroma 8:27). Gakologelwa gore go rata ga rona go ka aga go tsalana le go rata ga Modimo fa re ne re ka bona kafa A bonang ka teng.



### (4) Leta ka pelotelele mo Modimong.

**"KE NE KA LETA MO GO JEHOFA ka PELOTELELE; A leba kwa go nna A utlwa selelo sa me." - Pesalema 40:1.**

Nthla ya bothokwa fano ke go tsepega tebo ya gago mo Modimong, tsepega tebo ya gago mo karabong ya Gagwe. Gape o se ka wa kopa Modimo kemo nokeng motsotsa o, e bo e re o o latelang wa leka go itebatsa mathata ka go ipatlela menate. Leta ka pelotelele mo go Jehofa; re tlhoka tlwaelo e go le go golo.

**(5) O se ka wa ngaparela boleo bope.**

**"Fa ke ne ke RATILE BOLEO MO PELONG YA ME, Jehofa O ka bo A ne A sa reetsa." - Pesalema 66:18.**

Boleo jo bo itsiweng bo kgaola nonofo ya Modimo mo matshelong a rona; bo re kgaoganya le Modimo (Isaia 59:1-2). Ga o kake wa huparela boleo ka letsogo le lengwe mme o bo o leka go tshwara thuso e e boitshepo ka le lengwe. Boipolelo le boikwathlao ja boammaaruri bo rarabolola mathata.

**"Fa lo lopa, ga lo newe, ka lo kopa ka maikaelelo a kgopo, gore se lo se amogelang lo se senyetse mo dikgatlhegong tsa lona." - Jakobe 4:3.**

Modimo ga A kake A araba A re "ee" mo dithapeleng tsa bopelotshetlha.

A ditsebe tsa gago di age di bulegetse molao wa Modimo, go rata ga Gagwe, mme ditsebe tsa Gagwe di tla aga di bulegetse mekokotelo ya gago.

**"Fa motho lefa e le mang a ipaya tsebe-se-utlwe mo molaong, le dithapelo tsa gagwe ke sefedisa pelo." - Diane 28:9.**

**(6) Ikutiwe o tlhoka Modimo.**

Modimo O tsibogela ba ba lopang boleyong jwa Gagwe le nonofo ya Gagwe mo matshelong a bone.

**"Go sego ba ba bolaetsweng ke tlala le lenyora tshiamo, gonne ba tla kgorisiwa." - Mathaio 5:6.**

**(7) Tlhwaafala mo Thapeleng.**

Jesu O ne A supa botlhokwa ja go tlhwaafalela mekokotelo ya rona ka go bolela polelo ya motlhlagadi yo o neng a tlhwaafalete go nna a tla kwa moatlhoding ka kopo ya gagwe. La bofelo moatlhodi o ne a bua ka go felelwa ke maatla, a re, "Ka mosadi yo o tsweletse ka go ntshwenya, ke tla tlhomamisa gore a bone tshiamo." Jesu A fetsa ka go re: "A Modimo ga a ketla a lere tshiamo mo baitshenkedwing ba Gagwe, ba ba goeletsang kwa go Ene bosigo le motshegare? A o tla tswelela ka go ba tlhokomologa?" (Luke 18:5-7).

Buisanya ditlhoko tsotlhe, ditsholofelo, le ditoro le Modimo. Lopa masego a a rileng, le thuso mo nakong ya letlhoko. Tswelela ka go batla, le go reetsa, go fitlhela o ithuta sengwe mo karabong ya Modimo.

## 6. BAENGELE BA DIRELA MO DITLHOKONG TSA BA BA RAPELANG

Mopesalema o ne a itumelela gore mo bodireding ja moengele wa ga Jehofa dithapelo tsa gagwe di ne tsa arabiwa.

**"Ke ne ka batla JEHOFA, mme a nkaraba; a nkogolola mo dipoiifong tsotlhe tsa me... Moengele wa ga JEHOFA, o thibeleta mo ntlheng tsotlhe tsa ba ba mmoifang, mme o a ba golola." - Pesalema 34:4-7.**

Fa re rapela, Modimo O romela baengele go araba dithapelo tsa rona (Bahebera 1:14). Mokeresete mongwe le mongwe o na le moengele yo o mo patileng yo o mo disang:

**"Lo bone gore lo se ka lwa nyatsa ope wa ba ba botlana ba. Ka gonne ke lo raya ke re BAENGELE BA BONE kwa legodimong ba bona sefatlhogo sa ga Rre kwa legodimong ka dinako tsotlhe." - Mathaio 18:10.**

Ka ntlha ya dithapelo tsa rona:

**"Jehofa O gaufi. Se tlhobaeleleng sepe, mme mo go tsotlhe, ka thapelo le mokokotelo, ka malebogo, lo neye Modimo dikopo tsa lona. Mme kagiso ya Modimo, e e fetang tlhaloganyo yotlhe, e tla disa dipelo tsa lona le ditlhologanyo tsa lona mo go Keresete Jesu." - Bafilipi 4:5-7.**



## 7. BOTSHELO JA SEKERESETE

Baebele e tlhalosa botshelo jo bo tlhalosegileng ja Sekeresete. Go ya ka Baefesia 4:22-24, Mokeresete o tshwanetse "go apola" botshelo jo bogologolo jo bo neng bo ntse ka ntlha ya "dikeletso tsa tsietso," mme a "apare" botshelo jo bosha jo bo tlholetsweng go nna jaaka Modimo. Mo temaneng e le mo Kaelo 6 re fitlhela gore kwa go tswalweng sesha re tla "tlholwa sesha" go nna batho ba ba farologanyeng mo go Keresete.

Kaelo e le tse thataro tse di latelang, di supa sentle botshelo ja Sekeresete; di senola diphiri tsa botshelo ja Sekeresete ja boitumelo. Ka jalo tsepega matlho a gago mo go Jesu gompieno mme o ka nna bontlhabongwe ja phenyo ya moletlo wa bofelo fa kagiso ya ga Keresete e tla a busa e sa gwethhiwe ke sepe.

## SEPHIRI SA BOITUMELO

Ka 1943, mephato ya tiro ya Majapane e ne ya biletsha makgolokgolo a "ditshaba tsa baba" ba Maamerika le Mayuropa go ya bothibelelong jwa katisetso kwa kgaolong ya Shantung kwa China. Ba ne ba tshwanelwa ke go itshokela dikgwedi tsa go sulafalelw, go sotlega, go sukagana, le poifo. Botho ja thulana, maikutlo a gogomoga. Dikomano tsa ditlontlokwane tsa oketsegan.

Mme monna mongwe o ne a tlhalosiwa ke mokatisiwa "kwa ntle ga pelaelo a le motho yo o rategang a bile a tlolwa thata mo bothibelelong" - Eric Liddell, morongwa wa Lefoko go tswa Scotland.

Seaka sengwe sa Morashia se ne sa gakologelwa morago gore Liddell e ne e le ene fela monna yo o neng a tle a mo direle dilo a sa lope go duelwa ka tsela nngwe. E ne ya re seaka se se goroga lantla mo bothibelelong, se le mo bodutung se bifelwa, Liddell a se direla mapegelo a dilwana. Mokatisiwa yo mongwe o ne a gakologelwa "O ne a na le tsela e e bonolo, e e kgatlang, ya go ritibatsa maikutlo a a gogomogileng." Mo phuthegong nngwe ya bakatisiwa ba ba shakgetseng, mongwe le mongwe o ne a batla gore mongwe a dire sengwe ka banana ba ba neng ba tsena mo mathateng. Liddell o ne a tswa ka tharabololo. O ne a rulaganya metshameko, tiro ya diatla, dithophha tsa thuto tsa bana ba, mme a simolola go senya maitiso a gagwe le bone.



Liddell o ne a gapile tumo le kgalalelo kwa metshamekong ya 1924 ya Olympic, a tsere sekgele mo lobelong lwa 400 metres. Mme mo bothibelelong jo bo pitlaganyeng joo, a itshupa a le mofenyi mo lobelong lwa Sekeresete le lone, ka go gapa kgalaletso ya bakatisiwa ba lefatshe.

Ke eng se se neng se mo dira motho yo o faphegileng? O ka bo o ne wa lemoga sephiri sa gagwe ka nako ya borataro moso le moso. Ke nako e a neng a tle a nanabele a fete ditsala tsa gagwe tse di robetseng, a nne fa lomating, a tshube lobone lo lo botlana go bonesa lokwalo lo a kwalelang mo go lone le Baebele ya gagwe, Eric Liddell o ne a batla tshegofatso le nonofo letsatsi le letsatsi mo dikhumong tsa Lefoko la Modimo.

### 1. LOKWALO LO LO KAE LANG BOT SHELO JWA SEKERESETE



Baebele e ne ya kwalwa e le lokwalo lo lo kaelang Mokeresete. E tletse dipolelo tsa batho ba mmatota jaaka rona ba ba neng ba kopana le dikgwetlhoo tse di tshwanang letsatsi lengwe le lengwe go itse batho ba ba Baebele - maitumelo le dikhutsafalo tsa bone, mathata le masego a bone - go re thusa go gola jaaka Bakeresete.

Mopesalema Dafide o tshwantsha ikanyo ya rona ya letsatsi le letsatsi mo Modimong ka go e bapisa le lobone lwa toche:

**"Lefoko la gago ke lobone lwa dinao tsa me le lesedi la tsela ya me." - Pesalema 119:105.**

Tshedimoso e re e bonang letsatsi le letsatsi mo Baebeleng e papamatsa sentle dipopego tse re di tlhokang mo matshelong a rona le melawana ya go gola ga semoya. Godimo ga tsotlh, Baebele e re naya Jesu, Lesedi la Lefatshe. Botshelo bo nna le tlhaloso fela fa Jesu A bo phatsimela.

### 2. BOTSALANO JO BO FETOLANG



Keresete O batla gore Baebele e nne boammaaruri mo go wena jaaka lokwalo lo lo tswang kwa tsaleng e e gaufi.

**"Ke lo biditse ditsala, ka gonne sengwe le senngwe se ke se ithutileng kwa Rre ke se lo itsitse." - Johane 15:15.**

Jesu O batla se se molemo segolo kaga rona. Lefoko la Gagwe le re lere mo boleyong jwa Modimo: mo go bao ba ba tshephang ebile A ba laela ka sebele.

**"Ke lo boleletse dilo tse, gore lo bone kagiso mo go Nna." - Johane 16:33.**

Gore re itemogelege kagiso e, botsalano jo bo sireletsegileng jo le Keresete, re tlhoka go bala dikwalo tse A di re romelelang. Ke sone se Baebele e leng sone: dikwalo tse di tswang kwa legodimong. O se ka wa tlogela kana wa baya dikwalo tseo di sa bulwa. Molaetsa o o fetolang o o o tlhokang o mo Lefokong.

Tshupo nngwe ke e kaga kamo ya Baebele: "Ke ne ke tlhoka thuso, mme ka e bona mo go Jesu. Letlhoko lengwe le lengwe le ne la newa, tlalo ya moya wa me ya kgotsfadiwa; Baebele mo go nna ke tshenolo ya ga Keresete. Ke dumela mo go Jesu ka gore mo go nna ke Mmoloki yo O Boitshepo. Ke dumela Baebele ka gobo ke e fitlhets'e e le lenswe la Modimo mo moyeng wa me." The Ministry of Healing, tsebe 461.

### 3. DIKAELO TSA GO TSHELA MO BAEBELENG LE DITAOLO TSE SOME

Go leba Ditaolo tse Some ka bokhutshwane go re thusa go tlhaloganya gore ke eng fa tsone le Baebele e le motheo wa botlhokwa mo go tsheleng mo go siameng.

Ditaolo ka tlholego di wela mo dikgaoganyong tse pedi. Tsa ntla tse nne di tlhalosa botsalano jwa rona le Modimo, mme tsa bofelo tse thataro di tlhalosa botsalano jwa rona le batho ba bangwe. Di bonwa mo go Ekesodo 20:3-17.

**Ditaolo tsa ntla tse pedi di tlhalosa botsalano jwa rona le Modimo le kobamelo ya Gagwe.**

I. "O se ka wa nna le medimo epe e sele (fa pele ga me)."

II. "O se ka wa itirela setshwantso sepe... O se ka wa di ikobela lefa e le go di direla..."

**Taolo ya boraro le ya bone di supa botsalano jwa rona le leina la Modimo le letsatsi la Gagwe le le boitshepo.**

III. "O se ka wa umakela leina ja ga Jehofa Modimo wa gago lefela..."

IV. "Gakologelwa letsatsi ja Sabata go le itshepisa. O dire o bo o swetse tiro yotlhe ya gago ka malatsi a le marataro mme letsatsi ja bosupa ke Sabata wa ga JEHOFA Modimo wa gago..."

**Taolo ya botlhano le ya bosupa di babalela tshwaragano ya lelwapa.**

V. "Tlotla rrago le mmago..."

VII. "O sekwa wa dira boaka."

**Ditaolo 6,8,9 le 10 di re babalela mo batsalanong jwa rona le bangwe ka rona.**

VI. "O se ka wa bolaya."

VIII. "O se ka wa utswa."

IX. "O se ka wa supa maaka kaga mongwe ka wena."

X. "O se ka wa eletsa ntlo ya mongwe ka wena. O se ka wa eletsa mosadi wa mongwe ka wena... lefa e le sepe se e leng sa mongwe ka wena."



Ditaolo tse some di tlhalosa botsalano jwa rona le Modimo mmogo le batho ba bangwe. Ke dikaelo tsa botshelo jwa Sekeresete.

#### 4. SE JESU O SE BUILENG KAGA DITAOLO TSE SOME

Letsatsi lengwe Jesu O ne A ruta, ga tla lekawana lengwe le itlhaganetse kwa go Ene, la botsa, "Moruti, ke ka dira eng se se molemo go re ke bone botshelo jo bo sa khutleng.?" (Mathaio19:16). Keresete O ne A bona gore O tlhabana le mathata a madi mme A mo gakolola go kgaogana le dithoto tsa gagwe mme a "tshegetsa ditaolo." (temana 17).



Lekawana le, le ne la leka go faposa tlhaloso ya ga Keresete ya mathata a gagwe ka go botsa gore (Jesu) O ne A bua ka ditaolo dife. Jesu O ne A bolela dingwe tsa Ditaolo tse some (ditemana 18 le 19).

La bofelo, "lekawana la mmusi wa mohumi la retologa la tsamaya ka kutlobotlhoko (ditemana 20,22). O ne a ka naya Ditaolo tse Some tlhaloso ya tlhaloganyo, mme a se ka ke a obamela moyo wa molao ka go tlogela tsela ya go tshela ga gagwe ya bopelotshetlha.

Ditaolo tse Some di re supegetsa melelwane e botsalano jo bo itekanetseng le Modimo mmogo le bangwe ka rona, bo ka golelang mo go yone. Jesu O ne A supa kutlo e le yone kgoro e e isang boitumelong jwa boammaaruri:

**"Fa lo TSHEGETSA DITAOLO TSA ME, Io tla nnela ruri mo loratong Iwa Me, fela jaaka le nna ke tshegeditse ditaolo tsa ga Rre mme ke ntse mo loratong Iwa Gagwe. KE LO BOLELETSE SELO SE gore boipelo jwa me bo nne mo go lona le gore BOIPELO JWA LONA BO NNE BOTLALO." - Johane 15:10, 11.**

#### 5. KAELO MO BOTSHELONG JWA BOITUMELO

Lokwalo Iwa Moreri ke pego ya go hukutsa ga ga Solomone a batla boitumelo. O bega tlhologelelo ya gagwe ya boitumelo mo dikhumong tsa lefatshe: matlo a a manobonobo, masimo a mofine a a ungwang segolo, masingwana a mantle thata, le masimo a maungo a a rokotsisang mathe. O ne a ntsifatsa malata. O ne a iphitlhela a dikanyeditswe ke sengwe le sengwe sa dithoto tse motho o ka di eletsang. Mme o ne a sena boitumelo, mme a kwala:

**"E ne ya re fa ke leba tsotlhe tse ke di dirileng ka diatla tsa me, le se ke neng ke tsere matsapa go se dirafatsa, gotlhya bo e le lefela, e le go leleka phefo fela." - Moreri 2:11.**

Solomone o ne a simolola go hukutsa maitumelo a lefatshe le ka tsholofelo ya go bona boitumelo. O ne a gapiwa ke mofine, basadi, le moopelo. Tshwetso ya gagwe e ne ya nna e:

**"Lefela! Lefela!.... Sengwe le sengwe ke lefela!" - Moreri 12:8.**

Solomone o ne a kile a utlwa a bo a bona fa Jehofa A le molemo. E ne ya re fa a tshwantsha botshelo jwa gagwe jwa pele jwa kutlo mo Modimong le go tsoma boitumelo ga gagwe ka botlhaswa mo dilong tsa boleo, tshwaelo ya gagwe ya nna e:

**"Bokhutlo jwa dilo tsotlhe ke jo: Boifang Modimo lo boloke ditaolo tsa Gagwe, ka gonne mo ke yone tiro yotlhya ya motho." - Moreri 12:13.**

Solomone o ne a ikuthwa ekete o ka bona tsela e khutshwane go ya boitumelong mo botshelong jwa go peresa. Go isa kwa bokhutlong jwa botshelo jwa gagwe, o ne a nna pelokgale go amogela molato wa gagwe. Go boloka ba bangwe mo molatong o o tshwanang, o ne a kwala:

**"Yo o bolokang molao, ene yoo o a itumela." - Diane 29:18.**

## 6. DITAOLO TSE SOME KAELO YA BOTLHOKWA YA KGOLAGANO E NTSHA

Mo kgolaganong e Ntsha, Jakobe o ne a supa ka gore:

**"Gonne lefa e le mang yo o bolokang molao otthe mme a bo a kgotswa mo ntlheng e le nngwe fela o molato wa go tlola molao otthe. Ka gonne yo o rileng, 'O se ka wa dira boaka,' gape o rile, 'O se ka wa bolaya.' FA o sa dire boaka mme o bolaya, o nnile motlodi wa molao. Bua o bo o dire jaaka ba ba tla atlholwang ka molao o o nayang kgololesego." - Jakobe 2:10-12.**

Charles Spurgeon, moreri yo mogolo wa Mobaptist mo dingwageng tse di fetang lekgolo tse di fetileng, o ne a re: "Molao wa Modimo ke molao o o boitshepo - o boitshepo, ke wa selegodimo, o boitekanelo. Ga go ditaolo tse dintsi thata; gape ga di palo potlana thata, mme ga go na ope o o tshwanang nao mo e leng gore boitekanelo jwa one ke tshupo ya boitshepo jwa one."



John Wesley, mongwe wa bathabolodi ba phuthego ya Methodist, o ne a kwala kaga popego e ya go ema ga molao: "Molao wa boitshwaro o o neng o le mo Ditaolong tse some... (Keresete) ga A ka A o tlosa... Tshetla nngwe le nngwe ya molao o e tshwanetse go ema e dira mo sethong sothe mo metlheng yotlhe." - Sermons, vol. 1, ditsebe 221,222.

Billy Graham, moreri yo tlotlegang thata mo lefatshing wa seefangele, o tseetse Ditaolo tse Some kwa godimo mo a kwadileng lokwalo kaga botlhokwa jwa tsone mo Mokereseteng.

## 7. NONOFO YA GO UTLWA

Baebele le Ditaolo tse Some ke kaelo e e itekanetseng ya go tshela ga boitumelo e e sa fetolweng, e e botlhokwa. Mme dipelo di santse di le mo ntweng. Mosadi mongwe o ne a e tlhalosa jaana: "Ke dumela fa Ditaolo tse Some di tama, ke tlhomamisa fa go di boloka go isa boitumelong. Ke lekile bojotlhe jwa me go di boloka, mme ga ke kgone. Ke simolola go dumela gore tota ga go na ope yo o ka kgonang."

Tshekamelo ya motho wa tlholego ke go leka go tshela botshelo jwa kutlo mo ditaolong tsa Modimo. Mme go araba go leka mo go ntseng jaana, gangwe le gape go tswa mo pelong e e ntshofetseng ya motho, go tswa tsibogo e ya kutlobotlhoko, "Ga ke kgone go nna kutlo!" Ka goreng? Ka gore:

**"Pelo e e boleo e ila Modimo. Ga e ineele mo molaong wa Modimo, ebile ga e kake ya go dira." - Baroma 8:7.**



Maikaelelo a molao wa Ditaolo tse some ke eng?

**"Re lemoga boleo ka ntlha ya molao." - Baroma 3:20.**

Tiro ya molao ke go re gogela gore re lemoje fa gotlhelele re le baleofi ba ba latlhegileng ba ba senang tsholofelo ebole ba tlhoka Mmoloki.

**"Molao o tlhomilwe gore o re gogele kwa go Keresete gore re siamisiwe ka tumelo." - Bagalatia 3:24.**

Jesu ke Ene Karabo! Fela fa re le fa dinaong tsa ga Jesu ka botlhoka thuso jo bo feletseng, ka tumelo re ka amogela boitshwarelo jwa dibe tsa rona le nonofo e e tswang mo go Ene gore re obamele ditaolo tsa Gagwe.

## 8. KUTLO YA LORATO MO DITAOLONG TSE SOME

Jesu O re bolelela gore kutlo ke maduo a lorato:

**"Fa lo nthata, lo tla tshegetsa ditaolo tsa Me." - Johane 14:15.**

Fa re rata Modimo, re tla tshegetsa ditaolo tsa ntlha tse nne tse di tlhalosang botsalano jwa rona le Modimo; gape fa re rata batho, re tla tshegetsa ditaolo tse di latelang tse thataro tse di tlhalosang botsalano jwa rona le batho ba bangwe.

Motho yo o gatakang Ditaolo tse Some o a leofa:

**"Mongwe le mongwe yo o leofang o tlola molao; tota, boleo ke go tlhoka molao." - 1 Johane 3:4.**

Mme a re lebogeng Modimo, re na le Mmoloki yo O neng A tla mo lefatshing le A bo A swa, A tsoga, mme jaanong O tshedile ka maikaelelo a le mangwe fela:



**"Mme lo itse fa a ne a bonadiwa GORE A TLOSE MALEO A RONA." - temana 5.**

Mmoloki wa rona O itshwarela A bo A tlosa go leofa ga rona (1 Johane 1:9). A bo A sololetsa go re naya lorato Iwa Gagwe gore re rate ka lone - molemo o mogolo mo botshelong jwa bopelotshetla le boleo:

**"MODIMO O TSHOLOLETSE LORATO LWA GAGWE MO DIPELONG TSA RONA ka Moya O O Boitshepo, O a re o neileng." - Baroma 5:5.**

Ga re na bokgoni bope jo bo mo go rona jwa go boloka molao wa Modimo. Lorato Iwa Modimo lo lo "tshololetsweng mo dipelong tsa rona" ke yone tsholofelo yosi ya rona.

## 9. TSHEGOFATSO YA MODIMO LE KUTLO MO MOLAONG

Poloko ke neo. Ga re ka ke ra dira gore re tle re bone neo. Re ka e amogela fela ka tumelo. Re amogela tshiamiso (go ema sentle mo Modimong) e le neo, fela ka tumelo ka ntlha ya tshegofatso ya Modimo.

**"Gonne lo BOLOKILWE KA TSHEGOFATSO, ka TUMELO - mme mo go sa tswe mo go lona, ke NEO YA MODIMO - e seng ka ditiro, gore ope a se ipelafatse." - Baefesia 2:8.**

Ga re ka ke ra tshegetsa ditaolo ka ditiro tsa rona - ka go leka. Ga re ka ke ra boloka ditaolo gore re bolokwe. Mme fa re tla kwa go Jesu ka tumelo le boineelo re bo re bolokwa, lorato Iwa Gagwe lo tlatsa dipelo tsa



rona. Ka ntlha ya tshegofatso e e boitshepo e le kamogelo, re eletsa go Mo latela le go nna kutlo mo go Ene ka nonofo ya lorato lwa Gagwe mo dipelong tsa rona. (Baroma 5:5).

Paulo o gatelela go tlhoka mosola ga maiteko a motho mme o supa gore ga re kafa tlase ga molao e le tsela ya poloko, mme re "kafa tlase ga tshegofatso."

**"A re tla leofa ka gobo re se kafa tlase ga molao mme re le kafa tlase ga tshegofatso? A go se tualo!" - Baroma 6:15.**

Ka go reng? Ka gore pelo e e rotloediwang ke lorato e dira botshelo jwa kutlo ya lorato! (Baroma 13:10). Go rata Keresete ke go nna kutlo mo go Ene:

**"Lefa e le mang yo o nang le ditaolo tsa Me a bo a di tshegetsu, ke ene yo o nthatang." - Johane 14:21.**

Eric Liddell o ne a supa seo, le mo dipakeng tse di thata, modumedi yo o tshwaraganyeng le nonofo ya Modimo o ka tshela botshelo jwa kgotsofalo, le kutlo. Liddell o ne a supa tshegofatso e e gapang mo nakong ya tlhobaelo le poifo. Botsalano jwa gagwe le Keresete jwa lorato bo ne jwa mo nonotsha ka Moya O O Boitshepo, mme jwa mo thusa go kgona go dirafatsa "ditopo tsa tshiamo tsa molao" (Baroma 8:1-4). Botsalano jwa lorato le Mmoloki yo o bapotsweng A bo A tsoga bo ka dira botshelo jwa popego eo.

A o itemogetse sephiri seo? Lorato lwa ga Jesu mo go wena lo dirile gore A ntshetse boleo jwa gago botshelo jwa Gagwe. O soloftsa go go naya nonofo mo botsalanong jotlhе jwa gago ka lorato lwa Gagwe le go go "naya sengwe le sengwe se se molemo ka go dira go rata ga Gagwe" (Bahebera 13:21). Karabo ya gago ke eng?

## SEPHIRI SA BOIKHUTSO JWA SELEGODIMO

Mo dingwageng tse di seng kae tse di fetileng bangwe ba ne ba bolelela-pele gore re tloga re nna le nako ya mahala e le ntsi gona le go itse gore re ka dirang ka yone. Go ne gona le mabaka a a siameng mo polelelo-peleng e e matlhatlhaga eo. Mo metse-mekgolo ya lefatshe dikomputara di ne di sukasukana le tiro ya lobaka lwa kgwedi mo diphatong tsa metsotsvana tsa lobaka. Gape mechine e e laolwang e simolotse go dira ditiro tse di lapisang tsa madirelo a a bokete.

Mme fa dikomputara di sena go dikologa le mechine e sena go dirisiwa boemong jwa batho, re fitlhela re tlhaelwa ke mewa go feta pele. Batho ba siiwa ke nako mo malatsing a gompieno. Godimo ga tsotlhe, malwapa a siiwa ke nako. Borre ba ba nyetseng le bo mme ba ba nyetseng ba bona gole thata go abalana "nako e e tlhwatlhwat kgolo" le bana. E nnye fela thata e bae senyang ba le mmogo.



Temogo nngwe mo bonnong jwa batho ba se kae e supile gore nako yotlhe mo letsatsing e borre ba e tsayang bale nosi le bana ba ba nnye ba bone ke disekonte dile 37! Malwapa a feletswe ke nako gape ga ba kopane. Re ka fokotsa jang lebelo lo mo go ka letlang gore re kopane gape?

### 1. PHODISO YA GO TSHELA KAFA TLASE GA KGATELELO E KGOLO

Jesu o tlhaloganya mathata a malwapa a a kafa tlase ga matsapa mme o batla gore re tlhaloganye gore boikhutso jwa semoya ke bontlha bongwe jwa tlhwatlhwya ya botshelo.

**"TLANG KWA GO NNA, lotlhe ba lo lapileng le ba lo imelwang, mme KE TLA LO NAYA BOIKHUTSO ... ITHUTENG MO GO NNA, ka gore ke bonolo mme ke boikokobetso mo pelong, mme lo tla bona BOIKHUTSO JWA MEWA YA LONA."** - Mathaio 11:28, 29. (*Fa go kwadilwe, mela yotlhe ya lefoko MO TLHOTLHIMISA, e tswa mo [NIV].*

Baebele e fa mogopolu wa gore re nna le boitemogelo jwa boikhutso jo ka tsela dile pedi: go tla mo go Keresete mo go tse tsotlhe tsa letsatsi le letsatsi le mo bekeng.

### 2. GO IKGOLAGANYA LE JESU TSATSI LE LETSATSI

Boidiidi bone bo tsosa modumo o mogolo bo goleetsa ka tshakgalo gore Jesu a lemoge boleng teng jwa bone. Lefa gontse jalo Keresete O ne a naya kagiso le moyo o o boikokobetso mo go mongwe le mongwe wa bone yo o neng a mo dikaganyeditse. Jang? O ne A tsaya nako le tsatsi lengwe le lengwe go bua le Rraagwe A sa kgale ka ditlamelo tse di reng di kcona dikgwetlho tsotlhe tsa botshelo. (Johane 6:24).

Ekete re ne re ka tshela botshelo jwa boikokobetso, jo bo iketlileng jaaka jo A neng A bo tshela; re tshwanetse ra ikanya mo go Keresete ka nako tsotlhe. A re letleng maafoko a Gagwe le moyo wa Gagwe go re tlatsa le go re bopa. Tsela e e siameng ya go fenya dikgatelelo tse di re fisang ka bongwe ka bongwe, mme di re kgaoganya jaaka malwapa, ke fela fa re ka nna le nako e faphegileng e botlhokwa le Keresete. O a re bolelola:

**"Nnang MO GO NNA, mme ke tla nna mo go lona... KWA NTLE GA ME GA LO KAKE LWA DIRA SEPE."** - Johane 15:4, 5.

Letlhoko le legolo la nako tsa rona ke gore batho ba tseye ditlamelo tsotlhe tsa semoya tse di leng teng ka go simolola botsalano jwa tsatsi le letsatsi le Jesu. Nngwe ntlha e e tshwanetseng go gatelelwka ga botsalano jwa rona le Keresete ke tiro ya Gagwe e e weditsweng mo mokgorong. Boikhutso jwa boammaaruri, tshireletso ya boammaaruri, e ka nna teng fela ka ntlha ya kgolafalo e Jesu O neng A bua ka yone fa A ne A goela kwa godimo A a swa, "Go weditswe.". (Johane 19:30). Ka mafoko a mangwe tiro ya gagwe ya go re rekolola e ne ya wediwa.



**"Mme jaanong ene [Keresete] o dirile GANGWE FELA KWA BOKHUTLONG....GO TLA A TLOSA DIBE ka go intsha setlhabelo ka esi." - Bahebera 9:26.**

Fa Jesu a a swa, O ne a "nyeletsa sebe". Ke gore ka moo go tweng modumedi yo o ipoletseng a bo a ikwatlhaela dibe tsa gagwe o ka "ikhutsa" mo tirong ya ga Keresete e e weditsweng. Re a amogelwa.

Letswalo la go ipona molato le nna kwa morago ga dikgato tsa rona tsa boitumelo mo matshelong a rona gompieno. Mme Jesu o fedisitse mathata a bomolato gangwe fela e bile e le labofelo mo mokgorong. Go goeletsatse ga ga Jesu, "go weditswe" go kanetse tsholofetso ya Gagwe ya gore "Ke tla lo naya boikhutso" jaaka lobaka le le dirafeditsweng. Keresete o weditse tiro ya go re rekolola kwa Khalefari (Tiro 2:14), mme A ikhutsa mo lebitleng ka nako ya Sabata, A tsoga mo lebitleng mo mosong wa Sontaga jaaka phenyo mo lo song. Bakeresete ga ba kake ba nna le tlhomamo e kgolo go feta go ikhutsa mo tirong ya ga Keresete e weditsweng.

**"A re atamelang ka pelo ya mmaanete MO BOTLALONG JWA TUMELO, dipelo tsa rona di tlositswe segakolodi se se bosula.... A re tshegetseng boipelelo jwa tsholofelo ya rona ka thata, gore bo se reketle, gonne ENE YO O RE SOLOFEDITSENG O BOIKANNGO." - Bahebera 10:22, 23.**

Ka gore ene yo o re sololeditseng o boikanngo, re ka tsena mo boikhutsong jwa poloko jo Jesu a bo sololeditseng. Thokgamo, kagiso le boikhutso jo re bo itemogelang mo go Jesu malatsi otlhe ke maduo e sang a sepe se re se dirang, mme ke a se Ene A se dirileng kwa mokgorong.

Re ikhutsa mo go Keresete ka gore poloko ya rona e tlhomamisitswe. Tlhomamiso e e re rotloetsa go tsaya nako le Keresete tsatsi lengwe le lengwe, re itlatsa mo Lefokong la Modimo re bo re hema phefo ya tikologo ya legodimo ka thapelo. Bokopano le Keresete bo re thusa go fetolela botshelo jo bo tletseng matsapa mo botshelong jwa kagiso e bile bo na le mosola.

### 3. GO IKGOLAGANYA LE JESU MO BEKENG



Fa Keresete a sena go tlholo lefatshe mo malatsing a le marataro [Bakolosa 1:16-17] O ne a naya boikhutso jwa Sabata. Ke lesego la beke le beke mo go rona go tsweledisa bokopano jwa rona le Ene.

**"Modimo wa bona gotlhe mo o go a go tlhodileng fa go le molemo - mme ga nna maitseboa, ga ba ga nna moso - letsatsi la borataro. Jalo magodimo le lefatshe a bo a weditswe mmogo le bontsi jwa one. Ka letsatsi la bosupa Modimo wa bo O feditse tiro e O neng O e dira, mme ka letsatsi ja bosupa a IKHUTSA MO TIRONG yotlhe ya Gagwe. Mme Modimo wa**

**"SEGOFATSA" letsatsi la bosupa wa LE ITSHEPISA, ka gore mo go lone o ne wa ikhutsa motirong yotlhe ya tlholo e o e dirileng."** - Genesise 1:31-2:3.

Jaaka Motlhodi wa bone, Jesu a "ikhutsa" mo Sabateng sa ntlha le Adamo le Efa, mme a "segofatsa" letsatsi la Sabata a "le itshepisa." Modimo o dirile tikologo ya beke ya malatsi a supa, eseng gore go mo

tswele mosola, mme A direla Adamo le Efa le rona gompieno. Ka gore O ne A tlhokomela thata ka batho ba O ba dirileng. A rulaganya gore letsatsi lengwe le lengwe la bosupa mo matshelong a bone le tshwanetse go tlhaolelwa go batla boleyong jwa Gagwe. Sabata sengwe le sengwe, jaaka A ne A se bitsa, e ne e tshwanetse go nna letsatsi la go ikhutsa mo senameng le go ntshafala ga semoya. Go tsena ga sebe mo lefatshing ga dira go tlhokafala ga bakhutso jwa Sabata ka bofeko jo bo feletseng.

E ne Mmoloki yo o tshwanang, yo o sololeditseng Adamo le Efa "boikhutso" mo lobakeng lwa dignwaga tse di dikete pedi a neela Moshe molao mo Thabeng ya Sinai (1 Bakorintha 10:1-4). Jesu o ne a tlhopa go baya taelo ya boikhutso jwa Sabata mo pelong ya ditaelo tse di lesome. Taelo ya bone e balega jaana:

**"GAKOLOGELWA LETSATSI LA SABATA GO LE ITSHEPISA. Mo malatsing a le marataro o tla dira ditiro tsa gago tsotlhe, mme letsatsi la bosupa ke Sabata wa ga JEHOFA Modimo wa gago. Mo go ene ga o ketla o dira tiro epe, wena, kana morwao kana morwadio, kana lelata la morwao kana morwadio, kana lelata la gago, kana diruiwa tsa gago, kana moeng yo o mo lewapeng la gago. Ka gore mo malatsing a le marataro JEHOFA o dirile magodimo le lefatshing, lewatle, le tsotlhe tse di mo go one, mme a IKHUTSA ka letsatsi la bosupa. Ka jalo JEHOFA A SEGOFATSA letsatsi la Sabata A LE ITSHEPISA." - Ekesodo 20:8-11.**

Modimo o dirile Sabata jaaka letsatsi la "go gakologelwa" JEHOFA yo o "dirileng legodimo le lefatshing". Boikhutso jwa Sabata beke le beke bo re golaganya le motlhodi yo o segofaditseng letsatsi le, a bo a le seegela kwa tlhoko. Fa Jesu a tshela mo lefatsheng, o ne a tsaya tshono nngwe le nngwe go tshegetsa bokopano jwa Gagwe le Rragwe. O ne a solegelwa molemo mo boikhutsong jwa Sabata ka go obama ka Sabata, Jaaka Luke a bolela:

**"O ne a ya kwa Nasaretha, kwa a godiseditsweng gone, mme KA SABATA o ne a tsena mo tempeleng, JAAKA E LE TWAELO YA GAGWE." - Luke 4:16.**

Fa motho wa selegodimo Jesu a ne a tlhokana le go ikhutsa mo boleyong jwa ga Raagwe ka letsatsi la Sabata rona batho re tlhokana le boikhutso jo le go feta. Fa Jesu a ntsha melao e e neng e na le mela e e neng e beilwe ke Bajuda kaga Sabata. (Mathaio 12:1-2) O ne a supa gore Sabata e diretswe go solegelwa batho molemo.

**"O ne a ba raya a re, "Sabata o diretswe motho, mme motho ga a direlwaa Sabata. Morwa Modimo ke Morena wa Sabata." - Mareko 2:27-28.**

Jesu o supile botlhokwa jwa Sabata mo losong lwa Gagwe. O sule ka "letsatsi la lketeletso; mme Sabata o ne a tloga a simologa" (Luke 23:54). Mo sebakeng seo, A bua are, "Go weditswe", ke gore tiro ya Gagwe ya go tla mo lefatshing leno ya go swa mo boemong jwa lotso lwa setho e ne e weditswe. (Johane 19:30; 4:34; 5:30). Jaanong go ipelela tiro ya Gagwe e e weditsweng, Jesu o ne a ikhutso mo lebitleng mo letsatsing la Sabata.

Fela jaaka Jesu a weditse tiro ya Gagwe a go tlholaa ka letsatsi la borataro a bo a ikhutsa ka letsatsi la bosupa, jaanong ka go swa mo mokgorong O ne A wetsa tiro ya Gagwe ya thekololo ka letsatsi la borataro, mme a ikhutsa ka la bosupa.

Mo mosong wa Sontaga Jesu O ne A tswa mo lebitleng, Mmoloki yo o fentseng (Luke 24:1-7). O ne a setse a kopile barutwa ba Gagwe go tsosolosa bokopano jwa Sabata le Ene fa A sena go tsoga. Fa go buiwa ka tshenyo ya Jerusalema, e e neng ya dirafala mo lobakeng lo lo neng lo ka tshwara dingwaga tse di masome mane morago ga loso lwa gagwe a ba gwetlha gore:



**"Rapelang gore phalolo ya Iona e seka ya dirafala mariga kgotsa ka Sabata." - Mathaio 24:20.**

Mmoloki wa rona o ne a batla barutwa ba Gagwe le ba ba sokolotsweng go tsweledisa ditiro tse a ba di rutileng (bona Luke 23:54-56; Ditiro 13:14, 16:13, 17:2; 18:1-4).

Morutwa yo o rategang Johane o ne a tshegetsa kgolagano ya gagwe mo bekeng le Keresete ka letsatsi la Sabata. MO malatsing a gagwe a bofelo o ne a kwalo jaana, "Mo tsatsing la Morena ke ne ke le mo moyeng." (Tshenolo 1:10). Go ya ka Jesu, "Letsatsi la Morena" ke Sabata, "ka gore Morwa motho ke Morena wa Sabata" (Mathaio 12:8).

Ka Sabata re ipelela phenyo tse pedi tsa Morena tse a di fentseng mo boemong jwa rona, a re tlhola a bo a re boloka. Buitemogelo jo jwa Sabata bo tla tswelela le ko legodimong:

**"Jaaka legodimo le lesa le lefatshe le lesa tse ke tla di dirang di tla nna ka bosakhutleng fa pele ga Me; go bua JEHOFA, ...Go tswa mo Sabateng go tsena mo go yo mongwe, Lobopo lotlhie lo tla obama fa pele ga Me, go bua JEHOFA." - Isaia 66:22, 23.**

#### 4. DIPOELO TSA BOIKHUTSO JWA SABATA

Mo malatsing a gompieno batho ba gataka ba bangwe ka ntlha ya matshelo a bone a a sa iketlang. Batho ba sha, malwapa a thubega ka ntlha ya matshwenyego. Mme Modimo o tlisa Sabata jaaka tsela e e botoka ya go tshela botshelol jo bo siameng.

A re lebelele dingwe tsa dipuelo tsa boikhutso jwa Sabata:

**1) Sabata ke segopotso sa tlholo, mme ka go mo itshepisa, re tsosolosa segopodiso mo Mmoping wa rona.** Dioura tsa Sabata tse di faphegileng di naya sebaka se se molemo sa go ipha nako ya go kopana le medi ya rona mo lefatshing le le bopilweng ke Modimo. Ke leng la bofelo wena kgotsa le ba lelwapa la gago le tsaya nako ya go ya fa go didimetseng mo sekgweng kana fa letlapeng le le elelang metsi?

Sabata e re fa nako le Jesu le go lemoga dikgakgamatsos tse a re di diretseng.

**2) Ka Sabata re nna le boitemogelo jwa boitumelo jwa kobamo le botsalano le Bakeresete ba bangwe.** Go na le poelo go tswa mo go galaletseng Modimo le ba bangwe jaaka setlhophsa sa barapedi. Sabata se re fa nako e e faphegileng ya go kopana jaaka phuthego go tsosolosa lelatha (betiri) la rona la semoya.

**3) Sabata e re fa sebaka sa go dira dilo tse di siameng tse di supang tshiamo.** A moagisanyi o ne a lwala mo gare ga beke wena o sena nako ya go mo tlhola? Fa tsala e tlhoka go utlwa mafoko a kutlwelobothoko morago ga loso lwa monna wa gagwe, a kgatelelo ya botshelo jwa letsatsi e mo timile lorato lwa gago? Jesu o gakolotse: "Go letleletswe go dira molemo ka Sabata" (Mathaio 12:12).



**4) Sabata ke letsatsi la go nonotsha kgolagano ya lelwapa.** Fa Keresete a ne a laola, "Ka Sabata o se ka wa dira tiro epe" (Ekesodo 20:10). O ka bo A ne a sa fa thhaloso e e botoka ka bo rra bana ba ba diretseng ruri le bomme ba ba lapileng. Sabata ke NYALO e tona mo malapeng. Sabata ke lengwe la malatsi le re ka emisetsang kgatelelo ka thapelo, tiro ka setshego, nako e pitlaganyeng ya mananeo a tiro ka tidimalo. Boikhutso jwa Sabata bo fa malapa nako ya go golagana le Keresete ba bo ba tsaya mo thateng ya Gagwe ya semoya.

**5) Sabata ke nako e Jesu A tlhang gautshwane fela thata.** Botsalano bongwe le bongwe bo batla nako e e faphegileng, mme botsalano jwa rona le Keresete ga bo tlologwe kwa ntle. Go neela Keresete letsatsi

lotlhe beke nngwe le nngwe ke tsela e kgolo ya go tshegetsa botsalano ja rona le Ene gore bo nne boshabeile bo kgatlhe. Sabata o re fa nako e nngwe ya go ithuta Baebele le thapelo, nako e nngwe go nna nosile Keresete mo lefelong le le didimetseng o bo o reetsa.

Jesu "O segofaditse letsatsi la bosupa a bo a le itshepisa" ka tsholofetso ya boleyong ja gagwe (Genesise 2:3). O ka tlhaloganya gore ke eng go le botlhokwa go tshegetsa Sateretaga, Letsatsi la bosupa la beke jaaka Sabata, ka gore ke letsatsi le Keresete a le beetseng kwa thoko ka tlholo go bua le rona ka tsela e e faphegileng. Fa Jesu a tlholo Sabata e ne ekete o ne a akantse sechaba sa rona sa gompieno. Ke se tota re se tlhokang mo tikologong ya rona e e tletseng matsapa: letsatsi le eleng boikhutso ja boammaaruri jo bo feletseng mo go sengwe le sengwe. Letsatsi la go obamela Modimo, go kopana le Ene ka tlholo gape, re bo re remeleta mo botsalanong mo boemong ja dilo.

## 5. GO UTLWELA PELE BOIKHUTSO JA SELEGODIMO

Re ka soboka dipolo tsa go ikgolaganya le Jesu letsatsi le letsatsi le mo bekeng ka lefoko le le lengwe - Boikhutso. Lefoko "Sabata" le tswa mo Sehebereng le raya boikhutso, jaanong ga go gakgamatse gore Baebele e bo e bitsa letsatsi la bosupa 'Sabata wa boikhutso.' (Lefitiko 23:3).

**"[Modimo] o buile ka ga letsatsi la bosupa ka mafoko a: 'mme ka letsatsi la bosupa Modimo wa ikhutsa mo tirong ya One yotlhe' ... GA SALA GONE BOIKHUTSO? JWA SABATA JWA BATHO BA MODIMO; ... A re lekeng ka bojotlhe go tsena mo boikhutsong jo." - Bahebera 4:4-11.**

Go itemogela "Boikhutso ja Sabata" go re fa go utlwela pele ga beke le beke ka boitumelo jo re tla bo utlwang mo boikhutsong jo bo feletseng ja legodimo. Boikhutso jo ga se ja go sa dira fela, bo raya tshireletso, kagiso le boleyong ja boammaaruri jo bo leng kwa Modimong wa boammaaruri wa botshelo ka letlotlo. Mofuta o wa boikhutso ja semoya o ka amogelesega fela ka maitemogelo. Itemogelo ya ba ba itemogetseng boikhutso ja poloko le boikhutso ja Sabata be gongwe le gongwe: "Fa o tsena mo boikhutsong ja ga Jesu ka lobaka lwa letsatsi le letsatsi, le beke le beke ka go ikgolaganya le Ene, o tla lemoga boitumelo jo bogolo mo botshelong."

A o batla go lebogela Jesu mpho ya Gagwe ya boikhutso? A o batla go mo lebogela tsholofetso ya boikhutso ja poloko letsatsi le letsatsi, go kopana le mathata a botshelo, le tsholofetso ya boikhutso ja Sabata beke nngwe le nngwe go kanelo botsalano ja gago le Ene? Fa o ise o dire jalo, a o batla go amogela poloko e A e nayang? A o batla go mmolelela gore o eletsa go tshegetsa Sabata sa Gagwe beke le beke?

A o batla gore, "Ee Morena! Ke eletsa go bona boitumelo mo letsatsing le O le dirileng." Ke eng o sa dire maitlamoa o gompieno? [O ka tswa o ipotsa: Ke mang yo o fetotseng Sabata go tswa mo go Sateretaga yo o leng letsatsi la bosupa la beke, go ya mo Sontaga e leng letsatsi la ntlha la beke? Phetogo e e dirafetse leng? Dipotsa tse di tla arabiwa mo go Kaelo 21].



## SEPHIRI SA GO GOLA KA GO ABALANA

Larry o ne a itumelela puisanyo e e monate, tee ya sejapane, le borotho jo bo omeleditsweng ja raese kwa ntlung ya ga Rre Komori fa baeng ba bangwe ba simolola go ntsha Dibaebele tsa bone. Ba ne ba mo lebile ka tsholofelo. "A o ka re fa thuto ya rona jaanong?" Rre Komori a botsa.

Larry o ne a rata go balelwa ke tee ya gagwe. One a tsere gore bokopano jo ke ja go ijesa monate fela. Jaanong one a sa kgone go akanya ka sepe se a neng aka se bua.

Larry o ne a kile a ruta ditlhophha di le dintsi tsa Baebele kwa sekolong sa sekgoa sa Sekeresete ko Japane ko a direlang teng. Mme botlhe bane ba rulagantse sentle. One a ka fa dintlha mo Baebeleng motlhofo. Mme go bua fela ka Modimo o sa go baakanyetsa ..... go ne go le pharologanyo. Larry o ne a utlwile dipolelo tsa Baebele mo bongwaneng ja gagwe. Mme di ne di raya gole gonne fela mo go ene.



O ne a dira dilo tse a itseng di sa siama mo matlhong a Modimo yo e ne ka sebele a neng a sa mo itse? Jaanomg, a ntse gone foo mo setilong, a dikologilwe ke batho ba ba sololetseng, sebaka sa gagwe se ne se tloga se feta. Mo sebakeng seo sa poifo, temana e ne ya rothegela mo tlhalonyong ya gagwe ka ga Mowa o Boitshepho O re fang mafoko a re ka a buang fa re tlisitswe fa pele ga batho go fa itemogelo. (Luke 12:12) O ne a rapela thapelo ya pitlagano ya go kopa thuso, mme a ikaega ka polelo e itsegeng thata e a reng a ka e akanya ya Morwa Sesinyi.

Fa a tlhalosa ka fa Modimo o ratang le ba ba ingaolang mo go One, Larry a iphitlhela a bua go tswa mo botennyeng ja pelo. Mafako a gagwe a ne a nwela mo teng ga pelo.

Lantlha mo botshelong Larry a lemoga gore Modimo o mo rata gole kae. Bosigo joo Larry a khubama ka mangole fa thoko ga bolao ja gagwe a neela botshelo ja gagwe mo Modimong O O ntseng ka boammaruri. Go abelana lorato la Modimo go dirile gore gonne botoka gona le gore e bo ele mafoko fela e itsegeng. Jaanong e ne e le nnete e mo amileng.

### 1. JESO O RE GWETLHA GO GOLA KA GO ABELANA

Barutwa ba tse re dingwaga tse tharo le sephato ba abelana mafoko a ga Keresete le dikgato tsa Gagwe, mme kwa bofelong ga tla loso la Gagwe le tsogo. Fa Jeso a ne a tloga a boela kwa legodimong, O ne a roma barutwa a ba tlama go nna baemedi ba Gagwe ka sebele.

**"LE TLA AMOGELA NONOFO YA MOYA O BOITHSEPO O tla mo go lona; mme LE TLA NNA BASUPI BAME... Go fitlhela bokhutlo ja lefatshe." - Ditiro 1:8.**

Fa barutwa ba ga Jeso ba ne Mo neela dipelo tsa bone ka bojotlhe kwa Pentekosete, Keresete Yo O tsogileng O ne A fetola matshelo a bone ka nonofo ya Moya. Ba ne ba nna basupi eseng fela ba ka ga Keresete Yo O tsogileng A le mo mmeleng le thatlogo, mme le nonofo Gagwe ya tsogo e e fetotseng matshelo a bone.

Jaaka Bakereste le rona tota re basupi ka ga tsogo ya ga Jeso ka gore re itemogetse nonofo ya Gagwe e ntshafatsang mo matshelong a rona.

**"Mme ka ntlha ya lorato la Gagwe le legolo mo go rona, Modimo Yo O humileng mautlwelobotlhoko, O RE DIRILE GORE RE TSHELE LE KERESETE lefa RE NE RE SULE MO DITLOLONG- ka tshegofatso O bolokilwe, MME MODIMO O RE TSOSITSE LE KERESETE.... GORE**

**TLE... GORE A BONTSHE DIKUMO TSE DI TSHWARAGANYENG TSA TSHEGOFATSO YA GAGWE, di supilwe ka tshiamo ya Gagwe mo go Keresete Jeso." - Baefesia 2:4-7.**



Re tshidisitswe le Keresete jaanong re ka "supa dikhumo tsa Gagwe tse di tshwaganyeng tsa tshegofatso ya Gagwe." Jaanong o batla re isa mafoko a molemo a se a ka sedirang mo botshelong ja motho mo lefatsheng lotlhe, o boa a soloftetsa go tsamaya le rona fa re tla bo re dira jalo (Mathaio 28:19-20).

H.M.S Richards, mosimlodi wa seromamowa sa Lentswe la porofeso, o kile a bua jaana: "Ke bone phetogo mo dipelong tsa batho ba ba utlwileng mafoko a a molemo a ga Keresete. Ke tsamaile mo mafelong a kwa go one leina la Modimo le la ga Keresete a ise a itsewe go fithela kereke ya Gagwe e isa mafoko a molemo teng. Ke bonye batho ba fetoga go tswa mo lesweng go ya kwa bophepheng, go tswa mo bolwetseng go ya kwa boitekanelong, go tswa mo letshogong la kgapetsa kgapetsa la mewa e e maswe go ya ko boitumelong mo botshelong ja ga Keresete. Ke bonye phetogo mo seemomg sa bosadi.

Ke bonye malapa a boamaruri a Serekese a nna teng go tswa mo go tlhokeng tumelo ga lefifi. Mo lefelong lengwe le lengwe le ke le etetseng ke bonye matshelo a fetoga. Ke itse gore mafoko a ga Keresete.... Ke nonofo ya Modimo go ya polokong (Baroma 1:16). Ke itse gore fa kereke e rera moletsa wa mafoko a a molemo, diphetogo di nna teng mo dipelong tsa batho le mo malapeng, mme di bonala mo matshelong a bao ba ba tsibogetseng boikuelo."

Modimo o file rona batho ba ba bokoa karolo go e dira mo tirong e e kgatl Lang e, ka gore go abelana ke ntlha e botlhokwa ya go gola ga rona. Gore tumelo ya rona e tswelele e itekanetse, e tshwanetse ya tlhalosiwa. Jaaka Larry a lemogile ka bofeso , go abelana tumelo ya rona go re thusa go itemogela ka mo go feletseng, go bo go dira gore re gole.

## 2. RE ABELANA KERESETE KA TSEL A E RE TSHELANG KA YONE

Lekawana lengwe le le goletseng mo lapeng le le senang lorato o kile a ela tlhoko sengwe: "Ke ne ka lebelela batsadi ba me ba, ka sekai sa bone ba neng ba mpha setshwano se senyegile motho wa Modimo, ga ke ise ke nne le sekai sa mongwe yo o nang le letlalo yo nthatang." Batho ba ba mo tikologong ya rona ba tlhoka le mongwe yo o ka bafang setshwantsho se se itekanetseng ka ga Modimo. Ba batla mongwe "yo o nang le letlalo" yo o ka ba bontshang boleng jwa Modimo. Thero ya rona e e mashetla gantsi ke ka fa re tshelang kateng. Pele ga batho ba tlhokomela ka gore o itse gole kae, ba tshwanetse go itse gore o tlhokomela go le kae.

Ptere o ne a re rotloetsa:

**"LO BO LO TSHELE KA MOKGWA O MONTLE mo go  
badichaba gore... BA GA LALETSE MODIMO KA DITIRO TSA  
LONA TSE DI MOLEMO.... ka gore KERESETE LE ENE O  
BOGILE BOTLHOKO MO BOEMONG JA LONA A LO  
TLOGELELA SEKAO, GORE LO TSAMAYE MO DIKGATONG  
TSA GAGWE." - 1 Peter 2:12, 21.**

Fela fa Keresete a sena go re bogela kwa khalefari re na le sekai sa lorato la setlhabelo gaufi le rona mo go ba bangwe, e ka nna kgatelelo e e mashetla e tlisang ba eseng Bakeresete mo mabogong a ga Keresete.



## 3. RE ABELANA KERESETE KA TSEL A E RE AKANYANG KA YONE

Fa Satane a ne a tlhasela Jeso mo nageng ka thaelo ya gagwe ya dijo, boikgogomoso le dilo tse di senang bosupi, Jeso O ne a fanya ntwa ka go inola ditemana mo Baebeleng. (Mathaio 4:4, 7, 10) Keresete O ne a ipaakantse ka gore O ne a tladitse tlhaloganyo ya Gagwe ka boammaruri ja Baebele. Ke gone fa ntwa e fenngwang kana e lathegelwang teng- mo ditlhaloganyong tsa rona "ka gore jaaka [motho] a akanya mo pelong ya gagwe le ene o ntse jalo" Diane 3:7, KJV. Bakeresete ba ba golang ba akanya ka legodimo. Ba akanya ba remeletse mo dilong tse di boitekanelo tse ba batlang go nna le natso.

**"Itumeleng mo Moreneng ka metlha yotlhe, ... mo dilong tsotlhe, KA THAPELO le kokotlelo di na le tebogo, itsising Modimo ditopo tsa Iona. Mme kagiso ya Modimo, e e fetang tlhaloganyo tsotlhe, e tla DIBELELA DIPELO TSA LONA LE MEGOPOLO YA LONA mo go Keresete Jeso. Sa bofelo, bagaetsho dilo tsotlhe tse di bolelwang ka MOLEMO MONGWE le gopole dilo tse ... mme Modimo wa kagiso O tla nna le Iona." - Bafilipi 4:4-9.**

Se re se neelang tlhaloganyo ya rona se dira pharologanyo yotlhe. Fa se se senang mosola se se moteng se tswa, se se mosola se a tsena. Lefoko la Modimo le tsena mo teng, fa botshelo ja Modimo bo bonala kwa ntle.

#### 4. RE ABELANA KERESETE KA TSEL A E RE LEBEGANG KA YONE

Jaaka moemedi wa ga Keresete, Mokeresete o tla nna fa gare go ya ka ditebegoo tsa gagwe, a itsa go fetelela.

**"Lefa bangwe basa utlwe lefoko, batle ba kgonwe kwa ntle ... fa ba bona mokgwa o montle lole bori go pataganye le poifo. Go kgaba ga Iona a e se nne go kgaba mo go kwa ntle, ebong ga go iphora moriri loetse, le gago rwala mekgabo ya gouda, kgotsa ga go apara diaparo tse di maphatsiphatsi. Mme a e nne motho yo o sa bonaleng wa pelo, LE KA DIAPARO TSE DI SA BOLENG TSA MOWA WA BOIKOKOBETSO LE TIDIMALO, e leng gone mo go kaiwang go tlhokega thata mo mathong a Modimo. Gonno le bone basadi ba ba boitshepo ... [ba ba] sololetseng mo Modimong, bane ba ikgabisa ka ona mokgwa o mo metlheng wa pele, ba le boineelo mo banneng ba bone." - 1 Petere 3:1-5.**

Go apara mo go seng ga mokgabo le go kgathegelwa go nna go supa go tshwana le Keresete. Batho ba bangwe ba tshwanetse go re kgathegela jaaka Bakeresete e seng ka se re se kayang ka mokgabo, mme ka se re se kayang ka matshelo a rona a se dirang ka Keresete Jeso.



#### 5. RE ABELANA KERESETE KA MAITSHOLO A RONA

Motho mongwe wa ditso wa leina la Edward Gibbon o re belelela gore fa Galerius a ne a gapa dilo kwa kampeng ya Baperesia, kgetsi e phatsimang ya letlalo e e neng e na le maje a a botlhokwa ya wela mo diatleng tsa lesote le gapang. Monna yo o ne a somarela kgetsi e ka kelotlhoko, mme a latlhela maje a a botlhokwa kwa kgakala.

Batho ba ba ngaparelang dilo tse lefatshe le di ba fang, ba latlha Jeso, leje la tlhwatlhwa e kgolo, ba se seemomg se se maswe gona le lesote le le gapang. Ga se lesego fela le le ka re tswang ka di phatlha tsa menwana, mme le botshelo jo bo sa khutleng. Jaanong Baebele e re tlhagisa jaana:

**"Se rateng lefatshe, lefa e le dilo tse di mo lefatsheng. Fa motho a rata lefatshe, lorato Iwa Rara ga leyo mo go ena. Gonno tsotlhe tse di mo lefatshing - [keletso ya dijo] thato ya nama, le kgatlhego ya matlh[go rata lefatshe] le mabela a botshelo. [boikgogomoso] - ga se ga Rara, mme ke ga**

**Iefatshe. Mme lefatshe le a feta le thato ya lone, mme yo o dirang go rata ga Modimo o nnetse ruri ka bosakhutleng." - 1 Johane 2:15-17.**



Satane o dira ka thata go phatsimisa maleo a a nyeletsang bobe le ditwaelo tse di bosula. Go bapatsa majalwa go supa fela basha ba ba ntle ba ba dirang thata, e le batho ba ba itumetseng thata. Ga re ke re bona ope a supa setshwantsho sa motho yo o tlhomolang pelo a tswa mo marekisetsong a bojalwa a kgokgwaetsega a tshotse kgetsana ya pampiri mo diatleng. Re tshwanetse go nna kelotlhoko ka botsalano jo bo sa tseyeng tsia melawane ya rona ya Sekeresete.

Se pataganeleng jokwe le ba ba sa dumeleng, e le mo go sa lekaneng: go nne tshiamo e na le bolekane bofe le tshiamololo? Kgotsa lesedi le nale kabalan e fe le lefifi? (2 Bakorintha 6:14) Keresete o eletsa gore re abalana le ditsala tsa rona tse e seng Bakeresete. Botsalano ja sebele ke tsela e e botlhokwa e tumelo e ka abalanwang ka yone.

Elatlhoko go re ba o kopanang nabo ga ba go gogele kwa morago kwa tseleng e o neng o tshela ka yone bogologolo. Se re se tsayang mo matshelong a rona le go itlosa boduto mo re go tlhophang, go na le seabe mo botshelong ja rona Semoya. Re tshwanetse go ela tlhoko ka se re tlatsang dithhaloganyo tsa rona ka sone.

**"Ga nkitala ke baya sepe se se maswe fa pele ga matlho ame." - Dipesalema 101:3.**

Fa re tlatsa mewa ya rona ka mo go siameng, mo go bosula ga go kitla go kcona gore gogela mo lethakoring la gone. Fa re itshwarelela ka maemo a a kwa godimo ka dilo tse re di lettelelang mo malwapeng a rona, le dithhaloganyo ga go kitla go fokotsa matshelo a rona. Mokeresete o na le gole gontsi mo go ka mo itumedisang kwa ntle ga ope gape.

**"O TLA NTSHUPEGETSA TSELA YA BOTSHELO, fa pele ga gago gonna le tlotlo la boitumelo, mo seatleng sa Gago se segolo gona le tse di jesang monate ka bosakhutleng." - Dipesalema 16:11.**

## 6. RE ABELANA KERESETE KA TSELA E RE ABANG KA YONE



Jaaka a ne a tloga a kolobetsa leloko le lesa, moruti yo o re tlogetseng H M S Richards o ne a lemoga gore monna yo o ne a santse a na le pampiri ya dikoloto e le mo pateng ya gagwe. Richards a botsa gore, A o lebetse gotlogela madi a gago kwa go aparelwang teng? "Bukana e yame ya pata le nna re tla kolobediwa mmogo," monna o ne a thalosa. One a tshwere moywa boammaruri wa Sekeresete, go thusa ba bangwe ka go ba neela . Bakeresete ba gola ka go aba, mme ke go ne mo Jeso ka sebele o rileng : "Go lesego go aba bogolo go go amogela" (Ditiro 20:35).

Se re se abang, re se ntshetsa go fefosa bogosi ja Modimo go re tshegeletsa tuelo ya bosa khutleng.

**"Se iphutlheleng dikhumo mo lefatshing, kwa motoutwane o senyang gone le morodu, le kwa magodu a phunyetsang go utswa gone, Mme IPHUTHELENG DIKHUMO KWA LEGODIMONG... Gonne kwa khumo ya gago e gona pelo ya gago le yone e tla nna fela gone." - Mathaio 6:19-21.**

Fa o aba, gakologelwa: "Lefatshe ke la ga Jehofa le bottalo ja lona" (Dipesalema 24:1) go balelwaa gouda le selefera (Hagai 2:8). Rona re ba Modimo, ka gore O re tlhodile mme ka gore O re faloditse mo dibeng

tsa rona ka madi a gagwe (1 Bakorintha 6:19-20). Sengwe le sengwe se re nang naso ke sa Modimo, ka gore o re fa bokgoni jwa go dira dikhumo" (Duteronome 8:18).

Keresete Wa rona yoo bapotsweng e bile A tsogile O re laletsa go abelana le E ne go le kae go fa ba bangwe mafoko a a molemo?

**"A motho o ka thukhutha Modimo? Lefa gontse jalo le a nthukhutha, mme lo tlo lo re, re thukhuthile mo go eng? MO GO DITSABOSOME LE MO DITSHUPELONG... Lereng ditsabosome tsotilhe mo ntlong ya polokelo, gore go tle go nne dijo mo ntlung, mme lo tle lo nteke ka gona, go bua Jehofa wa masomosomo le bone bo ga nkitla ke lo bulela dikgoro tsa legodimo; ke le goromeletsa lesego je go se kitlang go nna le bonno jo bo lekanyeng go le amogela." - Malaki 3:8-10.**

Sabosome ke "bosome" ja totafalo ya rona. (Duteronome 14:22, KJV; Genesise 28:22). Mo moleming kgotsa morekising totafalo ke morokotso fa o sena go ntsha ditshenyego tsa kgwebo. Mo modiring kana mmerekeng ke tuelo yotlhe. Molao wa go ntsha tsabosome ke molao botlhokwa ka gore o tsenya popego. Ka go tlhoka ntsha tsabosome re "thukhutha" Modimo. Tsabosome ke tsa Modimo mme di tshwanetse go dirisiwa fela go thusa mo ditirong tsa ga Keresete (1 Bakorintha 9:14), le go wetsa tiro ya Gagwe mo lefatshing, gore A kgone go tla gape (Mathaio 24:14).

Fa Jeso A tla go tshela fa gare ga rona, O ne a fa teseletso ya go ntsha tsabosome mo nakong ya kgolagano e ntsha (Mathaio 23:23).

Re tshwanetse go aba go le kae mo ditshupelong? Ditshupelo ke kang ya motho ka bongwe go ntsha tshwetso ya gagwe. Mongwe le mongwe otshwanetse go dira tshwetso ya gagwe mo pelong ya gagwe ka go aba (2 Bakorintha 9:5-7). Ga o kake wa aba go feta Modimo.

**"Nayang, mme lo tla newa, selekanyo se se molemo se se katetsweng, se se tsikitleditsweng se se penologang batho ba se lo naya mo dihubeng tsa lona." - Luke 6:38.**

H.M.S. Richards o kile a tshwantshea boitemegelo jo:

"Mongwe yo o tshelang ka mataese o kile a tsenelela bokopano jwa me kwa Los angeles, ga nketla ke lebala nako e ke neng ka buisanya nae a le esi fa kgorong ya holo. O ne a ntsha sephutlhelo sa madi mo pateng ya gagwe sa \$500.00, a bo a nneela, a re 'Se ke sabosome same sa ntsha.'

"Monna yo one asa tsoga sentle, mme o ne a ise a dire sepe fa e se go tshela ka mataese ka lobaka lwa dingwaga tse 30 kgotsa 40, mme nna ka re, 'O tsile go tshela jang.' A fetola, 'ke na le didolora dika nna 5 kana 6 tse di setseng, mme a mangwe a otlhe ke a Modimo.'

Mme ka botsa, 'O tla dira jang?' Ga ke itse; a araba, mme ke itse gore ke tshwanetse go neela Modimo ditsabosome tsa me, mme o tla nthokomela? "Mme Modimo ka boammaaruri wa dira jalo. Boineelo ja monna yo e ne e le ja boammaruri. O ne a tswelela ka tlhwaafalo ya gagwe mme o ne a itumela mo botshelong ja Sekeresete.

Mme Modimo wa mo tlamelga go fitlhelela letsasti ja loso la gagwe" Modimo ga A tshepisa gore badumedi botlhe ba ba boikanyego ba tla huma. Mme re na le tlhomamiso ya gore motlhodi wa rona o tla re fa se re se tlhokang mo botshelong.



Keresete o re file sengwe le sengwe. A re mo neyeng dipelo tsa rona ka mo go feletseng gone jaanong. A re abelanang Keresete le ba bangwe ka fa re tshelang ka teng, le ka fa re akanyang ka teng, le ka fa re lebang ka teng, le kafa re abang ka teng. Ke eng fa o sa itemogele boitumelo ja go abalana Keresete le ba bagwe le go gola mo tshegofatsong ya Gagwe e e gakgamatsang?

## SEPHIRI SA BOTSHELO JO BO ITEKANETSENG

Babatlisisi ba nako eno ba tsere matsapa a magolo go kwala boamaruri jo Baebele e sale e bo boletse lantlha. Batho ke bongwefela jo bo tlakantseng dilo tse dintsi. Se ka gale re ka se kgaoganyang jaaka, senama, tlhaloganyo le dikarolo tsa motho tsa Semoya, di bapile e bile ga di kake tsa kgaoganngwa. Ka mafoko a mangwe, se se amang tlhaloganyo, se ama mmele. Seemo sa rona sa Semoya se na le tiro e se e dirang mo seemong sa rona sa senama, fela jalo. Re batho ba ba feletseng.



Sekai, babatlisisi ba maranyane ba lemogile mo dithutong tse di laowlang gore setshego sa boitumelo le boipelo se dira diphetogo mo karolong e e thibelang malwetsi. O ka thusa mmele wa gago ka go lwantsha malwetsi botoka ka go itumela! Dithuto tse di supa ka fa tlhaloganyo le mmele di dirisanyang mmogo ka teng.

Dikete tsa dingwaga tse di fetileng lefoko la Modimo le ne la supa kgolagano e e botlhokwa fa gare ga tlhaloganyo le mmele e mo bogautshwaneng e neng e le gone e amogelwang mo dikwalong tsaa bongaka.

**"Pelo e e ntseng mokete ke kalafo e e molemo, mme moyo o o phatlogileng o omeletsa marapo."** - Diane 17:22.

Go ya ka Moaposetoloi Johane, tlhaloganyo le mmele di tsalana jang le Semoya sa rona?

**"Moratwa, ke rapelela gore mo dilong tsotlhe o tle o tlhogonolofale, o robale sentle, fela jaaka moyo wa gago o abo o ntse o tlhogonolofetse."** - 3 Johane 2.

Motlhodi Wa rona O batla re "itumelela kgotsa re akola botsogo jo bo siameng." Lefoko la Modimo e ka nna motswedi wa botsogo le jaaka motswedi wa botshelo jo bosakhutleng. Ka gone nama le boitekanelo ja tlhaloganyo le Semoya sa rona di a tsamaelana, Paulo o dira boikuelo jo bo latelang.

**"Me ke gone lefa lo ja, lefa lo nwa, lefa e kabu e le eng se lo se dirang, tsotlhe fela lo di direle kgalaletso ya Modimo."** - 1 Bakorintha 10:31.

Lefoko le le molemo le akaretsa tshiamiso ya Semoya le ya senama. Botshelo jo bo itekanetseng bo ka re dira gore re nne Bakeresete ba ba mathagathaga.

Fa gona le melawana e le boroba-bobedi e o ka e salang morago fa tota o batla go tshela botshelo jo bo itekanetseng e bile bo na le maduo.

### 1. PHEFO E E PHEPA

Phefo e e phepha tota e siametse botsogo jo bo siameng. Mo motshegareng le bosigo fa o robetse, go nna le mekgwa e e siameng ya go tsenya phefo mo malapeng le kwa mafelong a tiro go supa gore madi a rona a tla nna a phatlalatsa phefo e e lekanyeng mo karolong nngwe le nngwe ya mmele.

Go gwantela godimo mo mosong go tsitsibosa mmele wa gago ka go gopa tshefo e ntsi. Mofuta wa phefo o re o hemang o botlhokwa. O ele tlhoko gore o seka wa fitlhela o amanye le mosi digese (gases) kana megare e tsalegang mo phefong e tswa mo sengweng se se fitlhegileng. Go goga motsoko go senya phefo mme ke nngwe ya dibolai tse dikgolo mo malatsing a gompieno. Ba boranyane ba patlisiso ba bonye bongwe botsalano fa gare ga motsoko, le kankere ya makgwafo, khupelo le malwetse a pelo. Go tlwaela ga mmele tagi e e mo motsokong e e bidiwang nikotini e dira gore go goga e nne mokgwa o o

thata go tlogelwa. E tla re ka ngwaga wa 2020, go goga motsoko go tla bo go bolaile batho bale didikadike di le lesome le bobedi ngwaga le ngwaga.

## 2. MARANG A LETSATSI

"Go na le dipolo tse dintsi tsa marang a letsatsi".

1. Fa o ka aramela letsatsi metsotso e le 15 go ya go ele 30 tsatsi le letsatsi mo mosong kana moragonyana mo tshokologong, go thusa mmele go itirela kotla ya Vitamin D, kotla e tlhogegang mo letlalong. Kotla e ya Vitamin D, e thusa madi go dira matswai a agang le go baakanya bokete ja marapo.
2. Marang a letsatsi a thusa go bolaya megare.
3. Letsatsi le fa nonofo e dimela di e dirisang go fetolela phefo e senyegileng le metsi mo dijond tse di fang maatla.... Fa se se kabu se sa diragale diphologolo le batho ba ne ba ka bolawa ke tlala.
4. Letsatsi le thusa motho go tlwaela tiro ya bosigo, le bo le mo ntsha mo bothateng jo bo amanang le malatsi a lefifi fa Mariqa a simologa: "lefiko la tlhagiso: Letsatsi le ka nna kotsi. Go nna mo letsatsing nako e telele go ka fisa letlalo, le bo le ntsifatsa mabaka a go tsenwa ke kankere ya letlalo, le bo le gefosa go tsafala, le senya matho, le bo le dira gore o sekwa wa bona sentle e kete matlho a apesitswe ke bobo. [Dikinolo tsotlhe mo kaelong e di tswa mo LOOK UP AND LIVE: A Guide to Health, Dithuto tsa bagolo; Kgwedi tharo ya ntlha 1993, (Nampa, Idaho: Pacific Press Publishing Association). Bontsi ja se se mo Kaelong e se se sa nopolwang se ntshitswe mo kgatisong yone e].



## 3. BOIKHUTSO

Mmele o tshwanetse go nna le boikhutso gore o kgone go ipaakanya. Re tshwanetse ra nna le nako ya go itlosa bodutu le go ikhutsa go golola letsapa la tiro le maikarabelo a lelapa kwa ntle ga selekanyo se se tlhogegang sa go ikhutsa, batho ba felela ka maikutlo a etsaetsegang, kgatelelo, le go kokonelwa kgatelelo e kana ya maikutlo e ka felela e bakile bolwetse, se se tla re pateletsang go tsaya boikhutso jo mebele ya rona e ntseng e bo batla ka nako tsotlhe. Ga gona se se ka dirisiwang mo boemong ja boroko jo bo siameng mo bosigong.

Go ntshafatsa nonofo ya rona ya Semoya tsatsi le letsatsi go botlhokwa mo botsogong ja rona ja senama. Nako ya Mokeresete ya malatsi otlhe ya go ithuta Baebele le thapelo go ka fodisa mmele le moyo.

Re tlhoka go ikhutsa kgapetsa-kgapetsa mo tirong, boikhutso ja letsatsi mo bekeng, le go ikhutsa nako nngwe mo ngwageng.

## 4. GO ITSHIDILA



Go itshidila go botlhokwa thata mo botsogong ja rona:

- "1. Go itshidila go thusa go baya madi mo seemong se se siameng.
- "2. Go itshidila go letelela madi a le mantsi go fitla mo dikarolong tsotlhe tsa mmele, go akaretsa diatla le dinao.
- "3. Go itshidila go fokotsa kgatelelo ya maikutlo le ya mmele, go bo go go thusa go ikutlwa o le botoka mo botshelong. Go itshidila ke yone kalafi e e botoka mo go thorontshegeng ga mogopolo le letsapa le legolo.
- "4. Go itshidila gofa nonofo tsibosa boboko le ditshika. Go rotloetsa botsogo ka go tsosolosa tsela ya go lwantsha malwetse. Fa mmele o bewa mo seemong se se siameng ka go itshidila mo go siameng tlhaloganyo e akanya sentle.
- "5. Go itshidila go ka go thusa tebegu ya letlalo la gago go bo go baya mo mmeleng o siameng.
- "6. Go itshidila go go dira matlhagatlha e bo e fokotsa letsapa le maikutlo a a

sa iketlang.

"7. Go itshidila go thusa boboko go dira motswako mongwe o o go fang tlhaloganyo ya boitekanelo go bo go oketsa bokgoni ja gago ja go utlwa dithhabi"

Fa ele gore o ntse o sa itshidile, simolola ka iketlo o bo o oketsa jalo fa o simolola go nna le bopelotele. Go botlhokwa go kopana le ngaka ya gago pele ga o simolola. Mokgele wa gago o tshwanetse go nna go tsenelela mofuta mongwe wa itshidilo o ka tshwantshwang le go tsamaya mmaele mo metsotsong ele lesome le botlhano kana go feta, mo bekeng.

## 5. METSI

Jaaka metsi a le botlhokwa mo karolong nngwe le nngwe ya mmele, re tshwanetse ra nwa metsi a mantsi.

1. Bosupa mo lesomeng ja bokete ja mmele ke metsi.
2. Mmele o tlhoka selekanyo sa bobedi le sephato sa metsi ka letsatsi go dira tiro tsotlhe tsa one. Dingwe tsa ditiro tse di akaretsa go tsamaya ga madi mo mmeleng, go ntsha leswe, go phatlalatsa dikota le go silwa ga dijо.
3. Motho yo o fa gare o na le dikarolonyana tsa boboko, tse di bidiwang di cell di ka nna didikadike di le lesome le botlhano go ya go masome a mane. Nngwe le nngwe ya tsone e na le selekanyo sa masome a supa go ya kwa go masome a ferabobedi le bothano a metsi. Fa metsi a dikarolwana tse a lekanye, a go thusa go nna podimatseba le go fokotsa letsapa le legolo.
4. Ga se metsi a o a nwang fela a botlhokwa, go tlhapa malatsi otlhe ka metsi a tseditshana go thusa phatlalatso ya madi go bo go fa mmele le tlhaloganyo maatla. Go tlhapa go ka fodisa ditshika tse di opang, tse di tlisang bolwetse ka go koafatsa masole a mmele. Go tlhapa go ntsha leswe mo mmeleng go bo go fokotsa letshoroma.



## 6. GO JA SENTLE



Kwa tlholong Modimo o laetse Adamo le Efa go ja manoko, mabele le maungo (Genesise 1:29). Morago ga go leofa ga ga Adamo le Efa, merogo ya tsenngwa modijong tsa bone. (Genesise 3:18). Morago ga morwalela, Motlhodi a oketsa ka dijo tsa nama e itshekileng mo go jeng ga bone. (Genesise 7:2-3, 9:1-6).

Nama ya diphologolo e na le mafura a metsi le a gatselang, a oketsang mabaka a go ka tsenwa ke madi a matona, go swa mohama, malwetse a pelo, kankere, bokima jo fetileng selekanyo, bolwetse ja sukiri, le malwetse a mangwe. Mo malatsing ano, dingaka di gakolola ba ba jang nama go ja nama e e senang mafura a mantsi, e apeesegile le tlhapi mme badira jalo nako e nngwe.

Ka gore batho ba ba tshelang ka merogo fela ba itekanetse e bile ba tshela lebaka le lelele. Baitsanape ba tsa dijo le boitekanelo ba rotloetsa gore re boele kwa dijong tsa setso tsa kwa tshimologong, tsa manoko, mabele le maungo le merogo e le mo teng.

Fa o eletsa go simolola go ikitsa nama, thomamisa gore o tlhaloganya go lekanyetsa dijo go sena nama. Ja maungo ga tlhano kgotsa ga rataro ka letsatsi a farologanyeng; manoko, mabele (manoko), peo, dinawa le merogo. Merogo e mesethla le e metala, le maungo di botlhokwa fela thata. Dirisa bopi ja borotho jo bo setlha (jo bo sa tlhobolwang), o bo o dirisa raese e tshetlha e seng e tshweu. Dijo tse di fang nonofo tse dinang le setache di tshwanetse tsa jewa ga rataro ka letsatsi. Emisetsa mafura a nama

jaaka (botoro, khirimi, mafura a kolobe, mafura a diphilo) ka mafura a merogo. Tsela e e fa godimo ya go ja e lekanye go sena nama fa o dirisa dijo tse di tswang mo diruiweng.

Ba ba tlhophang go ja nama jaaka bontlha bongwe ja ka fa ba jang ka teng, ba tshwanetse go ya fela dinama tse Baebele e supang fa di "itshekile", kgotsa di siametse go jewa ke batho. Fa Modimo a fa batho tetla ya go ja nama morago ga morwalela. (Genesise 7:2-3, Lefitiko 11:47), O ne a bua gore ke dife dijo tsa nama tse di siameng le tse di sa itshekang di sa siamela go jewa.

Bala mo go Lefitiko 11 le Duteronome 14 tlhomaganyo ya dinonyane, diphologolo le ditlhapi tse Modimo o supileng fa disa siamela go jewa. Go ya ka dikgaolo tse; diphologolo tse di itshekileng di tshwanetse go nna le makwapa le diphuka. Dinonyane tse di jang nama ga di a itsheka.

Mo diphologolong tse di itshekologileng kolobe e boletswe, ebile e kgadilwe (Duteronome 14:8). Bontsi ja batho ba ba tlhatlhobilweng ba sena go swa go fitlhetswe ba na le dibokwana. Dibokwana tse di fitlhelwa mo bathong ba ba jang nama ya kolobe. Dipatlisiso tsa gompieno tsa boranyane di supa gore ke eng fa Modimo O ne O supa fa nama e nngwe e sa itsheka. Lebaka le lengwe ke kotsi ya bolwetse, jaaka dibokwana tse di fitlhelwang mo nameng ya kolobe. Lebaka le lengwe ke ditla-morago tsa mafura mo dikarolong tsa mmele tse di silang dijo.

## 7. IKGAPHE MO DILONG TSE DI KOTSI

Baebele e re fa tlhagiso efe ka dino tsa bojalwa?

**"Bojalwa ja mofine ke mosotli, bojalwa jo bo loilweng ke phekelelo, mme lefa e le mang yo o timelang ka jone ga a botlhale."** - Diane 20:1.

**"Go na le magodu, go le ba ba bohula, go le MATAGWA, go le bakgadi go le baikgagapeledi, ga ba kitla ba rua bogosi ja Modimo."** - 1 Bakorintha 6:10.

Bojalwa bo ama dikarolo tse di latelang tsa mmele.

1. Masole a mmele - Bojalwa bo bolaya masole a masweu, bokgoni go Iwantsha malwetse go bo go oketsa mathata a go tsenwa ke serame, kgotlholtso e tona, bolwetse ja sebete le dikankere tse di farologanyeng.
2. Dikarolo tsa pelegi - Bobedi kgotsa boraro ja dinotagi ka letsatsi bo rotloetsa diphatsa tsa go senyegelwa, go tshola ngwana yo tlhokafetseng le go belega pele ga nako.
3. Dikarolo tsa go phatlalatsa madi mo mmeleng - Go dirisa bojalwa go oketsa diphatsa tsa malwetse a pelo, di fokotsa sukiri e e mo mading, bo godisa mafura a a mo mading le nonofo ya madi go bo go oketsa madi a matona le mogote.
4. Go sila dijo - Bojalwa bo duba mala, go bo go baka go duta ga metsi a a tswang mo santlhokweng... Go dirisa bojalwa thata go oketsa diphatsa tsa sebete se se tletseng mafura, bolwetse ja go sha ga sebete, le bolwetse ja sebete jo bo tsweletseng ruri."



Bojalwa bo amana le go ipolaya go le gontsi, dikotsi tsa dikoloi, dikgang tsa go tshwara bana botlhatswa, le tlhoko-kutlwisisano mo malapeng.

## 8. TSHEPHA NONOFO YA SELEGODIMO

Motho yo o tlhorontshiwang ke letshogo la go ipona molato o tla bona go le thata go sologelwa molemo mo go tletseng mo ditirong tsa botsogo tse re buileng ka tsone. Mme motho yo o akolang tumelo e e tlhamaletseng mo Modimong o tla itemogela motswedi wa bofelo wa go tshela sentle.

**"Bala Jehofa, mowa wa me, o seka wa lebala thuto tsa Gagwe tsotlhe - Yo O itshwarelang maikepo otlhe a gago, A FODISE MALWETSE A GAGO A OTLHE FELA, Yo O REKOLOLANG BOTSHETO JA GAGO mo tshenyegong." - Dipeselema 103:2-4.**



David Larson, modiri mo sekolong sa Boitekanelo ja tlhaloganyo ko Amerika, o ne a dira patlisiso e tseneletseng mo kamanong ya tumelo le botsogo. Dithuto tsa gagwe di ne tsa supa kgolagano e tlhamaletseng fa gare ga maitamo a Sekeresete le botsogo. O ne a gakgamadiwa ke go ithuta gore babatsenang Kereke ba tshela lobaka gona le ba ba sa etseneng. Ba ba yang kerekeng ba na le phokotsego mo bodiphatseng ja malwetse a pelo, le go thatafala ga ditshika, madi a kwa godimo, le malwetse a mangwe. Ba ba nang le tshepo mo Modimong ba tshela matshelo a boitumelo ka gore ba ka nna le matshwenyego a seemo se se kwa tlase, go

thata gore ba nne banwi ba bojalwa, ba latlhelwe mo dikgolegelong jaaka magolegw, kgotsa go fitlhela ba tshwaregile mo manyalong a sa ba itumediseng. Go ikanya nonofo ya Selegodimo ke pinagare ya go nna sentle ka boammaaruri le botshelo jo bo itekanetseng.

Masabata a ka tshwa 50,000 ba ne ba ithutiwa ka sebaka kwa California, go feta dingwaga tse masome a mararo. Go supilwe gore bo rre ba Masala ba tshela dingwaga tse 8.9 go feta ba bangwe le bomme ka tse 7.5 gona le sechaba se sengwe fela. Mme go ithuta ka Masala a ko Holland, Norway le Poland go supile maduo a tshwanang. Babatisi ba tshwantshitse go tshela ga sebaka ga Masabata le go sala morago mokgwa wa go tshela o boletsweng mo kaelong e. Ba ba salang mokgwa o morago ga ba tshela fela lobaka lo loleele, mme gape ba tshela botshelo jo bo botlhokwa.

Go tsaya tebo ya Baebele mo matshelong a rona go dira pharologanyo mo ditseleng tsotlhe tsa ditiro tse re di dirang. Go fa bosupi ja gore Sekeresete ke sone tumelo e nang le ditiro, e bile e na le mabaka mo lefatsheng lotlhe. Se fetola batho - go akanya ga bone le dikgato tsa bone - mme se bopa botshelo jo bosha. Ka ntlha ya botsalano jo bo atamalanyeng fa gare ga tlhaloganyo, le mmele, le botshelo ja rona ja Semoya, Bakeresete ba ba tshelang ka lefoko la Modimo ba tla batla go sala tsela ya go tshela botshelo jo bo itekanetseng jaaka fa ba ipaakanyeditse go mo kgatlhantsa fa atla, O batla gape go tokafatsa seemo sa botshelo ja rona ja gompieno. Mme re ka dira mmogo le ene ka go sala ditsela tsa botsogo tsa Modimo tsa konokono.

Jeso O re soloeditse gore golola mo mokgweng ope o o kgoreletsang ka "maatla a gagwe a le mo tirong le rona." (Baelesia 3:20). Fa o leka go fenza mokgwa mongwe o senyang mmele jaaka tiriso ya motsoko kgotsa dino tagi, maiteko a gago a konokono a go tlogela fa gongwe dikgole tsa motlhaba. Mme fa o kopa nonofo ya Modimo e e "motirong mo teng ga gago" Modimo o ka go fa thata ya go fenza. Lefoko la Modimo le a soloftesa: "Nka dira tsotlhe ka Ene Yo O nnonotshang." (Bafilipi 4:13).

## GO TSENA MO BOTSHELONG JA SEKERESETE

Lo ke lokwalo lo lo itumedisang go tswa mo baemeding ba sekolo sa rona sa Baebele mo Aferika.

"Mo dingwageng tse tlhano tse di fetileng ke ne ka amogela kopo e tswa kwa go ba Lentswe la Poleopele gore ke etele motho mongwe wa legolegwya o neng a ithuta Baebele ka tlhaeletsanyo. Ke ne ka isa kopo mo go baeteledi pele ba kgolegelo, ba ka tshegofatso ba neng ba nttelelala. Ka gore moithuti o ne a na le keletso e e tseneletseng ya go ithuta Baebele, ke ne ke mo etlela kgapetsa-kgapetsa.

"Mo lobakeng lwa kgwedi tse thataro morago ga loeto la me la ntlha, o ne a kopa go kolobediwa le go tsena mo Kerekeng jaaka leloko. Baeteledi-pele ba dumalana go ntsha didirisiwa gore kolobetso e tle e direlwae mo kgolegelong. Batlhokomela dikago le magolegwya a mangwe ba phuthega go tla go bona kolobetso e e ntle thata mo go tse ke kileng ka di dira.

"Sebakanyana morago ga se, mokaulengwe wa rona o ne a ntshiwa mo kgolegelong, lefa a santse a na le lobakanyana lo a tshwanetseng go lo direla. Fa ke botsa gore ke eng a gololwa, ke ne ka bolelewaa gore botshelo ja gagwe bo fetogile ka bofeso; Jaanong e ne e le mosupedi wa Mmoloki wa gagwe le tumelo ya gagwe mo e leng gore o ne a sa tlhole a akanyediwa jaaka legolegwya, kgotsa a tsewa jaaka legolegwya. Monna yo o ne a kopanngwa le ba lelapa la gagwe mme jaanong ke moeteledi-pele mo nngweng ya diphuthego tsa rona tse dikgolo."



### 1. KOLOBETSO E RAYA ENG?

Fa monna yo wa legolegwya a nna Mokeresete le botshelo ja gagwe bo fetoga gotlhellele, ke eng go ne go le bottlhokwa gore a kolobediwe? Mo puisanyong le Nikodemo moeteledi wa sechaba yo o neng a tla kwa go Jeso bosigo, Jeso o papamatsa bottlhokwa le gore kolobetso e kaya eng:

**"Fa motho a sa tsalwe sesha, ga a kake a bona bogosi ja Modimo... fa motho a sa tsalwe ke metse le moyo."** - Johane 3:3, 5. (*Fa go kwadilwe, dikanolo tsotlhe tsa Baebele mo kaeding ya TLHOTLHOMISA di tswa mo Baebeleng ya [NIV].*)



Jaanong, go ya ka Jeso re tshwanetse go tsalwa sesha, "Ke metsi le Moya." "Go tsalwa ka Moya" go supa go tsena mo botshelong jo boshka go tsena mo phetogong ya tlhaloganyo le pelo. Ka gore go tsena mo bogosing jwa Modimo go akaretsa go tshela sesha mo go feletseng, e seng fela botshelo jo bogologolo bo baakanngwa, gobidiwa go tsalwa sesha. Go kolobediwa ka metsi ke sesupo sa kafa ntle se se fang bokao jwa phetogo e mo teng. Moemedi wa rona o kolobeditse legolegwya jaaka temogo ya gagwe ya go itshwaela Keresete le sekai sa phetogo e Moya o o Boitshepo O e simolotseng mo dipopegong tsa gagwe.

### 2. KE ENG KE TSHWANETSE GO KOLOBEDIWA

Poloko ya rona e ageletse ditiro tse tharo tsa ga Keresete:

**"Keresete o SWETSE dibe tsa rona go ya ka dikwalo... O ne a FITLHWA, ... A TSOSIWA ka letsatsi la boraro go ya ka dikwalo."** - 1 Bakorintha 15:3, 4.

Keresete O ne A dira gore poloko e kgonege ka loso le phithlo le tsogo ya Gagwe.

**"Kgotsa a go lo itse fa rona ba re kolobeditsweng le Keresete Jeso re KOLOBEDITSWE MO LOSONG LA GAGWE? Ka gona RE FITLHILWE NAE MO LOSONG KA KOLOBETSO ele gore JAAKA KERESETE A TSOSITSWE MO LOSONG ka kgalalelo ya Rara, JALO LE RONA RE TLE RE SEPELE MO BOSHENG JA BOTSHELO." - Baroma 6:3, 4.**

Keresete o swetse dibe tsa rona, a fitlhma, mme a tsoga mo lebitleng gore fa botshelo jo bosha ja tshiamo. Ka go kolobediwa re tsaya karolo mo losong, phithlo le tsogo ya ga Jeso. Kolobetso e raya gore re swetse go leofa le Keresete, re bo re fitlha botshelo jo bogologolo ja sebe mo go Keresete, mme re tsogela go "tshela botshelo jo bosha" mo go Keresete. Loso la ga Keresete le tsogo ya Gagwe e nna loso la rona le tsogo ya rona. Modimo o kgora go re dira gore re swe mo sebeng, jaaka e kete re ne re bapotswe. O kgora go re tshidisetsa dilo tsa Moya jaaka e kete re tsositswe mo baswing.



Tiro ya senama ya kolobetso e supa dikgato tsa phetogo. Sa ntlha, re folosediwa mo metsing, re bo re tibisiwa gotlhe fela jaaka batho ba ba tlhokafetseng ba folosediwa mo lebitleng ba bo ba khurumediwa. Se se raya gore re eletsa go swa le Keresete re bo re fitlha botshelo ja rona jo bogologolo. Kolobetso ke phithlo, tsamaya sentle e rulaganyeditsweng mo botshelong jo sebe se neng se agile mo go jone. Re bo re tsholediwa go tswa mo metsing ke yo o kolobetsang, fela jaaka motho a tsosiwa mo lebitleng. Se se raya gore re "dibopiwa tse disha", re filwe "botshelo jo bosha" mo go feletseng ke Modimo.

Go tibisa fela ke gone mo go ka supang kafa go siameng tlhaloso ya kolobetso - loso, phithlo, le go tsalwa sesha. "Kolobetso" ka go kgatsha metsi ga e supe go tsalwa sesha mo go lekanyeng.

Go swa le Keresete tota go raya eng?

**"Ka re itse mo, go re, botho ja rona ja bogologolo bo bapotswe Nae gore mmele wa boleo o nyelediwe le gore re seka ra tlhola re le mo kgolegong ya boleo." - Baroma 6:6.**

Kolobetso e supa kafa ntle se motho a tshwanetseng go se dira mo teng: go neela gotlhe mo go Keresete. Fa re sa ise gotlhe kwa Modimong, re tla tswelela re ntse re le "makgoba a boleo." Fa re ineela mo go feletseng mo go Keresete, dikeletso tsa rona tsa boleo ga "di na nonofo" mme phetogo ya rona e bo e simologa.

Ke mang yo o tlhokomelang phetogo e e dirafalang?

**"Ke bapotswe le Keresete, le fa go ntse jalo ke tshedile, le fa go ntse jalo e bo e sa tlhole e le nna, me ke KERESETE YO O TSHIDILENG MO GO NNA. Mme botshelo jo ke bo tshedileng jaanong mo nameng, KE BO TSHELA MO TUMELONG E BONG TUMELO E MO GO MORWA MODIMO, Yo O nthatileng A bo A intshetsa." - Bagalatia 2:20.**

Fa ke tshwantshanya papolo ya ga Keresete le kolobetso ke laletsa nonofo e mashetla mo botshelong Jame - "Keresete O tshela mo go nna."

Gore o tle o bege botshelo ja gago ka mo go feletseng mo mabogong a ga Keresete, pele lebelela go swa ga ga Keresete mo mokgorong. O seka wa lebelela sebe se se go tshosang, o seka wa lebelela tse di fetileng o bo o utlwa botlhoko; leba go Jeso. Fa o lebelela loso la ga Keresete le le tletseng tshegofatso le tsholofelo kwa khalefari, o ka nna le bokopano ka maikutlo le kgathego e le nngwe-fela le Ene, "ka nonofo ya mokgoro ke tsaya gore ke swetse mekgwa e megologolo ke bo ke tsibogela Modimo. Ke

tlhomamisa boemo ja me mo go Keresete. Go tswa fano go ya pele ke tla" tshela ka tumelo mo go Morwa Modimo, yo o nthatileng A bo A intshetsa nna."

Jaaka re goga mo nonofong ya loso la ga Keresete le tsogo re bona bontsi ja ditiro tsa Gagwe tsa tshiamo di emela mekgwa ya rona ya bogologolo.

**"Mme ke gona fa motho a le MO GO KERESETE, o a ba ale SEBOPWA SE SESHA, dilo tsa BOGOLOGOLO di fetile, bonang di ntse DINTSHA." - 2 Bakorintha 5:17.**

Ka kolobetso re supa keletso ya rona ya go tshwaragana le Jeso re bo re tshela botshelo jo bosha jo bo botoka "mo go Keresete." Keresete o re diretse tse re neng re sa kake ra kgona go di itirela. Re tsoga mo metsing re le "popo e ntsha"; A bo a re fa nonofo ya go tshela botshelo jo bosha.

### 3. KE ENG FA JESU A NE A KOLOBEDIWA?

Ka nako ya tshololo ya Moya O O Boitshepo, Petere o ne a bolelela ba ba neng ba ba tla go gololwa mo melatong go "ikwathaya ba bo ba kolobediwa gore Keresete a kgone go itshwarela "dibe tsa bone" (Ditiro 2:38). E re ka Jeso a ise a ko a dire boleo, ke eng a ne a itletla gore a kolobediwe?



**"Mme JESU A TSWA kwa Galilea, A TLA KWA JOREDANE KWA GO JOHANE, A TLA GO KOLOBEDIWA... GO DIHATSA TSHIAMO YOTLHE JALO." - Mathaio 3:13, 15.**

Jesu O ne a se na boleo. O ne a sa tlhoke go ikwatlhaela boleo bope. O kolobeleditswe lebaka-lengwe: "go dirafatsa tshiamo yotlhe". Ka go kolobediwa, Jesu o ne a fa sekai se se tlhamaletseng mo go rona batho ba ba bokoa ba sebe. Keresete ga a ise a reye barutwa ba gagwe a re ba ye kwa a iseng a ye teng. Jaanong fa badumedi ba tibisiwa mo metsing a kolobetso, ba setse morago dikgato tsa Kgosi. Ka gore Keresete O swetse dibe tsa rona, O re file tshiamo ya Gagwe.

**"Ene Yo Ona A sa itse boleo bope O mo dirile go nna boleo mo boemong ja rona; gore rona re nne tshiamo ya Modimo mo go Ene." - 2 Bakorintha 5:21.**

Re fetotswe mo matlhong a Modimo mo baleofing go nna baitshepi, re gola mo "tshiamong eo", mme re bo re tshela botshelo jo bosha mo go Keresete.

### 4. KE ENG KE TSHWANETSE GO TIBISIWA?


Keresete O ne A tibisiwa mo kolobetsong ya Gagwe; ga a ka a kgatshiwa ka metsi. Johane o mo kolobeditse mo nokeng ya Joredane "ka gore go ne go na le METSI A MANTSII" (Johane 3:23). Fa Jesu A ne a kolobediwa, O ne A fologela mo metsing. "Fa Jeso fela a sena go kolobediwa" [go tibisa, Segerika] O ne A TLHATLOGA MO METSING (Mathaio 3:16).

Fa re tlhaloganyya tlhaloso ya boammaaruri ya kolobetso, ga re ka ke ra nna le mathata a go lemoga mokgwa wa boammaruri wa kolobetso. Lefoko la "kolobetso" le tswa mo lefokong la Segerika "baptizo" le le rayang go tibisa kgosa (go bay a kwa tlase).

Mo lobakeng lo John Wesley a neng a etetse kwa Amerika ka 1737, baphuthegi bangwe ba le 34 ba ne ba mo leka ka teko e e gakgamatsang ya "go gana go kolobetsa ngwana wa ga Rre Parker, fa e se fela ka go tibisa." Go bosupi gore Fatere wa Methodist o ne a kolobetsa ba ba sokologileng ka go tibisa.

John Calvin wa moikwatlhia a re: "Go tlhaloganyesega go re go tibisa go ne go dirwa ke diphuthego tsa bogologolo." - *Institutions of the Christian Religion*, Bk.4, Chap 15, Sec, 19.

Ditso tsa kereke tsa pele di papamatsa go re kolobetso e ne e raya go tibisa. Dean Stanley, wa kereke ya Enyelane, o kwadile jaana. "Mo sebakeng sa disenchuri tse di lesome le botlhano, e ne e kete lefatshe lotlhe le dirisa kolobetso e re balang ka ga yone mo kgolaganong e ntsha, e leng yone tlhaloso tota ya lefoko go "kolobetsa" - gore ba ba neng ba kolobediwa ba ne ba tibisiwa mo metsing." *Christian Institutions*, p. 21.



Kolobetso ya go tibisa ba sokologi e bonala mo dikerekeng di le dintsi tse di neng di agilwe fa gare ga dingwaga tsa bo 300 le bo 1300 mo Europa le Asia, dikereke jaaka Kathederale mo Pisa, Italy le St. John's kereke e tonna mo Roma.

Go simolotse fa khansele ya Ravema pele mo dingwageng tsa bo 1400 kereke ya Katoliki e bo e amogela fa go kgatsha go lekana le go tibisa. Mo dipotsong ka ga ditiro tsa kereke, ga re a tshwanela go sala morago se motho a se rutang, mme fa e se se Keresete le baaposeitoloi ba Gagwe ba se rutang. Bakeresete ba le bantsi ba rotloetsa kolobetso ya bana, go neela Modimo bana ba rona kwa tshimologong go a letlelesega. Mme Baebele e bolela gore motho o tshwanetse a rutiwa tsela ya poloko pele ga kolobetso. (Mathaio 28:19-20), gore motho a dumele mo go Jeso pele ga kolobetso (Ditiro 8:35-38), le gore motho a ikwathhae sebe a bo a itshwarelwga pele ga a kolobediwa (Ditiro 2:38). Ngwana ga a kgone go dumela, go ikwatlhaya, le go ipolela tse di tshwanetseng go tla pele ga kolobetso.

## 5. KE ENG GOLE BOTLHOKWA GO KOLOBEDIWA?

Go ya ka Jeso, kolobetso e bothokwa mo go ba ba eletsang go tsena kwa legodimong.

**"Ga gona yo o tla tsenang ka bogosi ja legodimo fa e se yo o tsetsweng ka metsi le ka moyo." - Johane 3:5.**

Jeso o bolela selo se le sengwe fela se se farologanyeng. Legodu mo mokgorong le ne la "tsalwa ka Moya," lefa go ne go sa kgonege go tlogela mokgoro a bo a tibisiwa mo metsing jaaka sesupo sa pelo ya gagwe e fetogileng. Mme Jesa A mo tshepisa gore O tla nna le ene mo bogosing. (Luke 23:42, 43). Ka legodu, le "tsetswe ka metsi le ka Moya" go emela madi a ga Jeso a a neng a tshololwa go mo tlhatswa mo dibeng. Augustine o ne a elathhoko "Go na le kgang e le nngwe e e begilweng ka go ikwatlhaya gaufi le loso, boikwatlhao ja legodu, gore ope a se ka a itlhoboga; le e le nngwe, gore ope a se ka a go tsaya go le lolea."



**"Yo o dumelang a bo a kolobediwa, o tla bolokwa: me yo o ganang go dumela o tla sekisiwa." - Mareko 16:16.**

Ka go swa mo boemong jwa rona kwa Khalefare, Jeso O ne A dira sesupo sa lorato la Gagwe mo phatlalatseng. Re tshwanetse ra dira se ka phatlalatsa, ipolelelo e e senang ditlhong ka go ineela mo go Keresete ka kolobetso. A o simolotse botshelo jo bosha mo go Keresete? A o kolobeditswe? Fa go sa nna jalo, ke eng o sa ipaakanyetse kolobetso mo lobakeng lo lo tlhang?

## 6. KOLOBETSO KE TSHIMOLOGO FELA

Kolobetso e supa go ineela mo botshelong ja Keresete. Mme boineelo ja rona ka kolobetso ga bo ame botshelo jwa rona fela ka bojosi ja jone.

Fa ngwana a tsholwa, go baakanyediwa mokete. Fa le tsatsi la pelegi le feta boitumelo bo a fokotsega, losea lo batla go jesiwa tsatsi le letsatsi, go tlhapisiwa, le tlhokomelo ya tsatsi le letsatsi. Go tshwana fela le kolobetso. Paulo a riana ka itemogelo ya gagwe, "Ke swa tsatsi le letsatsi" (Bakorintha 15:3). Ka go fetogela bopelotshetlha tsatsi le letsatsi, re nna kutlo mo go Keresete gangwe le gape.



Boipelo ja kolobetso, jaaka maletlo a lenyalo, bo ne bo direletswe go rurifatsa mo go siameng gore botsalano jo bontle jo bo golang bo simologile. Gore bo gole sentle, re tlhokana le go ineela Keresete tsatsi le letsatsi, bokopano ja tsatsi le letsatsi jwa botshelo jo boshka thapelo le go ithuta Baebele.

## 7. SE SE BAKANG BOIPELO

Kolobetso ke yone e bakang boipelo ka gore ba ba bayang tshepo ya bone mo go Keresete ba na le tlhomamiso ya botshelo jo bo sakhtleng. "Yo o dumelang a bo a kolobediwa o tla bolokwa" (Mareko 16:16). Fa re kolobediwa, re a bo re le mo tseleng e e isang kwa godimo le boipelong ja bosakhutleng.

Kolobetso e ipelela boitumelo jo bo leng teng le Keresete. O soloftsa mpho e e senang tuelo ya Moya O O Boitshepo mo go ba ba kolobeditsweng (Ditiro 2:38). Le Moya O O Boitshepo go tla "Maungo a Moya" "lorato" lo lo tlatsang botshelo ka "bopelotelele, boingotlo, bopelonomi, boikanno, bonolo le boikgapo." (Bagalatia 5:22, 23).

Go nna le Jeso a tshela mo go rona ka Moya wa Gagwe O O Boitshepo go re fa tlhaloganyo e tletseng ya tlhomamiso. Ka gore "Moya ka boEne O A supela... gore re bana ba Modimo" (Baroma 8:15,16).

Botsalano jo bo sireletsegileng mo Modimong bo re fa dipolo, mme ga bo supe botshelo jo bo senang mathata. Le gale, yo bosula o a tle a leke go tikela mathata a a thata mo go ba ba sa tswang go dira maitlamo mo go Keresete. Le fa go ntse jalo, fa re le mo diatleng tsa Modimo, re itse gore O ka dirisa sengwe le sengwe se se re dirafalelang se le maswe kgotsa se siame, go re ruta le go re thusa go gola (Bona Baroma 8:28).

Mme mongwe wa monana o ne a dira tshwetso ya go neela Keresete botshelo jwa gagwe a bo a kolobediwa, go sa kgathalesege matshosetsi a monna wa gagwe a go mo tlhala. O ne a sa batle karolo epe ya tumelo ya gagwe e ntsha, mme a ngaparela Jeso a leka go nna mosadi yo o lorato go nale pele. Nako e nngwe monna o ne a ketefatsa dilo mo lapeng. Mme kwa bokhutlong o ne a fennngwa ke kganetsano e e a neng a palelwa ke go e araba: "botshelo ja gagwe jo bo fetogileng." Monna yo a neela Keresete botshelo ja gagwe mme le e ne o ne a kolobediwa.

Go ngaparela Keresete "fa gole thata le fa go se thata" Go tla re dira didiriswiwa tse di nonofileng mo diatleng tsa Gagwe. Re neela matshelo a rona mo go Ene re ngosele ka gore o setse a dirile maitlamoa bofelo mo go rona ka go duelela maleo a rona mo mokgorong. Ke lesego le thotloetso e kgolo jang go Mo naya lorato la rona mo pontsheng! Fa o ise o dire jalo, ke eng o sa neele botshelo ja gago mo go Keresete gompieno jaana? Mo kope gore a bope botshelo jo boshka mo go wena ka Moya O O Boitshepo, mme o bo o kolobediwa mo go Keresete.

## SEPHIRI SA GO GOLA KA BOTSALENO

Ka dingwaga tsa bo 1960 di simologa, mokwaulengwe Andrew, rre yo o tswang Holland, a tsenya thoto ya di Baebele e se ka fa molaong mo koloing ya gagwe ya VW, fa a tlolela mo lefatsheng la Romania, mme a feta badisa ba makomanisi. O ne a gorogela mo lefelong la bogorogela baeng mme a simolola go rapela gore Modimo a mo kaele kwa dithopheng tsa Bakeresete tse di neng di ka dirisa dibaebele tse. Ka mafelo a beke, Andrew a ya go botsa mokwaledi wa lefelo le a gorogetseng mo go lone kwa a ka bonang phuthego/kereke. Mokwaledi a moleba ka kgakgamalo, mme a a raba a re ga re na dilo tseo mono waitse, gape ga o kake wa tlhaloganya puo ya rona."

Andrew a fetola ka gore "A ga o itse? Bakeresete ba na le puo e e tshwanang."

"A o! ke efe e o?"

"Ke puo e e bidiwang "Agape."

Mokwaledi one a ise a ke a utlwalele ka se, mme Andrew a mo tlhomamisetsa fa ele puo e ntle thata mo lefatsheng."

Andrew o ne a kcona go bona diphuthego di le mokawana mo kgaolong e o mme a kcona go buisa diphuthego le Mookamedi le mokwaledi ba phuthego nngwe. Ka go tlhoka lesego Andrew le borre bao ba ne ba itse diteme dingwe tsa se Europa, mme ba fitlhela e le gore ga go ope wa bone yo o neng a tlhaloganya puo e e neng e buiwa ke yo mongwe. Ka jalo, ba nna ba lebagane ba sa kgone go buisana. Andrew o ne a tsamaile maeto a a diphatsa ka morwalo o wa gagwe, mme ga bo go se tsela epe e a neng a ka bolela fa bo rre ba, e le Bakeresete ba nnete kgotsa e le babueledi ba molao.

Kgabagare o ne a bona Baebele ya puo ya se Romania mo tafoleng mo nngweng ya matlwana a bodirelo. O ne a ntsha Baebele ya puo ya se Dutch mo pateng ya gagwe. O ne a bula lekwalo la 1 Bakorinta 16:20 mme a thapholola letsogo go supa Baebele, a supa leina la buka, e bakaulengwe ba kgonneng go e lemoga. Ka ponyo ya leithlo difatlhego tsa bone tsa supa boitumelo. Ba ne ba senka kgaolo e e tshwanang le temana mo Dibaebeleng tsa bone tsa se Romania mme ba bala."



Borre ba, ba nyenya le Andrew. Mme mongwe wa bone a batla mo Baebeleng ya gagwe, a bona lokwalo lwa Diane 25:25. Andrew a bona temana e mme a bala: "Borre ba, ba nna metsotso e e sephatlo sa oura ba abelana ba bo ba bua - mme ba buisana ka lekwalo le le boitshepho. Ba ne ba itumeletse bokopano jo jwa botsalano jo bo tlodileng makoma a ngwao, mo ba neng ba tshega ba bo ba gelola dikeledi. Andrew o ne a itse fa a bonye bakaulengwe ba gagwe. E rile a ba bontsha morwalo wa gagwe wa Dibaebele, bo rre ba Romania ba ne ba itumetse mo ba neng ba mo atla gangwe le gape.

Phirimaneng e o kwa ntlong ya bogorogelo, mokwaledi a tla kwa go Andrew mme a akgela a re "Ke lebile lefoko le la 'Agape' mo sebalamakgolong, mme ke fitlhetsi go sena puo ya leina leo. Ke lefoko la puo ya segerika le le rayang lorato." Andrew a fetola ka gore "Ke gone! Ke ne ka bua ka puo eo tshokologo yotlhe."

A o setse o bonye puo e ntle e? Mo kaelong e, o tla ithuta ka fa Modimo A ka re tlisang rotlhe mo lorakong lwa gagwe lo lo golo lwa Lorato.

### 1. PHUTHEGO E TLHOLETSWE BOTSALENO

Jesu o tlhomamisitse phuthego go re e tle e thuso motho mo letlhokong la gagwe la go gola le thuso. Rotlhe re na le letlhoko. Ke sone se phuthego e leng botlhokwa. Ke lefelo le re tleng go obama re bo re thusana. Dikwalo di supa phuthego e e nonofileng ya Seaposestolo e biditseng banna le basadi go tla kobamong ya botsalano e e neng ya goroga le kwa go Mogodimodimo.

**"Re lo tlhomamisetsa ka se re se bonyeng le se re se utwileng, go re le lona le nne le botsalano le rona. Botsalano jwa rona bo nale Rara le Morwawe Jesu Keresete. Re kwala se go konatelela boitumelo jwa rona." - 1 Johane 1:3, 4.**

Bontsi jwa dipelo dikopantswe ka kamano le Jesu Keresete le mongwe ka yo mongwe go itemogela 'boitumelo' jo bo feletseng! Ba bua teme e le nngwe, teme ya lorato.

Bakeresete e nna karolo ya lelwapa le le golo. E nna bakaulengwe mo go Keresete ka botlhe ba na le moyo o le mongwe ka bakaulengwe. Fa kutlwano e e nna kgolo, le popagano e nna kgolo mo Bakereseteng.

Maloko a diphuthego tse di tlhomilweng ke ba posetoloi ba ga Jesu a ne a pataganetse ditumelo tse di tshwanang jaaka:- go rata Modimo ga o ne, le keletso ya one go mo direla le go abelana tshegofatso ya gagwe le lefatshe ka bophara. Botsalano jo bo nitameng jo, ke lengwe la mabaka a a dirileng gore setlhophpha se, se senang nonofo se le bonnye jo, jo bo kgobilweng marapo se pitikolole lefatshe ka molaetsa.

## 2. PHUTHEGO E KERESETE A E TLHOMILENG

A Keresete o na le phuthego, kgotsa kakanyo e ya sedumedi ke se se itiretsweng ke motho? Jesu o a araba:

**"Mo lelikeng je ke tla aga phuthego ya me, mme dikgoro tsa bobipo ga di ketla di e fanya." - Mathaio 16:18.**



Jesu ke lefika le le tshegetsang, Motheo wa phuthego ya gagwe.

Ke setlhophpha sefe se se dirang motheo?

**"E agilwe mo motheong wa baaposestolo le baperofeti, Keresete Jesu ka bo ene e le motheo o o nitemeng." - Baefesia 2:20.**

Morena o robile eng fa moletsa o sena go rerwa?

**"Mme Morena a okeletsatse phuthego ka malatsi otlhe seo se se ka bolokwang." - Ditiro 2:47.**

Fa Jesu a tlhoma phuthego, o ne a soloftsa gore dikgoro tsa bobipo ga di ketla di e fanya, "Mme phuthego ya Bakeresete e santse e tshwere jalo. E nnile le baba ba ba nonofileng, go tswa go bagogi ba mafatshe go ya go baeteledi-pele ba mebuso, mme madi a mofenyi yo mogolo a e nonotshitse gore e gole e nonofile. Fa mokaulengwe a le mongwe a a sha mo bobipong kgotsa a le mo mongobong wa ditau, ba bangwe ba tabogela go tsaya maemo a gagwe. Diingaudi di dirile bojotlhe jwa tsone go kgoreletsatse phuthego ya ga Keresete. Mme phuthego ya ga Keresete e gaisanya ka boitseanape jo bo golo jwa dingwaga tsa gompieno. Ngwe ya dikgwetlho tse dikgolo tsa phuthego e tsile morago fela fa go sena go amogelwa semmuso ga tumelo ya ba lefatshe la Roma. Kereke e ne ya huma mo go feteletseng, mme ya tloga ya senyega. Mo dingwageng tseo, e ne e lebega e sule semoya. Mme Modimo o ne a tshegeditse badumedi bangwe ba ba pelokgale, ba ba ikanyegang, ba erileng fa go le thata, ba phatsima jaaka dinaledi mo bosigong jo bo senang ngwedi.

Paulo o tshwantsha botsalano jwa ga Keresete le phuthego, le monna yo o lorato yo o sireletsang mosadi wa gagwe (Baefesia 5:23-25). Kereke ke lelwapa, fa mongwe le mongwe a nnang le botsalano le mongwe lelapeng ebole ba nna le seabe mo boleng jwa lelwapa (Baefesia 2:19).

O boa a tshwantsha phuthego le mmele o o tshelang, Keresete ka sebele e le tlhogo (Bakolosa 1:18).

Fa re kolobediwa, re supa tumelo ya rona mo go Jesu re bo re na dikarolo tsa "mmele" o e leng Keresete.

### **"Go nne rotlhe re KOLOBEDITSWE ka Moya o le mongwe mo MMELENG O LE MONGWE." - 1 Bakorinta 12:13.**

Lokwalo lwa ga Tshenolo lo re bontsha Keresete a tsamaya mo diphuthegong, a supa tlhokomelo ya gagwe mo go tsone (Tshenolo 20, 12, 13). Keresete ga a ise a latlhe batho ba gagwe e bile ga a kitla a ba latlha.

### **3. PHUTHEGO E E NANG LE MAIKAELELO**

Go ya kerekeng go a tlhokega mo Mokereseteng. Re tlhoka thotloetso ya ba bangwe go tshegetsa tumelo ya rona le gore e gole. Kereke e na le ditshetla tse tharo tse e thusang ka tsone.

(1) Kereke e tshegetsa tumelo.

Jaaka pilara ya motheo wa boammaaruri (1 Timotheo 3:15) kerekeng go a tshegetsa tumelo e bo e sireletsatso boammaaruri jwa Modimo fa pele ga lefatsheng. Re tlhoka botlhale jwa ba bangwe go re thusa go lebagana le boammaaruri jo bo tlhokegang jwa dikwalo.



(2) Kereke ke sekai sa se tshegofatso ya Modimo e ka se direlang baleofi. Diphetogo tse Keresete a di dirileng mo matshelong a badumedi, di fa bosupedi mo Modimong yo o re bilesang mo leseding la gaGwe (1 Petere 2:9).

(3) Batho ba Modimo ke basupi ba gaGwe mo lefatsheng le le tlhokang. Pele fela fa a tlhatlogela (boela) kwa legodimong, Jesu o ne a soloftsa barutwa ba gagwe gore:

**"Mme lo tla amogela nonofo fa Moya o Boitshepo o tla mo go lona, lo tla nna bosupedi ba Me kwa Jerusalema le mo Judea yotlhe le Samaria le kwa bokhutlong jwa lefatsheng." - Ditiro 1:8.**

Ke lesego je kgolo ja phuthego go tsaya molaetsa wa lorato lo logolo lwa Modimo mo lefatsheng lotlhe.

### **4. GO RULAGANYETSA NONOFO**

Phuthego e Keresete a e tlhomileng e ne e na le motheo o o nonofileng. Motho o ka itlhophela go tsena mo teng kgotsa go nna kwa ntle ga boloko. (Mathaio 18:15-18). Phuthego ya ga Keresete e tlhomile baeteledi-pele e bo e nna le ntlo kgolo kgoboka le mafelo mangwe a bokopanelo (Ditiro 8:14;14:23;15:2;1 Timoteo 3:1-13) Fa ba kolobediwa, badumedi ba ne ba tsenelela ditlhophla tse di rulagantsweng (Ditiro 2:41 le 47). Kereke e teng go kgothatsa setho.

**"Mme are boneng ka fa re ka kgothatsanang mo loratong le mo ditirong tse di molemo. A re se itsapeleng go kopana, jaaka bangwe ba tlwaetse go dira, mme a re ROTLOETSANENG go fitlhela re bona letsatsi (ja go tla ga ga Keresete) le atamela." - Bahebera 10:24, 25.**



Se ka bokhutshwane, ke se kereke e e itekanetseng e se dirang. Maloko a yone a godisanya mo tumelong, ba a rotloetsana. Modimo o ne a rulaganya phuthego ya gagwe go nonotsha batho ba One le go direla lefatshe. Re ka dira go le gogolo fa re bopaganye go nale fa re kgaoganye. A re tseye sekai se le sengwe: - Phuthego ya Masala. Re tshwere tiro e kgolo ya kalafi mo lefatsheng - go tswa mo dikokelwaneng tsa dikoloi go ya go tse di agilweng mo mafelong a a mo dithhakethakeng tsa South Pacific. Dikolo tsa rona tse dikgolwane di tlisitse diketekete tsa basha mo kitsong e e botoka ya botshelo mo go Keresete - go tswa kwa Mmadikolo Loma Linda, kwa go tlwaelesegileng ka loaro lwa pelo, go ya go dikolo tse di potlana tsa makgotlana tse di gasameng mo Aferika. Re na le

thulaganyo ya go thusa ba ba wetsweng ke leuba le dibetso tsa tlholego ka lenaneo ADRA. Diphuthego tsa magae, kgotsa tse di mo dikgaolong, di thusa ka go apesa le go fepa batlhoki le ba ba senang magae ko mafelong a thuso batho a a nameng le lefatshe ka bophara. Dithopha tsa badumedi ba sesala di abelana molaetsa wa poloko mo mafatsheng a feta makgolo a mabedi 200. Setlhophanyana se se rulagantsweng sa badumedi ba ba tlhoafetseng se ka nna le bosupi jo bo papametseng mo lefatsheng lothe.

Keresete le baaposetoloi ba ne ba tshwantsha phuthego le mmele, mme ba supa fa dikarolo tsotlhe tsa mmele di le botlhokwa e bile di tlhokega (1 Bakorinta 12:21-28). Dikarolo tsotlhe tsa mmele ga di tshwane, etswa di le botlhokwa e bile ditshwanelwa ke go dira mmogo ka kutlwano. Leitlho fa le kgaogantswe le mmele, ga le kake la bona. Lebogo fa le kgaotswe, ga le na mosola. A ke leitlho, lebogo kgotsa monwana. Ga re kake ra nna lebokgoni jo bofeletseng kwa ntle gaga Keresete. Fa re le ba phuthego, go golagana le bakaulengwe ba bangwe ba mmele go re nonotsha jaaka Bakeresete.

## 5. BOITUMELO JWA KOBAMO

Mo botennyeng jwa dipelo tsa rona, go na le keletso ya go obamela Modimo, mme keletso eo e ka nyelela, kwa ntle ga fa e nna le bokao jo bo feletseng. Mopesalema o ne a ikutlwaa jang fa a akanya ka go ya kwa ntlong ya kobamelo?

**"KE ITUMETSE le bao ba ba neng ba nthaya bare 'A re ye kwa ntlong ya MORENA.'" - Paselema 122:1.**

Ke karolo efe e e tsewang ke moopelo mo kobamong?

**"Obamelang Modimo ka boitumelo, lo tle fa pele ga gaGwe ka meopelo ya boiopelo." - Pesalema 100:2.**

Baebele e re bolelela gore go ntsha dineo kgotsa dimpho ke tshetla e e lolameng ya go obama mo go boitshepo.

**"Lereng dikabelo mo dikagong tsa ona. Obamelang Modimo ka bogolo jwa boitshepo jwa gaGwe." - Pesalema 96:8-9.**

Thapelo ke nngwe ya ditshetla tse di bothhokwa tsa kobamo.

**"Tlang re obeng ditlhogo mo kobamong, a re khubameng fa pele ga Modimo Moretlhodi." - Pesalema 95:6.**

Go ithutuntsha Baebele le go rera lefoko, ke pinagare ya kgolagano e Ntsha ya kobamelo. Go simolola ka theroy a ga Petere ka letsatsi la Pentekosete, mo lokwalong lwa ditiro 2, le go tswa ka nako ya baganetsi



ba sedumedi ba bafetofileng go tla mo letsatsing la rona, tsoseletso nngwe le nngwe ya sekeresete e ntse e ikaegile ka boreri jwa Baebele. Ka go reng? Ka gonke lefoko la Modimo le a tshela e bile le matlhagatlhaga. Le bogale go gaisa chaka e e magale mabedi (Bahebera 4:12-13).

## 6. KE ENG SE SE SIAMENG KA PHUTHEGO?

Bangwe ba ganetsa gore phuthego e tletse ka batho ba ba seng phepa. Se Henry Ward Beecher a reng se boammaaruri: "Kereke ga se motlolo wa go supa Bakeresete ba ba feletseng, mme ke sekolo sa ba ba leofileng. Ka go se ope wa rona yo o sa leofang kereke ga e kitla e nna phepa. Mo nngweng ya dipolelo tsa gagwe, Keresete o re gakolotse gore mhero o gola mo mabeleng (Mathaio 13:24-30). Fa re bala kgolagano e Ntsha; ya dikwalo tsa ga Paulo, re fitlhela gore Kereke ya bapostelo e ne e na le mathata a magolo. Le gompieno phuthego e na le mathata a magolo. Gakologelwang se: ga gona phuthego e e phoso e e ka senyang kgotsa ya itaa tsebe motheo o o nonofileng wa phuthego e bong Jesu Keresete ka bo Ene. Jalo he, mo diphuthegong tse di leofileng re tshwanetse ra tsepa matlho a rona mo Morekoloding yo O re tlhokomelang. Kwa ntle ga diphoso tsa yone, phuthego ke ya Gagwe. Jalo he, lebang kwa go Keresete.

**"KERESETE O RATILE PHUTHEGO MME A E INEELA go e dira boitshepo, a e ntlatfatsa ka go e tlhatwsa mo metsing ka lefoko le go e ineela a sena selabe, fa e se A le boitshepo A sena molato."**  
**- Baefesia 5:25-27.**

Kereke e botlhokwa mo go Jesu mo a iineetseng fa a swela mongwe le mongwe wa rona le phuthego ka kakaretso. Jalo he, boloko bo tshwanetse jwa nna botlhokwa mo go wena. A o leloko la mmele wa ga Keresete?

## 7. GO BONA KEREKE

Go na le maammaruri a le kae a Jesu A nang nao mo lefatsheng?

**"Go na le mmele o le mongwe, Moya..., Modimo o le mongwe, tumelo e le nngwe, le kolobetso e le nngwe."** - Baefesia 4:4, 5.

Ere ka Jesu a na le tumelo e le nngwe" re ka itse jang gore ke efe? Jesu o a re kaela:

**"fa motho lefa e le mang a itlhophela go dira ditaolo tsa Modimo, o tla bona fa dithoto tsa Me di tswa kwa go Rara kgotsa ke ipuela fela."** - Johane 7:17. (bona gape Johane 8:31, 32.)



Fa re dira maitlamo a go dira thato ya Modimo, o tla re thusa go bona dithuto tse di tswang kwa go ene kgotsa e le tsa ngwao ya batho. Tshetla ya konokono ya go bona phuthego ke go kanoka seriti sa yone sa bodiredi mo lefokong la Modimo. Botsalano jwa boammaaruri bo thaetswe mo dikwalong, eseng fela mo mogoging yo o itsegeng kgotsa makgotla a magolo.

Tswelela ka go dira ditlhotlhomo mo dikaelong tse, tsamaya mo leseding jaaka fa Modimo a go itshenolela go tswa mo Baebeleng, mme o tla dira molao wa gagwe motlhofo le thato ya Gagwe. Mokeresete yo o golang ke motho yo o bulang pelo le tlhaloganyo go amogela boammaaruri jaaka

Modimo a bo senola go tswa mo lefokong la Gagwe.

## A BONTSI BO KA NNA PHOSO?

Mo kaelong ya lesome le borataro (16) re lemogile gore go ikhutsa ka letsatsi la bosupa (Sabata) go botlhokwa mo botshelong jwa gompieno jo bo wetsang dingalo. E reka Modimo a tlhaloganya dithlhoko tsotlhe tsa rona, o ne a dira gore e re ka letsatsi lengwe le lengwe la bosupa re ikhutse senama re bo re shafatsa semoya sa rona. Fa a fetsa go tlholo lefatshe la rona mo malatsing a marataro, O ne a "ikhutsa" ka la bo supa a bo a le "segofatsa" a le "itshepisa" (Genesis 2:1-3).

Fa Modimo a a fa batho ba gagwe ditaolo tse some, Israela, O ne a baya molao wa go tshegetsa letsatsi ja bosupa ele Sabata, fa gare ga melao ya gaGwe (Ekesodo 20:8-11). Go ya ka molao o, Sabata ke segopotso sa nonofo ya Modimo ya go tlholo, letsatsi le re tlhatlhanyang re akanya ka bontle le dikgakgamatso tsa tiro ya gagwe ya tlholo, gape e le letsatsi la go kanoka ka boteng botsalano jwa rona le Ene. Fa a santse a tshela jaaka batho mo lefatshing, le Ene o ne a tshegetsa Sabata (Luke 4:16) A bo A e tlanya e le letsatsi le le busetsang le le nang le poelo mo Bakereseteng (Mareko 2:27, 28). Dikgaolo di le mmalwa mo lokwalong Iwa Ditiro, di papamatsa fa barutwa ba ga Keresete ba ne ba obama ka Sabata morago ga tsogo ya gaGwe (Ditiro 13:14; 16:13; 17:2; 18:1-4,11).



### 1. POTSO E E TSEANYANG

Se se re tlisa mo kgannyeng e ba le bantsi ba bonang e lapisa. Lefatshe la Sekeresete, ka nako e e rileng, le ntse le obamela ka malatsi a mabedi a a farologanyeng. Ka fa letlhakoring le lengwe, Bakeresete ka bontsi ba obama ka letsatsi la ntlha/Sontaga le ba ipolelelang fa e le segopotso sa tlhatlogo ya Morema. Letlhakore lengwe, palo e ntsi ya Bakeresete e e boammaaruri, e dumela gore Baebele e tlota letsatsi la bosupa jaaka Sabata, ebile ga gona gope fa go bolelwang ka go itshepisiwa ga Sontaga. A go na le pharologanyo ya gore letsatsi le re le obamelang ke lefe la Sabata? Jaaka batho ba ba nneta, ba ba batlang go itse boammaaruri, re tshwanetse ra ipotsa: "go dirafala eng ka Jesu? Jesu o eletsa gore re dire eng?"

Fa re tla mo tshwetsong ka se, dintlha di le mmalwa di tshwanetse tsa sedifadiwa: Ke mang yo o fetutseng Sabata go tswa mo letsatsing la bosupa e leng Sateretaga/Matlhatso, go ya go Sontaga le e leng letsatsi la ntlha la beke? A Baebele e tlhomamisa phetogo e? Fa go ntse jalo, a Modimo, Keresete kgotsa le Baaposetoloi, ba dirile phetogo e? Re tla tswelela ka go leba kgolagalo ya se, ntlha tsotlhe.

### 2. A MODIMO O FETOTSE LETSATSI?

A go na le nngwe kitsiso e e tswang mo Modimong ya go fetola Sabata go tswa mo letsatsing la bosupa go ya go lantlha la beke? Bakeresete ba le bantsi ba tsaya Melao e some e le kaelo e e lolameng ya go tshela (go tshela ka yone). Melao e, ke yone molaetsa fela o Modimo A o kwadileng ka boene a o kwalela batho. E botlhokwa thata, O kwadile mo lomating ka monwana wa gagwe (Exodus 31:18).

Mo molaong wa bone, Modimo o re laola gore:

**"Gakologelwa letsatsi ja Sabata go le itshepisa. O dire o bo o swetse tiro yotlhe ya gago mo malatsing a marataro, mme LETSATSI JA BOSUPA KE SABATA WA GA JEHOFA MODIMO WA GAGO. Mo go jone o se ka wa dira tiro epe... Gonne mo malatsing a marataro Modimo o dirile magodimo, lefatshe, lewatle le tsotlhe tse di mo go**



**ona, mme wa ikhutsa ka letsatsi ja bosupa. Mme MODIMO WA ITSHEPISA letsatsi ja Sabata wa le SEGOFATSA." - Ekesodo 20:8-11.**

Fa Modimo a a fa batho ba gagwe Melao e some, o ne a laela ka kgatelelo gore go se nne motho ope lefa e le mang yo o tla oketsang kgotsa a baakanya ditaelo tse di tswang mo dipounameng tsa gagwe tse di boitshepo.

**"LO SEKA LWA OKETSA SE KE SE LO LAOLELANG e bile LO SEKA LWA FOKOTSA sepe, mme lo tshegetse tse Jehofa MODIMO wa Iona o di lo nayang." - Duteronome 4:2.**


Modimo ene o ikana gore ga a kitla a oketsa kgotsa a fokotsa melao ya gagwe:

**"GA KE KITLA ke senyolola tumalano ya me kgotsa ke oketsa se dipounama tsa Me dise boileng."**  
**- Pesalema 89:34.**

Baebele e tlhamaletse ka gore Modimo ga a a fetola Sabata go tswa letsatsing ja bosupa go ya go la ntlha la beke.

### **3. A JESU O FETOTSE SABATA?**

Go ya ka se Jesu o se bolelang, melao e some ga e kitla a fetolwa.



**"Lo seka lwa akanya gore ke tlie go nyeletsa molao kgotsa baporofiti, ga ke a tla go e nyeletsa fa e se go e rurifatsa. Ke le bolela boamaaruri, go fitlhela legodimo le lefatshe di nyelela, e seng tlhaka e nnye go di feta, e seng le mokgwarinyo wa sekwadi, ga di ketla di tswa mo molaong go fitlhelela sengwe le sengwe se rurifadiwa (tlhomamisiwa)." - Mathaio 5:17-18.**

Mo kaelong ya bolesome le borataro, re lemogile gore e ne, e le tlwaelo ya ga Jesu go obama mo tempeleng ka Sabata (Luke 4:16). Re fitlhetseng Sabata ga boammaaruri (Mathaio 24:20). Go thamaletse go tswa mo dithutong tsa ga Jesu le dikai gore re santse re tlhoka go ikhutsa ka Sabata re itapolosa re bo re nna le nako e ntsi le Modimo.

### **4. A BAAPESETOLOI BA FETOTSE SABATA?**

Jakobe; moeteledi pele wa ntlha wa phuthego nngwe ya Bakeresete, o ne a kwala se mabapi le melao e some:

**"Gonne le fa e le mang yo o tshegetsang melao yotlhe mme a palelwa ke o le mongwe, o e robile yotlhe. Go nne yo o rileng "O seka wa dira boaka o rile o seka wa bolaya! Fa o sa dire boaka mme o bolaya, o nnile morobi wa molao." - Jakobe 2:10-11.**

Luke, yo o neng a le ngaka le moreri o bolela gore:

**"Ka Sabata re ne ra tswela kwa ntle ka kgoro ya motse ra ya kwa nokeng kwa re neng re soloftse go bona lefelo la go rapela. Re ne rra na fatshe, mme ra simolola go bua le bo mme ba ba neng ba phuthegile foo." - Ditiro 16:13.**



Lokwalo Iwa Ditiro mo Kgoalaganong e Ntsha lo nankola ga masome a robedi le metso e mene (84) ka fa Sabata e tshegediwang ka teng ke balatedi ba ga Keresete, botlhe e le ba ba fetileng dingwaga tse di lesome le bone morago ga tlhatlogo ya ga Jesu: bosabata bale babedi kwa Antioka (Ditiro 16:13), a le mongwe kwa Thesalonika (Ditiro 17:2,3) ba le masome a supa le borobabobedi kwa Korinta (Ditiro 18:4, 11).

Erele fa Johane yo o leng ene moapostoloi wa bolesome le bobedi e bile e le wa bofelo go swa, a tshegetsa Sabata a kwala are:

### **"Ka letsatsi la Morena ke ne ke na le Moya." - Tshenolo 1:10.**

Go ya ka Jesu, letsatsi la Modimo ke Sabata (Mathaeo 12:18).

Go batlisisa bosupi mo dikwalong go supa fa baapostoloi ba sa dira maiteko a pe a go fetola letsatsi ja Modimo ja boikhutso go tswa mo go la bosupa go ya kwa go la ntlha la beke. Kgoalagano e ntsha e umaka letsatsi la ntlha la beke ga robedi. Ga go na gope mo makgetlong a, fa letsatsi ja ntlha go bolelwang le le boitshepo, gape ga go bolelwwe fa re tshwanetse go le seegela fa thoko jaaka letsatsi la kobamelo.

Ditlholtlhomiso tse di tseneletseng tsa go supa letsatsi la ntlha la beke gore ke Sontaga di latelana jaana:  
 1) Bo mme ba ne ba ya kwa phuphung ka letsatsi la ntlha la beke (Mathaeo 28:1).

2) Fa Sabata a fela, bo mme ba ne ba tswelela ka ditiro tsa bone ka letsatsi la ntlha la beke (Mareko 16:1, 2).

3) Jesu o ne a iponaletsa Marea Magdalena ka makuku a letsatsi la ntlha la beke (Mareko 16:9).

4) Baletedi ba ga Jesu ba ne ba simolola ditiro tsa bone ka letsatsi la ntlha (Luke 24:1).

5) Marea o ne a ya kwa phuphung ya ga Jesu mme a fitlhela lebitla le sena ope ka letsatsi la ntlha (Johane 20:1).

6) Barutwa ba ne ba kopana ka "go tshaba Bajuta" (e seng go obama) ka letsatsi la ntlha (Johane 20:19).

7) Paulo o ne a kopa maloko a phuthego go tlhokomela dimpho tsa bone ka letsatsi la ntlha la beke mme a re "lo beeble kwa thoko madi" lo a beela batlhoki ba Jerusalema (1 Bakorinta 16:1, 2). Karolo e ga e bue sepe ka phuthego ya Sekeresete.


8) Mo go Ditiro 20:7, Luke o bua ka go rera ga ga Paulo ka letsatsi la ntlha la beke kwa moletlong wa tsamaya sentle. E le ruri Paulo o ne a rera malatsi otlhe mme baapostoloi ba ne ba kgaoganya senkgwe malatsi otlhe. (Ditiro 2:46).

Ga go lepe la dikwalo tse le le abelang gore baapostoloi ba ne ba ikaeletse go emisa go itshepisa Sabata. Ba nankotse ka phetogo ya Sabata go ya letsatsing la ntlha la beke. Go tlhamaletseng fela gore ga gona bosupi jwa phetogo ya Sabata go tswa go Sateretaga e leng letsatsi la bosupa la beke go ya go Sontaga e leng la ntlha la beke. Phetogo e tsile morago ga malatsi a ga Jesu le baapostoloi, jalo he, re tshwanetse go boela mo ditsong go bona gore phetogo e e tsile jang, le leng.

### **5. SONTAGA O TSWA KAE?**

Baapesetoloi bare tlhagisa gore Bakeresete bangwe ba tla tlogela (suta mo) dithutong tsa kgoalagano e ntsha ya Sekeresete. "Jalo he, itiseng!" (Ditiro 20:29-31) ke sone fela se se diragetseng. Babadi ba ditso ba kwala ka fa Bakeresete ba simologileng ba latlhega mo boitshekong jwa se aposetoloi. Ngwao le dithuto tse Paulo, Petere le bathai bangwe ba phuthego ya Sekeresete ba neng ba ise ba di kanele, di ne tsa tsena mo teng ga phuthego ka bonya.

Phethogo go tswa mo go obameleng Sabata go ya kobamong ya Sontaga di diragetse morago ga kgoalagano e Ntsha e wediwa lefa baapostoloi ba sena go swa botlhe. Ditso di bolela fa Bakeresete ba ne ba tlogela go obama le go ikhutsa ka letsatsi la bosupa mme ba fetogela kwa go la ntlha la beke. Mme badumedi ba ne ba sekba emisa go obama ka letsatsi la



bosupa le eleng Sabata ka mafelo a beke mangwe mme ba simolola go tshegetsa Sontaga jaaka letsatsi la Modimo. Nako ya ntlha e Sontaga a simolotseng go tshegediwa ke Bakeresete, e nnile kwa lefatsheng la Haly, fa gare ga ngwaga wa dikete tse di lekgolo, morago ga ga Keresete. Mo lobakeng lo lo leele morago ga mo Bakeresete ba le bantsi ba tshegetsa malatsi o o mabedi fa bangwe ba ne ba tshegetsa



Sabata fela. Ka kgwedi ya Mopitlo a le supa ngwaga wa 321 morago ga loso lwa ga Keresete, Constantine yo mogolo a ntsha molao wa go tshegetsa letsatsi la Sontaga e le la ntlha, a pateletsatso batho botlhe kwa ntle ga barui mo lefatsheng la Roma go ikhutsa ka Sontaga. Se, le melao e mengwe e methlano e e kwadilweng ke ene Constantine e bua ka Sontaga, sa baya kobamelo ya Sontaga molao go fitlhela gompieno. Mo dingwageng tse di dikete tse di lekgolo tsa bone, Khansele ya Laodicea ya kganelia Bakeresete go ikitsa go dira ka Sabata, mme ba ba kgothatsa go tlota Sontaga ka go tlhoka go bereka fa go tlhokega.

Ditsi di supa fa kobamo ya Sontaga le go le tlota e le selo se se dirilweng ke motho. Baebele ga efe tetla epe ka go kgophela Sabatla ntle, se se tswa mo molaong wa bone. Moperofeti Daniele o ne a sale a boletse gole pele gore e tlare mo motlheng wa Sekeresete, go nne le nonofo e e tsietsang e e tla lekang go fetola molao wa Modimo (Daniele 7:25).

## 6. KE MANG YO O DIRILENG PHETOGO?

Ke mang yo o fotoletseng Sabata go tswa mo letsatsing ja bosupa go ya go la ntlha semmuso? Phuthego ya Katoliki e ipolela fa e dirile jalo. Mo maitekong a go boloka lefatshe la Roma le le neng le nyelela, baeteledi pele ba ba tlotlegang ba diphuthego, ba bo ba mpampetsa ba leka go fetola letsatsi la kobamelo go tswa go Sateretaga go ya go Sontaga. Katakasima ya Kereke ya Roma e balega jaana:-

POTSO - "Letsatsi la Sabata ke lefe?"

KARABO - "Sateretaga ke letsatsi la Sabata".

POTSO - "Ke eng fa re obama ka Sontaga gona le ka Sabata?"

KARABO - "Re obama ka Sontaga mo boemong jwa Sateretaga ka gore Kereke ya Roma e fotoletse boitshepo go tswa go Sateretaga go ya go Sontaga". (Peter Geiermann, *The Convert's Catechism of Catholic Doctrine* (1957 edition) tsebe 50.

Ba kereke ya Roma, ba itsisitse ka boikgogomoso gore baeteledi pele ba diphuthego ke bone ba dirileng phetogo.



"Letsatsi le le boitshepo, Sabata, e fetotswe go tswa go Sateretaga go ya go Sontaga... eseng go tswa mo go lepe la dikwalo, mme e leng go tswa mo nonofong ya kereke... Batho ba ba akanyang gore dikwalo di tshwanetse go nna tsone tse di kaelang ba tshwanetse go nna batshegetsi ba letsatsi la bosupa, ba itshepise Sabata." (Cardinal Maida, Archbishop of Detroit, *Saint Catherine Catholic Church Sentinel*, Algonac, Michigan, May 21, 1995.)

## 7. DIKEREKE TSE DINGWE TSA KGANETSO TSA RENG?

Dikwalo tsa semmuso tse di supang ditumelo tsa diphuthego tse dingwe, di dumela fa Baebele e sa fe tetla ya kobamo ka Sontaga.

Martin Luther yo e leng mothei wa phuthego ya Lutere, o kwadile Augsburg Confession Article 28 Paragraph 9 are "Ba (baphuthegi ba Roma) bolela fa Sabata a fotogetse go Sontaga, letsatsi la Modimo kgatlhanong le Melao e some,... gape ga gona sekai sa maikgantsho bogolo fa e se sa go fetola letsatsi la Sabata. Bogolo, ba rialo, ke nonofo le thata ya taolo ya phuthego, fa e sale ba fiwa ditaolo tse some. Baithuti ba boruti ba kereke ya Methodist, e bong Amos Binney le Daniel Steele ba ne ba batlisisa me ba

lemoga: "Go boammaaruri, ga go na taolo epe ya kolobetso ya masea... lefa e le epe ya go boloka letsatsi la ntla la beke." - *Theological Compend* (New York: Methodist Book Concern, 1902), ditsebe 180,181.

Dr. N. Summerbell, moithuti wa ditso tsa barutwa ba ga Keresete kgotsa phuthego ya Sekeresete, o ne a kwala jaana: "Phuthego ya Roma e ne e tlhanogile gotlhelele... E ne ya fetola Taolo ya Bone ka go latlha Sabata wa Lefoko la Modimo, mme ya tlhoma Sontaga jaaka letsatsi le le boitshepo." - *A True History of the Christian and the Christian Church*, ditsebe 417, 418.

## 8. KGANG YA BOAMMAARURI KE ENG?

Se se re lere kgatlha thu! le dipotso: Ke eng fa Bakeresete ba bantsi ba boloka Sontaga kwa ntle ga taolo ya Baebele? Le se se botlhokwa segolo: Ke ka boloka letsatsi lefe? A ke ke latele ba ba reng, "Ga ke bone fa go dira pharologanyo epe gore ke boloka letsatsi lefe fela fa ke boloka lengwe mo go a a supa."? Kgotsa, a ke ke tseye go le bothokwa letsatsi le Jesu, Motlhodi wa rona, O le tlhomileng fa A ne A tlhola lefatshe la rona; le letsatsi le Modimo O le supileng mo Ditaolong tse Some: "letsatsi ja bosupa ke Sabata"?

Fano re bua ka go feta tshupo fela ya ka kwa ntle, gore tota ke lefe letsatsi le le boammaaruri go ya ka Baebele. Kgang e e botlhokwa fa, ke ya kutlo mo go Jesu. Motlhodi wa rona O ne A beela kwa thoko Sabata jaaka letsatsi le le "boitshepo", jaaka nako ya gore rona le malwapa a rona re tle gaufi Nae go batla nonotsho le tshafatso. Ke ke utlwe mang? A ke ke utlwe Keresete, Morwa Modimo, kgotsa ngwao ya setho mo kgannyae ya gore ke itshepisa letsatsi lefe? Itlhophelo e papametse: dithuto tsa batho kgotsa ditaolo tsa Modimo. Lefoko la batho kgotsa lefoko la Modimo. Se se emiseditsweng ke batho kgotsa taolo e e boitshepo?



Moperofeti Daniele o naya tlhagiso mo go ba ba ka "lekang go fetola dinako tse di tlhomilweng le melao" (Daniele 7:25, NIV) [ba ba lekang go fetola dipaka le molao (Daniele 7:25 NKJV)]. Modimo o bitsa batho ba gagwe gore ba boele mo kutlong. O ba laletsa go boloka letsatsi la Sabata e le sesupo sa boineelo le lorato mo go Ene.

Jesu O ne A re, "Fa lo nthata lo tla tshegetsa ditaolo tsa Me" (Johane 14:15). Mme O sololetsa bottlalo jwa boipelo mo go ba ba Mo ratang mo go lekanyeng gore ba boloke ditaolo tsa Gagwe (Johane 15:9-11). Re na le Mmoloki yo o gakgamatsang. O tlhololetswe gore re bone lorato Iwa Gagwe ka bottlalo jwa lone. Pelo ya kutlo ya boitetlo e bulela lorato loo kgoro.

Kwa tshimong ya Gethesemane Keresete O ne A ineela ka mo go feletseng mo go rateng ga ga Rragwe - lefa etswa A ne A lebaganye le mokgoro mme maleo a lefatshe a somola botshelo jwa Gagwe. E ne ya re fa A lelela kwa Modimong, "Tlosa senwelo se mo go nna," A fela A ineela mo ikuelong ya Gagwe, A oketsa ka gore, "Mme e seng go rata ga Me, e leng go rata ga Gago" (Mareko 14:36).

Keresete O tlhololetswe gore re itemogele bottlalo jo bo leriweng ke botshelo jwa boineelo. Mme gape O batla gore re itemogele boipelo jwa boikhutso jwa Sabata. O batla gore re Mo ikanye mo go lekanyeng go Mo utlwa mo dintlheng tsotlhe tsa botshelo. Fa o araba pitso ya Modimo o bo o utlwa ditaolo tsa Gagwe tsotlhe, o tla itemogela tsholofetso ya ga Jesu ya gore boipelo jwa Gagwe bo tla nna mo go wena le boipelo jwa gago bo tla nna bottlalo (bona Johane 15:11).

## A MODIMO O TSHIAMO?

Mosimanyana mo toropong-kgolo nngwe, o bolailwe ke lerumo le le neng le tswa mo tlhobolong e e fudilweng ke segopa sa dirukuthi, fa a ntse a tsweletse le go dira tiro ya gagwe ya sekolo mo tafoleng lapeng la bone.

Mme mongwe o fitlhela fa ngwana wa gagwe a na le mogare wa AIDS a o tsere mo go thelweng madi a a amegileng.

Ditiragalo di a tswelela mo lefatsheng la rona. Mme re eletsa thata go utlwa dikarabo tsa mo gotlhe. Modimo o kae mo lefatsheng le le senang pelotlhomogi le tletse tshotlego le loso? Mopesalema o re rurifaletsa gore "lefatshe le tletse lorato lwa gagwe lo lo sa palelweng" (Pesalema 33:5). Mme fa e le gore se ke boammaaruri, ke eng a sa fedise tshotlego le ditiragalo tse? Kgaolo ya bo 20 ya lokwalo lwa ga Tshenolo e supa gore ke jang le leng fa Modimo a tla tlisang bokhutlo jwa sebe le go boga.



### 1. DINGWAGA TSE DI SEKETE DI BIPOLOTSWE

Tshenolo 20 e simolola ka dingwaga tse di sekete tse di latelang go tla ga ga Keresete ga bobedi. Ditirafalo tse di amang sebaka sa dingwaga tse di sekete ke tirafalo ya bofelo ya kgothang fa gare ga ga Keresete le Satane tse di ntseng di tsweletse fa esale sebe se tsena mo lefatshing.

Tirafalo e e simolotse kwa legodimong fa Lusefera a fufegela Keresete, a simolola ntwa le baengele ba ba sa wang, a kobiwa - a kobelwa mo lefatshing la rona. Tirafalo ya tswelela mo tshimong ya Edene, ya fologela le metlha go fitlhela e fitlha mo setlhoeng fa Satane a gatelela batho go bapola Keresete. (O ka eletsa go seka-seka polelo e e botlhokwa e mo kaelong ya boraro).



Tirafalo e tla fitlhelela setlhoa sa yone sa bofelo mo bokhutlong jwa dingwaga tse di sekete fa lefatshe la rona le le bosula le phephafadiwa le bo le bewa ka fa tlase ga taolo ya ga Keresete. Tshenolo 20 e re bontsha gore lo baka lwa dingwaga tse 1000 lo farologangwa ke ditsogo tse pedi.

Modimo o tsosa bomang mo baswing mo tsogong ya ntlha e e dirafalang mo tshimologong ya dingwaga tse 1000?

**"Gosego e bile go boitshepo ba ba tlaa nnang le karolo mo tsogong ya ntlha. Loso lwa bobedi ga lo na nonofo mo go bone, mme ba tlaa nna baperesiti ba Modimo gape ele ba ga Keresete mme ba tlaa busa le ene mo dingwageng tse di sekete."** - Tshenolo 20:6. (fa ese go tshwaetswe dinopolotsotho tsa lefoko mo kaeding ya TLHOTLHOMISA - a tswa mo go New International Version ya Baebele ya [NIV].)

Ba "ba sego le boitshepo", ba ba amogetseng Jesu jaaka Mmoloki, ba tla mo "tsogong ya ntlha." Fa basiami ba ka "busa le" Keresete mo dignwageng tse 1000, ba tshwanetse go tsosiwa mo tshimologong ya dingwaga tse di 1000.

Ke bafe ba ba tsosiwang mo tsogong ya bobedi mo go tswalweng ga dingwaga tse di sekete?

**"Bangwe ba baswi ga baaka ba tla mo botshelong go fitihela dingwa tse di sekete di khutlisiwa." - Tshenolo 20:5.**

"Bangwe ba baswi" ka gore basiami, "Ba ba sego le boitshepo" ba tsosiwa mo tshimologong ya dingwaga tse 1000 go tshwaiwa ke tsogo tse pedi.

Ye ke tsogo ya basiami mo tshimologong ya tsone, le ya baikepi mo tswalong ya tsone.

## 2. GO TSOSIWA KWA GO TLENG GAGA KERESETE

Tsogo ya nthha, ya basiami e dirafala mo go tleng ga bobedi ga ga Keresete.



**"Ka gore Morena ka sebele o tla fologa kwa legodimong, le.... Pitso ya Modimo ka terompeta, mme baswi mo Moreneng ba tla tsoga pele. Morago ga moo, rona ba re santseng re tshela mme re setse re tlaa kopana le bone momarung go kopana le Morena mo lowaping mme re tlaa nna le Morena ka bosakhutleng." - 1 Batheselonia 4:16-17.**

Fa Jesu a tla mo lefatshing le gape, O tsosa "baswi mo go Keresete" a bo a ba tsaya, ga mmogo le basiami ba ba tshelang, go ya legodimong ka gore baikepi ba setse ba ngaparetse sebe, ga ba kake ba tshela mo boleyong jwa Modimo mme ba senngwa mo go tleng ga ga Keresete (Luke 17:26-30). (O ka eletsa go sekaseka mo kaelong ya 8, ditirafalo tsedi amanang le go bowa ga ga Jesu).

## 3. SATANE A BOFILWE KA DIKEETANE MO LEFATSHING MO LOBAKENG DINGWAGA TSEDI SEKETE

Fa dingwaga tse 1000 di simologa, basiami botlhe ba ile legodimong mme baikepi ba sule botlhe go tla dirafala eng mo lefatshing le mo dingwageng tse 1000?

**"Mme ka bona moengele a fologa ko legodimong a tshotse sekopolo sa molete mme a tshotse mo seatleng sa gagwe keefane e kgolo mme a tshwara kgogela, nogya bogologolo, eleng Diabolo kgotsa Satane, a mmofa ka lobaka la dingwaga tse di sekete. A mo latlhela mo moleteng, mme a lotela, a khurumetsa fa godimo fa gagwe, go mo itsa go raela dichaba go fitlhelela bokhutlo jwa dingwaga tse di sekete." - Tshenolo 20:1-3.**

Mo go tleng ga ga Jesu Satane o a tshwarwa mme o tla sala mo diketaneng mo lobakeng lwa dingwaga tse 1000. Satane o ya go bewa mo botshwarang kae? Mo "mole teng", lefoko la segerika le le rayang "boteng-feng" kgotsa "boteng jo bo senang bolekeletso". Mo go Genesise 1:2 kgolagano ya segerika mo kgolaganong e kgologolo e dirisa lefoko "Klolete" go tlhalosa lefatshe le le mo seemong se se tobekanyeng pele ga malatsi a tlholo a simologa. Jaanong lefatshe la rona ke molete o Modimo a tshwarelang Satane mo go one.



Dikwalo di tlhalosa Satane a tshwerwe ka "keetane e kgolo." A se ke keetane ya boammaaruri? Nyaa, ke setshwantsho, keetane ya diemo.

Satane o ka eletsa go tswelela a raela batho mo dingwageng tse 1000, mme ga a kake a bona basiami ba a ka ba raelang, ka gore ba kwa legodimong. Mme ga a kake a bona moikepi yo o ka mo etelelang ka gore botlhe basule ba robetse mo leroleng lwa lefatshe. Ga go kgonege gore a raele ebile a tsietse ope, o tsamaya mo lefatsheng le le senang sepe a gateleiwe ke go tsenelela matlhoko otlhe a pelo, le dikutlobotlhoko tse a di bakileng.

#### 4. BASIAMI BA ATLHOLA BAIKEPI

Lobaka lwa ngwaga tse di sekete gape ke nako ya katlholo. Mme gakologelwa gore katlholo e na le dikgaolo tsa konokono dile nne.

- 1) Katlholo pele ya Masala a basiami pele ga gotla ga bobedi ga ga Keresete.
- 2) Maduo a basiami mo go tleng ga bobedi.
- 3) Katlholo ya baikepi mo dingwageng tse di sekete.
- 4) Maduo a ga Satane le baikepi mo bokhutlong jwa sebaka seo. (O ka eletsa go sekaseka kaelo 13 le kgato 1 le 2 ya katlholo tsheka-tsheko le maduo a basiami). Re tla lebelela kgato 3 le 4, tsheka-tsheko le maduo a baikepi.

Re bonye gore baswi ba ba tshiamo ba ba tsotisweng le basiami ba ba tshelang ba tseelwa kwa legodimong mmogo mo go tleng ga bobedi ga ga Keresete. Ba kwa gae kwa legodimong mo lobakeng lwa dingwaga tse 1000. Ba tla bo ba dira eng?

**"A o itse gore BAITHEPI [ba bolokwa] BA TLA ATLHOLA LEFATSHE? ... A o itse gore re tla atlola baengele?" - Bakorintha 6:2-3.**

**"KA BONA DITERONE TSE MO GO TSONE GONENG GO NTSE BA BA FILWENG TETA YA GO ATLHOLA... BA TLA MO BOTSHELONG BA BUSA LE KERESETE DINGWAGA TSE DI SEKETE." - Tshenolo 20:4.**



Mo sebakeng sa dingwaga tse 1000, basiami ba tla seka-seka ditsheko tsa baikepi ba setho le baengele ba ba oleng, go balelw le moetoledipele wa bone Satane. Go tshwanela jang bagaka, bafenyi le batshabi ba ntwa ba ba ngaparesteng lefoko le le boitshepo go seka-seka le go tlhaloganya katlholo ya Modimo mo baikeping.

Modimo o neetse setho tshegofatso le sebaka sa go ganelia tirisanyo ya gagwe le baikepi. Re ka nna le dipotsa tse dints, jaaka: "Ke eng fa rakgadi a se fa? O ne a lebega e kete ke motho yo o molemo." Fa re boeleta dipego re atlola baswi "go ya ka fa ba dirileng ka teng go begilwe mo Dikwalong" (temana 12). Re tla iponela ka sebele gore mo

go direng ga Gagwe le batho, Modimo o ne a le tshiamo le mongwe le mongwe. Re tla bona ka fa Moya o Boitshepo o neileng batho sebaka morago ga sebaka go ikanya mo Modimong, mme tshiamo ya sengwe le sengwe e tla papamala.

#### 5. SATANE A GOLOLWA FA DINGWAGA TSE DI SEKETE DI FELA

Mo go tswalweng ga dingwaga tse 1000, Baebele e tshwaela jaana:

**"Ka bona motse o o boitshepo, Jerusalema yo mosha, o fologa mo legodimong o tswa kwa Modimong, o etleeditstswe jaaka monyadi yo o kgabetseng monna wa gagwe." - Tshenolo 21:2.**

Motse mogolo o montle o ntse ele legae la rona mo dingwageng tse di sekete. Jaanong toropo-kgolo e e boitshepo - le Keresete le batho botlhe ba a ba bolokileng moteng - ba fologa legodimong go tla mo lefatshing la rona.

Satane o dira eng mo tswalweng ya dingwaga tse 1000?

**"Fa dingwaga tse di sekete di sena go fela, Satane o tlaa gololwa mo kgolegelong ya gagwe mme o tla tswa a ya go raela dichaba mo dikhutloeng tse nne tsa lefatshe... go ba phuthela ntwa. Mo palong batho, ba kana ka moshawa o o mo lotshitshing la lewatle. Ba gwanta mo lefatshing ka**

**bophara. Badikologa kampa ya batho ba Modimo, le motse o mogolo o A o ratang."** - Revelation 20:7-9.

Baikepi ba tsosiwa mo tsogong ya bobedi mo tswalang ya dingwaga tse 1000 (temana 5). Fa basiami ba fologela mo lefatshing mo toropong-kgolo e e boitshepo, mme baikepi ba bo ba tsoswa, Satane, o tla gololwa ka sebakanyana" (temana 3). Ene gape a na le baikepi go ba etelela kgatlhanong le basiami jaaka se a se ikaletseng, a sa senye sebaka o simolola go rulaganya baikepi mo mophatong o mogolo. Satane o fa taolo ya go gwanta kgatlhanong le motse-mogolo. Jaaka baikepi ba ipaakanya go ya ka maemo ba dikologa Jerusalema yo mosha (verse 9) ba lemoga ka tebo e bofelo ka ga letshogo le le boifisang la go latlheda go latlheda ka bosakhutleng.



## 6. SESUPO SA KATLHOLO YA BOFELO

Fa, lantilha, setho sotlhe se kopana difatlhogo di lebanye. Jesu O etelela bana ba Modimo ba ba rekolutsweng ba ba mo teng ga motse-mogolo.

Satane a bo a etelela boidiidi jwa baikepi ba ba kontle ga makotswana. Mo sebakeng se se pitlaganyeng se, Modimo o tla bo a simolola kgaolo ya bofelo ya katlholo mme baikepi ba bo ba amogela letsatsi la bone mo kgotla-tshekelong.

**"Mme ka bona setulo se segolo sa bogosi... le yo o neng a ntse mo go sone... mme ka bona baswi, bagolo le bannyne ba eme fa pele ga terone, mme... baswi ba atlholwa go ya fa ba dirileng ka teng jaaka go kwadilwe mo dikwalong."** - Tshenolo 20:11, 12.



Jaaka baikepi ba ema fa pele ga terone ya tshekiso, botshelo jotlhe bo bulega fa pele ga bone. Go tswa mo mekwalong e e kwa legodimong, Jesu, moatlhodi yo o tshiamo, O phuthulola polelo e tletseng ka go dira ga gagwe le banna, basadi le baengele ba ba oleng. Lebopo lotlhe le lebelela ka kgathego e e tseneletseng. Ba eme fa pele ga terone ya Modimo, Jesu o neela mongwe le mongwe tebo e eletsegang ka tiro ya Gagwe ya thekologo. O tlhalosa gore o tsile go batla le go boloka ba ba timetseng. O tsenye mo lefatsheng la rona ka nama ya setho, a tshela botshelo jwa sebe fa gare ga tielo le diteko, mme a tswa setlhabelo mo mokgorong, a dira jaaka Moperesiti wa rona mo legodimong. Kwa bokhutlong fa ka kutlobotlhoko Keresete a gatela pele abo a fetisetsa katlholo mo go

ba bai tlhophetseng go gana tshegofatso ya Gagwe, se tshedi sengwe le sengwe mo lefatshing se tla amogela tshiamo le botlhokwa jwa tiro ya katlholo ya selegodimo.

**"Re tla ema rotlhe fa pele ga setilo sa Modimo sa katlholo". Go kwadilwe: "Fela jaaka ke tshela; go bua Morena, 'lengole lengwe le lengwe le tla obama fa pele ga Me; leleme lengwe le lengwe le tla ipolela fa pele ga Modimo."** - Baroma 14:10-11.

**"Keresete Jesu... One a nna boikobo go fitlhela kwo losong - le eleng loso mo mokgorong!... ka leina la ga Jesu mangole otlhe a tla khubama, kwa legodimong le mo lefatsheng, ... le gore diteme tsotlhe di bolele fa Jesu Keresete ele Morena, kgalaletsong ya Modimo Rara!"** - Bafilipi 2:5-11.

Go simolola fela fa sebe se simologa, Diabole o ntse a senya popego ya Modimo, a mo tshwaya phoso ya go tlhoka tshiamo. Mme jaanong dipotso tsotlhe di arabilwe dithhakathhakano tsotlhe di rarabolotswe. Jaanong setschedi sengwe le sengwe mo lobopong se amogela gore Jesu, Kwana ya Modimo, O tshwanelwa ke lorato Iwa rona le kobamelo. Leano lotlhe le maikaelelo a Modimo a senotswe ka botlalo, mme popego ya Modimo e eme ka boammaaruri.

E seng fela babolokwa, le baengele ba ba bosula le Satane ka sebele ba tla bolela gore ditsela tsa ga Satane dine di sa siama le gore ditsela tsa Modimo di tshiamo le boammaaruri. Botlhe ba bona gore bosula le bopelotshethla di gogetse fela kwa kutlobotlhokong le go tlhoka go kgotsofala mme ga gona mosola wa go tswelela.

## 7. SEBE SE KOPANA LE BOKHUTLO JWA SONE

Lefa Satane le boidiidi jwa batho ba ba boikepo ba dumela gore ditsela tsa Modimo di tshiamo, dipelo tsa bone ga di fetoge, dipopego tsa bone di sala di ntse di le bosula. Mme fa katlholo e sena go fetisiwa, baikepi:

**"Mme ba saila fela ba ralala boatlhamo jwa lefatshe, mme ba dika botlhaolelo jwa baitshepi, le ona motse o o rategang. Mme molelo wa fologa kwa legodimong, wa ba laila. Mme Diabolo yo o ba tsieditseng a latlhelwa mo bodibeng jwa molelo le sulefura.... Mme loso le bobipo tsa latlhelwa mo bodibeng jwa molelo. Bodiba jwa molelo ke jone loso lwa bobedi. Mme fa mongwe a ne a fitlhelwa a sa kwalwa mo lokwalong lwa botshelo a latlhelwa mo bodibeng jwa molelo." - Tshenolo 20:9-15.**

Mo katlholong ya bofelo molelo wa Modimo o sa khutleng o tla senya sebe le ba ba se ngaparetseng ka bomo. Satane le botlhe ba ba timetseng ba nyelela mo "losong lwa bobedi", loso lwa bosakhutleng le go senang tsogo mo go lone. Tiro ya bone ya boingaodi e tlogetse baikepi ba sa lekana boitumelo jwa boamaruri, mme ba senngwa le Diabolo le baengele ba gagwe. Molelo wa selegodimo o phephafatsa gotlhelele lefatshe le tshenyo ya sebe. Modimo onna le lebopo lo lo phepha kwa bofelong, a sa tlhole gape a tshoswa ke bosula. Tiilo e e mashetla fa gare ga tshiamo le bosula, fa gare ga ga Keresete le Satane, kwa bokhutlong e fedile, mme Keresete o a busa. Disiro di awa mo setshwantshong sa bogologolo sa sebe, mme go bo go tlhaga mo kgalalelong lefatshe je lescha la dikgonego tse di senang selekanyo.



## 8. LEFATSHE LE NTLHAFADIWA LE DIRWA LESHA

Go tswa mo moloreng wa bokhutlo, phephafatso ya tshenyo ka molelo, Modimo o tla bopa lefatshe le lescha.

**"Mme ka bona legodimo je lescha le lefatshe je lescha; gonne legodimo ja ntlha le fetile, le lefatshe la pele... Mme ka bona motse o boitshepi, Jerusalema yo mosha o fologa mo legodimong o tswa kwa Modimong... ' Bonang boago jwa Modimo bo mo bathung, mme o tla aga nabo, mme ba tla nna batho ba ona, le Modimo ka osi o tla nna nabo, mme o tla nna Modimo wa bone. Mme o tla phimola dikeledi tsotlhe mo matlhong a bone. Mme ga go kitla go tlhola go le loso lefa ele bohutsana lefa ele selelo lefa e le botlhoko ka gore dilo tsa pele di fetetse ruri... Ke dira dilo tsotlhe disha!" - Tshenolo 21:1-5.**



Le buseditswe mo tshimologong ya lone ya bontle, lefatshe le nna legae la babolokwa ka dipaka tse di sa khutleng. Le golotswe mo bopelotshetheng bolwetsi, le mo pogisegong, re na le lebopo lotlhe go le kanoka, botsalano jo bontle go bo simolola, le bosakhutleng jwa go nna fa dinaong tsa ga Jesu go reetsa, go ithuta le gorata. (Go tsaya tlhaloso e tletseng ya lefatshe je lescha, o ka eletsa go bala gape kaelo 9).

O loga leano la gore o bo ole fa kae mo letsatsing jeo? A o tsere tshwetso ya go nna le Keresete mo teng ga motse mogolo o bo o

bolokwa ka bosakhutleng? Kgotsa o tla bo ole kwa ntle ga motse-mogolo o sena le Keresete o bo o latlhega ka bosakhutleng?

Fa o beile botshelo jwa gago mo mabogong a ga Jesu, ga go tlhokafale gore o itemogelege masaitseweng a a tshosang a ba ba tla bong ba le kwa ntle ga motse-mogolo ba ba lemogang gore ba timetse ka bosakhutleng. Go sa kgatlhalesege gore botshelo bo go tiseditse eng, fa o bayo botshelo jwa gago mo diatleng tsa ga Jeso gompieno, o ka nna moteng ga motse - mogolo le Keresete le babolokwa. Fa o ise o dire jalo, neela Jesu pelo ya gago jaanong, mme o tla go sireletsa ka lorato lwa gagwe le boitshwarelo. Se ke sebaka sa gago. Le ke letsatsi la gago la poloko.

## BOBIPO KE ENG EBILE BO KAE?

Polao e e senang tlhaloganyo e ne ya dirafala fa moithuti mongwe a tsenna mo sekolong sa bone a bo a ganyaola baithuti ka ene ba le mokawana. Rre mongwe yo o neng asa itumela a tsena mo lifelong le a kileng a bo a direla mo go lone, mme a fula yo e neng ele mogolwane mo go ene fa a ne a santse a dira. Mme mongwe, one a kgarameletsa koloi ya gagwe mo nokeng e tletse metsi mo go yone go le bana ba gagwe ba babedi a bo a ba betisa metsi.



Bontsi jwa batho mo Mafatsheng, bo bolailwe go dira ditlhabelo, kgotsa go ntsha senyama mo go one. Mo go bakiwa ke dikgotlhhang tse do mo ditshabeng. Banna, basadi, bana le masea ba hudilwe, ba segakwa, ba betswa ba bo ba betelelw. Go othaya batho ba ba dirang ditiro tse ka polao, go kgalwa ke ba le bantsi. Ditlhophpha tse di kgatlhanong le katlholelo loso di ganeletska kwa godimo ba go bitsa setlhabelo se se bosula se e seng sa setho. Ba botsa gore a babolai ba, ga ba kake ba bolokwa?

Tselo ya setho ya go otlhaya babolai ke efe? Setilo sa motlakase? Bangwe ba akanya mokento o o nang le botlhole e le one o ka sekeng o bake botlhoko. Bangwe ba santse ba bona fa go kalediwa, go ka dira tiro ka bofeso.

Mo puanong e ya katlholelo loso, go na le tsela nngwe e go senang ope yo o e lemogang. Ga gona ope yo o abeielang gore babolai ba, ba ba fedisitseng matshelo a batho, ba duela go le botlhoko ka go sotlakwa go ya losong. Ga go na ope yo o kileng are bogolo ba she ba iketlile go fitlhela ba swa.

Mme Bakeresete ba le bantsi ba tsaya gore Raetsho yo o kwa legodimong o tlie go dira mo go gaisang mo. Ba ba boikepo, ba tshwanetse ba kgojwa go duelela dibe tsa bone. Eble ba bona ka fa ba tla atlholwang ka teng ke Modimo, e le pogiso e e sa feleng.

Tota go dirafala eng ka ba ba boikepo? Ba tsena jang mo loratong lwa Modimo le katlholo? A re battle karabo ya Baebele.

### 1. PHATLOGO - PELO YA BOFELA YA GA JESU

Mo dingwageng tse di dikete tse thataro, Modimo o tse a kopa banna le basadi:

**"Jaaka ke tshela, go bua Morena wa Mashomoshomo, ga ke ipelafatse ka loso lwa moikeyi, fa e se gore a fetoge mo ditsegeng tsa gagwe tsa boikepo, a tshele." - Esekile 33:11.**



Mokgoro o supa ka fa Modimo o batlang go golola setho. Fa Jesu a goa mo mokgorong, "Rra baitshwarele go nne ga baitse se ba se dirang", o ne a senola pelo ya gagwe e e ubang. (Luke 23:34) Morago Jesu a neela moyo, mme bangwe ba dumela fa a sule ka pelo ee phatlogileng (Johane 19:30, 34).

Mme le ka tshupelo e e nonofileng ya lorato ba le bantsi ga ba kitla ba sala Jesu morago. Fela fa sebe se santse se busa mo lefatsheng, se tla tswelela se oketsa kutlobotlhoko ya setho. K jalo, sebe se tshwanetse go nyelediwa. Modimo o rulaganya go fedisa sebe jang?

**"Letsatsi la Morena le tlatla ... Magodimo a tla nyelela ka loshoa lo lo golo, mme gotlhe go tla nyelediwa ke bobipo/molelo mme LEFATSHE LE TSOTLHE TSE DI MO GO JONA DI TLA TSHUBIWA." - 2 Petere 3:10,**

## Bokhutlo.

Modimo o tshwanetse go tlhatswa lobopo a bo a nyeletse sebe. Bao ba ba ganelelang mo boleong, ba tla felela ba nyeleditswe ke molelo o, o o baakanyeditsweng go nyeletsa mmaba Diabolo le baengele ba gagwe le boleo mo lefatshing ja rona. A nako e e phatlolang pelo mo go Jesu, go bona molelo o nyeletsa batho ba ba suleng gore a tle a ba boloke.

## 2. KAE, LENG FA BOBIPO BO SHA?

Kgatlhanong le dikakanyo dingwe, Modimo ga a na felo gongwe kwa go shang jaanong e leng dihele, kwa baleofi ba shang teng ba bo ba ya teng fa ba swa. Bobipo bo nna fa lefatshe leno le fetolwa go nna molapo wa molelo. Modimo o emetse go dirafatsa katlholo mo baikeping go fitlhela katlholo ya bofelo kwa bokhutlong jwa dingwaga tse di dikete tse di lekgolo. (Tshenolo 20:9-15).

**"Modimo o itse go goloa ba gagwe mo ditekong le go tshegetsa ba ba tshiamololo, go emela katholo go fitlhela LETSATSI LA KATHOLO." - 2 Petere 2:9.**



O tlhatswa lefatshe la rona ka molelo wa gagwe o o itshekesang.

**"Legodimo la gompieno le lefatshe, di beetswe molelo, di beetswe letsatsi la katlholo le go nyelediwa ga batho ba ba tshiamololo." - 2 Petere 3:7.**

Modimo ga o a rulaganyetsa motho ope go sha mo bobipong. Mme fa batho ba gana go kgaogana le mmaba Satane, mme ba ngangatlela maleo a bone, ba tshwanetse go amogela maduo a bone ka botlalo.

**"Mme o tla raya bao ba ba mo letsogong la gagwe le le bottlana are, 'tlogang fa lona ba lo hutsitsweng, lo ye go sha kwa Molelong o o baakanyeditsweng Diabolo le baengele ba gagwe.'" - Mathaio 25:41.**

Go ya ka Jesu, bobipo bo a go sha leng?

**"Jaaka fa mhero o tlhogolwa, o bo o fiswa, go tla nna fela jalo ka bofelo jwa dingwaga. Morwamotho otla romela baengele ba gagwe, mme ba tla tlhagola bogosi jwa gagwe sengwe le sengwe se se dirang Ioleo le ba ba dirang bosula. Ba tla ba latlhela mo moleting kwa go tla nnang selelo le khuranyo ya meno." - Mathaio 13:40-42.**

Mhero, badirabosula, ga di she go fitlhela lefatshe le ya bokhutlong. Pele ga katlholo e e dirafadiwa, lobopo lotlhe lo tshwanetse go rurifalediwa gore Modimo o nnile tshiamo mo tirisanyong ya gagwe le batho. Jaaka fa go tlhalositswe mo kaelo 22, mo ntweng e kgolo e e tsweletseng fa ga re ga ga Jesu Keresete le Saatane, Saatane o ntse a leka go supegetsa lefatshe gore botshelo jwa boleo ke jone jo bo siameng. Jesu o ntse a kaya fa botshelo jwa kutlo e le jone jo bo gogelang kwa botshelong jo bo kgotsofatsang.



Kwa bokhutlong jwa dingwaga tse di sekete tshupegetso e, e tla dirafala mo katlholong ya ga diabolo, baengele ba gagwe le ba ba boikepo. Fa dikwalo di sena go bulwa, tse di supang karolo e mongwe le mongwe a e tsereng mo botshelong Modimo o tla latlhela Saatane, Leso, lebitla le mongwe le mongwe yo leina la gagwe le sa fitlhelwang mo bukeng ya botshelo mo moleting wa molelo (Tshenolo 20:14-15). Go ya ka temana e latelang, (Tshenolo 21:1), fa Modimo a

sena go ntlafatsa lefatshe mo boleong ka molelo, "o tla tlhola legodimo le lesa le lefatshe le lesa."

### 3. BOBIPO BO TLA SHA LOBAKA LO LO KAE?

Badumedi ba le bantsi ba amogea mogopolo wa gore molelo wa bobipo o tla nnela ruri, mo go raya gore batho ba tla boga go ya go ile. A re lebe sentle mo dikwalong tse di tlhalosang ka fa Modimo o tsayang baleofi le sebe ka teng.

**"O tla otlhaya ba o ba ba saitseng Modimo, gape ba sa obamele efangele ya Morena wa rona Jesu. Ba tla otlhaiwa ka mo go sa khutleng e be ba tswalelwa kwa ntle ga Modimo le mo nonofong ya gagwe." - 2 Bathesaloni 1:8, 9.**

Tswee-tswee ela tlhoko gore "katlhao e e sa khutleng" ga e tshwane le "go boga mo go sa khutleng". Go raya gore go senyega mo go nnelang ruri. Poelo ya teng ke loso lo lo sa khutleng. Petere o ne a bua ka letsatsi la katlholo le "gonyelediwa ga batho ba ba senang bomodimo" (2 Petere 3:7).

Ka fa Jesu a baying kgang e ka teng, Moya le mmele di nyelediwa mo bobipong. (Mathaio 10:28). Mo therong ya gagwe fa ale kwa Thoteng ya Lotlhware, Jesu o buiel ka kgoro e tshesane " e e isang botshelong", le tsela e sephara e isang kwa go nyeleleng. (Mathaio 7:13, 14) Mo go (Johane 3:16), jesu o tlhalosa gore Modimo o" ntshitse morwawe yo o tsetsweng a le esi", gore lefa e le mang yo o dumelang mo go ene, a seka a nyelela mme a bone botshelo jo bo sa khutleng. Jesu o tshwantshanya dilo tse pedi e bong go tshela ka bosakhutleng le go nyelela - eseng go sha ka bosaengkae. Re tshwanetse ra akanya fa bobipo bo na le kwa bo felelang teng, se se baka loso le go nyelediwa ga ba ba boikepo.

Ditshetlana dingwe mo Beebeleng di re bolelela fa baikepi ba nyelediwa. "Baikepi ba tla kgaolwa (Pesalema 37:28), ba "tla nylela" (2 Petere 2:12), ba tla nyelela jaaka mosi" (Pesalema 37:20). Molelo o tla ba dira Molora (Malaki 4:1-3)" Maduo a boleo loso" e seng botshelo jo bo sakutleng mo molelong wa bobipo, "Mpho ya Modimo ke botshelo jo bo sakutleng" (Baroma 6:23).

Mosola wa katlhao ya bofelo mo molelong wa bobipo ke go tlosa lefatshe la sebe, eseng go babalela sebe go ya go ileng. Go thata ya lenseswe go akanya gore Keresete yo a ledileng, a lelela Jerusalema yo o bogoma, le yo o itshwaretseng ba ba mmolaileng o tla kgona go nna ka bosakhutleng a lebeletse matlhotlhapelo a ba ba hutsitsweng.



Bobipo bo na le bokhutlo e le ruri. Kwa bokhutlong jwa dingwaga tse di sekete, Modimo o nesa. Pula ya molelo a bo a tlosa Diabolo le baengele ba gagwe, le ba ba boikepo ba ba batlang go nna ba ngangatletse maleo a bone. "Molelo" o tla mo "Lefatshing go tswa kwa Legodimong o bo o ba kometsa (Tshenolo 20:9).

Go ya ka Jesu, Molelo o ga o "timolege" (Mathaio 3:12). Ga gona setimamolelo sepe se se ka o timang go fitlhela o wetsa tiro ya one ya go nyeletsa. Modimo o sololetsang, go tswa mo molelong wa gagwe o o ntlafatsang, otla dira "lefatshe le lesa", kwa e leng gore "mathata a pele a tla lebalwa" mme ga go kitla go utlwala go lela mo go jone (Isaiah 65:16-19).


A letsatsi le le monate! Sengwe le sengwe se se phatlolang pelo se tla nyelediwa. Modimo o tla phimola dintho tsa boleo mo pelong nngwe le nngwe, mme boitumelo jwa rona bo tla abo bo feletse.

### 4. BOSAKHUTLENG MO DIKWALONG

Mo go (Mathaio 25:41), Jesu o bua ka molelo o o baakanyeditsweng diabolo le baengele ba gagwe. Ka bosakhutleng. A bosakhutleng fa, ba abeleta gore bobipo ga bo na bokhutlo? (Jude 7) e emetse Sotoma le Gomorrah, e le sekai sa ba ba bogang ba bogisiwa ke kathholo ya molelo o o sa khutleng. Go boammaaruri, metse e o ga e sa tlhole e sha, molelo o o ne o le o o sa khutleng ka gore o bakile tshenyo e e nnetseng ruri.

Mo go (2 Peter 2:6), re boa gape re bala ka molelo o o sakhtleng. Mmme temana e go boa go papametse gore Modimo "o kgadile diteropo tsa Sotoma le Gomorrah, ka go difisa di bo di sala dile melora, mo e le go dira sekai sa sese tla dirafalelang baikepi. Boikepo jwa Sodoma le Gomorrah, ga bo ise bo tlhole bo le bothhoko ka metse e e sale e nyeleditswe bogologolo. Molelo o o e nyeleditseng o ntse "ka bosakhutleng" ka maduo a one, ga baka go senngwa ka bosaengkae.

Bosakhutleng go raya go senyetsa ruri go sala go seo, e seng go othaya. Ka go nne lokwalo lwa ga Tshenolo lo dirisa puo e e thata le go tlhaloganyesega, dikarolo dingwe tsa lokwalo lo ga di a ulwala sentle. Sekai, (Tshenolo 14:11) e bua jaana ka ba ba timetseng "mosi wa go sha ga bone o tlhatloga go ya ka bosaengkae." Mo go bonala ele pogo e e sa feleng. Mme, gape, a re letleng temana e e ranole temana" (Ekesodo 21:6). Re fitlhela lelata le le neng la kgaolwa tsebe e le sesupo sa gore le ne le tshwanetse go direla Morena wa lone, ka bosakhutleng. Mo kgannyeng e, bosakhutleng bo ka nna go fitlhela botshelo jwa lelata bo fela. Jona, yo o nnileng malatsi a le mararo le masigo a le mararo mo mpeng ya leruarua (Mathaio 12:40) o bolela fa a ne ale moo ka "bosakhutleng." (Jona 2:6) Ga go belaesegore malatsi a le mararo mo lefifing a ne a bonala e kete ke bosakhutleng.



Ka jalo re tshwanetse ra nna kelothoko go tlhaloganya gore ke fa kae le leng, fa ditemana di bapisetsang go tswa mo moleting wa molelo ke tsela e e looto ya go tlhalosa gonyelela ka bosakhutleng. (Tshenolo 21:8) e re bolelela go tlhamaletse gore noka ya molelo ke loso lwa bobedi. Bobipo bo na le bokhutlo. Baikepi ba a nyelediwa.

## 5. KE ENG GO TSHWANETSE GO NNA LE BOBIPO

Mo tshimologong, Modimo o tlhodile lefatshe le le senang selabe. Boleo bo ne jwa tsena mme mo ga tlisa matlhotlha pelo, go bola le loso. Fa e kare o tsena ko lapeng mo phirimaneng, o bo o fitlhela ntlo ya gago e thukuthilwe, e thubilwe, a o ka e tlogela e tse jalo ruri? Nnnya, o ka e feela o ntsha leswe o bo o phephafatsa gotlhe, o bo o latlha dilo tse di senyegileng di sena bobaakanyo. Modimo o tla dira mo go tshwanang. O tla tlhokomela tshenyo le kgotlelo ya sebe gangwe fela a dira lefatshe le lesya mo boemong jwa sone. Leano la Modimola go ntlatfatsa lefatshe le ka molelo, ke go baakanyetsa lefatshe le le itshekileng le ba ba bolokilweng ba tla nnang mo go jone.



Modimo o lebaganye le mathata a a tlhwaaletseng, ka gore sebe ga se a senya lefatshe ka namana, se amile le batho. Sebe se sentse botsalano jwa rona le Modimo le bangwe ka rona. Setho se tselela ka go tshwenngwa ke mathata a a tshwanang go kgokgontsha bana, dikankere tse di farologanyeng tsa moyo le tse dingwe jalo. Modimo o tshwanetse gore tsatsi lengwe a nyeletse sebe, ka gore sone se nyeletsa batho. Mathata a Modimo o nang le one ke a: O ka nyeletsa sebe jang mme a sa nyeletse batho botlhe ba ba amilweng ke sebe? Tshwetso ya gagwe e ne ya nna go tsaya mogare wa sebe mo mmeleng wa gagwe. O ne a letlelela kankere ya sebe go mo nyeletsa kwa mokgorong. Maduo a se:

**"Fa re ipolela dibe tsa rona, o boikanyego le boammaaruri go re itshwarela dibe tsa rona a bo a re ntlaufatsa mo tshiamololong yotlhe." - 1 Johane 1:9.**

Modimo o re fa tharabololo ya gagwe mo mathateng a boleo, e sena tuelo mo go mongwe le mongwe. Mo go utlwisang bothhoko, bangwe ba lwela go ngaparela bolwetse jo ja sebe. Mme Modimo ga o kitla o pateletsa ope go tlhopha tsela ya gagwe ya botshelo jo bosakhutleng. Ba ba gananang le tharabololo ya gagwe, e tla re kwa bokhutlong ba nyelediwe ke bolwetse(jwa sebe). Mabaka a a tileng a bobipo ke a:

**"gonne ke biditse, mme ga o a araba, ke buile, mme ga o a reetsa. O dirile bosula mo ponong yame, mme wa tlhopha se se sa intumediseng." - Isaia 65:12.**

Ka maitlhophelo a rona a re kgaogantse le Jesu, ba ba boikepo, ba tla lemoga fa tsela e le nngwe fela e leng ya go swa ka bosakhutleng.

## 6. GO TLA LOPA ENG GO LATLHEGA?

Le ntswa dikwalo di sa rute fa molelo wa bobipo o felelo mo go bogeng ka bosaengkae, di re fa lesedi la gore ke maiphithhelo a a ntseng jang go latlhega. Baikepi ba ya go tlhoka lesego la botshelo jo bosakhutleng. A kutlobotlhoko e kgolo go lemoga fa boitumelo jwa botshelo jo bosakhutleng le Modimo bo ba dule diatleng, me e leng gore ga ba kitla, gope hela ba nna le maitemogelo a botsalano jo bo tletseng lorato ka dingwaga tsotlhe.



Fa Keresete a le mo Mokgorong, sebe sa lefatshe se mo kgaoganya le Rara, o tshwanetse a bo a utlule bothhoko jwa ba o ba ba latlhegetseng ruri. Jaaka fa baikepi ba leba botshelo jo bo letobo jo bo fa pele ga bone, ba bona go nyelela ka bosakhutleng fela. Batshwanetse go swa ba sena tsholofelo ya tsogo ya bobedi. Gape ka nako e tshwanang, ba bona ka fa ba kgarameditseng Jesu Keresete, ba mo kgophela ntle nako le nako fa a ne a ba atamela ka lorato lo lo golo. Kwa bokhutlong ba wa ka mangole ba bo ba lemoga tshiamo ya Modimo le lorato lwa gagwe (Bafilipi 2:10, 11).

Ke sone se bakwadi ba Baebele ba re kgothatsang ka maitlhophelo a rona le go batla Keresete.

**"Re lo kgothatsa gore lo sek a iwa amogeleta tshegofatso ya Modimo lefela. Go nne are "mo nakong ya kutlobotlhoko ya me ke go utlwile, le ka letsatsi ja poloko ke go thusitse." Ke a lo bolelela, Jaanong ke letsatsi ja poloko." - Bakorintha 6:1-2.**

Ke kgona go akanya go sena tirafalo e e fetang ya motho yo o tshamekisang setlhabelo se se senang tlhwatlhwaa sa ga Jesu ka go itlhophela go latlhega. Ditlamorago tse di re lebaganyeng di tlhamaletse: go nyelela ka bosakhutleng-bosakhutleng jo bo senang boleyong jwa Modimo, kgotsa botsalano jo bo emeng ka bosakhutleng le Keresete jo bo rurifatsang dikeletso tsa rona tse dikgolo. O itlhophela eng wena ka esi? Ke eng o sa ipatlele bokamoso jwa gago mo Keresete gompieno?

## FA MOTHÓ A SWA... GO LATELA ENG?

Re a tsitsibana fa ngwana a ka tshogana a botsa go re, "Go swa go raya eng?" Re tila ka poifo go bua lefa e le go akanya ka mongwe yo re mo ratang a a swa. Loso ke mmaba yo mogolo wa batho gongwe le gongwe.

Dikarabo tsa dipotso tse di thata kaga loso ke dife? A go na le botshelo morago ga loso? A re tla bona baratwa ba rona ba ba suleng gape?

### 1. GO LEBAGANA LE LOSO KWA NTLE GA POIFO

Rotlhe fela ka dinako dingwe, gongwe fela morago ga loso la tsala kgotsa moratwa, re kile ra utlwa bomotlhoho ja bosenasepe mo maleng a rona, maikutlo a le a bodutu a a nnang teng, a re hekeetsa, fa re leba ka bokhutshwane bokhutlo ja botshelo.

Mo kgannyé e e botlhokwa e, e amang maikutlo, re ka ithuta kae boammaaruri ka ga se se dirafalang fa re e swa? Ka lesego, bontlhabongwe ja thomo ya ga Keresete mo lefatshing e ne e le go "golola ba e leng gore matshelo a bone otlhe a ne a le mo bokgobeng ja poifo ya bone ya loso" (Bahebera 2:15). Mme mo Baebeleng, Jeso O re naya melaetsa e e gomotsang, A bo A araba sentle dipotso tsotlhé tsa rona ka ga loso le botshelo ja isago.



### 2. KAFA MODIMO A RE DIRILENG KA TENG

Go tlhaloganya mo Baebeleng boammaaruri jo bo tlhomameng ka ga loso, a re simololeng kwa tshimologong re bone ka fa Motlhodi wa rona A re dirileng ka teng.

**"Jehofa Modimo A bopa mothó (ka Sehebera, adam) ka LOROLE LWA MMU (ka Sehebera, adamah), mme a budulela MOYA WA BOTSHELO mo dinkong tsa gagwe, mme mothó a direga MOYA O O TSHEDEILENG." - Genesise 2:7.**



Kwa Tlhlong Modimo O ne A dira Adamo ka "lorole la mmu". O ne a na le boboko mo tlhogong ya gagwe jo bo siametseng go akanya; madi mo ditshikeng tsa gagwe a a siametseng go elela. Mme Modimo A budulela mo dinkong tsa gagwe "moya wa botshelo," mme Adamo a nna "moya o o tshedileng." Elatlhoko, Baebele ga e re Adamo o ne a amogela moya; mo boemong, ya re "mothó o ne a direga moya o o tshedileng." E ne ya re fa Modimo A budulela moya mo go Adamo, botshelo ja simolola go elela go tswa mo Modimong. Go kopana ga mmele le "moya wa botshelo" go ne ga dira Adamo "sebopiwa se se tshedileng." "moya o o tshedileng." Ka jalo re ka kwala tekanyo ya mothó jaana:

"Lorole lwa Mmu" + "Moya wa Botshelo" = "Moya o o Tshedileng."

Mmele o o senang botshelo + Moya o o tswang Modimong = Sebopiwa se se Tshedileng.

Mongwe le mongwe wa rona o na le mmele le tlhaloganyo e e akanyang. Fela fa re tsweletse re hema, re tla bo re le dibopiwa tse di tshedileng, moya o o tshedileng.

### 3. GO DIRAFALA ENG FA MOTHÓ A SWA?

Kwa losong go boela kwa morago thulaganyo ya tlholo e e tlhalositsweng mo go Genesise 2:7:

**"Mmele kana LOROLE lo boela mo mmung o lo duleng mo go one, le MOYA (MOYA WA BOTSHETO) o boela kwa Modimong o o o abileng." - Moreri 12:7.**

Baebele e tle e dirise mafoko a Sehebera a le mabedi a a rayang "moya" ka go a amoganya (breath,spirit). Fa batho ba a swa, mebele ya bone e nna "lorole" mme "moya" (spirit) ("moya [breath] wa botsheto") o boela kwa Modimong, kwa o duleng gone. Mme jaanong moya (soul) one o dirafalelwka ke eng?

**"Jaaka ke tshedile, go bua MORENA Modimo... MEWA yotlhe ke ya Me.... MOYA O O LEOFANG, GO TLA SWA ONE." - Esekiele 18:3-4.**

Moya (o o neng o tshedile) o a swa! Gompieno ga o ise o nne le bosasweng - o ka nyelela.

Tekanyo e e tserweng mo go Genesise 2:7, fa Modimo A ne A re bopa, e boa ka morago kwa losong.

**"Lorole la Mmu" - "Moya (breath) wa Botsheto" = "Moya (soul) o o suleng"**

**"Mmele o o senang Botsheto - Moya (breath) o o tswang mo Modimong = Sebopiwa (moya-soul) o o suleng**

Loso ke bokhutlo ja botsheto. Mmele o tlhotlhoregela mo mmung, mme moya (breath,spirit) o boela kwa Modimong. Re nna moya (soul) o o tshedileng mo botshelong, mme mo losong re nna setoto, moya (soul) o o suleng, sebopiwa se se suleng. Ka jalo baswi ga ba lemoge sepe. Fa Modimo O busa moya wa botsheto O A neng A re o neile, moya (soul) wa rona o a swa. Mme jaaka re tlaa bona kwa pele mo thutong e, mo go Keresete go na le tsholofelo.

#### **4. MOTHO YO O SULENG O ITSE GO LE KAE?**

Morago ga loso boboko bo a tlhotlhorega; ga bo kake ja itse kgotsa ja gakologelwa sepe. Maikutlo otlhe a setho a a fela kwa losong.

**"Lorato lwa bone, le kilo, le bopelo - tshetlha, jaanong go nyeletse gotlhe fela." - Moreri 9:6.**

Baswi ga ba lemoge sepe, ka jalo ga ba itse sepe se se dirafalang. Ga ba na tshwaragano gotlhelele le ba ba tshedileng.

**"Gonne batshedi ba itse fa ba tla swa, mme BASWI GA BA ITSE SEPE." - Moreri 9:5.**

Loso lo tshwana le boroko jo bo senang toro - tota, Baebele e bitsa loso "boroko" dipaka tse 54. Jeso O ne A ruta gore loso lo tshwana le boroko. O ne A raya barutwa ba Gagwe A re:

**"Tsala ya rona LASARO O ROBETSE; mme ke tla ya go mo tsosa. Mme barutwa ba araba ba re, 'Morena, fa a robetse, o tla tsoga (fola).' Jeso O ne A bua ka loso mme barutwa ba Gagwe ba akanya ka boroko ja tlwaelo. Ke gone A ba tlhalosetsa sentie, 'LASARO O SULE'." - Johane 11:11-14.**



Lasaro o ne a na le malatsi a mane a sule pele ga Jeso A goroga. Mme e ne ya re Jeso A ya kwa phuphung ya gagwe, A supa gore go motlhoho mo Modimong go tsosa baswi fela jaaka go le motlhoho mo go rona go tsosa tsala e e robetseng.

Ke kgomotsi e kgolo go itse gore baratwa ba rona ba ba suleng ba "robetse," ba ikhuditse ka kagiso mo go Jeso. Molete wa loso, o le rona e tla reng nako nngwe re tsene mo go one, o tshwana le boroko ja tuulalo le kagiso.

## 5. A MODIMO O LEBALA BA BA ROBALANG MO LOSONG?

Boroko jwa loso ga se bokhutlo jwa polelo. Kwa phupung, Jesu O ne A raya Maretha, kgaitadia Lasaro:

**"KE NNA TSOGO le botshelo. Yo o DUMELANG MO GO NNA, lefa a swa.... O TLA TSHELA." - Johane 11:25.**

Ba ba swang "mo go Keresete" ba robala mo phuphung - mme ba santse ba na le isago e ntle. Ene yo O balang meriri yotlhe mo ditlhogong tsa rona A bo A re tshola mo patlong ya seatla sa Gagwe, ga A ke tla A re lebala. Re ka swa ra bo ra boela mo mmung, mme pego ya boleng jwa rona ka bongwe e santse e tlhalosegile mo tlhaloganyong ya Modimo. Mme fa Jesu A tla, O tla tsosa baswi ba basiami mo borokong jwa bone, fela jaaka A dirile ka Lasaro.

**"Ga re rate Iwa tlhoka go itse kaga BA BA ROBALANG, GORE LO SE  
FUTSAFALE JAAKA BA BANGWE BA BA SENANG TSHOLOFELO.... Gonne  
Morena ka esi o tla fologa kwa legodimong, ka loshalaba, le ka lenseswe ja  
moengele yo mogolo, le ka go galaotega ga lonaka Iwa Modimo; mme  
BASWI BA BA SWETSENG MO GO KERESETE BA TLA TSOGA PELE.  
(Morago), RONA BA RE TLA BONG RE TSHEDILE re tlogetswe, RE TLA  
TSHOLEDIWA MMOGO NABO MO marung, re ya go kgatlhantsha Morena  
mo loaping; mme jalo re tla nnela ruri le Morena. KE GONE,  
GOMOTSANYANG KA MAFOKO A." - 1 Bathesalonia 4:13, 16-18.**

Mo letsatsing la tsogo, molete wa loso o tla nna jaaka boitapoloso jo bo khutshwane. Baswi ga ba lemoge fa nako e feta. Ba ba amogetseng Keresete jaaka Mmoloki wa bone, ba tla tsosiwa mo borokong ke lenseswe la Gagwe le le gakgamatsang le fologela mo lefatshing.



Tsholofelo ya tsogo e na le molekane: tsholofelo ya legae la selegodimo kwa Modimo O tla "phimolang dikeledi tsotlhe mo matlhong a bone. Ga go ketla go tlhola go le loso lefa e le bohutsana le selelo, lefa e le botlhoko (Tshenolo 21:4). Ba ba ratang Modimo ga ba tlhoke go boifa loso. Kwa pele ga lone go na le bosakhutleng jwa botshelo jo bo itumedisang le Modimo. Jesu O tshotse dikopololo tsa loso" (Tshenolo 1:8). Kwa ntla ga ga Keresete, loso lo ne lo tla nna mmila o o yang nthha e le nngwe fela o felela mo bobipong, mme mo go Keresete go na le tsholofelo e e phatsimang ya lesedi.

## 6. A RE NA LE BOSASWENG GOMPIENO?

Fa Modimo A ne A tlhola Adamo le Efa, ba ne ba tlhodilwe ba na le bosasweng, ke gore, mme go ka kgonega gore ba swe. Fa ba ne ba tsweletse ba le kutlo mo Modimong, ba ka bo ba ne ba se ka ba swa gope. Mme e ne ya re fa ba leofa, ba latlhelogwa ke tshwanelo ya bone ya go tshela. Ka go tlhoka kutlo ba ne ba tshwanelwa ke loso. Boleo jwa bone bo ne jwa fetela mo lotsong lotlhe lwa setho, mme ka botlhe ba leofile, rotlhe re a swa, re tshwanetswe ke loso (Baroma 5:12). Mme ga go na lefa e le kumako epe mo Baebeleng ya gore moyo (soul) wa motho o ka



tshela jaaka sepe se se lemogang morago ga loso.

Ga go gope fa Baebele e tlhalosang moyo (soul) o le mo bosasweng - ke gore, o sa angwe ke loso. Mafoko a Sehebera le Segerika a "soul", "spirit", le "breath" (ka setswana otlhe ke "moya") a fitlhelwa mo Baebeleng ga 1700. Mme ga go na gope fa go buiwang ka moyo wa motho (soul, spirit, breath) o na le bosasweng. Mo lobakeng lono Modimo A le Esi ke Ene Yo O nang le bosasweng.

**"Modimo.... Ke ene YO O NANG LE BOSASWENG A LE ESI." - 1 Timotheo 6:15, 16.**

Dikwalo di tlhalosa sentle gore batho mo botshelong jono ba tla a swa: ba angwa ke loso. Mme fa Jeso A boa, popego ya rona e tla nna le phetogo e e gakgamatsang.

**"Bonang, ke lo bolelela bosaitsiweng: GA RE KETLA RE ROBALA ROTLHE, mme RE TLA FETOLWA ROTLHE - Ka gangwe fela, ka ponyo ya leitlhlo, KA LOBAKA LWA LONAKA LA BOFELO. Gonke ionaka lo tla gelebetega, MME BASWI BA TLA TSOSIWA ka mo go sa boleng, MME RONA RE TLA FETOLWA. Gonke mo go bolang mo, go na le go apara bosaboleng, le MO GO SWANG MO, GO TLA APARA BOSASWENG." - 1 Bakorintha 15:51-53.**

Jaaka batho, gompieno ga re na bosasweng. Mme tlhomamiso ya Mokeresete ke gore re nna le bosasweng fa Jeso A tla gape la bobedi. Boammaaruri ja tsholofetso ya bosasweng bo ne ja supiwa fa Jeso A ne A phatlola phupu ya Gagwe mme A:

**"NYELETSO LOSO, mme A BAYA BOTSHELO LE BOSABOLENG MO LESEDING ka Mafoko a a Molemo." - 2 Timotheo 1:10.**

TEBO YA MODIMO mo bofelelong ja motho e tlhalosegile: loso lo lo sa khutleng mo go ba ba ganang Keresete ba bo ba ngaparela maleo a bone, kgotsa bosasweng e le neo fa Jeso A tla go tsaya ba ba Mo amogetseng jaaka Morena le Mmoloki.

## 7. GO LEBAGANA LE LOSO LA MORATWA

Dipoifo tse ka tlholego re tlhabanang natso fa re lebaganye le loso di nna bogale segolo fa go ka swa moratwa. Bodutu le maikutlo a tathhegelo a re hupetsa. Tharabololo e e yosi ya kutlobotlhoko e leriweng ke go kgaogana le moratwa ke kgomotso ya gore Keresete A le Esi ke Ene yo O nayang. Gakologelwa gore moratwa wa gago o robetse, mme baratwa ba gago ba ba robaletseng mo go Jeso ba tla a tsoga mo "tsogong ya botshelo" fa Jeso A tla.

Modimo O baakanyetsa dikopano tse di gakgamatsang. Bana ba tla busediwa kwa batsading ba bone ba ba itumetseng. Banna le basadi ba ba neng ba nyalane ba tla tlamparelana. Dikgaogano tse di botlhoko tsa lefatshe di tla bo di fedile. "Loso lo meditswe ke phenyo" (1 Bakorintha 15:54).



Bangwe ba utlwa kgaogano le moratwa segolo mo ba ba lekang go ikopanya le baratwa ba bone ba ba suleng ka mmueledi wa, kgotsa molomaganyi wa New Age. Mme Baebele e re tlthagisa sentle ka go leka go fokotsa bothhoko ja go swelwa ka tsela e:

**"Mme e re fa ba lo raya ba re botsang ba ba buang le badimo, le mo go ba e leng baloi, ba ba tswirinyang, le ba ba pepedumang; a chaba ga e ka ke ya lopa mo Modimong wa yone? A go ka bodiwa baswi kaga ba ba tshedileng?" - Isaia 8:19.**

Tota, ka go reng? Baebele e senola sentle gore baswi ga ba itse sepe. Tharabololo ya boammaaruri ya bofutsana jo bo lerweng ke go kgaogana le moratwa ke kgomotsa ya gore Keresete A le Esi ke Ene Yo O enayang. Go senya nako o buisanya le Keresete ke tsela e e itekanetseng ya go gola mo selelong. Gakologelwa ka dinako tsotlhe, temogo ya nneta e e latelang e e tlang mo go ba ba robetseng mo go Keresete e tla nna medumo ya go tla ga bobedi ga ga Keresete go tla go tsosa baswi!

## 8. GO LEBAGANA LE LOSO KWA NTLE GA POIFO

Loso lo re gapela e batla e nna sengwe le sengwe. Mme selo se se nosi se lo se kakeng lwa se re tseela ke Keresete, mme Keresete O ka buseletsa sengwe le sengwe mo maemong gape. Loso ga lo ketla lo aga lo busa mo lefatshing le. Diabolo, baikepi, loso, le lebitla ke mo go tla nyelelang mo "bodibeng ja molelo" jo e leng "Ioso la bobedi" (Tshenolo 20:14).

Megopolu ke e e mene e e mothhofo ya go lebagana le loso kwa ntle ga poifo:

- (1) Tshela botshelo ja tsholofelo ya ikanyo mo go Keresete, mme o tla bo o ipaakanyeditse loso ka nako nngwe le nngwe.
- (2) Ka nonofo ya Moya O O Boitshepo, o nne kutlo mo ditaolong tsa ga Keresete, mme o tla bo o iketleeeditse botshelo ja bobedi jo o se ketlang o swa mo go jone.
- (3) Akanya ka loso e le boroko jo bo khutshwane jo o tla tsosiwang mo go jone ke lenseswe la ga Jeso fa A tla la bobedi.
- (4) Itumelele tlhomamiso e Jesu O re e nayang ya legae la selegodimo mmogo Nae ka bosakhutleng.

Boammaaruri ja Baebele bo golola motho mo poifong ya loso ka go bo bo senola Jeso, Ene Yo le loso lo neng lo se kake la Mo fanya. Fa Jeso A tla mo matshelong a rona, O tlatsa dipelo tsa rona ka kagiso:

**"Kagiso ke e tlogela le lona; kagiso ya Me ke a e lo naya.... A dipelo tsa lona di se fuduege, le gone a di se boife." - Johane 14:27.**

Jeso gape O dira gore re kgone go emelana le botlhoko ja go latlhelogelwa ke moratwa. Jeso O ne A ralala "mogogoro wa moruti wa loso"; O itse kaga masigo a a lefifi a re a ralalang.

**"Ere ka bana ba tlhakanetse nama le madi, le Ene ka Esi A itlhakanya natso jalo; gore e tle e re KA LOSO (la Gagwe) a nyeletse ene yo o neng a na le nonofo ya loso - ebong Diabolo - le gore A GOOLE BOTLHE BA E RILENG KA POIFO YA LOSO BA BO BA NTSE BA LE MO KGOLEGONG MO BOTSHELONG JOTLHE JA BONE." - Bahebera 2:14, 15.**



Dr. James Simpson, ngaka e kgolo e e neng ya dira molemo o o thulametsang, o ne a nna le tatlhelogelo e kgolo fa ngwana wa gagwe yo mogolo a ne a swa. O ne a futsafala go le go golo fela jaaka motsadi mongwe le mongwe. Mme a tloga a bona tsela ya tsholofelo. Fa phuphung ya ngwana wa gagwe yo o rategang a tlhoma letshwao le a neng a gaba maafoko a a builweng ke Jeso mabape le tsogo ya Gagwe: "Lefa go ntse jalo, Ke tshedile."

A bolela gotlhe. Pitso ya sebele e ka bonala ekete e khurumetsa loapi ka dinako dingwe; lefa go ntse jalo, Jeso O tshedile! Dipelo tsa rona di ka tswa di thubega, lefa go ntse jalo, Jeso O tshedile!

Mo go Keresete re na le tsholofelo ya botshelo morago ga loso. Ke Ene "tsogo le botshelo" (Johane 11:25), mme O sololetsa gore, "Ka go bo ke tshedile, le lona lo tla tshela" (Johane 14:19). Keresete ke Ene tsholofelo yosi ya rona ya botshelo morago ga loso. Mme fa Keresete A tla gape, O tla re naya bosasweng. Ga re ketla re tlholo re tshela mo moriting wa loso, ka re na le botshelo jo bo sa khutleng. A o itemogetse tsholofelo e lekgolo e, e re ka e tshegetsang ka metlha ya re ntsholetswe thata? Fa o ise o ke o amogele Jeso jaaka Morena le Mmoloki Wa gago, a o ka dira jalo gone jaanong?

## A NKA BONA PHUTHEGO YA MODIMO GOMPIENO?

Mo makgethong a le mantis Modimo o ntshitse melaetsa e e faphegileng go kgotofatsa dikeletso tsa dikokomana tse di farologanyeng: molaetsa wa go thusa Adamo le Efa, fa sebe se sena gosenya lefatshing la bone, molaetsa mo lefatshing pele ga morwalela, molaetsa kwa lefatshing la Israela fa Axsiria kgotsa baebelona e ne e kgokgontsha . Jesu o ne atlisa molaetsa o o faphegileng mo kokomaneng ya gagwe, mme Modimo o utlwaditse molaetsa o o faphegileng mo malatsing a rona. Dikgaolo 12 le 14 tsa ga Tshenolo di soboka molaetsa wa Modimo o o faphegileng mo go rona. Mo Tlhotlomisong e le e latelang, re tla leba/ithuta ka molaetsa o.



### 1. PHUTHEGO E E TLHOMILWENG KE JESU

Botshelo le dithuto tsa ga Jesu di bonatsa kopano ya tumelo le kobabelo mo phuthegong ya aposetoloi e a e lemogileng. Maaposetoloi ba dirile botsalano le Keresete yo o tsogileng. Paulo o tshwantsha botsalano joo le lenyalo.

**"Ke go soloeditse Monna a le mongwefela, mo go Keresete, gore ke tle ke lo neele lekgarebe le le itshelelang." - 2 Bakorintha 11:2.**

Go yeng ka Paulo, phuthego ya Sekeresete ke mme yo o itshekileng. Mohumagadi wa ga Keresete, sesupo sa kereke e e rategang ya ga Keresete.

Go dirisitswe tsela e e tshwanang go tlhalosa Israele mo Kgolaganong e Kgologolo. Batho ba Modimo ba ba ithopetseng Modimo o ne a raya Israela mo go (Jeremia 2:2) a re "jaaka mohumagadi lo a nthata; ke monna wa Iona, (Jeremia 3:14). Lokwalo lwa ga Tshenolo le supa fa kereke e le mosadi.

**"Mme ga bonala sesupo se segolo mo legodimong, e bong mosadi a apere letsatsi, kgwedi e le ka fa tlase ga dinao tsa gagwe mme mo tlhogong ya gagwe ga bo gole dinaledi di le lesome le bobedi." - Tshenolo 12:1.**



**(1) Mosadi o apere Letsatsi:** se se supa phuthego e galalela jaaka letsatsi, ka go bo e apesitswe ka boleng jwa kgalalelo ya ga keresete. Jesu ebong Lesedi la lefatshing (Johane 8:12) o phatsimela maloko a phuthego ya gagwe. Maloko a bo a phatsimela lefatshing (Mathaio 5:14).

**(2) Mosadi o "na le kgwedi ka fa tlase ga dinao tsa gagwe"** kgwedi e emetse marang a lesedi la mafoko a a molemo ka dithabelo mo kgolaganong e kgologolo. Go nna ga kgwedi ka fa tlase ga dinao tsa gagwe go kaya marang a lesedi la mafoko a a molemo le gaisitswe ka nthaya bodiredi jwa ga Keresete.

**(3) Mosadi o "Na le serwalo sa dinaledi di le lesome le bobedi** **Tlhogong ya gagwe**" Dinaledi tse di kaya Baaposetoloi ba le lesome le bobedi. Banna ba eleng gore ba na le bopaki ka ga Keresete jo bo phatsimelang lefatshing gompieno.

Boleng jwa mosadi yo bo supa fa johane a na le tlhaloganyo e e tlhatlogang le bana ba Modimo, e leng israele, mo kgolaganong e kgologolo go ya mo phuthegong ya Sekeresete mo kgolaganong e ntsha. Letsatsi, kgwedi le dinaledi di gatelela go naya lesedi ka bodiredi jwa Sekeresete mo kgaoganong ya mafoko a a molemo.

## 2. SETSHWANTSHO SA PHENYO YA GA SATANE

Go tsena ga mosadi go supa kgato e kgolo ya setshwantsho.

**"Mme a bo a le moimana: mme a goa ka go iteka mo pelegong, mme a le mo botlhokong jwa go gololwa. Mme boning ga bo go le kgogela e kgolo e le khibidu, e na le ditlhogo ga bo go le dirwalo di le supa. Mme mogatla wa gone wa bo o goga ntlha ya seraro ya dinaledi tsa legodimo. Mme ya di latlhela kwa lefatshing, mme kgogela ya ema fa pele ga mosadi yo o tla tlogang a belega gore e tle e re a sena go belega e bo e ja ngwana, ngwana wa Mosimane yo e leng ene yo o tla busang ditshaba tsotlhe ka tsamma ya tshipi kwa Modimong, le kwa sitilong sa yona sa bogosi." - Tshenolo 12:2-5.**

GO TLHAGELELA DITSETLA DI LE THARO MO SETSHWANTSHONG SE:

- (1) Mosadi o setse a boletswe fa e le phuthego ya Modimo.
- (2) Ngwana wa mosimane a tshotswe ke mosadi yo, o isiwa kwa modimong le bogosi. Mmme ka letsatsi lengwe o tla busa lefatshe" Jesu ke ene ngwana fela yo o tshotsweng mo lefatsheng le yo o ileng a tseelwa kwa legodimong mme ka letsatsi lengwe o tla busa ditshaba.
- (3) Kgogela: e e emetseng Diabolo kana Satane mme ga nna ntwa kwa legodimong Mikaele le baengele ba gagwe ba bololela kgogela ba ya go tlhabana nayo, mme ba seka ba fenya le gona ba seka ba tlhola ba na le bonno mo legodimong. Kgogela e e kgolo, naga ya bogologolo ya piriganngwa yona e e bidiwang DIABOLO le SATANE motsietsi wa lefatshes lothle ya piriganyediwa kwa lefatshing le bangle ba gagwe (Tshenolo 12:7-9).

Setshwantsho se bonala sentle fa re tlhaloganya diemedi. Eri le fa Diabole le baengele ba gagwe ba latlhelwa ke bonno jwa bone kwa legodimong ba ne ba piriganyadiwa mo lefatshing. Erie fa jesu a tsholwa mo lefatshing le, Diabolo o ne a leka go mmolaya, ngwana wa mosimane, fela jaaka a ne a tsholwa. O ne a palelwaa mme Jesu a tseelwa kwa legodimong kwa bogosing jwa Modimo.



Satane a bo a ikaelela go kgokgontsha phuthego ya Sekeresete e Keresete a e agileng. Moapostoloi johane yo o kwadileng Tshenolo a bona kgogakgogano magareng ga ga Keresete le Satane yo a leng mo lefatshing. Fa ntwa e ya kwa setlhoeng kwa papolong ya ga Keresete, Johane a utlwa lentswe le goa go tswa kwa legodimong:

**"Gompieno go tsile poloka le thata, le bogosi jwa Modimo wa rona, le taolo ya ga Keresete wa rona, gone Mopateletsi wa bakaulengwe ba rona, yo o ntseng a ba pateletsfa pele ga Modimo wa rona bosigo le motshegare o piriganyeditswe kwa tlase." - Tshenolo 12:10. (Tshwantsha Johane 12:31, le Luke 10:18.)**

Jesu o fentse Satane kwa Mokgorong. A bo a galalela nneta ya lenaneo la poloko a bo a naya nonofo go fenya Satane. Bogosi jwa Modimo bone jwa sirelediwa le nonofo ya Mmoloki go nna Moperisiti yo Mogolo le kgosi.

"Jaanong go tlide poloko" Go supa gore tirafalo ya ditso e setse e gorogile. Botsalo jwa ga Keresete, Mmoloki wa lefatshe, go tsere maemo(temana 5). Go sa kgathalesege ka diteko tsa ga Satane, jesu o ne a tshela botshelo jo bo senang boleo. A swa mme a tsogela phenyo ya sebe le loso(temana 10) Satane o fentswe ka bosakhutleng (temana 7-9). Mokgoro o bonadiwa ka nonofo ya one.



Kitsiso e e reng "Go tsile Poloko" ga e kgatlhise Johane fela, e kgatlhisa le lefatshe ka kakaretso.

**"ke gone a lo ko lo itumele. Lona magodimo le lona ba lo agileng mo go one. A bo go latlheda  
lefatshe le lewatle. Ka gobo Diabolo a  
gologetse kwa go lona a tletsese bogale. Ka a itse fa lobaka lwa gagwe lo setse lo lo lokhutshwane."**  
- Tshenolo 12:12.

Magodimo otlhe ane a itumelela penyo ya ga Keresete. Keresete one a nyeletsa maikaelelo a Satane a ne a batla go a dira kwa legodimong. Ka jalo Satane yo o fentsweng o fenyeditswe bosakhutleng le maikaelelo a gagwe a go ikgapela lefatshe.

### 3. KEREKE YA SEKERESETE KGOTHANG LE SATANE

Pele ga Jesu a tlhatlogela kwa legodimong o ne a netefatsa Kereke ya Sekeresete. (e e emetsweng ke Mosadi). Loso lwa gagwe mo mokgorong lo neile Bakeresete nonofo ya go fenya Satane.

**"Mme ba mo fenya ka ntha ya madi a ga Kwana, le ka ntlha ya lefoko la tshupo ya bone, mme ba sekba rekegela botshelo jwa bone le go ya kwa losong."** - Tshenolo 12:11.

Keresete o kgona nonofo ya gagwe, leungo la phenyo ya gagwe go phuthego ya gagwe. Dintla tse tharo di supa phuthego e e fentseng ka dingwaga tse di lekgolo tsa Sekeresete.

#### (1) BA NE BA MO FENYA (SATANE) KA NTLHA YA MADI A KWANA.

Jesu o ne a isiwa kwa bogosing jwa Modimo gore a tle a kgone go nonotsha madi a gagwe mo balateding ba gagwe. O kgona go phimola mekwalo ya maleo a rona. A re boloka ka ntlha ya madi a gagwe a a tshologileng (Johane 1:7) a ba a re neela nonofo ya go tshela re itekanetse botshelo jwa Sekeresete.



#### (2) BANE BA SA RATE MATSHELO A BONE GO NYELELA MO LOSONG.

Madi a kwana a ne a ba dira go eletsa go swela Keresete: ba ne ba sa nyelelela go swa. Modimo o ne a sotlega mo go golo. Gore Bakeresete le bone ba eletse go ssotlega le go swa. Le bana tota bane ba intsha setlhabelo. Polelo e a bolelwa ya mme wa Mokeresete yo a neng a tikelwa ditau kwa Roma ka gobo a bo a neetse botshelo jwa gagwe Keresete eseng puso. Morwadie ka go tsena mo dikgoberegong a inelea. Jaaka ditau di ne di tlhasela mmaagwe, a ema, a lela. "Le nna ke Mokeresete" Baeteledipele ba Roma ba mo tshwara babo ba mo neela dikgogela.



#### (3)"BA NE BA FENYA[SATANE] KA LEFOKO LA BOPAKI JWA BONE."

E seng mafoko fela mme mafoko a bopaki jwa bone. Bopaki jwa matsheko a bone. Bosupedi jo bo tshelang jwa nonofo ya ga Jesu le mafoko a gagwe a a molemo. Ka dioura tsa phihalo tsa Bakeresete mophato wa Bakeresete go tsweng kwa borre ba Kereke ya tshimologo go ya kwa bafetoding ba Bathanogi. Ba ne ba fenya tsotlhe tse Diabolo a ba lekang ka tsone, e le ka ntlha ya bopaki jwa bone jo bo nonofileng.

(Tshenolo 12:11) e tshwantsha phuthego e e tletseng kgalalelo e tletsese bafenyi baapasetoloi, baineedi le Bakeresete ba bangwe ba ba boikanyo. Kutlo ya bone, boikanyo, kgotlatsegoo e digitse dikgolo fa fatshe e bo e sutisa lefatshe.

Ka Satane a paletswe ke go fenza Keresete a setse a le mo lefatshing, jaanong o batla go nyeletsa Keresete yo a tshelang mo phuthegong ya gagwe.

**"Mme e rile fa kgogela e lemoga fa e latlhetswe kwa tlase kwa lefatshing ya bogisa mosadi yo o belegeng ngwana wa mosimane. Mme mosadi a newa diphuka tsa ntsu yo motona gore a nanogele kwa nageng, kwa bonnong jwa gagwe. Kwa o utlwang gona ka motlha le metlha, le ntlha engwe ya motlha, a e tshabisa sehatlogo sa noga. Mme noga ya tshabanya metse ka legano sehularong sa mosadi, a nna jaaka noga; e le gore noka e tle e mo tsee:  
Mme lefatshe la thusa mosadi mme lefatshe la atlhamologa, la metsa noka e kgogela e e tshabetseng kwa leganong la yone." - Tshenolo 12:13-16.**

Jaaka go boletswe pele ka metlha ya lefifi la bakeresete, Satane o ne a romela noka ya pogiso go nyeletsa phuthego. Satane o batla go nyeletsa thotloetso ya ga Keresete ka go nyeletsa phuthego ya gagwe ka go dirisa maretshwa a bosula . Kgogela e emetse Satane mme gakologelwa gore Satane o dirisa ditsela tsa setho mo seemong sa gagwe sa kgogela go tlhasela bathoba Modimo. O dirisetse kgosi ya Roma ebong herode mo tekong ya go bolaya Morwa Modimo keresete mo go tsholweng ga gagwe. O ne a le kgatlanong le tumelo ya ga keresete gore a kgokontshe Mmoloki, kwa bofelong a bo a sireletsa polao ya Gagwe mo Mokgorong. Phenyo ya ga Satane e ne ya tloga ya fetoga phenyo e kgolo ya ga Keresete.



Satane one a tenega ka a ne a fentswe kwa mokgorong mme a fetogela mo Kerekeng ya ga Keresete. Mo nakong ya morago ga papolo ya ga Keresete, dikete di ne tsa swa kwa metseng megolo ya Roma, le mo dikakeng.

Kwa tshimologog boeteledipele bo ne jwa buisana ka dipogiso. Mme morago ga loso lwa Baapostoloi go ne ga nna le phetogo mo phuthegong. Mo dingwageng tsa bobedi le tsa boraro le tsa bone tse di dikete, ba le bantsi mo Kerekeng ba tlhwatswa nnene e Keresete le Baapostoloi ba e rutieleng. Bangwe ba baapostoloi ba simoloa go bogisa Bakeresete ba ba neng ba ntafatsa kgolagano e ntsha ya tumelo.

Baihuti ba akanyetsa gore didikadike di le masome a matlhano tsa batho ba ba boikanyego di ne tsa nyelela. Mo tekong ya go nyeletsa phuthego, Satane a romela "noka" ya dipogiso go nyeletsa Phuthego. Mme lefatshe la thusa mosadi ka go metsa noka ya dipogiso le dithuto tse e seng tsa nnene.

Mo nakong e ya dipogiso, Kereke ya nnene ene ya ikgogela morago mo boeteledipeleng jwa maapostoloi mme ba tsaya boagedi mo sekakeng go ya kwa lifelong le Modimo a le mmaakanyeditseng, kwa a tla tlhokomellwang teng malatsi a le sekete le makgolo a mabedi le masome a le marataro.(temana 6). Kakanyetso e e ne ya rurifadiwa mo dingwgageng tse di sekete le makgolo a mabedi le masome a marataro tsa dipogiso go simolola kwa ngwaga wa 538 morago ga loso lwa ga Keresete go fitlhela 1798 (letsatsi le emetse ngwaga wa perofeso ya Baebele, bona (esekiele 4:6).

Mo dingwageng tse badumedi na baebele e bile ba le boikanyo ba ne ba batla boagedi gongwe le gongwe fa ba ka boning teng. Sekai mo metswedding ya Waldension le mo Kerekeng ya Celtic mo dithhakatlhakeng tsa British!

#### 4. KEREKE YA MODIMO MO MALATSING A RONA

Se se re tlisa mo nakong ya gompieno kwa kerekeng ya ga keresete ya nnene go simolola ka 1798. jaaka go ka nna, kgogela e setse e shakgaletse batho ba Modimo. Ntwa e kgolo ya bofitlha e setse e tswelete. Satane o tlhasetse Kereke pele ga Kersete a tla.

**"Mme kgogela ya nna bogale le mosadi ya feta ya mo tlhasela ba ba setseng ba losika lwa gagwe ba ba ntseng ba bolokile ditaolo tsa modimo ba dumetse tshupo ya ga Jesu." - Tshenolo 12:17.**

Peroleso e, e remeletse mo malatsing a gompieno. Satane o dirisa madu a ntwa mo kokomaneng ya mosadi- Batho ba gompieno ba Modimo. Ela tlhoko matshwao a go ba lemoga:



(1) BADUMEDI BA MALATSI A BOFELO "TSHWARELELA BOPAKI JWA GA JESU.

Go itshwarelela mo dithutong tse di phepha tsa mafoko a modimo, di pakela jesu ka ditseta tse di nonofileng tsa go tshela ga Sekeresete.

(2) MO MALATSING ANO A BOFELO, BAKERESETE KE BATHO BA PEROFESO.

Go amogela bopaki ka Jesu Keresete, go ne ga thusa Johane go kwala buka ya Tshenolo (Tshenolo 1; 1-3) Setlhophha sa bofelo sa badumedi se amogela mpho e e tshwanang. Dimpho tsa bone tsa perofeso di remeletse mo tshenolong ya Modimo ya bodiredi le bokhutlo jwa bone.

(3) MO MALATSING ANO A BOFELO BAKERESETE LE BONE BA BONWA E LE BA BA OBAMELANG DITAOLO TSA MODIMO.

Ga ba sireletse boleng jwa ditaolo tse some, ba a di obamela. Lorato lwa modimo lo tlisa boipelo jwa boikabo mo dipeleng tsa bone (Baroma 5:5, 13:8-10).

Mo malatsing ano a bofelo, Bakeresete ba sala morago sekai sa ga Keresete le Kereke ya pele mo go obameleg ditaolo tsa Modimo. Se se kgala kgogela -Diabole o simolola ntwa le dikokomane tsa Mosad, ka gobo di na le bosupi jwa gore lorato lwa modimo lo tsala barutwa baba boikanyo. Jaaka Jesu a laotse:

**"Fa lo nthata lo tla tshegetsa ditaolo tsa me." - Johane 14:15.**

Botshelo jwa Bakeresete ba malatsi a bofelo a gompieno bo supaa gore go mothlofo go rata Modimo ka elo ya gago yotlhe le bangwe ka rona jaaka re ithata. Go yeng ka Jesu ditshetla tse, go rata Modimo le go rata batho, di soboka ditaolo tse some tsa Modimo. (Mathaio 22:35-40).

Taolo ya bone e re gwetlha go obamela letsatsi la bosupa la beke jaaka Sabata. Ka gobo lorato lwa ga Keresete lo tlhomile ditaolo tsotlhe tse some mo dipeleng tsa bone, mo malatsing ano a bofelo, Bakeresete ke batshegetsi ba letsatsi la bosupa.

Sabata ke pelo ya molaetsa wa Modimo wa bofelo mo bathing mo go Tshenolo ya lesome le bobedi le ya lesome le bone, temana ya borataro go yeng kwa go ya lesome le bottlano.

Meamuso yotlhe ya legodimo e neilwe Bakeresete ba notlha wa bofelo. Mmoloki yo o shelang ke mongwe ka bone ka dinako tsotlhe, le Moya o o Boitshepo o a bereka go ba nonotsha mo botenyeng jwa setho.


Tsholofelo e rurefetse. Ba tla fenza Satane "Ka madi a Kwana le ka lefoko la bopaki (Tshenolo 12:11).

A o eletsa go nna mongwe wa Bakeresete ba malatsi a bofelo, ba ba obamelang ditaolo tsa Modimo, ba bo ba tshwarelela bopaki jwa ga Jesu? Ke eng o sa tseye thwetso eo gompieno?

## A MODIMO O NALE MOLAETSA O O FAPHEGILENG WA MOTLHA WA RONA?

Ramon Umashankar o tshotswe e le Mobrahim. Bomogolowe ba mo rutile go tswa bonnyennyaneng gore o ne a le 'modimo' le gore go lemoga bo masisi ja gagwe, o tshwanetse go ithutuntsha ka "yoga". Mme ka a ne a le lekawana, Ramon a simolola go gakgamala, gore a o kcona go bona Modimo ka go obamela disetwa mo tempeleng ya Sehindu.

O ne a bula Baebele a batla ditsholofetso tsa ga Keresete. O ne a tlwaelte go tlottlela Jesu boikobo ja gagwe, mme jaanong Ramon a utlwa fa Jesu yo A ne A re ke Morwa yo o faphegileng wa Modimo. Mme a lemoga fa Bakeresete ba le bantsi ba na le kagiso e e leng gore dingwaga tse dintsi tsa ka fa ba neng ba obama ka teng di ne di palelwa ke go e lere. Lefa gontse jalo, Ramon o ne a ikaeleta go batla boammaaruri mo tumelong ya gagwe ya Sehindu. Mme o ne a bona motshameko wa motshikinyego ka botshelo ja ga Jesu. E ne ele lantla fa a lemoga gore Jesu o bogile, A bo A boifa fela jaaka motho. Pele ga se, o ne a akanya gore Jesu O ka bo A ne A dirisitse dinonofo tsa Gagwe go tshaba bothkoko ja papolo. Mme jaanong, o ne a palelwa ke go tlhalosa mokgoro. O ne a akabala: a ipotsa gore Jesu O raletse mathata a jang - ka ntata ya motho yo o leofileng?



Fa Ramon a tsweletse ka go tlhatlhanya ka ga loso la ga Keresete, O ne a itumediswa ke sesupo se se kalo sa lorato. O ne a ikaeleta go tlogela maemo a gagwe a a neng a elediwa thata ke batho a se Brahim, a bo a fetolela botshelo ja gagwe mo go Jesu Keresete, Mmoloki. Mo tshwantshanyong ya lorato lo lo ntshiwang setlhabelo Iwa ga Keresete, Ramon a re, "Sengwe le sengwe se ne sa wela fa go tshwanetseng."

Mobrahim yo, o ne a bona bogare ja tumelo ya Sekeresete: Jesu, Mmoloki wa lefatshe.

### 1. KE TUMEO EFE E E BOLOKANG?

Jesu ke tsela - tsela e e yosi - ya poloko.

**"Poloko ga e bonwe mo go ope gape, gonwe ga gona leina lepe ka fa tlase ga legodimo le le neelwang motho fa e se le re tshwanetseng go bolokwa ka lone." - Ditiro 4:12.**

Baebele e ruta go tlhamaletse gore re latlhegetse mo boleong, e bile re lebaganywe ke kwatlhao ya sebe: loso (Baroma 6:23). Gonwe bothhe ba leofile (Baroma 3:23) ka jalo, bothhe ba tshwanetse go swa. Jesu ke Ene fela A le esi Yo O ka re gololang mo phutsong ya loso.

**"Mongwe le mongwe yo o lebang Morwa, a bo a dumela mo go Ene, o tla nna le botshelo jo bo sa khutleng, mme ke tla mo tsholetsa ka letsatsi la bofelo." - Johane 6:40.**

Go na le tumelo e le nngwefela e e boammaaruri

**"Modimo o mongwe, TUMEO E NNGWE, kolobetso e nngwe." - Baefesia 4:5.**

### 2. A MODIMO O NA LE MOLAETSA O O FAPHEGILENG WA BAKERESETE BA MALATSI A BOFELO?

Ee. Molaetsa o o gararo o, o bonwa mo lokwalong la ga Tshenolo 14:6-16. Kitsiso ya melaetsa e e filweng ke baengle



ba bararo e mo setlhoeng jaaka go tla ga bobedi ga ga Keresete (temana 14-16).

### (1) Molaetsa wa Moengele wa ntlha.

**"Mme ka bona moengele yo mongwe a fofa fa gare ga magodimo, a tshotse mafoko a molemo go a bolelela ba ba mo lefatsheng, le tshaba nngwe le nngwe, le lotso, le puo le batho. A goa ka lentswe je le kwa godimo a re "Boifang Modimo lo o neye kgalalelo, go nne motlha wa katlholo ya One o tlile. Mo obameleng Ene yo O dirileng Magodimo, le lefatshe, lewatle le metswedi ya metsi."**

- Tshenolo 14:6, 7.

Lefa etswa dikwalo di supa melaetsa e meraro ka ditshwantsho tsa baengele ba bararo, batho ba Modimo ke bone barongwa ba ba isang molaetsa o mo lefatsheng. Ga ba bue ka molaetsa o mosha, mme ba bua ka "mafoko a bosakhutleng" mo lefatsheng lotlh - "go tshaba nngwe le nngwe, lotso, puo le batho". "Molaetsa o wa bosakhutleng" wa ga Jesu, o tshwana le molaetsa wa poloko e batho ba kgolagano e kgologolo ba e amogetseng "ka tumelo" (Bahebera 3:16-19;4:2, 11:1-40); dithuto tse Jesu ka boene O di rutileng; molaetsa o barutwa ba o rerileng go fenyetsa Keresete lefatshe; molaetsa o o santseng o tsweletse go tswa kokomaneng e nngwe ya Sekeresete go ya ko go e nngwe.

Molaetsa o o motlhofo, o o bolokang wa ga Jesu Keresete, o ratile go nyelela mo phuthegong lobaka lo lo fetang dingwaga tse di sekete tsa metlha e e lefifi; mme go fetoga mo go tseneletseng, go ne ga tsosolosa molaetsa o, mme batho ba Modimo ba o rera lefatsheng gompieno.

Moengele wa ntlha o bolela molaetsa o, mme o setse o bewa ka go sele - ka tsela e e akaretsang lefatshe ka kakaretso, go batho ba ba tshelang pele ga Jesu a tla la bobedi. Ba o ba ba amogetseng molaetsa, ba iphitlhela ba bileditswe "go boifa Modimo le go o naya kgalalelo [go senola popego ya One]". Ba supegetsa lefatshe popego ya Modimo ya lorato, e seng fela ka mafoko a bone, mme gape le ka matshelo a bone a bosupedi. Ba supa tshenolo e e gakgamatsang ya se Modimo O ka se dirang ka batho ba ba tletseng Moya wa ga Keresete.



Melaetsa ya baengele ba bararo ba, e ya go gasiwa leng mo lefatsheng ka bophara? Fa nako ya "Katlholo ya Modimo e a atametse." Kaelo 13 e tlhalosa fa Jesu a simolotse tiro ya Gagwe ya go ipaakanyetsa katlholo ka 1844. Mo ngwageng oo, 1844, Jesu o ne a tlhotlheletsa batho mo lefatshing go simolola go rera molaetsa wa lokwalo lwa Tshenolo 14.

Molaetsa o, o re biletsha go "mo obamela Ene yo o dirileng magodimo le lefatshe" (Tshenolo 14:7) Modimo o re kopa go "gakogelwa letsatsi la Sabata go le itshephisa" ka gonne "mo malatsing a le marataro, Modimo o dirile magodimo le lefatshe" (Ekesodo 20:8-11). Ka 1844 fa Darwin o ne a tswa ka mogopolo go itlhagogela fela ga dilo, Modimo O ne A bitsa batho go boa ba Mo obamela jaaka motlhodi. Mo nakong e, ba ba neng ba rera molaetsa wa baengele ba bararo, ba lemoga letsatsi ja bosupa ja Sabata wa lefoko la Modimo, mme ba simolola go le tshegetsa e le go tlota Motlhodi wa legodimo le lefatshe.

### (2) Molaetsa wa moengele wa bobedi.

**"Moengele wa bobedi a latela a re" O ole! O ole Babelona yo mogolo, yo o nositseng ditshaba bojalwa jwa kgokahalo ya gagwe."** - Tshenolo 14:8.

Moengele wa bobedi o tlhagisa "Babelona yo mogolo o ole! Tshenolo 17 e nankola "Babelona" wa semoya - Bokeresete jo e seng jone - jaaka mosadi yo o sa itshekang (temana 5). O ema kgatlanong le mosadi yo o itshekileng mo go Tshenolo 12, yo o emetseng phuthego ya Sekeresete ya boammaaruri. Mosadi yo o emetseng Babelona ke mosadi yo o oleng yo "o nositseng ditshaba bojalwa ja kgokahalo ya



gagwe." Mofine wa dithuto tse eseng tsone o tseneletse mo Sekereseteng. Molaetsa wa moengele wa bobedi o bitsa batho ba Modimo go ganana le dithuto tse e seng tsone tsa bokeresete jo e seng ja boammaaruri. Babelona o emetse tlhakatlhakano ya bokeresete jo bontsi ja mefuta. O borai ka gore o senya tebego ya Modimo a e dira dilo tse dinnye. Modimo ka go supa go ipusolosetsa le go batla, kgotsa Modimo jaaka motsadi yo o kutlwelo botlhoko, yo ebileng A le bori, ga A batle go tshwenya ope ka sebe. Phuthego e e itekanetseng e ka supa setshwantsho sa Modimo le dipopego tsotlhe tse a ditlhokang, e bo e boa e supa ka fa katlholo ya Gagwe le boutlwelo botlhoko di kopanang mo boammaaruring ja gore Modimo o lorato.

Modimo o biletsha batho go "tswa" mo Babelona (Tshenolo 18:4), go kgala dithuto tse e seng tsone le go sala dithuto tsa ga Keresete Morago.

### **(3) Molaetsa wa Moengele wa boraro.**

**"Moengele wa boraro a ba latela, a goa ka lentswe je legolo: Fa motho le fa e le mang a obamela sebatana le setshwantsho sa sone, a bo a amogela letshwao mo phatleng kgotsa mo seatleng, le ene fela jalo, o tla nwa bojalwa ja tshakgalo ya Modimo, jo bo tshetsweng ka nonofo mo senwelong sa tshakgalo ya gagwe.... Ga go na letsatsi kgotsa bosigo mo go bao ba ba obamelang sebatana le setshwantsho sa sone, kgotsa lefa e le mang fela yo o amogelang letshwao la leina la sone. Mo ke pitso ya go nna bopelotelele mo baitsheping ba ba obamelang ditaolo tsa Modimo ebile ba na le tumelo mo go Jesu." - Tshenolo 14:9-12.**

Molaetsa wa moengele wa boraro, o kgaoganya lefatshe lotlhe ka dikarolo tse pedi. Mo letlhakoring le lengwe ke Bakeresete ba ba sa ithaloganyeng, ba ba "obamelang sebatana le setshwantsho sa sone ba bo ba amogela letshwao la sone mo phatleng kgotsa mo seatleng." Mo go le lengwe, ke bao ba ba ikgatholosang taolo ya Sebatana, "Baitshepi ba ba obamelang ditaolo tsa Modimo, ebile ba na le tumelo mo go Jesu."

Lemoga kgotlhlang e e fa gare ga ditlhophha tse pedi tse. Ba ba amogelang letshwao, ke ba obami ba ba mpampetsang, ba ba yang le dikgatlhego tsa setho mo ditirong tsa bone. "Baitshepi" go na le kafa ba lemogiwang ka teng. "Bopelotelele jo bo feteletseng", go nna kutlo mo "ditaolong tsa Modimo," ba bo ba nna le "tumelo mo go Jesu." Morago ga kgaso ya melaetsa e meraro e, e sena go gasiwa mo lefatshing lotlhe, Jesu o tla tla go "roba" ba ba bolokilweng:

**"Ka leba, mme fa pele game ga bo go le leru le lesweu, mme mo go lone ga bo go ntse mongwe "jaaka Morwa Motho" a rwele serwalo sa gouda mo tlhogong, a tshwere thipa mo seatleng sa gagwe. Mme moengele yo mongwe a tswa mo tempeleng a goa ka lentswe je legolo a goeletsya yo o ntseg mo lerung a re: "tsaya thipa o robe, gonnie nako ya go roba e gorogile, gonnie mabele a lefatshe a omeletse." Jalo he, e ne yo o neng a ntse mo lerung, a latlhela thipa ya gagwe mo lefatshing jotlhe, mme lefatshe ja rojwa." - Tshenolo 14:14-16.**



### **3. PHUTHEGO YA MALATSI A BOFELO YA GA KERESETE**

A o kile wa kgatlhegela Mokeresete yo o tsepameng a le tlhaga, o kgatlhegela ka fa a obamang ka teng, bopelotelele, tumelo, o bo o eletse go nna jaaka ene mo semoyeng? Modimo o ntshitse molaetsa wa Gagwe o o faphegileng mo nakong ya rona mo go Tshenolo 14 ka gonnie o kgonia go ntsha maiphithhelo a a ntseng jalo.

Jaaka fa go boletswe mo go kaelo 25, Tshenolo 12:17 e nankola Bakeresete ba malatsi a bofelo e le "ba ba obamelang melao ya Modimo ba bo ba nna basupedi ba ga Jesu." Tshenolo 14:12 e tlhalosa setlhophha se se tshwanang jaaka "baitshepi ba ba obamelang Modimo, ba na le tumelo mo go Jesu."

A re sobokanyeng dipopego dingwe tsa Bakeresete ba malatsi a bofelo.

**(1) Ba "nna basupedi ba ga Jesu."** Lefa Satane a ntsha bogale ja gagwe kgatlhanong le bone, ba nna ba ikanyegile mo go Jesu." Tumelo ya bone ga se e ba e itirelang, ke neo e e tswang Modimong (Baefesia 2:8). Phuthego ya bofelo ya ga Keresete, e bona Keresete a senogile mo go feletseng ka setho sa Gagwe, le ka tshegofatso e e tlangu ka tumelo, ba nna dikai tsa nonofo e e ntseng ka bosaengkai mo go Keresete.

**(2) Ba "tshegets... tumelo mo go Jesu"** (Tshenolo 14:12). Tumelo e Jesu o neng A na nayo le tumelo A neng A e ruta, tumelo e A neng A e tshela, jaanong o tlatsa dipelo tsa bone. Ga bana boammaaruri fela, ba "tshegets" boammaaruri, ba bosala morago. Mo go bone tumelo ke botshelo, tumelo e pataganngwa le ikatiso, e bo e tshwaragana le kutwisiso. Ba tshela yone "tumelo ya ga Jesu". Ba lemogile gore dithuto tse dikgolo tsa Baebele, fa di balwa malatsi otlhe a botshelo, di ntsha maduo a magolo a botshelo ja Sekeresete. Ba lemogile fa dithuto tse dikgolo tsa boammaarui ja Baebele di tsosolosa lorato le boineelo mo go Keresete go kgotsofatsa letlhoko lengwe le lengwe le dikeletso tsa pelo ya setho.

**(3) Ba "obamela ditaolo tsa Modimo"** - Melao e e some ke ya Modimo. Ba tla go obamela dikeletso tsa Modimo go gaisa dilo tsotlhe, Yone tota taolo ya Gagwe. Ba supa lorato lwa bone la Modimo le batho ka go sala morago ditadolo tsothe, go akaretsi le ya bone e e re laolang go obamela mmopi wa rona ka go tlotla letsatsi ja bosupa ja Sabata.

**(4) Ba abelana molaetsa wa "mafoko a a molemo a bosakhutleng" mo lefatshing jotlhe** (Tshenolo 14:6). Mafoko a a molemo a bolela fa Jesu A swetse dibe tsa rona, A tsoga mo lebitleng gore re lemoge botsalano jo bo bolokang mo go Ene. Phuthego ya malatsi a bofelo ya ga Keresete e bitsa batho gongwe le gongwe go tswa mo tlhakathakanong ya tumelo, gore ba age botsalano le Jesu jo bo thaetsweng mo boammaaruring ja Baebele.

**(5) Ba kgaramediwa ke letlhoko la potlako** ka gonane "nako ya go roba e tsile, go nne go rojwa ga lefatshe go fitlhile (Tshenolo 14:15), mme bontsi, bontse ga bo ise bo bone Keresete.

**(6) Ba tsenelela thata mo tirong e ba e filweng ke Modimo.** Ka go nne "Babelona yo mogolo o ole", ba buisanya le ba ba santseng ba nna mo tobekanong ya tumelo, "tswang mo go ene batho ba Me" (Tshenolo 18:4). Ba eletsa go abelana botsalano ja bone le Keresete le mongwe le mongwe.



Tsotlhe tse, le tse dingwe tse dintsi di golaganya dipelo tsa boidiidi ja Bakeresete ba malatsi a bofelo ba ba bidiwang ke molaetsa wa baengele ba bararo. Botshelo ja bone ja boitumelo bo ba isa ko go kopaneng le moapostoloi Johane mo go lereng taletso go wena:

**"Re lo leretse se re se bonyeng le se re se utlwileng, gore le Iona lo nne le botsalano le rona. Mme botsalano ja rona bo mo go Rara le Morwawe Jesu Keresete. Re kwala se go feleletsa boitumelo ja Iona."** - 1 Johane 1:3, 4, bokhutlo.

Ka moywa Gagwe le ka phuthego ya Gagwe, Jesu O go laletsa go tla go neela sengwe le sengwe mo go Ene.

**"Moya le monyadi (phuthego) ba re "tla!" Mme a yo o utlwang a re "tla!" "Yo o nyorilweng, a a tle, mme yo o eletsang a a tseye neo e e senang theko ya metsi a botshelo."** - Tshenolo 22:17.

#### 4. THOBO TSE PEDI

Molaetsa wa baengele ba bararo o tla dira fa Jesu a boa go tla go roba, ba ba bolokilweng (Tshenolo 14:14-16). Jesu o phutha botlhie ba ba bolokilweng a bo a ba isa kwa "mannong" a Gagwe a mantsi" kwa legodimong (Johane 14:1-3). O nyeletsa boleo, bolwetse tshotlego le loso. Baitshepi ba simolola matshelo a masha le Ene go ya ka bosakhutleng. (Tshenolo 21:1-4).



Jesu o tla boa a "roba" baikepi fa atla.

**"Moengele yo mongwe a tswa mo tempeleng kwa legodimong, mme le ene a bo a tshotse thipa e e bogale. Gape moengele yo mongwe... a bitsa ka lenseswe je legolo a bitsa yo o tshotseng thipa a re tsaya thipa ya gago, o kgobokanye dingata tsa moretlwa wa mofine mo lefatsheng, gonne o budule. Moengele a tsamaisa thipa mo lefatsheng, a phutha moretlwa, mme a o latlhela mo bogaleng jwa Modimo. O ne wa gatakwa kwa ntle ga motse mogolo, mme madi a tshologa." - Tshenolo 14:17-20.**

E e tla bo e le nako e e utlwisang botlhoko ya go nyelediwa ga bofelo, tirafalo e e masisi fa Keresete a tshwanetse go nyeletsa ba ba ganneng go bolokwa. Jesu "o pelotelele mo go lona, ga A batle ope a nyelela, mme O batla mongwe le mongwe a ikwathlanya"! (2 Petoro 3:9).

Fa Jesu a tla go roba thobo ya lefatshe, o tla bo o le mo thobong efe? A o tla bo o le mo mabeleng a a buduleng le ba ba rekolotsweng ba dingwaga tsotlhe (Tshenolo 14:13-16)? Kgotsa o tla bo o le mongwe wa meretlwaa e e buduleng e bo e latlhiwa (temana 17-20)?



Kgang e, e beilwe mo lebaleng. Mo le tlhakoreng le lengwe, Jesu o eme ka mabogo a a butsweng a a tlhabilweng ke dimapo, a go kgothatsa go tsaya maemo a gago le "baitshepi ba ba tshegetsang ditaolo le tumelo ya ga Jesu" (temana 12) Mo ntlheng e nngwe, go mantswe a batho, a a bolelang fa kutlwiso ya Baebele ka bophara le ditaolo tsotlhe tsa Modimo e se botlhokwa. Morafe o o neng o le teng fa Pilatwe a ntsha katlholo mo ntlong ya tshekelo, o kile wa lebagana le mo go tshwanang. Mo letsogong lengwe ga bo go le Jesu, motho yo o itshepileng wa Modimo. Mo go le lengwe go le Barabase, motho yo o senang thuso epe, yo o neng a sa kgone go ithusa kgotsa go thusa ope mo boidiidng jo bo neng bo lebeletse pono e masisi eo. Mme fa mafoko a taolo a ga Pilatwe a

utlwala mo go jone (boidiidi jo), "Ke ofe wa ba babedi ba yo ke ka mo gololang?" boidiidi ja fetola ka tshakgalo bore "Barabase!"

"Ke eng gape," ga botsa Pilatwe, "se ke ka se dirang ka Jesu, yo go tweng ke Keresete?"

Ka lenseswe le le lengwe ba goa bare "a a bapolwe!" Ka moo, Jesu yo o senang molato a bapolwa, mme Barabase, yo o molato, a gololwa. (Bona Mathaio 27:20-26.)

O tlhopha mang gompieno, Barabase kgotsa Jesu? A o itlhophela go sala morago dikakanyo tse di itiretsweng ke motho, le dithuto tse di kgatlhanong le ditaolo tsa Modimo le mafoko a molemo a ga Jesu a sa khutleng? Kgotsa o eletsa go obamela ditaolo tsa Modimo o bo o nna ka boikanyego mo go Jesu? Gakologelwa Jesu ke Ene yo o sololetsang go romela Moya wa Gagwe O O Boitshepo go rarabolola mathata otlhe a gago, go alafa kutlo-botlhoko yotlhe ya gago, le go kgotsofatsa dikeletso tsotlhe tsa gago.